










Digitized by the Internet Archive  
in 2011 with funding from  
Research Library, The Getty Research Institute





MARMOR  
PISANVM  
DE  
HONORE BISELLII.

MARJOR

PISANVM

DE

HONORE BISELLI.



# MARMOR PISANVM DE HONORE BISELLII.

Parergon inferitur de Veterum Sellis,  
Synopsis appenditur de Re Donatica antiquorum,  
quam breui spondet

A V C T O R

*VAL. CHIMENTELLIVS I. C.*

*In Pisano Lyceo Eloq. & Politic. Professor.*

ACCEDIT MYIODIA,  
Siue de Muscis odoris Pisanis

E P I S T O L A.



BONONIÆ, M. DC. LXVI.

---

Ex Typographia Hæredis Victorij Benatij. Superiorum permissu.

M A R M O R  
P I S A N V M  
DE HONORE BISILLI

Patronus interior de Veterinariae

Synopsis operum de Re Veterinariae  
quod sunt Veterinariae

ANNO

M A R M O R P I S A N V M

In Pisis Typo. Typ. C. Pisis. Pisis.

ACCIDIT MYODIA

Synopsis de Veterinaria

E P I S T O L A



BONONIAE, M. DC. LXVI

Ex Typographia Vincenti Valli, Pisis.



# SERENISSIMO COSMO III.

## Etr. Principi.



Loriosum Etruriæ nostræ, & ad  
memoriam posteritatis præcla-  
rum Romanos rerum dominos  
vniuersi penè orbis subiectis gē-  
tibus imperiosam legem dicen-  
tes, eiusdem imperij ornamenta, ac potestatis  
insignia quasi sub lege, ac præscripto ab hac vna  
nostrate gente accepisse. Ab eisdem nempè  
Etruscis, quibus religionum mysteria, sacrorum-  
que obseruationes debebant: egregio veluti do-  
cumento, nullum sine cultu, sensuque Numinis  
stabile Regnum esse. Fasces, Lictores, Prætex-  
tam, Sellam præcipuè regnandi Symbolum, ijs  
acceptam tulere: *Omnia denique decora, & in-*  
*signia, quibus imperij dignitas eminet; vnius vt*  
loquar Flori testimonio. Tibi igitur SERENISS.  
PRINCEPS Etrusci Regni Cāditate, iure, meri-  
toque sacra esto qualiscūque commēratio hæc:

cuius

Lib. 1.  
c. 5.



cuius pars multo maxima, Etrusci inuenti, Sellæ  
nimirum, Sedendique honorem, & maiestatem  
respicit. Sique inter munera olim amplissima,  
ac veluti statuta, & solennia, Regibus (vt de Porse-  
na, ac Massinissa præter alios legimus) *Sellæ* mit-  
tebantur: accipe Tu COSME SERENISSIME,  
qua soles probi oris dignitate, & candidi cordis  
indulgentia non Sellam, sed *Bisellium* meum  
è monumento saxeo, quod in vrbe itidem Etru-  
riæ vetustissima, atque olim potenti, Pisis in-  
quam Tuis asseruatur. Debeo enim uerò Tibi  
criticum hoc schediasma, ceu donarium quod-  
dam; cùm cæteris illis tam multis; tum hoc po-  
tissimum nomine, quoniam scitamentis hisce  
antiquitatum, & venerandi æui cognitionibus  
Adolescentiam Tuam, vel me paratio oblecta-  
re non renuisti. Quid Adolescentiam? Hanc  
ipsam, qua flores Iuuentutem nobilitare pergis,  
atque instruere literatis elegantijs, & numerosa  
comprehensione artium, *quibus ingenia ad ma-*  
*gnæ fortune cultum excitantur*; quod Seruio Re-  
gi historicorum summus olim tribuit. Sed nul-  
lius iam monitoris indigus monere alios (ò ra-  
rum!) ac docere, idem qui imperare potes: sa-  
cris, profanis paratus: temporum, & populorum  
acta vetera, noua callens: terrarum situs, fines,  
inter-



interualla, si quid aliud, scientissimè tenens. Vasto nimirum illo fidelis memoriæ sinu, Magni Parentis Æmulator complecteris, ac seruas quicquid vspiam, vel assidua lectione, vel multiplici adloquio prudentium virorum cumula-ueris. Verè namque Tragicus monuit.

Σοφοὶ τύραννοι τῶν σοφῶν σωεσσία.

Eurip.

*Sapiunt reges sapientum congressus.*

apud

Stob.

Iam enim quid Tibi tam in delicijs, quàm vel ser. 46.

eximius aliquis liber, quem Macedonis more

in Narthecio condas? Vel πολυμαθέςατος Vir,

quem intra laureata penetralia ad longi sermo-

nis commercium admittas? Ac mirari profectò

subit, quemadmodum in isthoc Principalis For-

tunæ splendore (cum Pliniò dicam Nepotè)

*Amas studia ut solent pauperes* : in Aulæ maxi-

Epist.

7. 22.

mæ rerum agendarum contextu lucubras, vt

ociosus: in vere annorum de literis maturè iu-

dicas, expeditè differis, vt natu grandis Polyhi-

stor. Ante diem Sapientia sese Tibi explicuit:

Tuique præcellentis ingenij gloriam, si quo in

alio,

*Vis festina parat, tenerosque superuenit annos.* Stat. 1.

Achil.

Quid mihi tādē promptius, aut breuius, quàm

*Probitatem Tuam cū Fortuna Tua litigantem* Sen. 2.

clem. 1.

dicere? Sæculum herclè nostrum prorsus inau-

ras,

ras, atque illuminas; verè ΚΟΣΜΟΣ, & *Princeps*  
*Iuuentutis* regnaturæ. cui non ad exemplar tan-  
tùm doctrinę per amœna hæc, & multijuga stu-  
dia præluces: sed prudentia, consilio, grauitate,  
religione ad heroicæ immortalitatis culmen,  
viam planè Regiam demonstras. Meritò itaque

*Pædo*  
*ad Lin.*

— *Per Te virtutum exempla petemus.*  
ac nemo facile non pernoscet.

*Mart.*  
*l. 9.*

*Quos decet esse hominum tali sub Principe mores.*  
Quales Tibi sunt, inculpatos summus seruet re-  
rum omnium Custos Deus ad populorum felici-  
tatem, & bonum; ad Christianæ Reipublicæ  
ornamentum, & amplitudinem; ad eiusdem  
Diuii Numinis honorem, & gloriam.

Quando autem vera illud fide colis, & solida  
pietate curas.

*Ouid.*  
*2. Fast.*

*Sit superis oro mutua cura Tui.*






## CAPVT PRIMVM.

*Ingressus ad scriptionem. Antiquitatum laudata cognitio. Pisarum nobilitas. Marmorei monumenti locus, vultus, epigraphe.*

Honor Bisellij

*à nemine hætenus visus, auditus, enarratus :  
coniecturis ad eum itur inuestigandum  
nulla certi fiducia.*




Etulenus quidam Aegialus, tamen si ignobilem vil-  
lam, ne dicam solitudine horrentem paludem in  
agro Linternino possidens; laurè tamen, atque iu-  
cundè sese habitare fatebatur, quontam Scipionis  
secessum, reuerendâ sibi fortissimiciuis illic exu-  
lantis imagine, ac memoria in animum recurrente,  
incolebat. *Magna fama* ( magnus inquit Naturæ  
Consultus ) & *Vetuleno Aegialo* perinde *Libertino* fuit in *Campania* rure  
*Linternino*, maioriq̃ue etiam fauore hominum, quoniam ipsum *Africani*  
*colebat exilium*, Plin. 14. 4. Planè idem mihi, ac multis alijs ( quibus  
vllus antiquitatis amor perrentat animum ) vsu venire arbitror, quo-  
ties veneranda aliqua veteris æui monumenta, cæteroquin puluere  
obsita, situ exesa, ignorance, ac neglectu deserta ( cum tamen rari  
sint in Philologia pretij ) reperire, ac tractare liceat. Quid autem  
aliud sunt hæc *λείψανα* ære, aut saxo constantia, nisi quædam exilia

Græci, aut Romani decoris pulsi; & à communi, ac vulgari hominum fastidio, tamquam relegatæ eruditionis secessus quidam, ac solitudines? Hoc ipso igitur placent, magnâque sui æstimatione sensibus illabuntur, quoniam priscae ætatis, maiorumque gentium deportatæ ad nos reliquiæ, suo ipso squalore, atque immeritâ desertione, perinde ac Scipionis Linterninum exilium Vetulenos, vetustatis nempe studiosos delectant. Si quæ autem vrbs in Hetruriâ nostrâ, cum ævi antiquitatem, tum rerum gestarum magnitudinem iactat, inter plerasque egregias Pisana est. Sed commune Italiæ fatum, dominantis scilicet barbariei lasciuiem, ac furorem passa; an temporis cuncta sensim emolientis venenum experta, suum ipsa senium, atque edentulam (itâ vocabo) pōtentiam caduco narrat præconio. Inter pauca illic Romanæ ætatis vestigia, basis, seu arula seruatur è candido marmore, suam præ se candidè elegantiam, ac sinceritatem ferens; quam nulla aut imperiti scriptoris supinitas, aut inuidiosa vetustatis labes corruptit. Utinam indocti nunc Enarratoris (quod summo opere vereor) oscitantiam pessimo omnium fato fortita non sit! Ea visabatur apud Roncionios vico S. Mariæ, qui ad maximam Aedem perducit. In horto delitescibat plurimum clauso, quem angustus, atque ignotus limes per posticum à domo seiungit. Hoc autem ipso (quantum opinari licet) paucis visa, aut obseruata inscriptio. Quamquam enim summæ viæ hortensis, conspicuo alioquin loculamento, & ingressuris statim obuio conderetur: adnascentibus tamen illic fruticibus, nonnumquam aut *παράσπον*, aut obsessa, vix vllum sui indicium, ac pretium faciebat.

Sed migravit tandem lapis suum dominum, quasi Orpheum secutus Illustrissimum Dominum Ballium Cæsarem Roncionium, qui pulcherrima totius vrbs parte magnificentissimam propter Arnem insulam nunc habitans, secum illuc saxeæ Cimelia traduxit, atque in atrio disposuit cuius facile inspiciendæ Eam igitur, qualis est, literatam epigraphen suo vultu, suisque ductibus subiijcimus.





Dignam sanè iudicamus, quæ ociosos non dimittat, atque aliud agentes inspectores, vel *ob Honorem Bisellij* vnum, à nemine hactenus (nisi fallor) animaduersum, aut explicatum. Quin etiam nec alibi apud scriptores lectum, vel in marmoribus adnotatum. Hoc igitur *Bisellium* bis sedere, atque amplius multò in eius eruendâ notitiâ nos fecit; nec supersedere posthac nostris promendis coniecturis nunc admonet. Coniecturis, inquam, puris putis; nulla certi, atq; explorati fiducia. Periclitamur, diuinamus, sortimur: more eorum, qui tenebras inter, & lucem tentabundi potiùs repunt, quàm gradiuntur. Omnino de secta ἀπορητικῶν id vnum non dubitamus, dubitare, ambigere; ἐπέχειν.

Atque hoc saltem doctioribus viris imputabimus, quòd fuerimus odorisequi; delitescantis prædæ vestigia, ac cubile indicantes; quam ij

mox feliciter excutiant, ac deprehendant, quorum ineluctabili, & capacissimo ingenio nulla se subducit eruditio in saltibus tum æstiuis, tum hybernis disciplinarum.

In hac igitur indagine collustrandâ, dum prædam concupitam insequimur, non possumus (quod Venatores faciunt) non alijs quoque aduertere animum, quæ incidunt, & occurrant irrequisitæ. Pisana scilicet hæc inscriptio, alijs quoque lucem dabit; quod non erit *ὁδὸς πέρεστος*, sed *ἔργον* ferè necessarium.

Et quoniam vara vibiam sequitur (sumus enim in venatione) si quando ad pluscula egredi videbimur, non tamen præter rem, aut gustum eruditionis id factum voluimus. Sed ne longiori, ac molesto præludio (quod Plautinus succenset Megadorus) loquamur lapides, ad ipsa lapidis verba aggrediamur.

## C A P V T II.

Q. Largennius: à *largo* anno dictus: nihil de eo liquet. *Lux* temporum, & *fax* historia anquirere in nomina. *Saxea* mouere verba, aut ex ingenio corrigere, impudens, & violentum. *Inuectiuncula*, & *morsus* in temeratores.

### Q. LARGENNIO.

**D**E hoc Quinto Largennio tam scio, quam qui penitus nesciunt. Nihil reperire licuit inter priscas literas: at neque libuit quidem obstinatè perquirere. Quis enim persuadeat sibi posse omnium nominum, quæ uspiam leguntur, origines nosci, ac tempora dijudicari? Operosa ineptia, atq; irritus labor ubique, ac semper id conari. Nonnumquam, fateor, ingentis præsidij ad elijciendam eius, de quo quæritur, veritatem, aut coniecturam: Sed mihi nullius usus ad eum, quem collimamus *Biselly* honorem indagandum. Neque tamen omninò fuimus incuriosi in historijs, ac monumentis: nihil autem profecimus; quoniam & pro nostra quantulacumque, ac perfunctoria diligentia, non vola, aut vestigium apud Vereres comparet. Expectabimus sagaciorem, qui moneat, ac digitum intendant. Sexcenta eo modulo, flexu, aut productione *Nesennius*, *Herennius*, *Pescennius* &c. Sic *Largennius*, fortè à largi-



largitate, seu largo anno. In hac namque compositione, quæ anni vocem extremo verbo recipiebat, primam vocalem in secundam re- formabant. Gruteriani operis 543. pagina apparet idem prænomen *Quintus*, quod in nostro marmore; dein *Gargennius*, quod nolim temerè mouere, descriptorem incusans, & de Gargennio in Largennium transcribere. Potius enim cohibenda est; quàm nutrienda hæc mala prurigo, quæ iam diù serpit faxeas literas pro lubitu recudendi. Quæ hæc audacia est plus, quàm ferrea, quâ gratuiti quidam Alclepiades medicas manus lapidibus admovent, quos nec viderunt, nec tetigerunt? Ac si ulterius hic cancer proserpat, expecto, vt animosus quispiam Criticus variantes marmorum lectiones edat ad meliorum Codicum fidem; quos non Vaticana, aut Medicea Bibliotheca, sed Paria, aut Lunensis Latomia faxeis benè instructa membranis præferat. Quasi equidem pugillares lapideos præpetibus amanuensium notis impressos, eosque multiplici exemplo descriptos apud se habuerint Veteres. Veteres inquam, sed Opici, & faxeï, quales Deucalion in aquas deiecit, durum genus, nondum in hominum naturam, ac rationem reformatos. Sed ad *Largennium* redeamus; in quo Latina se prodit origo à largo anno, sicuti & Largiorum creberrima mentio in Latinis historijs; cum tamen, quid boni contrà ex Gargennio eruamus? Quamquam & *Gargilius*, & *Gargettius*, & alia parilis initij reperire est. Sed suo loco, & nomine stet Gargennius. Quis enim nobis Iupiter id permittit, vt non homines in lapides instar Gorgonum, sed in lapidibus homines nostro iure mutemus? & Gorgonia tamen hæc truculentia non est insolens apud nostros Antiquarios.

## CAPUT III.

*Quisque ciuis suam tribum professus. Censoris munus eam assignare. Mouere Tribu. Non omnes Gentiles, ydem Tribules. Vnde tribubus nomina. Duplex vni Tribus. Integri populi, ac ciuitates in suam tribum transcriptæ. Pisani è tribu Galeria. Florentini è Scaptia.*

## GAL. SEVERO.

**N**Vllus ambigo, quin literæ *GAL.* tribum demonstrant, in quam descriptus Largennius. Hoc enim plerisque vsitatum eam infle-

inferere post nomen, ut centies adnotare est in Veteribus faxis. Si-  
cut igitur carere tribu, aut seruire, aut peregrinum habebatur, mo-  
ueri autem eâ ignominiosum: ita necessum erat, ut quicumque ciui-  
tate Romana gauderet, tribum quoque suam profiteretur? Stabat  
ergo arbitrio, & descriptioni censoriæ, in quam quisque allegaretur.  
Equidem inter eos una magis, quam alia illustrior, atque honestior  
censebatur: omnino autem rusticæ urbanis antehabita: quare tribu  
ille mouebatur, qui ex honestiori in minus honestam migrabat. Nil  
mirum igitur, si ambitionis causa suam nonnulli indicarent, quod &  
distinctionis ergo factum opinor haud raro. Si quidem non quicumque  
erant Gentiles, ij etiam erant Tribules; hoc est, non qui ex eadem  
gente, eandem quoque tribum pariter sortiebantur. Imò vel ipsi in-  
ter se fratres, non tamen tribules subinde audiebant; quod eruditè  
observauit Thomas Reinel. in epist. 35. p. 236. Ergo ex tribu digno-  
scebatur non numquam cuius gentis, quæ domus foret. Numerosæ  
namque familiæ in plura capita, aut domus latius extensæ; prout  
olim partem, aut regionem urbis incoherent, ita quoque in aliam,  
aut aliam tribum cooprabantur. Sed fermè tamen id factum, ut inte-  
græ gentes statim tribum fideliter retinerent, imò nomen ipsæ da-  
rent tribui; quæ origo plerisque tribubus fuit, quod viri docti autu-  
mant; quos inter Sigonius 2. cap. 3. de Iure Ciu. Rom. Panuinius lib. 2.  
Comm. Reip. Rom. Doctissimus Gruchius sparsim lib. de Comitij;  
Rosin. 6. cap. 15. antiq. Rom. Neque illud inobservatum duas tribus  
eodem tempore ab eodem ciue fuisse retentas, quod in Octauiano Au-  
gusto cap. 40. tradit Suet. Goltz. in eo Principe pag. 193. ex veteri la-  
pide Brixiano, & Panuin. in Ciu. Rom. ubi de tribu Scaptia.

*C. Iulio  
Fab.*

*C. F.  
Scapt.*

*Cæsari  
Augusto*

Afferret etiam Grueter. 226. 3. Fabia, scilicet, & Scaptia tribus me-  
morantur: hæc tamquam gentilis, & natia familiæ octaviæ: Illa  
propria Iuliorum, in quorum nomen, & gentem per iura adoptionis  
pertransijt. Id tamen ego puto rarissimum; quippe in una certa tribu  
vnusquisque ciuis erat censendus propter comitia, & suffragia, cæte-  
rasque



rasque perfunctiones publicas: nec vero licebat desultoriè, aut promiscuè munia occupare. In hac autem inscriptione honori posita, Cæsaris Augusti, non miror, si vtraque tribus nominatam se voluit gloriæ causa, ut neutra mortalium tunc maximi, ac felicissimi altricem, & parentem sese reticeret.

Sed & Vrbes, populi, nationes, cùm ciuitatem primo acciperent, in aliquam tribum, quantæ quantæ erant, referri gaudebant, quam perpetuò sequebantur. Prout verò eas beneficij alicuius origo deuinxerat, aut summi ciuis auctoritas traxerat (alijs etiam de causis) irà studebant illi tribui nomen dare. Sic Circumpadani in Fabia, Lugdunenses in Stellatina, in Galeria tribu Hispani censebantur, quod idem Reines. epist. 35. monuit. p. 236. Licet ramen conijcere Pisanos ad hanc maximè tribum pertinuisse; quod inscriptiones mo-  
nent, tum hæc nostra, tum alia apud eosdem Roncionios.

V. F.

Q. Anquirinnius Sec.  
vndus. Occia. Agile  
vxor. Q. Anquirinnio  
Gal. Seuero &c.

Fragmentum in agro Pisano repertum, in horto Francisci Spigliati Florentiæ seruatum.

Coniugi suo C. . . . .  
Gal. Pisis Q. V.  
A. N. . . . .

Commune mihi fecit Illustrissimus Senator Carolus Strozza, Vir multis nominibus, antiquitatis potissimum studio, ac diligentia, moribusque prorsus antiquis mihi semper suspiciendus.  
Apud Grut. 558. 16. ex Apiano

P. Ranfanus  
P. F. Gal.  
Cyrinicus  
Pisis

Hæc

Hæc ipsa igitur tribus Galeria in nostro marmore intelligenda est, in quam adscitus Largennius. Inter antiquissimas eam institutam à Seruio Rege autumant: meminit huius, tum Liuius lib. 27. Plin. 7. 48. tum Plutarchus, atque in opere Gruteriano perscriptis verbis 418. 7. 431. 1. 516. 4. centies verò compendiosè *Gal.*

Quod si vera est Pannini lib. 2. Comm. Reip. Rom. coniectura, à Flauio Hetruriæ Galeso desumpsit nomen: primò Galefia, deinde Galeria, solemni olim mutatione S. in R. Non prætermittam apponere nobis Florentinis tribum Scaptiam placuisse. Eadem monent Epigrammata apud Grut. 537. 3. 557. 1. 542. 8. & 5. vbi de Q. Gargennio, & 1018. 3. quæ in ædibus Saluatorum legebatur.

*Q. Tersina Q. F.*

*Scap. Lupus.*

Alia apud Bonarrotios Florentiæ visitur.

*Q. Septimio Q. F.*

*Scap. Primo &c.*

In omnibus his & Florentiæ Urbis, & Scaptiæ tribus coniuncta mentio. Plerasque affert Borghinius noster lib. de origine Florentiæ pag. 287. & seq Honorificum planè habeatur huic tribui Scaptiæ potuisse inter suos alumnos, ac tribulibus inter collegas centere Octauianum Augustum, quod allata superius monet inscriptio. Ariciâ autem oriundi fuerunt Octauij, quod Cicero, & Suetonius produnt.

## C A P V T IV.

*Magistratus in Colonijis, ac municipijs sæpè Aediles vocati. Aliubi Dictatores, Prætores. Plurimum Duumviri, & Iiuviri Præfecti I. D. Potestas pro Magistratu: dissensum à Briffonio, & alijs. Μποτεσὰς, & Ποτεσάτες, Podesta Ἀρχοὺς, & στρατηγοὶ τῶν πόλεων. Quatuorviri. Quatuorviralis. Tres Viri. Sexviri. Duumviralitij.*

*Duumviraies, Duumvirates, Duovirates. Simpliciter Magistratus, & ἀρχοὺς.*

### ÆDILI PISAS.

**D**E Aedilibus, eorumque honore, ac munijs in Vrbe rerum dominâ, multi dicere occuparunt; quorum scrinia compilare importu-



portunum foret, & ἀποσδιωγος: aut toties apposita repetere, molestius, quàm δις κρᾶμβν. Non verebor de municipali, aut colonico ædilatu quædam inspergere; tum, ut lapidi nostro lux aliqua accedat, alterique itidem Pisanæ inscriptioni; tum ut tricas quasdam eludam, quas obtrudi video etiam à Viris doctis super hoc honore exponendo.

Aedilitium hoc munus in quibusdam ciuitatibus, aliter ac Romæ, excelluisse tamquam summum non ignoro; prout populis Magistratum suum, penes quem annua recurreret dignitas, & cura Reipublicæ, libuit, vel Dictatorem, vel Prætorem, vel Duumuiros, vel Aedilem, vel alio nomine reuereri. Videatur Cuiac. ad l. 18. C. de Decur. Gothofr. ad l. 4. D. de damno inf. §. 4. Alciat. ad l. Decuriones de V. S.

Dictatorem præfuisse Lanuvinis, vel vnus Cic. locus in oratione illa verè dictatoria cunctis eloquentiæ fascibus inclyta pro Milone ostendit *Dictatoris Lanuuii stata sacrificia*. Item apud Cerites ex veteri lapide Grut. 214. *M. Pontio Celfo Dictatore &c. Spartianus de Adr. cap. 18. Per Latina Oppida Dictator, & Aedilis, & Duumuir fuit.* Capuani Prætorem habuerunt eodem Tullio teste in Agraria secunda. *Nam primum id, quod dixi, cum ceteri in colonijs Duumuiři appellantur, hi se Prætores appellari volebant; Campanam superbiam veluti notans. Sed in Hetruscis Oppidis Prætura. Spartian, ibid. in Hetru-ria Præturam Imperator egit; ac vetus inscriptio Prætor Hetrur. xv. populorum. Quod nonnulli in lapidibus P. R. II. Vir. exponunt, Prætores Duumuiros, frustra esse ego quoque sentio cum Vellero lib. 5. rerum August. p. 101. & malim Præfecti Duumuiři, sicuti alibi Duumuiři Præfecti I. D. Fundanis quoque Prætores; quare Flacc. 1. Satir. 5.*

— *Fundos Aufidio Fusco Prætor libenter  
Linquimus &c.*

Ad quem locum Vetus interpres *Prætorem* pro Duumuiro explicat: more Græcorum, qui Duumuiros *σπαρτηγὲς*, hoc est Prætores vocant. Neque est tamen, quod Scholiastes hunc morem aduocet, ut infra ostendemus. Gabij, ac Fidenæ *Potestatem* vocarunt Iuuen. Satyr. 10. vers. 100.

*An Fidenarum, Gabiorumque Potestas?*

Neque hic necesse est *Potestatem* pro ædili interpretari, cum duobus proximè carminibus rem diuersam & nominet, & describat Poeta.

*Et de mensuris ius dicere, vasa minora  
Frangere pannosus vacuis ædilis Vlubris.*

Cum enim tot alijs nominibus suum Magistratum municipia renunciauerint, non est absolum, si Fidenæ, & Gabij *Potestates* dixerent: genericam scilicet appellationem imperij, atque Iurisdictionis, peculiarem sibi faciendo. Saltem mihi æquus permittat id Lector, non tam ædilem, quàm alium quemuis Magistratum *Potestatis* voce subaudiri. Nobis quoque in municipijs, & pagis inferiores quidam Præfecti Iuridicundo *Potestates* hodie vocantur, ac si diuersum quiddam à dignioribus Magistratibus. Quo sensu, puto, & Iuuen. de Gabijs, ac Fidenis scripsit; quippe deserta ea Oppida, an potius vici Horat. 1. epist. 11.

— Gabijs desertior, atque Fidenis

Vicus — — —

Omninò Suetonius Claudij cap. 23. *Potestates à Magistratibus distinctas voluit, tamquam infra hos. Atque etiam per Provincias Potestatibus demandavit &c.* l. 1. §. 1. D. quod quilibet Iuris &c. *Qui Magistratum, potestatemue habebit &c.* Ad. Lipl. cap. 1. de Magistrat. Græcis æuo sequiori *Μποτεςας*, & *Ποτεςατος*. Vide Meurs. gloss. in utroque verbo. Eadem barbarie seculorum *Potestaria* pro Vicaria Iurisdictionis apud Petrum de Vineis, quæ laudat Vossius 3. de Vitijs term. cap. 36.

Alioquin *Potestas* pro summo Imperio apud I. C. l. 21 §. de V. S. Sueton. Iulio 18. *Compellari apud se maiorem potestatem passus esset*; loquitur de Consule, etiam Calig. 26. *fuitque per triduum sine summa Potestate*. Resp. Nota in utroque loco adiunctum: nunc vocat maiorem Potestatem: nunc summam; de Magistratus, & Potestatis differentia, vide quæ colligit Illigerus ad Donell. 17. 7. Tenuit ea vox apud scriptores semibarbaros. Vide Voss. de vitijs term. Radevicus de rebus Frederici lib. 2. 10. *de Principibus, quorum ad ordinandos Ciuitatibus Consules, seu Potestates alium aliò dimittit*. Sed vt ad Iuuenalem redeam, non tanti mihi est natio audax Poetarum, vt in illorum verba iurare velim. Prout enim causæ suæ seruientes exaggerare aliquid, aut eleuare cupiunt, ita voces recidunt, ac formant: atque adeò satyricus Aquinas, vt magis extenuet eam Gabijs, Fidenis, Vlubris præfecturam, & honorem, Aedilatum, aut Potestatem substituit; & si forsitan non eo speciatim nomine appellaretur. Omninò autem Duumviri, ordinarius ferè Magistratus singulis annis colonias, ac municipia regebant: instar nempe duorum Consulium, qui Romæ præerant.

Græ-



Græcis nunc Ἀρχόντες τῶν πόλεων, vt in l. 1 §. 9. de excusat. tut. hoc est *Consules*, aut *Principes Ciuitatum*: nunc στρατηγοὶ *Pratores* l. 6. §. 16. eodem tit. quomodo sup. Horat. 1. sat. 5. At de Duumuiris passim testimonia, quorum vno, atque altero simus contenti. Cic. de Agr. 2. Apul. Apolog. 1. *In qua Colonia patrem habui loco Principe Duumuiralem, cunctis honoribus perfunctum &c.* Cæsar de bello ciuili lib. 1. *Duumuiris omnium municipiorum imperat, vt nauem conquirant &c.* Pro suprema Potestate accepit, etiam si fortè alio nomine nonnumquam affecti: hi ipsi, & cum adiuncto, *Præfecti Duumuiris*, etiam *Duumuiris Præfecti* I. D. vt adnotauimus, & simpliciter *I. dicundo à Decurionibus creati*. Gruter. 195. 4. In Pisano decreto *II Viri Præfecti &c.* quasi iunctim pro eodem Magistratu. De hoc politissimo, & quantiuis pretij lapide Pisano, vbi annua funebria memorantur Caio, & Lucio Cæsaribus Augusti Nepotibus publico consensu decreta dicemus inferiùs. Scio Præfectos fuisse Româ missitatos ad I. dicendum in ea loca, quæ nec Coloniae essent, nec municipia; multata autem legibus, ac magistratibus *Præfecturarum* nomen retinebant. Sed istis Præfectis (quos ne magistratus quidem dixere) nihil commune cum nostris municipalibus. Et quidem hæ Præfecturæ sublatae post annum V. C. 560. Erat vbi pro II Viris, Quatuor gubernarent. facit l. 1. de solut. & liberat. & in Gruterianis 426. 3. *Decurio Municipij &c. III Viralis*, hoc est qui III Viratum gesserat. Notat etiam Reines. epist. p. 176. sic Pistorij præfuisse Quatuor Viros iuri dicundo monet inscriptio ibi reperta, quæ in magna Aula Palatii legitur.

L. Bæbio P. F.

V E L.

III Vir. I. D. Pistor.

Sæpè occurrit in lapidibus *IV. Vir. I. D. Quatuor viros Neapolitanos, Cumanos &c.* nominat Cicero, & in saxis obuij, sicuti *Tresviri, Sexviri*. De Tresviris Bouillanis Inscriptio haud ita pridem reperta prope Albanum. L. Manlio L. F. Pal. Seuero Regi Sacrorum Fictori Pontificum P. R. *III Viro Bouillensi &c.* Lapis cognobilis ob mentionem quoque fictoris Pontificum. Et quidem in eadem Colonia, quandoque simul III Viri, & III Viri, cum II Viris. Hinc suspicabatur doctissimus Velfer. rerum Augustan. 5. p. 100. Duumuiros tunc fuisse principe loco:

Quatuoruiros, aut Tresuiros inferiori, ac dicto audientes: quam coniecturam neq; vanam, neque felicem aio. At *Duumviralitij*, *Duumvirates*, *Duumviralitij*, qui abierunt eo honore; *Duumvirates*, & *Ducvirates*. Adi Inscriptiones Vett. & Cuiac. Cod. lib. 10. tit. de Decurionibus l. 18. & passim lapides. Brissou. l. 4. select. antiq. cap. 13. Scipion. Gentil. de I. Dictione l. 2. cap. 5. Pancirol. de Magistrat. Municip. cap. 8. sed & laxiori Collegarum numero Sexuiri vsq; iam administrarunt. Huc spectant verba I. C. ad municipal. l. magistratus 25. *Magistratus Municipales, cum vnum Magistratum administrarent, etiam unus hominis vicem substituent.* Ad hos scilicet intendit Vlp. Duos, Quatuor, Sex, quorum officium indiuiduum, ac periculum commune; quomodo Antonius rescripsit Lentulo Vero l. 9. dicto tit. Simpliciter quoque & γεινῶς nullo adiuncto, *Magistratus* pro Duumviris, aut alijs, qui summo loco gererent l. 1. & 2. C. de Magistrat. Municip. & l. 8. C. Th. de Decurion. & in saxis sæpè, Ἀρχοντες.

## C A P V T V.

*Duumviri Colonici, aut Municipales simulacra Consulium Romæ; & Consules quando que appellati. Asserta ea appellatio contra Reinesium, & Velferum. Duumvirorum Falces. Scipionis Gentilis submotâ interpretatione. Duumviris vindicata Iurisdictione. Bulengeri securitas. Quinquuiri. Quinquennales. Quinquennialitij. Quæstores in municipijs. Iacobi Gothofredi laus.*

**I** Libenter præterirem, quòd sicuti frequentiori vsu Magistratus suos Duumvirorum nomine gaudebant appellare extra Urbem vrbes; dominantis scilicet (quod supra dicebam) Reipub. imitatione suos veluti Consules domi reputantes: ità haud tam absurdum puto, si quod fortè Municipium, aut Colonia (vt Neapolis, Tusculum &c.) *Consules* nominarint eos Duumuiros, quos regimini annuo præfecisset. Nullo modo id admittit doctiss. Reines. ep. 31. quæ est ad C. A. Rupert. pag. 160. & 161. & variarum 3. 16. pag. 603. in cuius eruditissimi viri sententiam, qui alioquin sua Auctoritate me frangit, gradior, sed non curro; loripes sum, & mulciberis affecla.

Scimus namque, præsertim de Colonijs, quod omni cultu vsque ad ambitionem imitari, ac spirare studebant Urbem parentem; cuius



ex vtero incolæ traduces ad alias inhabitandas terras mittebantur. Hinc Decuriones, alter velati senatus, ac simulacrum quoddam amplissimi ordinis in Vrbe; de quibus infra plenius. Ex hoc corpore lecti Duumviri, quot Romæ Consules, eorumq; potestas æquo annui spatij cursu diffusa; quidquid Pancirol. de Magistrat. municip. cap. 8. moneat, dum Quinquennales cum Duumviris confundit, aut alij aliter opinentur. Quod si isti Duumviri consilio, auctoritate, prudentia totidem quasi Consules in ea Republica præerant; quid verat, vt ambitiosa aliqua Ciuitas eodem nomine Consulari Duumviros nuncupasset? En Burdigala apud Aufonium de urb. 13.

*Diligo Burdigalam; Romam colo; ciuis in hac sum*

*Consul in ambabus ———*

Nimis elatè, vt censet Veller. d. lib. 5. pag. 101. qui & πρῶτος ἐπὶ λογίας vsus remedio mutauit.

*————— Consul in hac sum*

*Ciuis in ambabus ———*

Sed ore poetico locutum Aufonium censuit Reines. ego nihil vatem redarguo. Atqui obstat, (inquis) consularis apicis augustissimum decus, quod vna Roma domina, mater, ac princeps cæterarum sibi adsciuerat, tamquam peculium suum, quod nulla sibi è viliori ciuitatum grege Ciuitas vsurparet. Sed placet interrogare: non ne Dictaturæ nomen, (scio esse extraordinarium) longè augustius, atque excellentius Consulari? non ne Potestas sanctior, maior, formidabilior? non ne hic vnus Magistratus periculosissimis, ac difficillimis Reip. temporibus, vbi primum affulsit, cæteri honores connuebant, vt exorto Sole minora sidera sepeliuntur? & tamen permittimus Lanuio tenui alioquin oppido, vt Magistratuum suum vocet Dictatorem, neque vllius ἀνυπολογίας arguimus Tullium, quod ira vocarit. Vocauit autem, quia is populus Lanuinus, vel vsu antiquo, vel ambitione, vel alio respectu irà appellari maluit. Iurisconsultis itidem Consules pro Duumviris, vt in l. cum quidam 30. de acq. hæred. *Diuus Pius rescripsit Consulibus &c.* Consules, hoc est, Magistratus, aut Duumviri alicuius ciuitatis, qui de incerto iure, (vt sæpè factum) imperatorium culmen consulebant. Hotomano tamen placuit lib. 7. obseruat. cap. vlt. vocem *Consulibus* reformare in *Consulentibus*. Neutiquam verò mouendam censuit Scipio Gentil. de I. dictione lib. 2. 5. Consulem hunc municipalem non inuitè agnoscens. Scio itidem quod afferri solet,

solet, præter alia ornamenta, de fascibus, ac Lictoribus, quos Duum-  
 uiris olim tributos putant. *Duumuironum impune non liceat extollere  
 potestatem fascium extrametam Territorij &c.* Arcadius cum collegis  
 l. 53. C. de Decurion. lib. 10. Cic. Agr. 2. de Campanis, & si indignan-  
 ter. Apul. Miles. lib. 3. dat virgas Pythæ Aedili; quinquennialibus  
 quoq; tribuit lib. 10. vbi de Thyali; quamquam olim Bacilli, non  
 falces fuerint: atq; ea lege 53. *καταχρηστικῶς* vocari falces doceat Cui-  
 acius; vti & Apuleio in fragmento Petronij Traguriano (de quo infra  
 erit iudicium) *Inter hac triclinij valuas lictor percussit &c.* *Habinna se-  
 nior est.* At Seuir, aut Augustailes infra Duumuiros. Fateor tandem,  
 quod hæc argumenti acies ab Insignibus ducti non tam firma est, quin  
 facile obtundatur. Neq; tamē adprobo, quod idem Gentilis ex d. l. 53.  
 Fasces ad Ius ludorum, aut editionis transtulit, ne tesseram faceret  
 iurisdictionis. Si namque verba Imperatorum expendo, vbi *potestatem  
 fascium* vocant, ac *territorij* mentionem iniiciunt, spectasse eos aucto-  
 ritatem, atque ius in Duumuiris, non inanem, aut ludicrum splendo-  
 rem facile adducor vt sentiam. Sed quod idem Reines. omnem Du-  
 umuiris iurisdictionem abiudicat, ac solam relinquit notionem, non  
 tam purum, atque illime est, quin aliter alij iudicent. Præit Paulus,  
 ac turbam submouet, vt iurisdictionem vindicet Duumuiris l. 26. D. ad  
 Municip. ea, *qua magis imperij sunt, quam iurisdictionis, Magistratus  
 Municipalis facere non potest.* Ergo ea, quæ puræ sunt iurisdictionis,  
 aut quæ magis sunt iurisdictionis, quam Imperij, omninò faciet. Sic  
 Municipalis iurdictio l. incola 29. D. ad Municip. Hanc quoque opi-  
 nionem affirmat Cuiac. ad l. 1. 2. 3. 4. de iurisdictione Illig. ad Donell.  
 17. 7. Gothofr. ad l. 4. de damno infecto, specimina afferens iurisdic-  
 tionis; præsertim vsque ad certam quantitatem, de quo Paulus 5.  
 sent. Item pignoris capionem, legis actionem, seruorum castigatio-  
 nem, & curatoris dationem, de quibus idem Cuiac. ad d. l. 53. C. de  
 Decurion. Bulenger. lib. 7. de Imperio Rom. cap. 9. Scipio quoque  
 Gentilis 1. 7. de I. dictione eidem fauet Duumuirali potestati, vt &  
 lib. 2. cap. 6. Adi & Berter. pithan. lib. 1. cap. 10. Vizzanum nouissimè  
 erudito opere de mandat. Princip. cap. 1.

Passim quoq; in lapidibus II. III. IIII. *Vir &c. Iuridicundo.* Sic *Aedi-  
 lis inuidic.* quod patet Gruterianum indicem percurrentibus. Non  
 video interim, cur Gentilis moneat, numquam *iuridicundo præesse di-  
 ctum* de his Magistratibus. Quid enim aliud signat II. III. &c. I. D.

nifi



nisi Iuri præesse? Alibi *Duumiuri præfecti I. D.* ( vt protulimus supra ) qui autem præficitur , idem præest iuridicundo . Expresse omnino in tabulis Pisaniis ( quas commendauimus ) æuo Augustæo dignissimis . *Neque IIVir , neque Præfecti er . . . . o , neque quisquam iuridicundo præerat &c.* De Magistratu municipali loquuntur .

Ab hisce Duumuiris , summis Coloniarum , & Municipiorum custodibus diuersos fuisse *Quinquennales* meritò existimat Vellæus d. lib. p. 101. prolatis saxorum testimonijs . Nec pariat interm vllus ( moneo ) vt ei Bulengerus imponat lib. 5. cap. 18. de Imperio Rom. ex Plinio lib. 2. epist. 1. quam ibi ad Traianum scriptam apponit , cùm ad Viconium Romanum sit ; tum quia in ea epist. non *Quinquennios* , sed *Quinquenuiros* legitur ; tum quia Magistratum hunc *Quinquenuiorum* sumptibus minuendis constitutum opinor Romæ tantum , atque extra ordinem . Sed *Quinquennales* extra Romam Censoribus quibusdam similes in suis ciuitatibus præfuerunt : sic & *Quinquennij* spatium censioni faciendæ , vnde nomen *Quinquennali* huic honori . Vide Rein. variar. lib. 3. c. 16. p. 602. Census namq; etiam extra Romam habitus munerum saltem publicorum gratia : sic *Decurionibus* præfinitus centum millium , de quò Plinius ad Traianum . Inde *Censuales* , & *Lustrum* in ijs ciuitatibus . Thyaliæ apud Apuleium 10. *Metamorph.* *Quinquennalis* erat . De Adriano Spartianus cap. 19. *apud Neapolim Demarchus , & in patria sua Quinquennalis* . Ac sæpe in lapidibus *Quinquennalis* , & *Quinquennalitiis* . Non desunt , qui eosdem faciant cum *Defensoribus* , sed nouissimè reprehenduntur à consultißimo viro Iacobo Gothofredo magni parentis inclyta prole in opere lucubratißimo , ac diu experito ad Cod. Theodos. tom. 1. p. 62. & ad l. 7. eiusdem Cod. de profess. & med. Vt autem ad Duumuiros , seu Consules Municipales , aut Colonicos reuertamur ; disertè scripsit Magnus Casaubonus in notis ad Apuleij apologiam secundam , quòd etiam Magistratus Municipales , Consules appellari non erubuerint , ac Græcis potissimum testimonijs vtitur , apud quos verbum *ὑπατος* de Municipalibus toties legitur . Has notas , nec dum à se visas fatetur Reinell. Scipio Gentilis ( vt inuimus ) posse Consulum nomine , tum Romanos , ac dignissimos , tum Municipales Magistratus intelligi . De Romanis proprie , ne dicam semper , vsurpari debere ego sentio . Sed & ab aliqua Ciuitate potuisse assumi id nomē ad Magistratum suum decorandum simul opinor ; vt quandoque , si res postulat , etiam apud Auctores non sit  
ine-

ineptum interpretari. Ex usu namque illius populi, aut Ciuitatis loquitur nonnumquam scriptor; nec tamen verum non erit (quod sapienter iudicat Reinesius) eam Consulum appellationem apud quosdam populos tantum domi regnasse; ab ipsa interim Romana loquendi consuetudine abhorruisse. A consuetudine, inquam, non tamen, quin aliquando (& si rarissime) Consularis appellationis fastigio Duumviratus claruerit; & quidem eo scribentium usu, ac proprietate, qua nunc Dictatores, nunc Prætores, nunc Aediles vocantur (nomina scilicet Romanorum Magistratum) summas rerum gerendarum habenas in Municipiis, ac Coloniae gerentes. Scitè prorsus, quis abnuat? & accuratè loquutus est summus dicendi Magister Cicero, cum Dictatorem Lanuvinum, aut Prætorem Capuanum dixit. Spartianus ibid. de Adriano protulit. *Per Latina Oppida Dictator, & Aedilis, & Duumvir fuit.* Pro varia nempe populorum consuetudine, qua Magistratum suum hinc Dictatorem vocabant, hinc Aedilem, hinc Duumvirum; non verò quod Adrianus eodem in loco, omnes illos honores sustulerit. Theanum Sidicinum Quæsturæ titulo Magistratus suos insigniuisse ex Cellio 10.3. conijcimus; sicuti & Ferentini habuere; sed duos, ut constat ex narratione Græchiana apud eundem noctium scriptorem.

## C A P V T VI.

*Aedilis unus, pluresue in Municipiis, & quandoque summo loco. Aedilitas cur Italus honor? Iuuenalis illustratus. Aedil. IIVir; Aedil. IIVir; Quæstor IIVir. Aediles infra IIViros. Episcopi. Diuersa Magistratum nomina in Municipiis, & cur? Non semper summus, aut unicus illic Aedilis: abitur à Cuiacio. Aedil. Iuridic. Aedil. Annonarius. Magister municipij. Pisa ab antiquo splendore laudata. Decaprotia.*

**A**D ipsum Aedilem, propiusque ad rem nostram gradum facimus. En ut nonnullæ ciuitates *Aedilis* nomine suum Magistratum nuncupabant; quod Spartianus tradidit, sed magis disertè Tullius de suo Municipio Arpino. *Hoc anno Aedilem filium meum fieri volui, & fratris filium, & M. Casum hominem mihi maxime necessarium (is enim Magistratus in nostro Municipio, nec alius ullus creari solet) quos &c. lib. 13. epist. 11. ad Brutum. Tres interim illic creatos Aediles adnoto. Et epist. ad Atticum lib. 15. ep. 15. Tu nummos Ar-*  
pina-



*pinatum si L. Fadius Aedilis petet &c.* De Aedili tantum loquitur, quoniam vnus hic honor præsidebat. Meminit & in 2. Agrar. Quod vero is vnus ædilitius Magistratus, nec alius Arpini, ab Arpinate oratore dicitur creatus, de maioribus expono, aut de summo, cui id nomen *Magistratus* nullo adiuncto conuenit. Nouariæ tribuit Suet. de claris. Rhet. C. *Albutius Silius Nouariensis, cum ædilitate in patria fungeretur, cum forte ius diceret, ab ijs, contra quos pronunciabat, pedibus à tribunali deiectus est.* En I. dicundo præerat tamquam princeps; en quoque tribunal; contra ac municipali Magistratui denegatum asseuerabat nimium securè Scipio Gentilis 2. 6. & 24. de I. dictione. Idemq; Iuuen. sat. 3. vers. 179. *summos Aediles* vocauit in municipijs.

*Sufficiunt tunica summis Aedilibus alba.*

& sat. 10. vers. 102. *Vlubris* dat Aedilem Latij oppido.

*Frangere pannosus vacuis Aedilis Vlubris.*

Aretio nostro in Tuicia, siue Ereti in Sabinis Pers. sat. 1. vers. 129.

— *Italo quod honore supinus*

*Frerit heminas Areti Aedilis iniquas.*

Alphenus I. C. l. 30. §. 1. D. locati. *Aedilis in municipio balneas conduxerat &c.* quem locum vulgò afferunt, vt & l. 13. §. 8. eodem tit. ad quæ iura Gothofr. ex Briss. 3. Select. 2. & ex Duaren. 1. Disput. 26. Sed locus ille Alpheni non satis aptè probat vnicum fuisse Magistratum in municipio Aedilis appellatione, vt inferiùs explicabimus. Ipsa verò l. 13. magis respicit Aedilem Vrbani, quam Municipalem. Ad datur potius l. 2. C. si seru. aut libert. & passim antiqui lapides præferunt. Hinc illa nota *A. P.* hoc est Aedilitia Potestate; sed & cum adiuncto, atq; expressè *Aediles municipales.* Gruter. 163. 2. nihil vt mirum sit, si ea fortasse mente *Italum honorem* vocet Persius ob frequentem eius vsum, & appellationem in oppidis. Iuuen. quoque sat. 3. vers. 171. *Pars magna Italiae est &c.* & d. vers. 179.

*Sufficiunt tunica summis Aedilibus alba.*

*Summis*, quoniam ij ferè præerant in Italiæ oppidis. Velfer. lib. 5. p. 102. imitatione Urbis matris binos, quaternos nonnunquam in Colonijs fuisse censet Aediles; quod & inscriptiones suadere videntur; neque ego penitus inprobo; sed hoc interim aio *Aedil. II Vir*, vel *Aedil. III Vir &c.* posse etiam exponi, quod per honorum gradus fuerit quispiam primo Aedilis, dein vero Duumvir, aut III Vir, diuer-

sisque temporibus, diuersos Magistratus adeptus fuerit. Tres Arpini  
 fuisse Aediles locus superius allatus à Cicerone euincit: in faxis inscri-  
 ptis *Æd. II Vir. & AED. II VIRAL.* sic *AED. III Vir. & Ædilis, Qua-*  
*stor, II VIR.* Quæ lapidea quidem testimonia, ac proindè grauis, &  
 immotæ fidei illud, vt libentius credam, efficiunt; duos alicubi, plu-  
 resue Aediles fuisse; quod tenet Cuiac. ad l. 18. C. de Decurion. Go-  
 thofr. ad d. l. 2. C. si seru. aut libert. Quocirca cùm occurrit *II Vir,*  
*III Vir, Ædil. &c.* in eo municipio, non vnum, sed duos, aut tres fuis-  
 se Aediles publicis curis præfectos intelligere licebit. Hos ipsos gene-  
 rali nomine *Primatium* fuisse comprehensos non dubito, quales appel-  
 lantur lib. 7. tit. 17. C. Theod. de Defensoribus l. 13. *quod ad notitiam,*  
*primatium urbium, vicorum, castellorum &c.* Atque his ergo Aedili-  
 bus, quos toties legimus, adiungimus nostrum quoque Pisanum; in  
 qua Vrbe talem viguisse honorem nuspiam, quod sciam, perhibent  
 monumenta, excepto hoc nostro Marmore. Quod autem Velfer.  
 lib. 5. pag. 96. rerum Augustanarum Dictatores solum municipijs, non  
 Colonijs præfuisse scripsit, vt apud me *οὐκέτις δὲται*, ita illud as-  
 sentior, in Colonijs Aediles infra Duumuiros extitisse. Sin aliquis à  
 me quærat, vnde hæc nomenclaturæ diuersitas, qua suos honestabant  
 Magistratus in Colonijs, ac Municipijs, pronum est dictu, non tam  
 facile est certi aliquid dicere. Pro ipsa fortè populorum consuetudi-  
 ne, ac veteri instituto, siue ante, siue post Romanæ Ciuitatis ius impe-  
 tratum; aut qua Græcam, aut alienam originem profitebantur, ita  
 crediderim varia nomina vsurpasse in suis rectoribus designandis. Il-  
 lud quoque adiungere haud foret incongruum, pro vario gradu Ro-  
 manorum Magistratum, nunc inferioris, nunc altioris ordinis sibi  
 quoque adsciuisse: qua Ciuitatis amplitudo, aut tenuitas postulare vi-  
 deretur; atque id permissu Præsidis, aut Romani Senatus fuisse fa-  
 ctum non ineptè crediderim: prout quoque ambitionis titillaret ille-  
 cebra, dum magna nonnulli, & illustria de se iactare gaudent, buc-  
 cas inflando insolentiores, & quidem nonnullos, & si tenuibus impo-  
 sitos oppidis, aut municipijs, altè, & arroganter spirasse comperimus.  
 Quare Saluian. de gubern. Dei 5. *Quæ sunt non modò vrbes, sed etiam*  
*municipia, atq; vici, vbi non quot Curiales fuerint, tot Tyranni sint?* Alio-  
 quin municipia, & municipales non raro contemptui, præsertim ipsis  
 Romanis. Cic. 3. de ll. *Homines municipales, & rusticani, & sæpè alibi.*  
 Iuuen. sat. 8. 237. — *Ignobilis, & modo Romæ municipalis eques.* Sidon. 1. 2.



*Non eminentius, quam municipaliter natus.* Sic *Schola municipalis* apud Aufon. & *Oratores municipales* eidem Sidonio: quomodo ad extenuandum *municipalis adulter* Tacito 4. annal. Hinc & *municipali magistratu* obiecta humilitas. Suet. Calig. 23. *etiam ignobilitatis quadam ad Senatum epistola arguere ausus est, quasi materno auo Decurione Fundano ortam.* Et Aug. 2. *municipalibus magisterijs contentus.* Iuuen. sup. *Pannofus vacuis edilis Vlubris.* D. Augustin. de cura pro mort. ger. *Vix illud inter Duumuiros sua patriæ ad lectum &c.* Haud aliter nobis *municipes, Castellani.* Quo sensu Tacitus, vt obscuritatem argueret lib. 6. *Oppidanum genus* vocauit. E diuerso municipia ipsa, Coloniae, Ciuitatesque interiores suarum sollicitæ dignitatum ita Quæstorem, Aedilem, Prætorem, Consulem, Dictatorem, Duumuiros habere voluerint; quatenus comitatu, opibus, splendore, superbia etiam, & opinione retinere illos in honoris auctoritate, & fastigio potuissent. Et (quod verius existimo) prout munerum publicorum, ciuilibusque procurationis ratio magis vnum, quam aliud magistrandi nomen, atque officium flagitasset. Aedilatus autem præcipue, quoniam facta tecta seruare, popellumque pascere, lætitiaque, & ludis ducere ordinaria cura apparuisset. Atque hæc fortè an causa, cur tam frequens id nomen Aedilum in municipijs (quod superius adnotabam) quoniam, quæ imperij essent, atque altioris regiminis, deque grauiore rerum gerendarum forent Consilio, ad Prætores, Præsides, Proconsules, cæterosque Prouinciales Magistratus pertinebant, quos Roma misisset. At vero ea, quæ copiam, & domestica (vt ità vocem) negotia, populisque nutrimenta, ac lætitiam, Vrbisque securitatem, aut munditiem spectarent, Municipali Magistratu, qui patriam suam præsens, ac videns tueretur, seruabantur. Verè enim populus duas tantum res anxius optat.

*Panem, & Circenses* Iuuen. 4. 81.

Ille apud Apuleium miles. *Annonam curamus, ait, & aedilem gerimus.* Erat autem Aedilis Hypatæ in Thessalia. Quo sensu, & *Episcopi* alio nomine in Municipijs, qui ea munia obibant rerum venalium, ceu quidam Aediles, pretium, sanitatem, copiam panis, ac cibariorum curantes. De his Arcadius l. fin. §. item Episcopi de muner. & honor. & ibi Gothofr. Pancir. cap. 13. de Magist. Municip.

Neque tamen in ea opinione versor Aedilem in Ciuitatibus, siue extra Romam pro summa potestate Municipali semper accipi debe-

re; aut semper vnicum fuisse Magistratum, qui in eo municipio crearetur, nunc Aedilis, nunc Triumviri &c. nomine, quod Cuiac. docuit ad l. 18. C. de Decur. Scipio Gentilis 2. 5. de I. dictione, à quibus viris liceat etsi cum verecundia recedere. Immo namque præter Aedilem eodem tempore habuere Duumuiros, Centores, Defensores, Quæstores, aliosque Præfectos: aut duos, inquam, aut plures Magistratus; penitus autè euincitur ex fragmento fastorum municipalium, quos profert Golz. in Aug. pag. 213. & Grut. 299. vbi in eadem ciuitate, & in eodem anno legitur, qui fuerint *Duumuires*, qui *Aediles*, aliquando *Quæstores* additi, prout creati fuerant eo anno; nonnumquam generico nomine *Magistratus*, pro Duumuiris, aut Summatibus. Haud secus Pisis fuere & Duumuires, & Aediles, tamquam diuersi, & alij Magistratus, vt dicemus. Item apud Cærites Grut. p. 214. Scio extra Urbem, quin etiam Romæ, vix accenseri honoribus Quæsturam: nec ignoro quod scripsit I. C. l. 18. de muner. & honor. *Quæstura in aliqua ciuitate inter honores non habetur*. Est igitur tamen vbi honor audiuerit: vbi verò Aedilis in aliquo Municipio, aut Colonia primas tenebat *Ed. iure dicundo*, meritò vocari poterat, vt in antiquo lapide municipij Cæritum d. p. 214.

At *Edil. Anno* ibidem; quasi à Superiore distinguatur, quale m. possumus Pisanum hunc agnoscere, cæterosque in ijs Colonijs, vbi digniori loco alij præessent Magistratus. Immo namque ædiliras quandoque gradus ad Curiam: adeo alicubi Aediles, non modo summum locum non obtinebant, sed infra Decuriones habebantur, nisi testimonio decipior veteris I. C. municipalis apud Grut. 408. 1. *absque censu per Aedilitatis gradum in Curiam nostram admitterentur &c.* Aliarum Ciuitatum alios Aediles Gruterianus index volentibus prodit; ac de ædilibus municipalibus quædam Bul. 7. de Imperat. R. c. 15. Non placet tamen, dum Magistros municipij pro Duumuiris exponit ex loco Suet. Domit. 14. *Municipalibus magisterijs contentus*. Est enim Magisterium idem, ac Magistratus, aut Præfectura: non verò quia eo nomine *Magistrorum* II Viri vocarentur. Sic, & *Magisteria Sacerdotij* pro dignitate. Suet. Calig. 22. Confusaneam eiusdem Bule. eruditionem, & quandam velut auctoritatem *πρωτοπρεψίαν* male digestam tu vide. Dum verò sellam Curulem Aedilis, & immunitatem à Tutella expendit, parum mihi videtur dictinxisse Aedilem Curulem à non Curuli, & Romanum à Municipali. Hoc itaque pacto *Aedilem Pisanum*



num interpretor: non pro vnico, & summate; sed qui, Magistratibus altioris ordinis maiora curantibus, ædilitia ipse munera obiret; quod quidem arguit Pisana Colonia olim magnitudinem, ac splendorem. Duumuiros enim Pisis præfuisse docent eximia illæ tabulæ marmoreæ Decreti funebris, vbi & *Decemprini* apponuntur; quæ quidem Decaprotia docemur numerolum fuisse Senatum, aut Curiam, virisq; refertam dignissimis, è quibus illi *Decemprini* legebantur. De hac Primorum decem excellentia V. Velierum rer. August. l. 5. pag. 95. Rein. epist. 394. & nos inferius cap. 37. Disertè in eo decreto legimus; *Quicumque postea in Colonia II Vir, Præfecti, siue qui alij Magistratus erunt &c.* quibus verbis plures Magistratus domesticos Pisis consedissee liquidò constat. Vique ad tria enim, aut quatuor illorum genera Vlp. l. C. l. 1. & 2. de Decur. in Coloniajs, aut Municipijs non veretur simul admittere.

## CAPUT VII.

*Sepulcreti Pisani magnificencia. Tabula illic marmorea de inferijs Caij, & Lucij Cass. elegantissima* Præfectus ærario Pisanus. Quæstor ad Ærarium. Quæstor ab æratio. *Pancirolos reprehensus.* ἀγοράσιμος; διορόσιμος & πόλιως. Arcarius. Curator Reip. Curator Calendarij. Florentini, non Fluentini. Pisana inscriptio restituta de Curatore Calendarij Florentinor. Pisa municipium, Colonia. Pisani Coloni Iulienes: in domum Augustam obsequentissimi. Flamen Augustalis Pisis. Præfectus ærar. Roma; & qualis Pisis? Lapidis nostri tempora indagata. Pisas gignendi casu.

**I**N ære suo me tenet Præfectus ærarij Pisanus, quem nobis ingerunt eadem tabulæ marmoreæ de inferijs Cæsarijs. Seruantur parieti infixæ, in conditorio, aut sepulcretò ad Aedem maximam operum omnium, quæ Christiana vnquam tenuit magnificencia, ac pieras pro ea ætate pulcherrimo. Illæ sic habent in eo decreto, quod ad Caium Augusti Nepotem attinet. *Quando eo casu* (cùm nunciatus esset decessus Caij Cæsaris) *in Colonia. Neque II Vir, neque Præfecti: Er....o* (æratio) *neque quisquam luredicundo præerat.* Et infra *II Vir, Præfecti, siue qui. ali. Magistratus &c.* Hos enim posteriores Præfectos præcipuè refero ad ærarium, quos paulo ante nuncupa-

rim nominarat lapis. Curam ijs iniunctam fuisse publicæ pecuniæ nemo non videt: qui in alijs lapidibus nunc Quæstores, nunc Arcarij vocantur. Non enim puto Præfectus hic ærarij Pisani Romam mittebatur, tamquam Magistratus Prouincialis, autceptor; tum quia nondum in Vrbe repertus erat hic honor, vt infra dicemus; tum etiam, quoniam in Pisano decreto agitur de Magistratu Colonico. Quo auctore, & præsentē Decuriones maiorem suis Consultis vim, ac firmitatem adstruerent, & obsequium Pisanae Coloniae adprobarent in domum Augustam, parentali eâ lege quot annis seruanda ad augendos honores Caij, & Lucij, quos immatura mors, & acerbum Romano Imperio fatum abstulerat. Municipalis ergo fides, ac deuotio à Municipali Magistratu memoriæ illorum Cæsarum exprimebatur. Inter Municipales Magistratus neutiquam hunc Præfectum ærario agnouit Pancirolus, cui noster lapis inuilius, sed poterat alium vidisse ex inscriptione Gruter. 214. de Municipio Cæritum. *C. Suetonio Claudio adile Iuredicundo. Præfecto ærarij.* At meo iudicio satius fuisset si cap. 19. de Municip. Mag. talem nostrum intellexisset, qui pecuniam exigeret, collocaret; ærario, aut arcæ inferret, promeret, conderet; publicos redditus, rationesque dispensaret. Reperio in hac ipsa Vrbe Pisana *Quæstorem ad ærarium*, vt exprimit lapis Lucæ seruatus, à Cyriaco Anconitano in suo itinerario, nisi fallor, productus.

*Decurioni Pisis Quæst. ad ærar. II Hæredes &c.* Sicuti vocatur hic *Quæstor ad ærarium*, ita dixerunt *Quæstorem ab ærario*, vt apud Grut. 437. 2. 1026. 9. Alius est autem *Ἀγοράνομος*, hoc est Aedilis, de quo Pancirolus d. cap. & alius (quem tamen confundit) est *ὀικονόμος τῆς πόλεως*, vt ex D. Pauli epist. ad Rom. quem Hieronymus, seu verus interpres *Arcarium* vertit, ac forte suppar est Præfecto ærar., qualis hic Municipij Pisani. De Arcarijs quædam norat è veter. epigram. Reines. var. lib. 3. p. 595. V. & Samuel. Petir. 3. obseru. 7. Fuisse tamen Pisis Quæstores Prouinciales eadem tabula ostendit extrema. *Coram Pro. Quæstoribus primo quoque tempore &c.* Hoc est Prouinciæ Quæstoribus, vt ego malim exponere, quàm Proquæstores huc aduocare. Cætera hunc Præfectum ærar. Pisani non absimilem statuimus *Curatori Reipub. vel Curatori Calendarij*, de quibus idem Panc. & magis huic secundo; cuius erat non prædia, sed pecunias curare fœnoribus, ac nominibus. Habebant enim Corpora, & Collegia: habebant & Ciuitates suos Calendarij Curatores, qualis nostræ Florentiæ fuisse



fuisse legitur in veteri marmore itidem Pisis apud eundem Roncionium. Placet verba lapidis afferre, quoniam nobis Florentinis vindicias dar litteræ R. Scimus enim nos quoque hurrere, & litteram caninam exerere præsertim aduersus sciolos; nè quis obstinatè Fluentinos nos velit, quasi fluxos, vel fluidos. Aedepol, in hac ipsa nostra Ciuitate R. amisisse contumeliosum est: ita enim ludere solet plebecula, aliquem notans temulentiae, & ῥωβιώτεροι, cui ob offensantis linguæ, & vino insuccaræ tumorem non benè exprimitur. Ea sunt verba inscriptionis malè exscripta à Borghinio nostro, malè recepta à Grut. 444. 5. ex qua praua lectione nescio quid comminiscuntur de Prima Ala Florentinorum. Vti optima maxima fide sic habent.

q. Obsequentius Seuerinus

Aug. Pisis.

Cur. Kal. Florentinorum.

Cum verò in littera K duæ lineæ, quæ cuneatim obiacent, paululum deletæ per ætatem fugere incæpissent (manifestissimum tamen earum vestigium in marmore adhuc eminet) putarunt esse: litteram I numeralem luscitiosi exscriptores. Mox in fine syllabæ AL gratuitâ audaciâ somniam E apposuerunt, vt conficerent I. ALE. hoc est primæ Alæ. Sed vero Cur. Kal. sculptum fuit, idest Curatori Kalendarij. Illud interim mihi subolet Pisanos Ciues omni industria, omnique arte studuisse, vt Octauio Augusto adularentur, seque, ac suam Coloniâ inter addictissimas eidem Principi, summisque deuinctam beneficijs profiterentur. Olim Pisæ Municipium vetustissimum, vt expressè eas numerat Paulus ex Festo in verbo *Municipium*. Sed ducti postmodum Coloni teste Liuiio V.C. 572. Ptolem. Πίσα Κολωνία: V. Cluuer. antiq. Ital. 2. 2. *Coloni Iulienfes* appellari voluere, vt vrbs ipsa *Colonia Iulia Pisana*, cui & cognomen obsequentis addidere in Decreto Pisano. *Vti Colonis Iulienfibus. Colonia obsequentis Iulia Pisana &c.* sic etiam Octauij Augusti nepotes hinc Caium compellant; *Coloniaque nostræ vnicum Præsidium*. Lucium illinc in altera tabula *Patroni Coloniae nostræ* titulo demonstrant. Aut quia magnis beneficijs affecti fuerint Pisani ab Augusto, & eius domo; aut (quod multæ tunc fecerunt Coloniae) ad splendorem, & opinionem dignitatis aucupandam, nomen Iulæ, & Iulensis Coloniae affectauerunt. Cum enim in Gentem Iuliam





forum cupedinarium explicant. Sunt enim *Gusta* cupediae. Sed abludit hæc interpretatio à Pisana inscriptione. Narratur enim ubi factum, aut scriptum fuerit id decretum: & statim incipit XIII. K. Octobr. Pisis. in foro. in Augusteo. Si forum iam dixerant, cur Augusteum repetere? nisi discriminis gratia, ut ab aliquo alio foro secernerent. Sed rō In superuacaneum. Secundo Augusteum, hoc est Prætorium, vel Augustale, & Domus publica, in quam de more conueniunt Decuriones ad consulta facienda. Sed hoc *Augusteum* vix digna vox eo seculo Augusteo. Tertio templum (& puto verius) à cultu Augusti sic dictum: ut Serapeum, Heracleum, & multa id genus. Quin Σεβασίον, siue *Augusteum* reperiō ita appellatum templum Alexandriae in honorem eiusdem Principis apud Philonem lib. de Legatione ad Caium accuratè descriptum. At repugnat quod Dio scribit lib. 51. à viuentis Augusto nemini permissum condere templum suo nomini dicatum in Italia. Indulsi tamen provincijs, ut de Tarraconensi testatur Tacit. lib. 1. ann. & de Pergameno lib. 4. Suetonius tamen in vita cap. 52. ita scripsit. *Templa quamuis sciret etiam Proconsulibus decerni solere: in nulla tamen Provincia, nisi communi suo, Romæque nomine recepit: nam in urbe quidem pertinacissimè abstinuit hoc honore.* At Aurel. Victor etiam *Roma* &c. viuo, mortuoq; templa, sacerdotes, & collegia dicata refert. Non est igitur cur Dionis auctoritas nos deterreat: adstruente præsertim lapidis nostri testimonio viuentis ætate Augusti inscripto; in quo *Flavian*, etiam *Augustalis* memoratur; argumento templis, ac religionibus cultum Pisis Augustum. Ac fortassè hic Princeps Pisanis permisit, ut delubrum construerent suo nomini; quo pacto in provincijs fecerat. Hæc obiter, sed non inuitè nobis expressa; & si parum obsecundantia magnorum virorum adnotationibus ad ea loca tum Suetonij, tum Cornelij. Eò interim spectant, quò tendebamus; ut Pisanae Coloniae splendor, quin etiam charitas, & obsequium in Domum Augustam magis innotesceret.

Sed ut reuertamur, vnde digressi fuimus; quòd Præfectos ærarij in Colonia Pisana nobis exhibent lapidea hæc Monumenta, non eò trahendus (quantum opinor) locus Liuij lib. 34. V. C. 558. *Litteræ M. Cincij* (*Præfectus is Pisis erat*) *allata: Ligurum, &c.* Potius enim hic Cincius Roma missus, & à Senatu impositus Pisanæ Ciuitati, ut curam gereret rerum præsertim bellicarum periculoso tempore, cum Ligures Alpini, excursionibus vastarent agrum. Hinc & Sedes Præ-

toris aliquando Pisis statuta aduersus eam gentem, quæ subinde è suis saltibus ad prælia, & populationes erumpebat; ægrè tandem, tandemque perdomita. Possumus tamen & Præfectum Colonicum interpretari, quo nomine Præfecti vsus Liuius, vt quemcumq; demonstraret Magistratum, penes quem Reip. Pisanæ cura, ac iuris dicendi fors. Non est ergo Præfectus Aerarij, qualem in his lapidibus legimus: nulla namque ærarij mentio; imò nec dum eo tempore inuentum id nomen Præfecti ærario. Ad Quæstores tunc attinebat ea procuratio, quæ dein Prætoribus iniuncta V. Lipsi. in excurs. ad 13. annal. Tacit. C. A. Ruperr. ad Enchirid. Pomponij cap. 8. Briffon. Select. antiq. 3. 19. Augustus quidem primus induxit Præfectum ærarij militaris in Vrbe, quod contigit anno V. C. 759. teste Dione lib. 55. at è Decretis Pisanis, vnum post mortem Lucij factum est; altero anno in obitu Caij alterum. Omnino antequam Romæ Præfectus ærario sub hoc nomine institutus fuerit. Expresse autem, si quando Præfectus ærarij infaxis compareat, legitur cum eo adiuncto *Militaris*. Profert Lipsius ad Tacit. 1. ann. lapidem in Samnio repertum. Cæterum deinceps & nomen, & cura ærarij Præfectis attributa extra hoc militare, vt sæpè in libris I. Consultorum l. 12. de his, qui vt indig. l. 15. & 42. de l. Fisci. At noster Pisanus suæ Ciuitatis, & Colonicus mea opinione est: quod & textus, atq; iunctura sermonis satis probat, qui hunc Præfectum ærario post II. Viros nominat, & cum alijs adnectit Magistratibus proprijs. Quando igitur plures eodem tempore Magistratus fuisse in Col. Iulia Pisana ostendimus, Duumuiros, ac Præfectum hunc ærario; non est quod Aedilem Largennium nostrum quasi vnicum (sicuti in nonnullis alijs oppidis) interpretemur; vel Summatem, ac Principem Reipub. clauo affidentem exponamus. Ergo complures hi Magistratus, suis quippè munijs incumbebant; ac Aedilis quidem, perinde ac Romæ minutus quidam Censor, pusillusque morum Magister, annonam, forum, res venales, locaque illum metuentia explorabat. Quod & in alijs municipijs idipsum ab Aedilibus factum crebris monemur testimonijs scribentium, quos prudens omitto, ac superius delibauit. Sed iam præuerto ad illud, quod mihi vllus haud ineptè obijciat; potuisse alio tempore aliter regi Pisanam Ciuitatem, ac diuerso itidem nomine Magistratum suum appellare. Habuerit illa sub Augusto Duumuiros, totidem veluti Consules, binos Curiaæ oculos, bina Reipub. capira: alios etiam Magistratus habuerit. Sed

verò



verò cum inscriptus fuit hic lapis Q. Largennium Aedilem repræsentans, quis spondere audeat eo tempore Pisanos sub ædilatū, tanquam summo, aut vnico Magistratu non paruissē? libenter aio, nec diffiteor id contingere potuisse. Cum tamen superius ostenderimus, vel in multis alijs tenuioribus oppidis præter Duumviratum, saltem Aedilem præfuisse: quid est quod Pisanam ciuitatem, vel Augusti æuorū opulentam, ac splendidam (quod decreto illo toties laudato comprobatur) vnico Magistratu addictam velimus, solique Aedili panoso (qualem vocat Iuuenalis) audientem statuamus?

Sed quidquid alij hac in re diuersum sentiant, haud repugnari; utcumque enim, ad examen semper proficiet nostri lapidis. Quod si de ætate quærat, qua vixit Largennius, quaque manum sensit, & Scalprum Pisani hic lapis; equidem non ausim statuere. Neque licet nobis, tam esse oculatis ad hæc τὰ ὀφθαλμοειδή definienda, præsertim obscuro, & ignoto (quod ego sciam) in scriptis Auctorum Q. Largennio: si quid tamen licet pingui coniectura σοφίσθην, ad tempora Antoninorum, aut præter propter referrem. Species ipsa, ac forma florens literarum, tam politè, tam affabrè ad amussim ducta antiquitatem negat aurei seculi, sed potius arguit quam diximus. Honor Bisellij coniecturam fulcit, nisi ex asse fallimur, de quo inferius; sed & verbum *Pisas* more Græco vsurpatum non abludit ab eo seculo. Vix est enim, vt hunc errorem impingere velimus marmorario, qui *Pisas* per iniuriam scripserit pro *Pisa*, vel *Pisarum* cum literæ omnes literatè, & ad exquisitam delineandi regulam sint effictæ. Sed credamus potius dorico inclinamento scriptum fuisse *Pisas* in paterno casu; quamquam & Latinis ea figura vsurpatur contra Analogiam, vt *Paterfamilias* pro *Paterfamilia*. Varron. lib. 7. LL. &c. In antiquis autem lapidibus haud semel *Dux vias, terras, filij, &c.* V. Indicem Gruter; ac Boldonius p. 91. reperijt, & animaduertit ante illum Laubenberg. antiquario in *As*, & *Vias*. Et quidem nonnullæ Vrbes Græcam iactantes originem, qualis Pisana, in Græcis licenter exultare, quandoque depræhenduntur, vt marmora sæpè nos docent. Græcis autem numero singulo *Πισα*, & quandoq; *Πισσα*. Præc. puè sub Antoninis inuecta quædam insolentia loquendi; cum Analogia mutare capit, & puritas illa aurei seculi à suo splendore desciscere. V. Reines. epist. p. 299. quin & verba latina Græcis literis scripta, idem Reines. p. 289. quod nescio petulantia, an lusu fabrilī factum fuerit, vel am-

bitione Græcitaris, quæ tunc irreperet. Quod enim demum translato in Orientem Imperio Græco, Latinas tam sæpè lineamentis Græcis referrent, non adeo demiror. Idem & in nummis obseruatum fuit sub Antoninis M. AVP. ANTONINOS. AVG. quem profert idem Reines, p. 434. epist. inter suas 48. quæ est C. A. Rupert. ad Reinesium. Contra verò voces Græcanicæ latina forma descriptæ, & quidem sub ea potissimum tempora: quadam vtriusque linguæ inter se communione, atque hospitalitate, dum altera alteri aut voces, aut characteres commodat. Quod in nummis factum indicare non destitit Ezechiel Spanhemius dissertatione erudita de veterum nummorum usu, ac præstantia pag. 48. In lapidibus specimen esto apud Grut. 339. 2. *Aramanti nica* ad latus cippi vtrunque recto ordine inscriptum. h. e. *Aramanti Vince*. Inter acclamationses .i. quibus agitantes ad victoriam excitabantur, quod & in nummis ea formula obseruatum: quæ variè ab alijs exponitur; & Boldonius fecit pag. 81. Epigraphic.

## C A P V T VIII.

*Chresimus*, Χρῆσιμος. Libertis fausta nomina bonæ sceux gratia.  
*Pancarpus*. Ονῆσιμος.

### 2. LARGENNIUS CHRESIMVS PATER.

**C**onstat ergo lapidem hunc, siue basim, aut arulam dicatam, aut positam fuisse *Q. Largennij Seueri Aedilis Pisani* manibus à Patre suo *Q. Largennio Chresimo*.


Quod verò Chresimum patrem spectat, suo se cognomine prodit, ceu alienigena; non Latina, aut Italica origine; nisi quod Græco vrbs Pisana fonte nata Græcis gaudere poterat appellationibus; est enim Chresimus Χρῆσιμος: ac fortè hic Chresimus Ciuitatem Romanam, & ingenuitatem adeptus in familias Largenniorum transfijt, quorum beneficio ius rogæ impetrasset. Retinuit autem Græcum, aut peregrinum Chresimi bonæ sceux gratia, quoniam Χρῆσιμος vrilem, & commodum indicat; ac ferè Liberti talia cognomina non abdicaerunt rem gratam facturi patronis. En idem Chresimi cognomen *C. Ticio Augusti* liberto, Grut. 485. 2. *Caio Ticio Chresimo Augusti li. Et.*  
quam



quam inscriptionem non possumus infra non expendere, saltem *ἀποδιδῶς*, utpote affinem nostro marmori, & vnde mutuam sibi lucem commodent; & 18. p. 706. *Chresimus Cleopatra filio dulcissimo*, &c. Apud Senatorem Strozam in suburbano rutis cæsis antiquitatum instructo. *L. Murdius Chresimus annos natus*, &c. atque in alio *Ti. Iulius Chresimus*, & *C. Furnius Pancarpus*, &c. *Chresimus*, & *Pancarpus* fausta plane nomina. Neque in alio significato κατ' ἐϋφημίαν alicubi *Onesimi* cognomen legitur. In iisdem epigrammatibus, ut inter alia apud Grut. 900. 13. pariter in liberto. *C. Postumius, C. L. Onesimus*. Sirmondus sine lacuna vidit, atque exhibuit; cum tamen in Gruterianis sub eo numero vastum vicus appareat. Est autem Οὐνείσιμος, idem ac Χρῆσιμος.

Ac de seruo 987. 8. *Onesimus Stati Bussi. Ser.* In Etrusca nostra S. Miniatis vrbe apud equitem Antonium Roffiam *Cimarulina* fecit. *Onesimo. benemerenti*. Senator Car. Stroza mihi dedit atque aliam sui suburbani inscriptionem. *A. Hernuleio Eutychio. A. Hernuleius Onesimus lib. suo B. M.*

Adeantur, & inscriptiones Basilicæ S. Pauli ad viam Hostiensem 581. 541. 559. Alij itidem lapides Florentiæ *D. M. Iulioneesimo M. Iulius Marinus fecit Patrono b. m.* Et in alia *D. M. Vlpio Venerio*, &c. *Canesius Onesimus filio dulcissimo*. Et *D. M. Albia Dorcadis Plotia Onesime filia matri piissima*. In horto visuntur Illustrissimi Marchionis Bartholomæi Corfinij, quem alijs fortunarum amplitudo, sanguinis, ac ministerij dignitas inuidendum, mihi semper spectabilem ingenij elegancia, ac morum suauitas faciet.



## CAPVT IX.

*Honor Bisellij*: nusquam legitur. De sellis veterum instituta digressio. *Sella, Sedda. Subsellium, Subseddium. Bisellium*: quod duos capit, vel duabus constat sellis. Varro leuiter tentatus, & accuratè explicatus. δίφρος, δῖεδρος, δῖεδρον. Lat. *Bisellium*. Athenæo addita, lux. *Bisellium* λαμπρὰ καθέδρα Hesychio. Ambitosæ leges sedendi. quæ maiora, credita honestiora. *Duabus sellis sedere*: omiffa à collectoribus adagialis forma.

## ZYIOB HONORE BISELLI.

**S**I vnquam aliàs, optanda nunc mihi foret Accij Nauij auguris miraculosa manus, ac culter, quo cotem olim secuit; vt ego quoque Pisani lapidis abditum, ac penetralem sensum, quasi facta sectione educens, quid ex veritate critica magis conueniat, augurari subinde possem. Sed ab initio monui, solis coniecturis me progredi; qui nunquam aut Nauij ipsius, aut Tagis artem condidici. Vel quadratarius igitur insigniter nobis imposuit ira scalpendo; vel qui sit hic *Honor Bisellij*, accuratè quærendum est; cuius vnica (quantum creditur) mentio in hoc marmore Pisano. Neutiquam igitur desideamus, vt de sedendi, sediumque, aut sellarum vsu, forma, ratione, discrimine leuiter saltem exponamus; si hinc aliqua fortè lux ad Honorem Bisellij inuestigandum affullerit. Congeremus veluti per Satyram, ac lege miscella, quæ in veterum scriptis, monumentisq; obseruare παχυμερῶς, ac desultoriè licuit. Cura longior, & adnotatio intentior requireretur in hanc partem antiquitatis excutiendam, ad quam veluti ex inopinato, ac penè imparati accedimus: quippe nihil tale ab initio cogitantibus obrepfit lubido, vt hîc tanquam in suo loculamento emblemata hoc philologicum insereremus. Aliàs, si diuino Numini visum erit, totam impensè dabimus, exactèque operam veterum sedibus indagandis, depromendisq; . Nunc solum in transcurso sedemus; tota tunc erit sedentaria exercitatio.

A Bisellio incipientes nè pigeat cum literatoribus aliquantulum sapere, atque in eorum pergulis parumper derineri. Minuta, inquis, ac leuidentia sunt ista: sed ad seria nos ducunt; sique ignorentur, aut negli-



negligantur, ad maiora nunquam gradus. Iſid. lib. 20 cāp. 16. *Sella à sedendo quasi Sedda*, & cap. 11. *Sella quasi sedda dicta est, & subſellia, quasi subſeddia*. Feſt. *ſeliquaſtra, ſedilia antiqui generis appellantur D. littera in L. conuerſa, ut etiam in ſella factum eſt, & ſubſellio, & ſolio, quæ non minus à sedendo dicta ſunt*. Terent. Scaur. de orihogra. *Seddā, dixere, quam nos ſellam*. Mar. Viſtor. in lib. 1. *Sella à ſede; ubi de commutatione litteræ D. & L. ſic Dij Nouemſiles quaſi Nouemſides*, quod nouem vnā affideant Πάρεδποι, & Aſſeſſores apud eundem Viſtorinum: cuius grammatici verba veluti conturbantis nimium præſidenter ſollicitat Salmaſ. ad Spartiani Adr. c. 14. mihi tamen pura ſunt, & aprica. Videat vllus mecum, atque iudicet; ſed nunc omitto. Sic *Dini Fidius* hoc eſt *Dini filius*, ſiue *Iouis filius*: quod de Hercule exponunt. Fidius nempè pro filius, & Pomp. Feſto, *Impelimenta Impedimenta dicebant*. Eundem vide in *Ancaſa, Delicata, Dacrymas*. Seruius 7. Aeneid. ad illud.

— *Solio medius conſedit auito.*

*Solium* — quaſi *ſedium*: ut *ſella pro ſedda*. Ut mihi videtur, ſolium, dein ſodium, mox ſedium. Sic feſto *ſodales, quod vna ſederent*. At vnicus Varro in tota veterum ſcribentium cohorte 4. de LL. biſellij meminit. *Ab ſedendo appellantur ſedes, ſedile, ſedum, ſellæ, ſeliquaſtra*. Deinde ab his *ſubſellium*, ut *ſubſipere, quod non planè ſapit: ſic quod non plane erat ſella ſubſellium dictum, ubi in eiufmodi duo biſellium dictum*. Quæ poſtrema verba (ni vlcus ſubſit, ac vitium, quod ſubueſcor) hoc mihi explanant: *Vbi in eiufmodi (ſella) duo (ſupple, ſedent, quieſcunt, capiuntur; vel ſedere, capi, & quieſcere poſſunt) Biſellium dictum*. Quare verborum ſarcinatores ex hoc loco Varronis, ut auguror, biſellium exponunt ſellam, quæ capit duos. Sed non inconcinniter etiam dixerimus, *Vbi duo ſellæ quaſi iunctæ, & compactæ fuerint, Biſellium dictum*: ac leuiſſima detractiōe T& In, Varronem ita monentem inducere. *Vbi eiufmodi duo (ſellæ) Biſellium dictum*, aut ſi magis placet, *Vbi in eiufmodi (nempè ſubſellio) duo (capiuntur, & conſident) Biſellium dictum*. Proximè enim de Subſellio Varro loquebatur; ergo ad Subſellium referenda videntur, quæ conſequentur. Grecis διππος quandoque pro ſede, quæ capit duos ἀπὰρ τὸ δὺς φέρει, & hoc ſenſu, atque uſu ſedendi Erymologiſta accepit in διππος. Menandrum aduocans, ἐκάθοντι ἐπὶ διππῶ μὴ τῆς τε, καὶ παρθένος, & *ſederunt in διππῶ ante Biſellio, Mater, & Virgo*. Sed διῆδρος, vel διῆδρος magis exquiſitè Latinis

tinis sonat *Bisellium*. Præter Eusthatium in Iliad. meminit Hesychius, & Suidas, ad quem Aemilius Portus, δίδρος, idem ac δίφρος. *Bisellium. Sella duos recipiens*. At illa sunt Athenæi in Philadelphi pompa describenda. παρετίθησαν δὲ καὶ τρίποδες τοῖς κατακειμένοις χρυσοῖ διαπόσει τὸν ἀριθμὸν. ὥς τ' εἶναι κατὰ κλίῳ ἐπ' ἀργυρῶν δίδρων, lib. 5. cap. 6. p. mihi 197. edit. Commelin. Vertit Dalecamp. *Accumbentibus Mensæ tripodes aureæ adnotæ sunt numero ducentæ ad lectos singulos, duæ argenteis fulcris constabilitæ. δίδρος, fulcra, aut pedes mensarum exponit.* Non (puto) tam acutè vidit, ac Cataub. qui *Repositoria* tripodum maluit, quæ binos capiebant. Adderem ego signatè vocari δίδρος, quoniam tum tripodes, præter genus mensarum, fuere etiam sedilium (vt hodiè quoque rustici, & paupertini vtuntur, nobis Trespoli) tum quia, & ipsi tripodes à Varibus insideri solebant, qui Deum illinc concipientes, mox fata redderent. Quoniam igitur duo tripodes, aut sediculæ illic reponebantur; aut quia illic veluti sedebant aptè recondita, δίδρος appellarunt. Atque his postremis intellectibus Varronem enarrantes, magis ad compositionis latinæ flexum, aut inclinamentum accedimus. Sic namque biclinium, quod duos habet lectos, seu κλίνας; bipennis, quæ duas pinnas, aut acies; bipalium, bisaccium, birorium, & alia id genus. Sic bisellium potius à duabus sellis, quàm à duobus, qui illic sedent. Quæcumq; ea sit veriloquij ratio, aut structuræ forma; ex ipsa bisellij laxitate, qua vel duos capit, vel duas complectitur, sellas, dignitatem quadamtenus arguere quis possit. Omnino autem pro sella splendida, atque honesta acceperunt Græci: quos inter Hesychius (qui auctor argumentum honoris in bisellio spectauit, ac notus esse tum debuit illius vsus) disertè inquit δίφρος. διαφανής, ἢ λαμπρὰ καθέδρα. *Bisellium* (ita veterem) *conspicua, aut splendida sedes.* Nempe omni æuo blandita sibi in tantum est ambitio, vt etiam in hisce rebus, quæ exterius refulgent, pro earum materiæ amplitudine, ne dicam luxu, de vtentium præstantia iudicauerint homines: quod præcipuè in vestibus, atque ornamentis obseruatum fuit. Ac in sellæ, qua de agimus, exemplo, illustrem, ac præpotentem vt notaret fœminam Seneca lib. 2. de tranquillit. cap. 14. *quid refert quantum habeat, quot lecticarios, quàm oneratas aures, quam laxam sellam?* Leticarij autem tam ij, qui sellæ, quam qui lecticæ subiungebantur; quod Lipsio assentior 1. elect. 19. Sic quoque supra vsus, aut necessitatem; ad pompæ, aut magnificentiæ speciem; coronæ, quæ olim capitibus

victor



victorum imponebantur, dein capite ampliores factæ, quod Festus tradit *Donatica corona*, quod his victores in ludis donabantur, quæ postea magnificentiæ causa instituta sunt super modum aptarum capitibus, quali amplitudine fiunt, cum lares ornantur.

Quo respectu Plinius paneg. vt beneficij, aut letitiæ magnitudinem exaggeret, *Augustioribus aris, & grandioribus victimis inuocaretur*, &c. Ne hic addam de clauo lato, aut angusto, de ollis maioribus, aut minoribus; non de rogis, aut pyris; quæ omnia pro eorum magnitudine, ac modo, ita estimationem eius demonstrabant, cui tributa erant.

Haud planè statuerem, huc respexerit, an non Sarcasmus ille, quo aliquem *duabus sellis sedere* dixerunt; quasi ad bisellij vsum, ac formam retulerint. Scepticus regitur sensus, sedetq; acumen in hisce verbis, quibus lubricam nonnullius fidem, & mobilis animi inconstantiam carpebant. Exprobratum id Ciceroni à Laberio, de quo Macrob. 2. Saturn. cap. 3. Præstat integram narrationem exscribere, ne inuideamus vrbanitatem, & stalem dictorum. *Cum Laberius in fine ludorum anulo aureo honoratus à Casare, è vestigio in quatuordecim ad spectandum transijt violato ordine, & cum detractatus est eques Romanus, & cum Minus remissus: ait Cicero praterenti Laberio, & Sedile quarenti, recepissente, nisi angustè sederem, simul & illum respuens, & in nouum Senatum iocatus, cuius numerum Casar supra fas auxerat: nec impune. Respondit enim Laberius: Mirum si angustè sedes, qui soles duabus sellis sedere; exprobrata leuitate Ciceroni, qua immeritò optimus ciuis male audiebat. Repetitque lib. 3. cap. 7. vbi dicterij vim exponit, obijciens tanto viro lubricum fidei. Ante illum Sen: parens declam. 3. lib. 7. & controu. 18. lib. 3. Laberius ad Ciceronem remisit: atqui soles duabus sellis sedere. Quia Cicero male audiebat, tanquam nec Pompeio certus amicus, nec Casari, sed utriq; adulator.*

Qui igitur bisellio insidet, facili transitu, si lubeat à dextra in sinistram migrat, aut contrà remigrat sellam, nunc vni, nunc alteri incumbens parti. Quo pacto homines sublestæ fidei, & versatilis animi, qua vocat spes, blanditur lucrum, aut occasio inuitat; ita ex vfu versoriam regunt, ac temporibus insidiando, nunc vni, nunc alteri vento rudentes laxant; vndeque stat fortuna, illic adhærescunt; quod viro consulari, ac disertò obiecerunt. Et quoniam hoc scommate ij præcipuè asperguntur, qui vno, eodemque tempore duabus rerum agendarum oportunitatibus mobilem, atque obnoxiam fidem oppi-

gnorant ; perbellè hoc dictum à bisellij forma petitur , vbi infessor duabus eodem tempore incumbit sedibus , cum tamen vnicam videatur tenere . Sed duabus sellis etiam ille sedet , qui quam commodiorem sibi putat, eam disuncto & tempore, & loco subinde obtinet , relicta, ac mutata priori ; quod ad partium sequelam in Republica deinde transtulere . Nisi malimus ad morem veterum referre , cum pedibus in sententiam discedentes , alio sessum ibant , atque eo pacto probebant quid eligerent .

Atque hanc adagialem loquendi formam *duabus sellis sedere* eruditissimi prouerborum collectores cur volentes præterierint , aut nimium securi non viderint , minimè video . Nobis tamen quadantenus est affine vernaculum illud , *Tenere il piede in due staffe* , de homine , occasionum segni , qui sibi vnam , atque alteram prospexerit ; vt si fortè primâ exciderit , secundam arripiat : quomodo pes innixus duobus suppendaneis , si vnum elabatur , alteri insistit . Posset quoque metaphora duci à cursu equestri , cum quis ex vno in alium equum currendo se traiecit ; ea enim erat desultoris ars in equum *ωάπωπορ* velocitè transilire , ac mox in priorem sellam resilire . Periculosum autem est rem habere cum equis currentibus , quos nudos tunc fuisse , puto , ac sine sella . Omnino igitur tutius erit à confesso , & concione deducere , quod tum Sen. tum Macrob. disertè narrant .

## C A P V T X.

Bisellij indagata forma : prolatum specimen , aut affine aliquid . *Seli-quastrum* . *Antiquum* . *Antiqui moris* : lux Tacito . *Leeti archaici* : all'antica . *Sella rusticana* : Cassiopeia mulier seliquastri .

**S** Ed cuius omninò formæ , aut structuræ fuerit Bisellium nostrum (vt eò reuertamur) nesciui hactenus è veterum reliquiarum figuris certo deprehendere . Eam autem sellam in vsu aliquo extitisse ambigendum non est , alioquin cur eius mentio , aut descriptio Varroni ? Quod si vllum tamen monumentum , aut monumentorum iconismus , quem nobis reliquum fecit vetustas , ac elegantium hominum industria seruauit , bisellium meo iudicio , aut videri , aut dici potest ; vnus est , quem subijcio : V. in calce libri num. 1. Si quis transuersum secet medium hoc fedile , duo erunt sellæ curules disjunctæ :



Atque quæ ita compactæ bisellium, siue binas sellas conficiunt; & quidem honorifica illic sessio, quoniam curulibus innixa. Extat hæc figura inter antiquitatum paradigmata, quas collegit Fuluius Basserus: possidet hodie Vaticana Bibliotheca. Cuius Cimelii pararius mihi fuit apud Illustrissimos Puteos D. Vincentius Viuianus nuper redux ab Vrbe, vir mihi suauissimæ amicitiae lenocinio coniunctus; orbi autem notus ob præstantiam subtilissimi moliminis editi, quod de sectionum conicarum *Maximis, & Minimis*, maximum semper Auctorem demonstrabit. Nec tibi inuideo sellam, aut thronum duos capientem ex antiquo, atque eleganti Cimelio onychino apud Tristanum tom. 1. pag. 100. V. Icon. num. 2. Attende & apud Goltz. in Aug. 71. 5. vbi duo pro rostris in eodem sedili: vulgauit & Vrsin. in fam. Sulpicia p. 254. qui Augustum, & Agrippam sedentes exponit: V. nu. 3.

Quod si quis nimium anxie hæc à nobis inquiri existimabit, per veterum saxorum reliquias, atque iconica vestigia monumentorum, ad honoris, aut dignitatis aliquod illinc expiscandum documentum; hunc velim meminisse, qualia fuerint omni æuo id genus commenta; ac symbola honorum externis hisce nitetia adspectibus. Qualia etiam hodiè, cum plura sint insignia virtutum, quàm virtutes ipsæ, quæ virum demonstrent, & magna cuique laus est laruam callide gerere! Inter prima vt iam Sapientiæ mysteria habeatur, & rituales morosæ ambitionis nugas nouisse, quis, coram quo, quantum, quoties, quâ sede, loco, tempore, sedeat. Deq; his omnibus non ignoramus constitutionem editam ab Impp. Arcadio, & Honorio in Cod. Theod. 15. 13. tit. *De Vsu sellarum*: quam inf. producemus. Nihil ergo miremur de bisellii honore. Sed cum sedibus pergere iuuat, quod apprime commodum erit. Vtinam dum calamo, quasi sella fertoria progredimur, *animus* quoque (quod aiebant) *sedendo fiat melior*. Ab eadem sella *Seliquastrum* deducunt tum Varro, tum Festus, cuius illa sunt verba superius allata. *Seliquastra sedilia antiqui generis appellantur*. Arnob. lib. 2. enumerans supellectilem *Pollubrum, Siliquastrum, Trulla &c.* qui Auctor per I. effert, vt & Hyginus, de quo infra. Promiscuè autem & *Siliquastrum* dixere, & *Seliquastrum*: quamquam & *Siliquastrum* genus herbæ hortensis. Pariter meminit huiusce sedis inter instrumenta domus; & in supellectilis censione Iuris Consult. l. 4. de supell. legata; nisi magis placet ex Pandect. Flor. legere *Sedularia*, quod Ant. Augustinus conatur; pro puluillis exponens, quibus

lecticæ sternuntur V. Gothofr. ad d. l. 4. Erit igitur *Seliquastrum* notam ornatae structuræ, aut artificiosi operis sedes; Festi verbis: *Sedilia antiqui generis appellantur*. Sic enim antiqua dixerunt, quæ rudia magis, ac simplicia; ad vsum, ac necessitatem, non ad luxum, aut munditiam inutilem. Qua similitudine egregiè, atque ingeniosè Tacit. lib. 16. 5. *qui remotis è municipijs, seueram adhuc, & antiqui moris retinentes Italiam &c.* qui nondum scilicet viderant luxuriosas illius opes, ac infana illic voluptatum, ac theatrorum certamina, de quibus ibi Tacitus. Sic viros, sic mores antiquos Ennius.

*Moribus antiquis stat res Romana, Virisque.*  
Vt sedilia antiqui generis, ita Horatio *Lecti Archaici* lib. 1. epist. 5. nobis *All' antica*.

*Si potes Archaicis conuina recumbere lectis.*

Turnebus aduers. 1. 18. maluit *Archiacis* ab artificis nomine. Mihi perplacet *Archaicis*, & Nannius antè statuit miscell. 4. 18. Quod non penitus desira, aut antiquata fuerint ea sedilia, ostendit legatum in d. l. 4. si *Seliquastra*, non *Sedularia* verior nos lectio reposcit. Vocamus enim antiqui generis etiam ea, quorum vsum adhuc durat, sed vt demonstremus formam, & fabricationem. Mulierum ergo tellæ ea *Seliquastra*; talesque fuisse, neque adoptatas, quarum domi vsum, pôtauit Casaub. ad Suet. Orthon. c. 6. Nostrates dixerimus vulgares, ac mindres, vbi foemina lanipendio, & acui operantur. Indistinctes crediderim quas *sellas rusticanas* Sulpit. Seuerus appellauit. de B. Martino loquens; quarum tamen nihil puduit sessorem maximum. Vates, aut Myrthastronomi locarunt Cassiopeam Seliquastro impositam. Hyginus Astronom. poet. 2. in Cassiopeia *Inter sidera sedens in Seliquastro constituta est*; & de signis lib. 2. *Cassiopeia sedens in Seliquastro collocata est.* adnotauitque Grotius pag. 47. ad has imagines. Nisi mihi res cum Poetis, aut Mythologis foret, genere licentioso, quibus Iudæus credat apella; abundè esset, quod Seliquastrum supra omnes bisellij honores dignissimam sedem reputarem, quando illic Reginam incumbentem tot siderum satellitio vndequaque stipatam locarunt. Contra autem commune, & cuique parabile id sedile statuimus. Formaturam, & Schema Seliquastri huius Cassiopeij variè pro lubitu exhibent artifices in mappa coelesti; domesticum, vt apparet, & muhebrem ad vsum. Arabibus proinde Astronomis *Mulier Seliquastri* appellatur Cassiopeia.



Productio hæc, aut incrementum, quod in *aster* pangebant Latini, nescio quam extenuandi, aut despiciendi vim habuit, ut recaluaster, furdaster, parasitaster, &c. Sic plantas depretiat, aut sylvaricas facit, ut pinaster, oleaster, &c. Quid, si vilitatem, aut contemptum ira ducant à sellis Siliquastra? quomodo serperastra, vel alia id genus. Sed obsoletum, aut vile seliquastrum paratæ mox sedis nitore, ac dignitate pensamus.

## CAPUT XI.

*Sella curulis*. Tuscorum inuentum: à Curibus, non à curru dicta. Hinc *Magistratus curules* ὑπατικός θρόνος: δίφρος βασιλικός. *Sella ἀρμάτιος*, alia. *Sella Consularis*, *Regia* ἡγεμονικός, ἀρχικός. *Ducum*, & *Magistratuum*. ἐλεφαντίνος: *eburnea*: *eborata* ἀγκυλόπες. *Curuipes*. Franciscus Gottifredus antiquitatum diligentissimus, Serenissimi Leopold. ab Etr. heroicæ virtutes. *Curulium* non una forma producta, & in nummis explorata. Coronæ desuper, fasces, rami, manubiæ: circumq; & ad pedes erecta huiusmodi. *Curulis peruersè collocata*. *Sella auersa*. Faldistorio Episcoporum similis.

**C** Vrulem sellam quantam honoris significationem, quantumque decoris instar secum ferat, nemo, vel in Romana antiquitate balbutiens ignorare potest. Tusciæ nostræ inuentum id insigne. Ac si fides Silio Italico lib. 8. è Verulonijs oppido (hodie Viterbio) primum aduecta in Urbem Curulis. De ea sic loquitur Ciuitate.

*Hæc altæ eboris decorauit honore Curules.*

V. Macrobius. 1. Saturn. cap. 6. & Dyonisius lib. 3. Ἀρχαιολογ. qui ab Etruscis accepisse Priscum Tarquinium refert. Lilius lib. 1. *me hæc pænitet eorum sententia esse, quibus apparitores, & hoc genus (lictors) ab Etruscis finitimis, unde sella Curulis, unde toga prætexta sumpta est.* Nihil tam dictum, ac de ea Sella. Tu videtis è propè innumeris, quos veluti edecumatos delibo, Lipsium ad 2. & 4. annal. Tacit. Brissonium select. antiq. lib. 3. cap. 15. Passerat. ad Propertium lib. 4. eleg. 12. Cerda ad 11. Aen. vers. 384. Lazium Reip. Rom. 2. 3.

Conspirant Grammatici ut à curru deducant. Festus in Curules, Ifi.

Isidor. 11. 20. Bassus apud Gell. lib. 3. 18. Seru. ad idem Maronis carmen 384.

*Et sellam regni, trabeamque insignia nostri.*

Sed meritò reprehenduntur à doctioribus, quos Grammatistarum argutiæ parum afficiunt. Inter hos Lipsius, qui non à curru, sed à Curibus deducit: hunc vide cap. 12. de Magistratibus. Cui opinioni fauet modulus syllabæ primæ in curulis. Ergo ab hac sella, & illius usu Magistratus *Curules*; quorum mentio l. 1. §. 26. de origin. iurif. l. 1. de ædil. edict. §. 7. Instit. de l. nat. &c. Liuius lib. 6. Hinc Aediles *Curules* à plebeijs distincti, quoniam (quod est apud Theophilum §. proponebant de l. nat. gent. & Ciu.) ἐπέχρηστο τῇ σέλλῃ ὑπατικῇ. *utabantur sella Consulari, seu Curuli*. Nihil proinde mirum, si ab hisce ornamentis, seu insignibus, nomina quoque, & honorum gradus desumantur, ut in nostro Honore bisellij. Sed plura inferiùs. Alio nomine igitur hæc sella dicta *Consularis*. Theophilus super. Glossæ, *sella Curulis ὑπατικὸς θρόνος, δίφρος βασιλικὸς sella Consularis, sella regia*, quoniam ea usi quondam Reges, deinde Imperatores, qui à Græcis Reges; ideo βασιλικός. Eam ob causam Plutarcho ἡγεμονικὸς *Sella Ducum, Magistratuum, ac Principum*. Dionysio Halicarnas. termè semper ἐλεφαντίνος θρόνος *Sella Eburnea* à materia, siue ebore. Neque confundenda cum aliâ, quæ ἀρμάτιος δίφρος Polluci 10. 11. (plura suo loco) quam rectè vertunt *Sellam curulem*. Est enim sedes in curribus; non tamen sedes honoris, quæ Magistratibus Romanis attributa, & quæ efferri debet litterâ vnâ caninâ minùs.

Materia olim ex ebore, diuque tenuit. Eam ob rem ἐλεφαντίνον δίφρον vbique vocat Dionys. hoc est Consularem, & passim scriptores de ebore curuli. *Eboratam* Vopisc: in Aurel. Proprium Romanorum agnoscit hoc ebur Athenæus lib. 5. cap. 4. vbi de Antiocho Epiphane, qui nonnunquam sedebat ἐπὶ τῷ ἐλεφαντίνον δίφρῳ κατὰ τὸ παρὰ Ῥωμαίοις ἔθος, *In sella eburnea more Romanorum*. Ex Polybio autem narrat Athenæus; apud quem Polybium lib. 6. ἐλεφαντίνος itidem δίφρος appellatur V. P. Fab. ad tit. de Orig. I. p. 39. 40. & Passerat. eo loco ad Propertium. Dempst. ad Rosin. lib. 10. c. 11. Orleans ad Tacit. pag. 783. Imo Dijs ipsis, Deorumque parenti Ioui ex ebore dicandam reperio apud Vopiscum in Firmo cap. 3. vbi de Aureliano Imperatore loquitur. *E duobus dentibus elephantinis pedum denum, additis duobus alijs dentibus constituebat sellam facere Ioui*. Conijce sellæ magnitudinem.



nem ex dentium quatuor proportione, ac mole; si modo alij duo pedibus denis extendebantur. Sed glisciente luxu, opibus, vitijs, tum bracteata, tum ex auro, argento, &c. accedente industria, labore, operâ artificum: dicemus nonnihil infra. Formam ostendunt marmora, ac nummi. ἀγυλόπυς Plutarcho dicitur in Mario, hoc est *curuipes*; quòd quatuor lignis incuruis, ac decussatis constaret, atque ordinaria ea species; obseruatque Casaub. ad Suet. Aug. cap. 43.

Quandoque autem visitur pluribus compacta lignis, quales nobis sedes totæ lignæ (ciscrannæ dictæ) ad vulgarem vsum. Nihil tam frequens in antiquis saxis; nihil tam obuiū in nummis tam exteris, quàm Romanis; præcipuè autem vbi congiarium, aut alia largitio à sedente Principe erogatur. Vide interim productam superiùs Iconem in Bisellio: est enim duplex iuncta sella curulis octo suffulta pedibus recuruis, sed minimè plicatilis. Frequentiori igitur forma quadrupes sella camuris, & obuersis lignorum capitibus; quorum quatuor solum tangunt; quatuor loramentum obtensum, aut sedile substinent.

Vnde vero exemplaria iustiùs deducemus, quàm ex æuo omnium nobilissimo Cæsaris, & Augusti? En primò transuersis pedibus cancellata apud Lud. Nonn. in Goltz. num. Cæs. tab. 27. num. 7. corona desuper iacens, fasces vtrique ad pedes erecti V. in fine num. 4. & 5. Consimilis alia Coloniae Apameæ sub Augusto cum fascibus, & corolla: sine fascibus altera.

Vtramq; è suo Cimeliarcho Româ misit diligentissimus antiquitatum vindex, & elegantiarum spirans Amalthea D. Franciscus Gortifredus, quos tibi non inuideo lector, atque inspector humanissime; curauitq; Serenissimus Princeps Leopoldus ab Hetr. cui debeo quidquid meæ conantur literulæ. De summo Heroe, ac Mæcenate quantumuis dixero magnum, infra erit semper. Quòd ad omne genus artium nobiliorum fauore, ac patrocinio impellat, Principis est: quòd suo ipse labore exornet, ac tueatur, omnium penè compos, supra Principes est, sed non Mediceos. Nullus dubito cancellaris hinc sedibus compactas sellas è genere curulium fuisse, quidquid fateatur se ignorare Lud. Nonn. ad numismata Cæsaris. At frequentior, & communior forma Curulium, quin etiam illustrior, ea quadrupes è lignis recuruis, V. passim apud eundem Nonn. Cæsar. tab. 15. n. 22. & 24. tab. 35. 5. & August. 22. 4. V. in fine libri 6. 7. 8. in quibus tamen locis non vnicam, sed duas sellas exponit Nonnus. Verè vna tantum est.

est. Non negarim tamen sibi parumper indulgisse artificem, vel inuitâ optice; quippe in fronte sellam prospicimus; quatuor autem illi pedes non tam diducti, ac patentes ex lege visionis apparere deberent, sed anteriores posteriorum luminibus officere. Neque id tamen nouum quandoque in nummis demonstrationis gratiâ, vbi neque color, neque umbra iconisimum adiuuant. In his autem sellis notare est coronas impositas, vel singulas, vel binas, quandoque ternas; nunc iacentes, nunc erectas; sic fasces, sic ramos vtrisque humi adstantes, aut frumenti spicas, vt in Lepido 27. 9. eidem Nonno: vbi & Iouis manubiæ impositæ. V. & Cæs. 35. 5. V. n. 9. 10. 11. in calce libri. Aug. 22. 4. & 6. hîc pedes curulis vario fabri lusu tornatiles, aut cælati, & in cuspidem concinnè desinentes: qua verò crassescunt, & sedile sustinent (si oculorum arbitrio credere est) corollis, aut lemniscis ornati apparent. Adde Vrsini nummos, quos proferimus inf. cap. 31. Sed cum lessore tibi occurrit sella August. 46. 20. apud eundem Nonn. V. n. 12. in eiusdem calce. ex qua manifestè deprehendas eam pedum figurationem, aut positum, quem nuper indicauimus. Ni satis numismata, adi opus anaglypticum in arcu Constantiniano Romæ, vbi Traianus sedens in Curuli; iterumque sedentem illic cerne, sed aliâ sedis formâ. V. num. 13.

Non admodum à sede Episcoporum (quam vocant Faldistorium) diuersam Curulem assentimur; quoniam vtraque humilis, ac repostilis, vt portare, ac ponere possis, vbi opus sit; sine anaclinterio plurimum, aut fulcro ad dorsum reclinandum.

Quod si quis interim sciscitetur, vtrum eadem fuerit facies sellæ Curulis tam anterior, quam posterior, sicut in Faldistorio; nihil vt referret, qua fronte statuatur; esset quod in Curuli, diuersitatem aliquam suspicarer ex Suet. loco in Galba cap. 18. vbi inter alia, quæ imperium Galbæ, vitamque amittendi dedere omen, refert Historicus fuisse in *Senatu Curulem peruersè locatam*, quod nobis esset à *rouescio*. Alius ergo Curuli aspectus in antica, alius in postica esse potuit. Nisi peruersè intelligamus, quasi latera sellæ exposita fuerint, vbi frons, aut aditus obuerti debebat. Notauit in l. 1. D. de postulando *Publium cecum Asprenatis Nonij patrem auersa sella à Bruto destitutam*, cum vellet *postulare*. Sed eam partium, ante, aut secus disparem formam imagines non præferunt. Illud dumtaxat quandoque obseruare est, præfertim in nummis, ligna posticæ partis paulo altiùs extare, ac pronior



rem sellam in anterieus reddere; quod antiqua numismata lustrantibus facile apparebit. Nonnulla alia, quæ ad curulis structuram spectant. V. inferius cap. trigesimo, ubi de anaclinterio, nobis *spalliera*, & curco caruerit hæc sedes.

## CAPUT XII.

Sella curulis cognominibus data magistratibus: flaminibus: munerum editoribus: fortasse Vestalibus. Dubitatur an omnibus Senatoribus. Berneggeri affirmantis suspecta opinio. *Subsellia Senatoria*. Ludouico Aurelianensi impacta censura. Tullius explicatus. Lud. Cerda sub examen; & laudatus. Proconsulum Curulis, Prætorum, Pisidiæ, & Lycaoniæ. dissensus à P. Fabro. *Leſtica conſulares*. Dictatoribus, Interregib. Præff. V. Magistris eq. debita Curulis. Patres in Consistorio sedentes. Curulis domi detenta; sæpius imposita curui.

**V**bi materiam Sellæ curulis, speciem quoque, ac figuram obiter inspeximus; quibusnam tributum fuerit id honoris insigne, pari compendio, aut excursu adnotemus.

Liquet autem omnibus Magistratibus Maioribus, domi, forisque adhibitam, hinc ἀρχιδὲς δίσπος, & ἡγεμονιδὲς Græcis. *Sedile dignitatis amplissimæ* Mamertino in paneg. vocatur. Sic *Aedilitia*, *Prætoria*, *Consularis* Sella. Non dubitarim Dictatori usurpata, quippe ille Magistratus omnium in se potestatem inuoluebat, affirmatq; Lipt. de Magistratibus cap. 2. De Principibus, aut Imperatoribus non est ambigendum, ac nos infrà. Nec Sacerdotibus negata. Liu. 27. de C. Flacco Flamini Diali *Vetussum Ius Sacerdotij repetebat datum id cum toga prætexta, & sella curuli Flamini esse.* & lib. 1. de Numa Flaminem Ioui assiduam creauit, insignique eum veste, & curuli regia sella adornauit. Vbi sellam curulem vocat regiam. V. & exempla apud eundem Liu. de Vrbe à Gallis capta lib. 5. & Valer. 3. 2. de Romanis in curuli sedentibus.

Nummus Cottæ Pontificis hanc sedem exprimit promptus à doctissimo Iacobo Guthero de Vet. I. Pontif. pag. 120. Neque ab hoc more abire videntur verba Taciti, *sedes curules Sacerdotum Augustalium locis* lib. 2. annal. Munerum editoribus inter ludos, & solemnia

daram fuisse opinarer, etiam si priuati essent: de Magistratibus quis dubitet? Omnino tribunal ad podium ijs parabatur. Suet. August. cap. 44. *Virginibus Vestalibus locum in theatro separatum, & contra Prætoris tribunal*: explicat autem Lips. *Prætoris* vocem pro quocumque editore; tu vide cap. 11. de amphit. Addo Festum in *selle curuli*, quomodo eam explet ὁ πᾶν Scaliger. Imò tam propria videtur ludos edentium, ut alijs cæteroquin habentibus tunc negaretur, quod infra coniimus ex Dione lib. 44. Quare προεδρία, & *Præsidere* de ijs dicebatur, sicuti in προεδρία adesse. V. infr. c. 32. sed quid plantius? Datur editori tribunal, à tribunali numquam sella, & quidem curulis in Vrbe seiungitur. Stat sella quidem sine tribunali, hoc autem haud sine ea. Cic. 2. Verr. *Palam de sella, ac tribunali pronuntiat*. Martial. epigr. 11. 99. ad Bassum.

*Sedeas in alto tu licet tribunali,*

*Et è curuli iura gentibus reddas.*

Dantur editori cætera insignia, ac decora Magistratuum, & quidquid maxime splendidum est ad pompam, & auctoritatis indicium: quid est quare illi Curulem abiudicemus? Inter Consules medium editorem locat Boeth. imò Sapiencia ipsa lib. 2. de Consol. *Cum in circo duorum medius consulum, &c.* Eodem argumento ad opinandum me comparo Virginibus Vestalibus potuisse dari. En ad podium ipsæ quoque sedebant, & quidem eadem metatura, qua editores; Sueton. sup. ac Prudentius de ijs hymno de D. Hippolito.

— *Podij meliore in parte sedebant.*

Sacerdotes Vestæ, & Antistitæ omnium dignissimæ censebantur; littores habebant; pilento, aut carpento vehabant; ijsque cæteri magistratus fasces suos submittebant, nulloque nō genere sanctitatis, atque honestamenti mactas Romana gens venerabatur. Quare ut dignatio glisceret Vestalis Sacerdotij decretum olim *quotiens Augusta theatrum introisset, ut sedes inter Vestalium consideret*. Tacit. 4 ann. 16. quòd si hæ sedes Augustam ipsam manebant, non levis coniectura me ducit, eas saltem in theatro, aut per aliquam occasionem fuisse Curules. Nihil tamen certi statuo, ac multò minus, quoniam Lips. pulcherrimo illo opusculo de Vestalibus, ne γὰρ quidem super hoc ritu; & poterat ille tamen perquirere. Omitto interim Præsidis illarum Vestæ solemne fuisse donarium, & αὐθιμα sedem; eamque sæpius curulem in vestibulis templorum positam, quod exhibent num-



nii à Lipsio producti: eo simul valebant, vt stabilitatem Vestæ, seu terræ denuntiarent. Atque his testimonijs abundè satis edocemur, quibusnam clara hæc sedes honoris contigerit, quantumue in eius usu instar dignitatis inesset. Illa nunc me dubitatio exercet, num Senatores hanc ipsam Curulem adhibuerint? quippè tam egregij confessus inclyti Proceres, rerumque toto orbe Romano maximarum auctores, quos merito totidem Reges Cyneas videns, veneransque appellauit, exortes fieri non debuere tam honesti decoris. Disertè Cl. Berneggerus ad Sueton. Cæli. cap. 78. occupatas fuisse indiscriminatim à Patribus Curules monet. Sed multa, ne huic fidam sententiæ, vrgent validius; & quidem Senatoribus assignata fuerunt subsellia, non igitur Sellæ Curules. Sueton. in Aug. c. 44. *Facto igitur decreto Patrum, ut quoties quid spectandum publicè ederetur, primus subselliorum ordo vacaret Senatoribus.* Quod autem de primo subselliorum ordine tradit, id ex lege iniunctum puto Senatoribus, si veste senatoria adfuissent: sine ea, vbi libuerit sedere poterant teste Dione lib. 60. p. 669. editionis Hanouianæ gr. lat 1606. quod semel sit præmonitum toti libro. Quo spectat Plin. 9. epist. de Tacito Senatore. *Narrabat (Tacitus) sedisse se se Circensibus proximum equiti Romano veste priuata.* Clarè autem narrat Dio ibid. fuisse à Claudio assignata Senatoribus Subsellia, quæ tempore ipsius Dionis in usu erant, ἰδρῶν τῶν νυῦ ἔσαν appellat: sessionem .s. aut locum; sed nulla mentio Curulium. Omnino clariùs lib. 59 p. 645. vbi de Caligula, qui primus instituit, vt Senatoribus puluilli subijcerentur, ne ἐπὶ γυμνῶν τῶν σαρίδων *in nudis asseribus* sederent; quid autem hi nudi asseres, nisi mera subsellia? Idem 44. p. 242. de Cæsare, cui honoris ergo μαθίζεσθαι ἐπὶ τῷ ἀρχικῷ δίφρῳ παύλαχῃ, πλὴν ἐν ταῖς πανηγύρεσιν ἐψήφισαντο τό τε γὰρ ἐπὶ τῇ δημαρχικῇ ἐσθρῇ, καὶ μετὰ τῶν ἀεὶ δημαρχεῖτων δεύσασθαι ἔλαβε, *sedere in curuli sella omni loco exceptis ludis permiserunt. tunc enim & in tribunitio subsellio, & cum ijs, qui quoque tempore tribuni forent, sedere obtinuit.* Priuilegio id datum Cæsari, non ergo sole mne cunctis Patribus. Imò verò si cum temperamento eadem Cæsari, exceptis ludis; minus multo vulgatum id Senatoribus. Cur autem in ludis non sella Curuli, sed tribunitio subsellio vti debebat Cæsar? Fortè quia ea tunc propria, & prærogatiuæ indicio seruata editoribus? Omnem tandem profligat dubitationem, ac sententiam nostram mirificè fulcit, quod idem Dio scripserat lib. 43. p. 220. de

alijs honoribus antea decretis eidem Cæsari. καὶ προσέτι ἐπὶ τῇ εἰρη-  
 χικῇ διαρρῇ μετὰ τῶν αἰεὶ ὑπάτων ἐν τῷ συνεδρίῳ καθίζεν. *Ut insuper*  
*Consulibus cuiusque tēporis in Senatu assideret super sella curuli.* συνεδρίον  
 verto Senatum) non itaq; antea in Senatu utebatur Cæsar. Sed redea-  
 mus ad subsellia Senatoria. Cic. in Catilinam 1. *quidquid ab aduentu*  
*isto tuo ista subsellia vacua facta sunt, &c.* Inter subsellia Senatus id. in Sa-  
 lust. Alcon. ex eisdem Cic. pro C. Corn. orat. 1. *à populari confessis*  
*Senatoria subsellia separari.* Spartian. in Caracal. cap. 2. *Cum armatis*  
*militibus curiam ingressus, hos in medio inter subsellia duplici ordine col-*  
*locavit.* Sidon. Apollin. 1. epist. 7. de Tonantio Ferreolo, *Verecundè,*  
*ac leniter in imo subselliorum capite confedit, ita ut non minùs legatum se,*  
*quam Senatorem reminisceretur.* Indico tibi, & Donatum Marcellum  
 ad Suetonij Neron. cap. 17. Ni mea igitur prorsùs aberrat opinio,  
 neutiquam sellæ curulis honestas vniuersis vulgata Senatoribus fuit :  
 ac multo minùs ijs, qui è Magistratibus maioribus nullum, aut gessis-  
 sent, aut gererent. Quinimo si Prætoribus quoque ipsis data subfel-  
 lia (vt infra dicemus) mirabimur, si purus Senator à curuli exclusus,  
 conquiescere in ijs debuerit? Delicias prorsus facit Vir altoquin cum  
 primis eruditus Orleans ad 10. ann. Tacit. p. 783. qui ciuibz bene  
 de Repub. meritis in præmium, ac mercedem, sellæ curulis vsum tra-  
 dit : ego dicerem magistratus, honores, imperia : hæc autem cum  
 sella curuli iungebantur. V. & Dempst. ad Rosin. 10. 29. scio alio-  
 quin honoris causa nonnullos, aut locios, aut externos sella curuli  
 fuisse donatos, præcipuè autem Reges, qua de re Briffon. lib. 2. form.  
 p. mihi 234. sed nos loquimur de vñ illius publico inter ciues, non  
 de munere secum adsportando, aut retinendo ad memoriam, & insi-  
 gne honestatis. Neq; ad rem facit locus Ciceronis Verrina 9. n. 36.  
*Ob earum rerum laborem, & sollicitudinem fructus illos datos, antiquio-*  
*rem in senatu sententiæ dicenda locum, togam prætextam, sellam curulem,*  
*&c.* Non de simplici Senatore Orator loquitur, sed de Aedili Curuli;  
 cui omnino conuenit ea sella, vnde & adgnomen desumpsit. Sicuti  
 & in Cluentiana n. 194. *Toga prætexta, Sella Curulis, insignia, fasces,*  
*exercitus, imperia, prouincia, &c.* non eum habent sensum, vt quisvis  
 Senator sella vtatur curuli; alioquin & vnusquisque esset Imperator,  
 & prouinciam gereret, si Tullij verba nos mouent. Sed hoc volunt,  
 è Senatu, amplissimo .s. illo ordine, ciuiumque bestissimorum con-  
 fessu prodire viros, quibus imperia credantur, & populorum regimi-



na, prouinciæ, exercitus, potestates tradantur: ac proinde illos consequitur auctoritas, ac domi splendor, apud externos nomen, & gratia: illis toga prætexta, illis sella curulis, fascesq; , & cætera insignia, quæ cum imperio cohærent. Fateor interim, aut saltem suspicor multum interfuisse ad rationem, modumque sedendi, quo in loco Senatores adessent; vtrum in templo, aut curia, in foro, in theatro, in iudicijs, in domo Principis, &c. ac fortasse aliud alicubi magis conueniebat. Vtrum autem ad sedium quoque discrimen ea loci differentia procurreret, non audeo nunc statuere. Obseruamus certè apud Scriptores, vbi de sedendi ratione, aut sellæ vsu pertractant, apponi etiam locum, ac tempus, & occasionem. Fortè enim erat vbi parum commodè ob loci habitum; vbi minus reuerenter in conspectu Principis; vbi nequaquam aptè, rebus mœstis, atque afflictis (dum cultum, nitoremque maiestatis ponerent) esset Patribus adhibenda curulis. Sed quanti habita sit hæc regula sedendi in vsu politiæ Romanæ, non est quod vel hoc vno prætermittam docere; peculiarem .i. constitutionem fuisse ab Imperatore Arcadio euulgatam A. D. CCC LXXXVI. quæ est in lib. XV. tit. 13. C. Theod. de *Vsu Sellarum*: vbi personas, locum, atque ius sedendi, & quibus illud in publico permissum statuunt; ne rem tralaticiam, temerèque confundendam, ac vulgandam opinaremur. Ante ipsum Quintilian. 3. 6. Tertullian. de spectacul. c. 22. vbi *Honoribus succenturiat, & coassat Sessionem ipsam*. Verba legis Arcadij ea sunt. *Exceptis plebeis, scenicis, & qui spectaculo suo præbuit populo materiam voluptatis, & tabernarijs; cæteris omnibus usum sellarum, & sedendi, ac conueniendi in publicum tribunus facultatem*. Vide istic illustramenta doctissima Iacobi Gothofredi; non vacat nunc particulatim exquirere, qui delibamüs dumtaxat, ac Velitum more euagamur: statariam suo tempore curam admouebimus. Quod si clarissimus idem Berneggerus ad loca Suet. cap. 76. & 78. in Cæs. occupari scripsit Curules à Patribus respiciendo occasionem triumphi, aut spectaculi (de quo ibi) tanquam si in luce publica, communique populi gaudio explicanda magis esset maiestas Senatus, dignissimo, atque honestissimo sessionis genere; cupiebam vt non modò distinctius loqueretur vir doctissimus, sed distinctionem quoque ipsam dein cum teste sanciret. Sed illi fundus fortasse, & fons huius opinionis Iustus Lipsius, quem laudat ex cap. 11. Amphitheatr. sed verè idem Lips. ait quosdam Patres spectasse, creditque Consules,

Prætores, aliosque, quibus id ius in sellis curulibus ad podium spectandi; non tamen omnes Senatores; neque iuratus affirmat, sed credit, reperitque nonnullos ita confedisſe. Huc ego quoque libenter iudicio inclinarem; ijs patribus, qui magistratum curulem gererent, datam quoque fuiſſe cognominem ſedem in curia, aut alicubi. In ſuis vero dicasterijs, tribunalibus, foris nullus ambigerem. Sicuti verò Berneggerus nimium liberaliter vulgat uſum Curulis: ita nimis deparcus, ac reſtriſtus meo ſenſu Ludouicus Cerda ad locum Vatis maximi ſuperius allati Aeneid. 11. verſ. 334. qui ſolis vindicat Conſuli, Prætori, Aedili: cæteris omnibus negat: Feſtum iridem coangultans in verbo *Curules*; quòd de his dumtaxat tribus ſit exponendus. Sed cur repellit Flamines, & Sacerdotes, ſaltem quosdam? Cur Veſtales, cur ludorum præſides, ſi quando è curulibus Magiſtratibus non fuerint? Non Dictatorem uſum credamus, qui cæterorum in ſe poteſtatem, atque iura compleſtebatur? Non interregem, nō eos, qui pro Prætorè, aut Conſule gererent extra urbem? Ac multo magis Romæ Tribunos conſulari poteſtate? Proconſulibus omninò tribuit P. Fab. ad tit. de orig. I. ſed & eorumdem legatis; id tamen mihi non eſt adeò planum. Quod n. Spartiani teſtimonium aduocat in Septim. Seuerò cap. 2. falces legatis datos, atque in vehiculo ſediſſe, qui ante pedibus ambulabant; hoc narratur dumtaxat; nil de curuli ac ne colligi quidem indidem poteſt. Non diſſentior *Legatum P. R.* illic, non pop. Romani, ſed *P. R.* hoc eſt Proconſulis eſſe exponendum, vt ex narratione conſtat. Prætoribus Piſidiæ, & Lycaoniæ *διππων ἔξ ἀργύρου*, & *ἀπὸνῶν ἀργύρου*: tribuit Iuſtinianus nouella 24. & 25. *Leſticam argenteam* vertit idem Faber. Ego *διππων* libentius, ac tutius *Sellam* interpretor; *ἀπὸνῶν* autem eſt rheda, aut vehiculum, non ſella. Sed viro magno in animo fuit toties curulem datam exponere, quoties in curru ſederetur. Non deſino interim mirari, cur Mamertinus in paneg. noua appellatione *Leſticas* conſulares inuexerit? *Panè intra ipſas Palatina domus valuas leſticas conſulares iuſſit conſerri*, &c. *Leſticæ* uſus ad iacendum, non ad ſedendum, vt notum eſt; & mox tamen has *leſticas* vocat *ſedile dignitatis ampliſſimæ*: quare aut oratorem exequens, *leſticas* pro curulibus poſuit; aut eo tempore *Leſticæ*, quales noſtræ hodie ad ſedendum, non quomodo vereres utebantur, repertæ iam fuerant. Cæterum rectè Seruium caſtigat Cerda, eos ſolos curuli uſos monentem, qui triumphali curru inueherentur.

Pror-



Prorsus autem Præfectis vrbis, omnino Magistris equitum debitam Curulem, quoniam hi à dictatoria potestate manabant, clarè tradidit Dio lib. 43. pag. 238. in ea narratione, quam sic latinè efferimus. *Præfecti vrbis cuncta in vrbe cum Lepido magistro equitum procurarunt: accusatique quod licitoribus, veste, ac sede curuli, ac si magister equitum vti essent* (en magistri equitum propria) *lege se defenderunt, qua usus earum rerum ijs permittitur, quibus magistratus à Dictatore est commissus.* Hæc Dio: notabilis lex de sede curuli, & alijs insignibus: atq; inde colligendum, multo magis dictatori tributam Curulem augustinioris potentia, atq; honestatis significatione.

Pertinet autem ad amplitudinem, aut decus sedendi, quod consultiſſimus inter eruditos vir quærit Ianus Langlæus, Patribus licuerit olim, an non in consistorio Principis, aut Imperatoris sedere? Sed ne pluribus te morer lector, ad illum te remitto scribeniem ocij semestris lib. 7. cap. 15. cui placet licuisse affirmare. Videatur lex 1. & 2. C. de Comit. Consist. & ibi Cuiac. Neque minus Romani Senatus conscriptos Patres sedendi iure, atque honestate donat ibidem. Langlæus, si peregrè proficiscentes, siue in Italia, siue in Prouincijs aliarum ciuitatum Buleuteria ingredi, aut censere voluerint. Vix est enim, vt amplissimi consilij Principibus, quorum auctoritati vniuersus pænè stabat orbis, negata fuerit ea sedes, ac potestas dicendæ sententiæ.

Colophonem addo huic capiti, locum explorans, stationemque, aut sedem eiusdem sedis curulis. Tanquam necessariam suppellectilem domi quoq; detentam opinor à magistratibus; nō modo ad vsum, & opportunitatem I. dicendi; sed fortè ad memoriam honoris, commendationemque posteritatis, etiam exacto Magistratu. Liu. lib. 5. *qui eorum curules gesserant magistratus; vt in fortuna pristina, honorumque, aut virtutum insignibus morerentur, qua augustissima vestis est theſas ducentibus, triumphantibusque, ea vestiti medio eburneis sellis sedere,* &c. V. & Valer. Max. 3. 2. n. 7. inter Rom. in eadem narratione. Cell. 6. 9. ex annalibus L. Pisonis. *Cn. Flavius Annij filius dicitur ad collegam venisse visere egrotum: & in conclauis postquam introiuit, adolescentes ibi complures nobiles sedebant contemnentes eum; assurgere ei nemo voluit. Cn. Flavius Annij filius Aedilis id arrisit. Sellam curulem iussit sibi afferri: eam in limine apposuit, ne quis illorum exire posset; utique ij omnes inuitti viderent sese in sella curuli sedentem.* Adi & Valer. Max. lib. 2.

lib. 2. cap. 5. eandem sellam dum procederent portari iuebant, sique opus fuisset ex inopinato dicendi Iuris cauta utebantur. Vide §. 2. Instit. quibus manumitti, &c. vbi de Consule manumittente, cum in balneum iret, aut theatrum. Iuuant loca Isidori 20. 11. & Gellij 3. 19. ex Gabio Basso, Festus in verbo *Curules*. Si domi, aut priuatim à curuli sede minimè abscedebant magistratuum compotes; multò id minus in conspectu populi, & ad publica officia, in quibus, aut promendæ iustitiæ auctoritas, aut patrij honoris vindicanda Maiestas. Notabilis est etiam locus Ammiani lib. 25. morem vel suæ ætate prodentis, vbi de Varroniano infante ad Consulatum euecto, *Vagitu pertinaciter reluctans, ne in curuli sella ex more veheretur*. Curum repono inter præcipua loca, vbi Curulis poneretur, quoniam tum eo vsi magistratus dum irent in curiam, aut ad publica ministeria (quod voluerunt auctores nuper laudati) tum triumphantes curulem illic locabant Seruius ad 11. Aen. vers. 384. quare Dionys. Halicarnas. lib. 5. Menenium deuictis Sabinis ducit triumphatorem *ἐφ' ἀρματίου διόρη Εασίλιχῃς in sella curuli*: regia quomodo & Liu. sup. *curuli regia sella*.

Si ad exercitus ibant, aut in Prouincias, secum habuisse Curulem nullus dubito. Hinc mentio sellæ castrensis: hinc militaris, aut Imperatoriæ, seu strategicæ. Talem vocat Dionys. Halycarn. ἀρχαία. lib. 8. qualem habuere Consules egressi ad exercitum; sed de his proximo capite. Romanæ huius sessionis ritum, ac morem seruatum fuisse à P. Aemilio in Macedonia, postquam debellasset ex Lilio constar. *Assuetis regio imperio, tamen nouum formam terribilem præbuit tribunal, summotor aditus, præco, accensus, insueta omnia oculis, auribusque, quæ vel socios, ne dummodo hostes victos terrere possent*. V. lib. 45. & quæ de Marcio Coriolano apud Volscos refert Dionys. Halicarn. lib. 8. ac de P. Scipione in Hispania oppidum Badiam circumfidente Val. Max. 3. 7. n. 1. Rom. sed vbicumque staret, migraret Curulis; priuatim, an publicè; domi, forisue; præcipua illius mansio, ac metatio plurimum suggestus, & locus editior, seu tribunal, aut solium. Quod quoniam augustam Principis Maiestatem potissimum decet, de sede principali, aut Imperatoria placet aliquid subtexere, vt mox ad tribuna-  
lia prouehamus.



## CAPVT XIII.

*Sella Imperatoria* ἀρχικὸς, ἡγεμονικὸς, στρατηγικὸς, non alia à curuli. *Sella Castrensis*. Tribunal in castris prætorijs. δῖσπος βασιλείας. Thronus. θρόνος. *Sedes regia*. ἀρμάτιος δῖσπος. Dionys. Halicar. expensus. *Sedes Herilis, Regalis*. *Sella aurea* Cæsaris. Suet. declaratus. Leonardus Augustinus. Elegantiorum sellarum prompta specimina. Nefas priuatis sellam Principis occupare. Maiestas sellæ regię apud Persas. Regis δῖσποφόρος. Xerxis ἀργυρόπας: quæ αἰχμάλωτος dicta. Aliæ & aliarum gentium sellæ aureæ.

**I**mperator olim, vt notum est, idem ac Dux exercitus, & rei bellicæ summus antistes. Hinc *sella Imperatoria*, quæ Dionysio Halicarn. στρατηγικὸς (vbi de Consulibus loquitur) quasi Prætoria, siue Imperatoria; est enim στρατηγὸς, quicumque Præfectus, aut Princeps, & si propriè in exercitu. Eadem & ἡγεμονικὸς à Ducatu; & ἀρχικὸς ab Imperio. *Castrensem* quoque reperio, cuius meminit Suet. in Galba cap. 18. *Adoptionis die, neque milite alloqunturo castrensem sellam de more positam pro tribunali, oblitis ministris, & in Senatu curulem peruersè collocatam*: quasi equidem castrensis à curuli differret, quas distincto nomine Suetonius demonstrat. Sed id magis est, vt locum, non formam in hisce tellis diuersam declari velit. Vtramque puto curuli specie fuisse: sed castrensis magis expedita, ac veluti in procinctu, more militum. Ostendunt nummi, & probant historia. De Vitellio apud exercitum Tacit. histor. 2. cap. 59. *Valentem, & Cincinnam pro concione laudatos curuli suæ circumposuit*. de Cæsare Dio lib. 44. pag. 244. καθ' ἑκάστη ἐπὶ τῷ ἀρχικῷ δῖσπῳ πανταχῇ, *Vt ubique sella curuli sederet*. Seruius ad 11. Aeneid. 332. *Romanorum Imperatorum insigne fuit sella curulis, &c.* Sic quoque Romæ in Castris Prætorijs Tribunal. Tacit. 1. hist. 36. *In suggestu, in quo paulo ante aurea Galba statua fuerat, medium inter signa Othonem collocarunt*; loquitur de Prætorianis militibus; & lib. 15. ann. 29. *medio Tribunal, sedem, curulem, &c.* Apud Armenos absenti Neroni id positum fuerat.

Deletâ Republicâ, atque vrgente dominatu Imperator fuit, qui Princeps; cuius sella (equidem credo) operosior; cultuque auctior; paulatim ex ebore in aurum, ac pretiosum quiduis reficta. Curulis

tamen plurimum, aut non admodum diuersa, nisi qua luxus, lususque artificis ornatu, sumptuque nouam faciem appinxisset. V. Icones supra productas Imperatorum sedentium. Hinc δῖφος βασιλικός, & θρόνος: respicientes thronum, aut solium, in quo sedes: sed & θρόνος Helychio, ἀνάκλιτος δῖφος, sedes cum anacinterio, quod sanè decebat. Vocat & quadrupedem, & ἱερὸν δῖφρον, καὶ ἐκτεποικιλμένον. Sacram sedem, atq; exornatam. V. inf. c. 27. Herodian. 4. in honorem Pertinacis. θρόνεστε τρεῖς καταχρύσας αὐτῶς εἰσποικιλιζέσθαι. Sellas tres inauratas ei deferri. V. & lib. 2. cap. 10. & 11.

Neque minùs Latinis sedes regia, quia olim vñ Reges Romani ante statum libertatis, detinueruntque dein Consules. Maro 11. magni operis vers. 334.

*Et Sellam regni, trabeamque insignia nostri.*

V. Cerdam, & quæ nos supra.

Sic Etrusci afferunt ad Tarquinium Priscum sellam eburneam. Sic Romani mittunt ad Porſenam Regem teste Dionys. 3. & 5. ἀρχαῖολ. & iterum lib. 5. de Menenio in triumpho de Sabinis, ἐφ' ἀρματίῃ δῖφρῃ βασιλικῇ in curuli sella regia; quam ἀρμάτιον vocat, quippe in curru quæ posita erat; alioquin regia, & curulis hîc eadem est. Sed quoniam Menenius tunc in curru sedem occupabat, ideo vocat ἀρμάτιον: ne quis ταυτοπείας arguat diligentissimum historicum. Sedes Herilis Corippo Africano 2. & 4. de laud. Iustin. Regalis Ammiano Marcellino lib. 19. Sella Regalis cum aureo puluinari nullo vetante direpta est. Spart. Adr. 23. Sedile regium. Vbicumque Imperator, ferme ibi sedes, ac thronus, siue in palatio, siue alibi, publicèque, aut intra lares. Apud Romanos initium à Cæsare, cui Romana gens iam prolapsa ad seruitium, & antiquæ indolis immemor ampliora humano fastigio illi decreuit Dio lib. 44. sup. laudatus. Suet. in vita cap. 76. Sed & ampliora humano fastigio decerni sibi passus est: sedem auream in Curia, & pro Tribunali. &c. quæ Suetonij verba quamdam, vt vt leuem mihi exprimunt obseruationem. Nonne satis erat dixisse In Curia pro Tribunali? Cur addidit conjunctionem, & pro Tribunali? An quia duplex ibi sella, alia inferiori loco, alia pro tribunali, vt pro occasione, aut opportunitate, qua veller, quauē opus esset, sederet? An Tribunal, non curiam ipsam, sed forum intelligemus, vbi iudicia habebantur? Sic habuisset in Senatu, sic in foro habuisset. An tandē ad αὐξήσιν honoris dictum à Suetonio; quasi non tantum in curia, sed, quod amplius



plius est in tribunali eiusdem curiæ? Decus quoq; crescebat, & excellentia, quoniam non vulgarem, sed auream illi sedem decreuerunt. Dio lib. 44. 243. *διφρον ἐπίχρυσον* vocat. Cic. 2. Philipp. 85 *sedebat in rostris collega tuus amictus toga purpurea in sella aurea coronatus.* & 1. de Diuin. 119. *quod paulò antè interitum Caesaris contigit: qui cum immolaret eo die, quo primum in sella aurea sedit,* &c. Claudian. in 4. Consulatū Honorij.

*Portatur iuuenem cervicibus aurea sedes.*

Sic igitur descitum à prisca curulis simplicitate: cæpitque ebur aurefcere, quia mores quondam aurei vitijs lutari. Prout ingenium Principis, aut sæculi intemperies prouocabat, varia prorsus in ijs sedibus elaborandis cura, atque ars. Tapetes insuper, puluilli, stromata picta, auro limbata, paragaudio, institis, gemmis sumptuosa; figilla, ac toreumata; si quod ebur, scissile, aut anaglypticum; lapidum tessellæ; auri, atque argenti laminæ, crustæ, segmenta, aut bractearum subtilis litura. Sellam honestissimo cuique præb tam clauis argenteis distinguens Homerus Odyss. Θ. columnæ innixam refert in speciem throni.

—— *θρόνον ἀργυρέην*

*μίσσῃ δακτυμόνων πρὸς κίονα μακρὸν ἐρείσας.*

—— *sedem argenteis clauis*

*Medio conuiuarum longæ apposuit columnæ.*

Sed hic locus me admonet, vt specimina quædam sedium apponam tum Romanarum, tum exterarum, quas aut ornamento, aut dignitate, aut artificij raritate magis visendas existimaui. In veterum monumentis adhuc sedent, ac sine dolo malo tibi lector repræsentō. Nonnullæ sunt Numinum, Deorumque (vt vocabant) immortalium. Sed & Imperatores suos cœlestibus adscribebant, Deorumque, etiam dum viuerent, cognominibus venerabantur, religionibusque inuocabant: imò & sellæ ipsæ Principum in templis adoratæ. Illud interrim non oscitanter aspexi fœminis plurimum cum reclinatorio, & ornatiores positas sedes in Nummis, alijsque vetustatis reliquijs; quoniam molliorem sexum decebat molliori cultu conuiescere. Sic Deabus, aut Virrutibus id genus positæ sellæ, vt Concordiæ, Salutis, Pietati, Paci, &c. Fermè autem sub harum imaginibus Principales, & Augustas fœminas exponebant. Animaduerto demum in ijs nummis, quos Prouinciæ, aut Græcæ, aut Asiaticæ cudebant, elaboratas

magis, atque artificiosas sedes apparere: quod earum gentium, aut luxum, aut industriam facile arguit. Milcellum sedium rariorum apparatus oculis lustra, & boni consule.

In horto Principis Ludouisij. V. in fine libri (n. 14.) In horto Principis Iustiniani (n. 15.) In Sanctæ Mariæ Transyberinæ (n. 16.) singulas marmoreas, quarum exempla Româ misit ad Serenissimum Principem Leopoldum Leonardus Augustinus Vir (dicam cum Gellio) *memoriarum veterum exequentissimus*. Apud Boissard. par. 3. 129. (n. 17.) Apud eundem parte 6. 5. ubi duo vtrique sedentes Fortunæ (n. 18.) ibid. 22. (n. 19.) ib. 127. (n. 20.) Apud Goltz. in Aug. 23. 5. & Cæs. 22. 5. (n. 21.) Apud Erizz. 271. in Domitiano (n. 22.) ib. 337. in Traiano (n. 23.) ib. 421. in Aelio (n. 24.) Tristano tom. 2. 285. (n. 25.) ib. 469. (n. 26.) ib. 510. (n. 27.) ib. 567. (n. 28. Numeri 29. & 30.) typos mihi fecit communes Serenissimus idem Leopoldus Româ missos ab Augustino. Liberalius prompti figuraciones, præcipue ob varietatem fulcrorum, quibus dorso incumbitur, quoniam infrade ijs agendum erit.

Sed ad Cæsaris sellam auream redeamus: meminit Plutarch. in Cæs. Cic. 15. ad Atticum epist. 3. *de Sella Cæsaris bene Tribuni, &c.* ubi de sella aurea docti adnotatores rectè explicant. Mera autem diuinatio, dum aiunt respondere Tullium Attico suo, bene factum fuisse à Tribunis plebis, quod Cæsari necato sellam auream poni venterint in ludis. Nusquam (quod ego repererim) tradunt historici id factum fuisse plebiscito, aut Tribunorum, sed potius Antonij Consulis interdicto, vt Appianus lib. 3. Dio lib. 45. p. 273. Vterque sellam auream memorat, ac coronam desuper, quam & gemmis ornata facit Dio, qui pariter refert lib. 57. sellam hanc auream à Vibio Rufo fuisse priuatim adhibitam nescio qua ambitionis volupate, & luxus ostento: licuitque impunè facere; cum tamen non sine piaculo Imperatoria sedes à priuatis occuparetur, vt mox dicemus. Sed rudi adhuc dominatu, aut fortè ob inuidiam Cæsaris non anquisitum in Vibium, qui nihil alioquin, præter leges fecerat, dum sedem Cæsaris recens extincti, & hostis Reip. tunc iudicati omni maiestate (vt ita loquar) exutam in priuatum vsum conuertit. Caterum in ea sella possidenda delicias fecisse Vibium, tanquam Imperij omen, aduertit idem Dio ἡ δὲ τὸν διόπου παῖσαν ἐδόμμενος. *Vel propter sellam Cæsar futurus; ac veluti admiratur. & μὴν ἄτε ἀρτίαν τινὰ ἐπὶ τέτα*  
*τοχε,*



ἐσχεῖ, *neque ob id causam dixit*. Peculiarem igitur quamdam sanctitatem in hac sede Principali stetitisse, quam non liceret nisi impietatis crimine priuatum occupare, multa veterum testimonia nos docent. Dio nuper allatus, qui insuper lib. 74. siue potius abbreviator ex eo inter ostenta, & prodigia Imperij Seuero oblata, ἐς τὸν βασιλικὸν θρόνον ἐφθες ὡς ἐτι ἀγνοία ἐνδρύνθη. *adhuc ephebus in sella Imperatoria per imprudentiam sedit*. Spartian. in hac ipsa narratione Seueri vitæ cap. primo: *Sedit & in sella Imperatoria temerè à ministro posita ignarus, quod non liceret*. Idem auctor in Adriano cap. 23. *Seruanum quasi affectatorem Imperij, &c. quod in sedili regio iuxta lectum posito sedisset*. Nunc *Sedile Regium*, nunc *Sellam Imperatoriam* vocat Spartianus. In cubili, in triclinio, in templo, in curia, in theatro, in via, in castris, vbique sua Principis erat sella, quam nefas, ac piaculum vsurpare. Vide Casaub. ad Spartian. d. cap. 23. Torrent. ad Sueton. Galbam. cap. 18. Lud. Orlean. ad Tacit. p. 783. Inter cætera Iudææ regum decora, quibus dignitatem suam asserabant, id tantum, ne quis alius Sella eorum vteretur, quod ex auctore Aruch, tradit Casaubonus. Nostri moribus in argumentum segregis, atque intactæ Maiestatis sella regnantis obuerfa parietis sub umbellis locatur, vt nemini non innotescat, non licere priuato salua Principali fortuna eam occupare. Capitale id olim apud Persas. Val. Max. 5. 1. n. 1. inter extera. *Idei salutare futurum dicens, quod apud Persas capitale extitisset solium regium occupasse*. Frontin. 4. stratag. 1. 6. exemplo 3. *Si in Persis natus esses, in regia sella resedisse tibi capitale foret*. Curt. hist. 8. c. 4. *intelligis miles quanto meliore sorte, quam Persæ, sub Rege viuatis. Illis enim in sella Regis consedisse capitale foret, tibi saluti fuit*. Adde Diodorum Siculum lib. 17. qui βασιλικὸν θρόνον appellat. Omnes isti humanitatem tam dicti, quam facti in Alexandro narrantes, quod apud eos legere est. Omnino ex iisdem Briffonius lib. 1. Regn. Pers. p. 20. qui alia obseruat.

In Leone Augusto Marcellin. Chron. ad annum 462. loquens de quodam Iacobo medico, *statimq; regia in sella iuxta torum Imperialem posita sine ullo Augusti nutu consedit*. Quasi nimium mansuerus fuerit hic Leo, temeritatem medici nec nutu quidem coarguens. Quanti suam sedem fecerint Parthorum, siue Persarum Reges, velleo constet, quod à Traiano inter prædas captiuam sollicitè, nec semel reperierint, Romani autem contra veluti pignus partæ gloriæ apud se  
reti-

retinuerint, postulata illorum eludentes. De Adriano Spart. in vita c. 13. *Toparchas, & Reges ad amicitiam inuitauit, inuitato etiam Cosdroe Rege Parthorum, remissaque illi filia, quam Traianus ceperat, ac promissa sella, quæ itidem capta fuerat.* Neque tamen fidem præstitit, maluitque filiam, quam sellam reddere. V. Casaub. hic, & Brissl. de Reg. Persl. p. mihi 50. Neque aliter Antoninus Pius, qui repetenti Regi postmodum pernegauit. Lamprid. in eo cap. 9. *Sellam regiam Parthorum Regi repetenti, quam Traianus ceperat, pernegauit.*

De hac Sella Regia illud quoque scriptum reperi, inter cætera ministeria comitatus Regij fuisse *Βασιλέως διφροφόρον Selligerulum Regis*; cum enim descendente e curru Persiarum Regem puderet stare pedibus, vel manibus suorum in ipso descensu fulciri, admovebant illi sellam, in quam desiliret: perpetuusque aderat ea de re comes, & baiulus sellæ: quod ex Dione refert Athen lib. 12. cap. 2. in ea verba desinens, *καὶ ὁ βασιλέως διφροφόρος εἰς τὴν σέλλαν ἐβίβηκε, & ob id Regis Diphrophorus* (sellæ portitor) *seguebatur.* Brissl. 1. de Regno Persl. p. mihi 132. maluit apud Athenæum legere *δορυφόρος*; ego retineo libentiùs *διφροφόρος*. Quis non videt quanto satius ad Persicam magnificentiam ostendendam, si peculiari quis officio, ac nomine sellam Regiam gestauerit, quam si vni e cæteris stipatoribus iniunctum id muneris fuerit? Celebre apud Scriptores Cyri solium, de quo Horat. 2. 2. Od.

*Redditum Cyri solio Phraatem.*

Curt. 6. *Cyri sedem* appellat, quam Plurarchus *Κύρου θρόνον* 2. de fort. Alex. quasi ea sede regali tota staret Maiestas, & amplitudo Persici Imperij. Claudian 4. Honor. Cons.

*Si Tibi Parthorum solium natura dedisset.*

Sed ab hisce sellis aureis oculos nondum reuocemus, quos ita flauī fulgor metalli delectat. *Χρυσῶς δίφρος* vocatur ea Persiarum Athenæo d. lib. 12. Artaxersem in auspicio Regni sedisse *θρόνῳ χρυσῷ διαλίσθῳ* sede aurea gemmata tradit Ioseph. 1. bell. Iud. cap. 17. Talem auguror fuisse, in qua Xerxes Naumachiam spectauit, sed argenteis pedibus. Hinc *ἀργυρόπους δίφρος* vocata, hoc est *Sella argentipes*: quam & Athenienses *αἰχμάλωτον* dixerunt, quoniam post Xersis fugam, in eorum potestatem venit. V. Harpocracionem, atque ex eo Suidam in *ἀργυρόπεζα*. Catullus nupt. Pelei, ac Ther.

*Ipsius at sedes, quacumque opulenta recessit*



*Regia, fulgenti splendent auro, atque argento,*

*Candet ebur solijs —*

Pertinacis Imp. θρόνους τρεῖς καταχρύσας *Sellas tres inauratas* obseruauimus sup. apud Herodian. lib. 4. Corn. nepos de sella Alexandri in Eumenis vita.

*Sellam auream cum sceptro, &c.* De argentea, aut argentata Lamprid. in Heliogab. c. 4. vbi de probroso Senatus Conf. quo Princeps probrosior probrosissimis foeminis senaculum dedit, condendique ius Senatus Consulti. In quodam eorum, præter alia decretum, *quæ sella ueheretur, & utrum pellicea, an ossea, an eborata, an argentata.* Coripp. Afric. lib. 2.

*Auratum scandens folium, sedemque paternam*

*Constructam plumis, pulchrisq; tapetibus aptam.*

V. Barthium aduers. 9. 12. De sedibus aureis apud alias gentes, quæ notat Buleng. de Imperio Romano lib. 2. cap. 19. qui & de Sella Imperatoris lib. 1. cap. 19. sed, vt solens est, ad alia egreditur, ac nihil minus ibi, quam quæ πρὸς Διόισον; sellamque, ac lecticam sæpius confundit.

## C A P V T XIV.

Absentibus, aut defunctis positæ sellæ in honorem. Coronæ super ijs ex lauru, auro, &c. Sceptra, rami, falces. Quandoque effigies locatæ. Ad Principum sellas habitæ consultationes tanquam præsentium: oblata pecuniæ, victimæ cæsæ. Sella aurea nonnunquam pro inaurata, aut imbracteata: non ὀλόχρυσος: quandoque tota ex auro, quomodo statua, & alia donaria. Auro *imbracteari*, inde nostrum *Imbrattare*.

**N** Otatu dignum est tum absentibus, tum defunctis vita Principibus positas fuisse sedes in argumentum honoris, maiestatis simulacrum, præsentia imitamentum, iucunditatemq; ac solatium memoria. Quasi equidem suo ipsorum numine, ac cælesti vultu, nusquam non desint, vt prouidentiam commodent, imperiantque auxilium tuendæ Reip Suet. Cæs. sup. c. 76. *Sedem auream in curia, & pro tribunali, &c.* Dio. lib. 44. & 45. Appian. 3. de quibus sup. Tacit. 15. ann. *Medio tribunal, sedem curulem, & sedes effigiem Neronis*

ronis sustinebant. & 2. de Germanico: *ut nomen eius saluari carmine cerneretur, sedes curules Sacerdotum Augustalium locis, superque eas querna corona statuerentur.* V. hic Lipsium, quem laudat etiam Calaub. ad Suet. Cæs. cap. 76. superius adducti, sellasque in theatrum mortuis illatas pariter animaduertit. Amplius obseruo ita positam mortuis sedem, ut apud eam reuerent æ, & obsequij causa quasi erga viuentes assiderent, quod Dio narrat, siue eius abbreviator lib. 71. pag. 813. de Faustina defuncta καὶ ἐς τὸ δῖατρον χρυσῶν εἰκόνα τῆς Φαυστίνης ἐπὶ δίφω, &c. καὶ περὶ αὐτῶν τὰς γυναῖκας τὰς δυνάμεις προεχέσας σὺν καθίζουσαι. *Et in theatrum auream imaginem Faustinae super sella, &c. & circa eam illustriores fœminas assidentes, &c.* De Pertinacis imagine, sedibusque tribus aureis eidem decretis ab Imperatore Seuero, ut in theatrum inferrentur, plurifariam ex Herodiano diximus. Coronæ autem & his sedibus impositæ; Tacitus superius, ac nummi; quos protulimus tum Græcos, tum Romanos cap. 11. Simulque super sellas rami laurei, aut fasces, vel ad pedes earum vtrîque positi in iisdem nummis. Corn. Nepos in Eumene de sede Alexandri *in sellam auream cum sceptro, ac diademate, &c.* V. & Appian. lib. 3. Dionem lib. 44. p. 243. de sella aurea Cæsaris cum corona gemmis distincta, quam in spectaculis ponerent, τοῦτε δίφρον αὐτῆς τῆς ἐπὶ χρυσοῦ, καὶ τὸν εἶφανοι τῆς διὰ λιβὸν καὶ διὰ χρυσὸν ἐξίστα τοῖς τῶν θεῶν, *Auream eius sellam, & coronam gemmis, & auro insignem, parem illis Didacrum.* V. infra cap. 36. Nec corona tantum; sed effigies locata sedentis Principis super Curuli Tacit. 15. Ann. *Medio Tribunal sedem curulem, & sedes effigiem Neronis sustinebant.* Dio in eclog καὶ ἐπ' αὐτῆς εἰκόνας Νέρωνος ἐσθλόντων, ac super eo (suggestu) imagines Neronis statuta. V. & 1. hist. vbi de Galbæ, & Othonis statuis in suggestu. De Domitiano Plin. panegy. *Iamdudum illi radiatum caput, & media inter Deos sedes auro staret, atque ebore.* Obseruat Lipsius. Puto autem huc spectare *Sellisternium*, de quo alibi. Neque minus commemorabile ad eandem Principis sedem tanquam viuentis, videntisque habita de grauissimis belli, pacisq; negotijs consilia: illic res arduas, ac difficiles fuisse agitatatas: in cuius conspectu oborta statim reuerentia, ac fidei pudore, iram, studium, æmulationem posuerint ciues, deque publico bono, ac salute egregiè statuerint. Prolemæus apud Curt. lib. 10. cap. 6. post Alexandri mortem in ea altercatione de substituendo Rege: *Mea sententia hæc est, ut sede Alexandri in Regia posita, qui con-*  
*silijs*



*filij eius adhibebantur, cocant quoties in commune consulto opus fuerit: eoque, quod maior pars eorum decreverit, stetur. Eumenes deinde hunc ipsum morem vafamenti loco habuit, vt Argyraspidas tumultuantes in obsequium pertraheret; sed coronam, sceptrumq; sellæ adiunxit, quo augustiorem obijceret speciem auctoritatis, ad continendos in officio milites. Corn. Nepos in Eumene. In principijs nomine Alexandri statuit tabernaculum, in eoque sellam auream cum sceptro, ac diademate iussit poni, eoque omnes quotidie convenire, vt ibi de summis rebus consilia caperentur, &c. V. & Plutarchum in eadem vita. Polyenus stratag. lib. 4. in Eumene, Diodorus Sic. 18. 60.*

Adoratam Caligulæ sellam Dio scribit lib. 59. p. 659. imò tanquam præsentī Principi argentum ex more, qui sub Augusto inualuit, oblatum.

Τὴν Γαίαν δ' ἴσθρον τὸν ἐν τῷ ναῷ κείμενον προσεκύνησαν καὶ ἔτι καὶ ἀργύριον κατὰ τὸ ἐπὶ τῇ Αυγέστῃ ἔθος ἰσχύσαν, ὡς καὶ αὐτῶν ἐκείνῃ διδόντες κατέθεσαν, *Gaij sellam in templo positam adorarunt, & argentum ex more, qui sub Augusto inualuit, tanquam præsentī obtulerunt. Victimæ cælas ante illam Neronis à Tiridate refert Tacit. 15. annal. Quod si tam magnum vel humanæ decus auctoritatis, vel diuinitatis etiam opinio hūc sedibus tribuebatur; mirari desino, quòd impietatis accerseretur, si qui Imperatoriam sellam occupare, non publicè tantum positam (quod sanè grauius) sed vel intra palatium, ac domesticam foret ausus. V. quæ supra disseruimus; atque hoc ipsum est, quod Dio notauit lib. 57. de Vibio Rufo, cui contigit impunè sellam Cæsaris domi, & ad priuatos vsus adhibuisse. Sed id consulto Vibius fecerat, simulque Ciceronis vxorem in Matrimonio habebat: utroque gloriabundus, & vanus; aut oratorem se propter coniugem; aut Cæsarem propter sellam ostentaturus.*

Mantissæ loco non absistam apponere memoratam toties sedem auream apud Historicos, non de solido auro semper intelligi: quasi totæ ex eo, & ὁλόκληρη. sed vel inauratas, ac distinctas, principisq; metalli bracteis opertas, eo tamen pacto vocarunt; sic cervical, puluinar, vestem auream, quæ texta, variegata, nitens auro foret. Græcis καταΰχρυσος, διάχρυσος, ἐπιχρυσος. Non negarim quandoque potuisse è solido auro conflari, apud Reges præsertim Persas, aut Barbaros, de quibus suprâ.

Talis omninò extitisse debuit, quam Magus in cubiculo habebat,

H

cuius

cuius sedis pedem arripuit, eoque pugnavit aduersus percussores suos: cui namque vsui ad pugnandum, nisi è solido metallo pes ille constiterit? V. Briffon. d. lib. de regn. Perf. p. 50. lib. primo. *Χρυσὸν δὲ δίφρος, aurea sella*. Alexandri M. sub eo tabernaculo immanissimi luxus memoratur Athenæo lib. 12. cap. 9. Nonnunquam id Romanis consentirem factum. Aureæ sellæ sæpius meminit Cic. 15. ad Att. epist. 3. Verrina 4. & primo de Diuin. Certè de statuis scimus è solido auro, argento, &c. fuisse positas tum Principibus, tum priuatis. Non loquor de donarijs, alijsque, quæ sacrabant Numini alicui; tunc enim & sedes, & signa, & vasa è solidis ducta, flata, sculpta metallis haud pauca fuerunt. Statuas ex auro solidas legimus multas apud Scriptores, ac refert Figrelus cap. 16. eruditi operis de statuis illust. Rom. quæ vero non totæ ex auro, eæ dictæ Auratæ, auro illustres, sub auro, ex ære auratæ, &c. vt in antiquis sæpè inscriptionibus, notatque idem Figrelus Tacitum sequēs Ducem Salmasium ad Trebellij 30. tyrannos in Tito. Sic *auro imbracteari* dicuntur eadem statuarum Ammiano lib. 16. laminis nempe, bracteisque obduci tenuissimis. Indè nostrum *Imbrattare*. Sidon. Apollin. 8. 8. *eboratas curules, & gestatorias bracteatas*. V. Sauaronem ad hunc locum, ne exscriptorem agam. Huius artificij, aut luxus nimium quantum exquisita quotidie serpit industria magno cum auri detrimento, quod omnigenæ supellectili superfunditur, atque illinitur. Adeò tam pauca sunt, quæ è solido sint bona, & non adscito fuce resplendeant.

## C A P V T XV.

Tribunal, Suggestus, Bema, &c. Fastigium in domo, *ἀγορήριον*. Auditorium. Pro Tribunali *ἐπὶ τῷ ἐνίματος*. In iure. De plano; Leuato Velo; *χαμάθω*. Pro Rostris: *curules illic selle*. Tribunalium descriptio, atque icones. *Asinus Pistorij tribunal ascendens*. *Solia veterum illustriora*. *Θρόνος*: Trono, Seggio: *Præ tribunali ius dictum*. *Principes medij sedentes*.

**C**Um sedibus istis Imperatorijs (dum mihi quoque, vt Vibio Rufo fraudi ne fir) sensim & aprè deuehor; imò extollor, & assurgo ad Tribunal. Cellus hic, atq; editus locus digna statio sedis tum Principum, tum Magistratum. De Principali nunc:  
sed



sed nihil tam vulgatum, ac detritum: delibo quæ in rem nostram magis. *Suggestus, Pulpitum, Tribunal, Bema, Thronus, Solium*, aliisque nominibus haud multum disparibus notabatur. Sed nihil his immorror, neq; vocum originationes sollicito. V. Isidor. 15. 4. Flor. 4. 2. de honoribus in Cæsarem congestis: *Suggestus in Curia; fastigium in domo; mensis in Cælo, &c.* quæ apposui ob mentionem Fastigij, hoc est, ἀπορῆς supra ædes. Non parco admonere *Tribunal* vocitari tum pegma, aut tabulatum, vel molem, vbi sedebatur, ac sternebatur; tum forum ipsum, auditorium, iudicium, vel dicasterium, vbi sedes dispositæ. Sed Auditorium tamen quid diuersum à Tribunali; in eo namque agentium causas postulata audiebantur; in Tribunali ius promebatur. Solemne, ac iudicarium *Pro Tribunali sedere*, quod Græci πρὸ, vel ἐπὶ τῆς ἐμάτης. *Bema*, pro Iure, sine iudicio Græcis I. Consultis; ἐν ἐμάτι, *In iure* Basilic. 70. tit. 5. de noxal. act. Festi Epitomator *Pro* significat *In*, vt *pro rostris, pro aede, pro Tribunali*. Idemque Festus, *pro censu, &c.* accipi debet *in censu*; vt ait M. Varro in lib. 6. rerum humanarum. Sicuti *pro aede Castoris, pro Tribunali, pro testimonio*. Alij exponunt *Pro*, hoc est, ante, sic *pro Rostris, pro curia, &c.* Opponitur τῷ *Pro tribunal*, quod I. Consultis est *De plano*, & aliter *Leuato velo* l. 1. § 8. D. ad Turpilianum: *Item pro Tribunali, non de plano*, & l. 1. de constit. Princib. *Vel de plano interloquutus est*; ac ferme *Interloquutiones* dictæ, quæ ita pronunciabantur, & *Interloqui*: sicuti *Edicere, & edicta interponere*.

Nonnulla namque genera, quin etiam partes causarum (quippe grauioris diiudicationis) strepitum, atque æstum forensis iurgij flagitabant; neque de plano, vt multa alia, sed pro tribunal exirum fortiebantur. Huc traho verba elegantissima veteris I. Consulti in lapide Gruteriano 408. 1. *quibus munera Decurionatus, vt paucis iam onerosa, honestè de plano compartiamur*. Compendiosè, ac summarie, ac sine perquisitione census (vt opinor) est illud *de plano*. At ad rem nostram. Suet. Tiber. cap. 32. *è plano, aut è quæstoris tribunal*. V. hic doctissimum Torrentium. Est igitur *de plano* χαµέθω, cum sedetur inferiùs, nec ascenditur. Gradus namque ad tribunalis fastigium, vbi sella posita Plin. paneg. *ascendere curulem, induere pratextam*. Editum hunc locum forsan respexit Iuuen. sat. 10.

———— *summas donare curules*. Lucan. 5.

*Lentulus è celsa sublimis sede profatur*. Sil. 8.

*Hæc altæ eboris decorant honore Curules.*

Cassiodor. 6. 3. in form. præf. Prætorio. *Tribunal tuum ideò tam excelsum factum noueris, ut locatus ibi nihil humile, abiectumque cogitares.* Spissa sunt testimonia, sed interiuungimus: dum ne indictum relinquamus omnium celebratissimum Tribunal, aut suggestum apud Rom. Id *Rostra* toties memorata, in quæ conscendebant concionis habendæ causa, ubi orabant, iurabant, magistratus, & imperia aspiciabantur. Protulit tibi iconem ex nummo Augusti apud Goltz. p. 71. n. 5. sup. cap. 10. & in calce libri Icon. n. 2. Vides duos sedentes, & rostra nauium basi præfixa, de quibus Plin. 16. 4. & Dio. 6. Togati apparent Consules pro Rostris in curuli, an potius subtellio, vel bisellio, quod capit duos. Sed curules fuisse illic compositas non ambigo ad usum capeffendi honoris, præsertim Consulibus. Quare ad Stiliconem Claudian. in eius consulari lib. 3.

*Circumfusa tuæ conscendant rostra Curules.*

Et in Pan. 6. Conf. Honorij.

*Agnoscent rostra curules.*

Suet. Ner. 12. *Curuli residens apud Rostra.* Malim Curules legere, quàm secures. Græci ἐπὶ τῶν ἐμβόλων, *Pro rostris.* Et ἔφημα δὲ μυγορικόν, suggestum ipsum. Sic Ammian. lib. 16. veluti peculiare Consulum agnoscit, elatum, & scanfile nominans, *elatosque vertice scanfili suggestus Consulum; &c.* Aliorum Bematum, aut suggestorum figuras suppeditant frequentissimè nummi; ij præsertim, in quibus congiaria, & liberalitates exhibentur. Visitur Imperator in edito sedens super curuli, alius quoque præfectus frumentarius, aut administer largitionis in extremo suggestu, quâ gradus scalarum desinunt, ad munera diuidenda, & explorandas resseras: alij pone, circum, infra stantes; nonnunquam duo, tresue Cæsares confidentes. Ex innumeris specimen, aut gustum tibi damus; propter ea potissimum suggesta, quæ ornatiores nobis visa sunt, emblematis, segmentis, clauis, parergis, & sculptili opere variegata. Talia præferunt nummus Neruæ apud Erizz. p. 297. & Traiani p. 367. & Seueri 663. Duo simul Principes Marcus Antoninus, & Commodus apud eundem Erizzum p. 475. Balbinus, Pupienus, Gordianus 690. 1. Septimius Seuer. cum Geta, & Aurel. Anton. apud Tristan. 1. 2. pag. 96. Gordianus Pater, & filius 468. Seuerus cum filiis 262. Philippi Pater, & filius 569. ubi sedes cum scamno, aut suppedaneo, V. imagines à n. 21. vsq; ad 39.

Tri-



Tribunalis descriptionem, ac mensuram habes apud Latinæ architecturæ magistrum lib. 5. cap. primo. *Tribunal est in ea æde hemicyclij schematis minore curuatura formatum*; loquitur de Tribunali in æde Augusti. *Eius autem Hemicyclij in fronte est intervallum pedum XLVI. introrsus curuatura pedum XV.* Cæterum maior, aut potius ordinaria curuatura, siue spatium dimetiens erat pedum xxij, ad arcus proportionem, ut idem docet.

Cogito interim, ac splem mihi salit, non tam arduum, ac difficilem fuisse ascensum illum per gradus ad tribunal, qualem descripsimus: aut saltem pro locorum usu, populorumque institutis, mitiorem alibi, & mollioris aditus, si fides Amm. Marcellino lib. 27. in ea facti narratione mihi lepida, tunc ominosa, quod in nostræ Erruriæ vrbe Pistorio contigit; cum non iniquæ mentis asellus (quippe ius iam iam ruditu dicturus) tribunal ascendit. *In oppido enim* (inquit) *Pistoriensis prope horam diei tertiam spectantibus multis asinus tribunali ascenso audiebatur destinatus rugiens: & stupefactis omnibus, qui aderant, quique didicerant, referentibus alijs, &c.* tu vide euentum; conueniunt Luciana illa.

— *rudet è rostris, atq; euilitant*

*Concurfans veluti ancarius, clareq; quiritans.*

O supersticiosos veteres, ac nimium religentes! Quid nos hodie in tali re? Non adeò miraremur.

Illius admirandi, atque omnium splendidissimi tribunalis, quod sapiens Rex sibi struxit, ut Populum diuini promissi hæredem iudicaret, descriptionem habes lib. 3. reg. 7. Intra prætorium suum Olophernem inuenies *sedentem in Comopao, quod erat ex purpura, & auro, & smaragdo, & lapidibus pretiosis intextum, &c.* in Iudith cap. 10. Dirissimum aliud, in quo Rex Parthorum ius dicebat, ac legatorum postulata excipiebat, refert Athen. lib. 11. cap. 2. Ac de celebri illo Persarum formâ platani aureæ, ac vitis aureæ, confectâ illic è gemmis vuâ; itidemque de Alexandri Magni tabernaculo, ubi sella aurea, ac suggestus ad easdem imperij artes lib. 12. cap. 9. De Cyri folio diximus capite proximo. Totus autem hic suggestus editior, & scanfili apparatus regum, nobis, *Trono, Seggio, Saglio*, ut Græcis θρόνος, σκηνή, Thronus, scena: *Tabernaculum* quoque, & χηνμαλίσινριον, cui vmbellæ non deerant, & vranisci, quibus regerentur (*Baldacchini*) aliaq; non pauca ad enormem luxus speciem, pudendumque assumpta

pta

ptæ Diuinitatis fastum. V. Lipsium de Amphit. cap. 11. Bul. 3. c. 3. de Imperatore, vbi de tribunali, & 2. cap. 19. sed thronus etiam, θρόνος, sola ipsa sedes Græcis, quoniam in throno, aut solio collocabatur. Pro tribunali igitur iura reddita. Suet. Vitellij cap. 9. *Vienne pro tribunali iura reddita*, & Aug. 33. *ipse ius dixit assidue, & in noctem nonnunquam si parum corpore valeret, collocata lectica pro tribunali*. De Tiberio Tacitus. *Iudicijs assidebat in cornu tribunalis, ne Pretorem curuli depelleret*, primo annal. 75. Suet. hac ipsa in re cap. 77. *Magistratibus pro tribunali cognoscentibus se offerebat consiliarium, assidebatque mistim, vel ex aduerso in parte primori: & si quem reorum elabi gratiarumor esset, subitus aderat, iudicesq; aut è plano, aut è quaestoris tribunali, &c.* Dio itidem hæc narrans lib. 57. p. 606. ἐπὶ τῇ βῆθρῃ τῇ κατὰντικρὺς αὐτῶν κειμένῃ καθίζων ἔλεγεν ὅσα ἐδόχε αὐτῷ. *In subsellio è regione ipsorum (magistratuum) posito sententiam suam promebat*. Ferme autem aduerti Principes medios Consulium sedisse, aut aliorum, quos cohonestatos volebant; aliquando filiorum, aut Cæsarum, vt ostendunt nummi superius producti cap. 13. De Tiberio Suet. in vita cap. 7. *Positumque in septis tribunal, Senatu adstante conscendit: ac medius inter duos Consules cum Augusto simul sedit*. Marcello defuncto sella curulis ponitur in theatro media inter præfectos ludis Magistratus. V. Dionem lib. 53. De Claudio idem cap. 23. *De maiore negotio acturus in Curia medius inter Consulium sellas Tribunitio subsellio sedebat*. Dio lib. 60. p. 675. in hoc ipso facto ἐν μέσῳ τῇ ὑπᾶτων ἐπὶ δίφρῳ ἀρχικῷ, καὶ ἐπὶ βῆθρῃ (lego ἢ ἐπὶ βῆθρῃ) καθείμενος, &c. *medius Consulium in sella Curuli, vel Subsellio: quod Tribunitium vocat Suetonius*. Nunc igitur subsellio, nunc sella utebatur; sed illo ad modestiam, ac ciuilitatem, vt mox dicemus. De Caligula idem Dio 59. 649. ἐπὶ τῇ ἐήματος ἐν δίφρῳ μεταξὺ τῶν ὑπᾶτων καθιζόμενος, &c. *Pro Tribunali in sella inter Consules sedens, &c.* Vitellius apud Tacitum hist. 2. 59. *Valentem, & Cicerinam pro concione laudatos Curuli suæ circumposuit*. Boeth. 2. de consol. *Cum in Circo duorum medius Consulium circumfusa multitudinis expectationem triumphali largitate satiasti, &c.* Verba sunt Philosophiæ alumnum suum consolantis, ne prioris fortunæ desiderio intabesceret.



## CAPUT XVI.

*Quandoque Impp. minus digno loco sedentes. Consul Præsidere dicebatur. Tiberij moderatio. Assidere in cornu tribunalis. Ritus exploratus assurgendi, aut sede migrandi in Senatu ad Principem adloquendum. Dionis versor notatus. Princeps Consulibus assurgens. Aue Consul. Adriani, & Augusti comitas: Iulij Cæsaris, & Carini fastus. Coriolani in matrem reuerentia tribunal ascendentis.*

**Q**Vandoque, vt dicebam, moderationis, & æqualitatis laude non erubescabant Principes minus digniori loco sedere, vt eum honorem præcipuè haberent Consulibus, & antiquæ Republicæ imaginem retinerent; quod multo magis tum factum, cum Princeps Consul non esset: præsidebat enim tunc Senatui Consul, quod notauit ex Plinij paneg. Guterus de off. D. A. lib. 1. c. 12. p. 37. Verùm neque eo tantum fine, neque perpetua lege id factum, etiam à modestissimis opinor, vt allatis asferendisque testimonijs patebit. Tiberius sanè quo rebus agendis foret intentior; iudicij, iustitiæque fidem promptius speculareretur, ac litigantium postularis vindex, & inspector adesset; non pro tribunali, atque honestissimo loco (qui est medius in ea forma semiorunda) sed assidebat *in cornu*, vt inquit Tacit. d. lib. 1. ann. quod Suet. cap. 33. ita expressit; *assidebatque mistim, vel ex aduerso in parte primori*. Si formam tribunalis spectamus, idem est in cornu, ac in parte primori ex aduerso Magistratus. Placet quoque prò *mistim* legere *iuxtim*; vt quandoque .s. assideret, quandoque alibi, vt ex aduerso interesset. Claudius magnam præ se moderationem tulit: qui bi medius Consulum sedens aliquid de Republica egerat, in suum locum redibat, Consulibusq; curules ponebantur. Dio 60. p. 675. *μετὰ δὲ τῷτο αὐτός τε ἐπὶ τῷ σωῶντι ἔδραν μετήρχετο, καὶ ἐκείνοις οἱ δῖπποι ἐτίθειτο*. Post hæc tum ipse ad consuetum locum redibat, tum illis (Consulibus) Curules ponebantur; ex quibus verbis duo colligere est; primò consuetum Claudij locum non fuisse dignissimum toto confesso, quem Consulibus relinquebat: secundò Consules curulibus quandoque abcessisse cum Claudio loquuturos; alioquin cur erat, vt ipsis postea tellæ ponerentur.

nerentur? Descendisse autem eos de sellis alloquendi causa idem tradit p. 668. τῶν ὑπᾶτων ἐν τῷ συνεδρίῳ καταβάντων ποτέ ἀπὸ τῶν δίφρων ἵνα διαλεχθῶσι αὐτῶν *Consules in Senatu cum de Curulibus descendissent, ut eum alloquerentur, &c.* Parum accuratè verborum Dionis verba, ἀπὸ τῶν δίφρων, latinè reddidit, de *Subsellijis*: tum quia hæc dedecora Consulibus, tum quia δίφροι sunt sellæ, & quidem consulares, aut Curules in hoc loco. En thronus ijs eminentior datus, vnde in planum degrediebantur. Pergit Dio de Imperatore καὶ ἀποσιζάνεσθαι τι, καὶ αἰτῆσαι προσῆλθε, & *assurrexit, & obuiam ijs venit*. Cæterum ab hac humanitatis laude commendatus Claudius, quod stantibus diu in curia Senatoribus, ipse quoque assurgeret; cum alioquin propter infirmitates corporis tremorem capitis, & manuum excutatus sederet, eodem telte Dione 665. & 673. De Tiberio Tacit. supra laudatus. *Iudicijis assidebat in cornu Tribunalis, ne Prætorem Curuli depelleret*. Non Consulibus, aut in curia; sed cuique Prætori in suo dicasterio hanc moderationem exhibebat Tiberius, neq; Curuli moueri permittebat Prætorem. Quare Dio lib. 57. de eodem Principe ἐκείνους μὲν ἐν τῇ ἐαυτῶν χώρᾳ καθίσθαι εἶα. *Eos (Magistratus), suo quemque loco sedere sinebat*. Sed & Consulibus assurgebat eodem Dione referente 57. p. 609. τὲς τε αἰεὶ ἄρχοντες ὡς ἐν δημοκρατίᾳ ἐτίμα, καὶ τοῖς ὑπᾶτοις καὶ ὑπάνιστο. *Magistratus, ac si in Democrazia honorabat, & Consulibus quoque assurgebat*. Suet. 32 in vita. *Cum palam esset ipsum quoque eisdem (Consulibus) assurgere, & decedere via*. Formula, qua Princeps Consulem salutabat, dum obuiam procederet, *Aue Consul amplissime*, vt ex Mamertini panegyrico edocemur. Comitas hæc Adriani in Seruianum memoratur, quod sedem, aut quiduis aliud relinquens *uenti de cubili semper occurreret*. Spart. Adriano cap. 8. De Augusto Suet. cap. 53. *Die Senatus nunquam Patres, nisi in curia salutauit, & quidem sedentes, ac nominatim singulos, nullo submonente: & discedens eo modo sedentibus singulis vale dicebat*. Contra namque parens Iulius publici odij molem in se pertraxit, eandemque maturauit, quoniam hæc ciuilitatis, benignique animi æqualitatem neglexerit, cum in vestibulo templi Veneris sedens accedentibus Senatoribus nequaquam assurrexisset. Nonnulli tamen eum purgare conati sunt, quod ventris profluuio laborasset, veritusque ne inter assurgendum alium deijceret, sedi inhæreret. V. Dionem lib. 44. p. 244. Suet. cap. 78. *Adeuntes se cum plurimis, honorificentissime decre-*



*decretis vniuersos Patres conscriptos sedens pro ade Veneris Genitricis excepit. Aliam excusationem affert Suet. illic præter diarrhæam aqualiculi. Quidam putant retentum à Cornelio Balbo, cum conaretur assurgere; alij, ne conatum quidem omnino, sed etiam admonentem C. Trebatium, ut assurgeret, minus familiari vultu respexisse. Superbientis fastidij notam obleruat in Carino Vopisc. cap. 17. Præfectus nunquam Consulibus obuiam processit. Sollicitabant hunc locum Interpretes, inter quos Calaub. Præfectis, aut Consulibus nunquam, &c. at Gruter. Præfectis nunquam, nunquam Consulibus, &c. In mentem mihi venit æqua illa demissio M. Coriolani, qui de summo tribunali sellam iussit in planum deferri, ut venientem, deprecantemque Matrem exciperet: indignum, ac superbum ratus imperij, ac potestatis inuidiam retinere coram flente, ac misera, à qua genitus fuerat. Non tamen sella abstinuit: inter filij obsequium, & Imperatoris dignitatem publicas preces audituri egregiè se temperans. Dionys. 8. Αρχ. de Coriolano sellam iussit θειὰν χαμαί, humi deponi: atque iterum, καὶ τὸν θρόνον ἀπὸ τοῦ θησαυροῦ ἐθηκε χαμαί, Curulem è suggestu in solo statuit.*

## CAPUT XVII.

*Tribunalia Magistratuum: in castris, & apud exercitus. Tribunal è castrate. Adloquutio. Suggestus minorum magistratuum: assertum, etiam municipalibus Tribunal in spectaculis. Puteal, an Tribunal Prætoris? Puteale, Φρέαρ: tegmen Putei. Ad Puteal iuramenta. Φρέαρ τῆ Ασκληπιῶ. Phreatium. Affidere; Adseffores; Confessores. πρόσεδροι, συνέδροι, συνῳργοι, Consentes, Nouemfides; Consiliarij. Χαμαδιναςαί. Amici Principum, Comites. Tribunal inferorum. Tribunalium cancelli, & vela. Cancellarij.*

**N**ON Principibus modò, aut Imperatoribus, quorum potestate vigent Magistratus; sed ipsis quoque Magistratibus meritò locata tribunalia, veluti honoris insigne, atque Iurisdictionis instrumentum: & quidem tum incolumi quondam Republica, tum valido imperio, siue domi, siue foris posita, atq; erecta: neque ad ciuiles tantum altercationes, sed ad militaria quoque, & caligara iudicia. De Marcio, apud Coriolos nuper diximus ex Dionysio lib. 8. de Scipione ad oppidum Badiam Val. 3. 7. & 88. sup. cap. 12.

subit interim mirari quod de P. Aemilij apud Macedonas tribunali scripsit Liu. lib. 45. *Affuetis Regio imperio, tamen nouam formam terribilem praeuit Tribunal.* Imò namque nihil tam Regibus vſitatu, quàm ſuperbi hi apparatus, & tribunaliū faſtigia, quod notiſſimum eſt. Quare tantus terror inuſſus Macedonibus Regio alioquin imperio cōueniens? Niſi tamen noua (vt ſignanter loquitur Liuius) tribunalis terrori fuit, ceteriq; ad tantum ritus, miniſteria, ſpectantia, non ternatis præſentis animis Macedonum euerſione reſpondere, ac ſeruitio ſuorum; Væ victis! ſubdit Hiſtoricus, *ſummo- tor ad eas, præco accenſus inſueta omnia oculis, auribusque, quæ vel ſocios, nedum hæſtes victos terrere poſſent.* Quandoque tamen in caſtris, & apud milites nullum tribunal, niſi cæſpitiū aggeſtis terræ cumulis ſultum, & cluoſum, vbi ſella poſita, ſapius verò ſtans Imperator: indicantque paſſim nummi, in quibus *Adloquutio* legitur. Tacit. 1. annal. *Simul congerunt cæſpites, extruunt tribunal, quò magis conſpicua ſedes foret;* ad quem notant vbertim Orleans, & Lipſius, iterumq; hic 1 b. 4. Dial. 9. de Militia Rom. cuius allatis testimonijs lubet adiungere Ammianum Marcellin. lib. 19. *Vallo propè Acunincum locato, celſoque aggere in ſpeciem tribunalis erecto, &c.*

Minoribus quibuſdam Magiſtratribus, vt ædili ſaltem Curuli de- beamus an non interdiceret hoc genere honoris, atque amplitudinis in ſuo ſaltem foro, aut iudicio erigendi, conſcendendique Tribunalis, ad hoc Tribunal ſuſpendo iudiciū, atq; ampliare iuuat. Niſi vido abſoni humiliorem ijs, & magis terreſtrem fuiſſe locatum ſuggeſtum, quando eos quoque ius dixiſſe non diffitemur. V. Manut. 2. 4. quæſt. epiſt. Omnino Municipalibus negatum voluit tribunal Scipio Gentilis lib. 2. cap. 24. de I. Dictione. Sed nos aſſerimus de quo ſupra cap. 6.

Præter notiora Magiſtratuū tribunalia indico editoris tribunal in ſpectaculis dandis, de quo Suer. Aug. c. 44. Lipſ. de Amphith. cap. 11. & nos ſup. c. 12. & cap. 15. vbi non pauca alia de tribunali expoſuimus tanquam ſellæ ſtatione, ac domicilio.

De Puteali ne hîc taceam, iuſta ſeſe præbet occaſio, quod idem eſſe, ac tribunal Prætoris nonnulli crediderunt. Hor. epiſt. 3. ad Mæcenat.

————— *forum, Putealque Libonis*  
*Mandabo ſiccis* —————

Et



Et 2. Sat. 6.

*Roscius orabat sibi adesses ad Puteal cras.*

Ad quæ loca, Porphyrio in epistolam, Acro in satyram *Puteal* exponunt tribunal Prætoris, quod & Flacci iunctura verborum, ac sensus suadere videntur. Pers. sat. 4.

*Si puteal magna cantus vibice flagellas.*

*Puteal* est forum, & τό δικαστήριον, inquit illic Casaub. Sed *Puteal* ex suo veriloquio nihil est aliud, quàm operculum putei, quod nos docet Pomponius I. C. l. 14. de act. empti: Tullius lib. 1. 8. ad Att. Glossæ vocant περιτόμιον; notatque Cuiac. lib. obseruat. 11. cap. 2. aliter ἱερὴ φραγμὸς, *Puteale*: & inibi, τόπος ἱερὸς περικεκλισμένος, *Puteale*. Percelebris locus Romæ extitit in foro, aut comitio, de quo P. Victor in regione Urbis 8. statuens, & Dionys. lib. 3. ἀρχαῖολ. qui tamen φρέαρ appellat, puteum. s. non *Puteal*, aut tegmen putei; ob id reprehensus à Torrentio in eam Horatij Satyram. Sed vereor ut aliquantulum audacter: tum quia antiquissimus, & diligentissimus auctor Dionysius: tum quia non incommode potuit ille locus vocari φρέαρ, siue *Puteus*; quoniam verè illic in puteo defossæ erant cos, & nouacula Attij Nauij, supraque impositum *puteal*, quod Cic. scripsit 1. de Diuinat. *Erat autem ara quadam coronata, & superposita puteo, ubi quondam defossa nouacula, & cos Attij Nauij auguris; inde nomen sibi fecit Putealis.* Hæc ara visitur in nummis inscriptione *Puteal Scribon;* est. n. Scribonius Libo, vnde *Puteal Libonis*, qui fortè aram instituit, aut euerfam restaurauit. Adde Festum in ver. *Sceleratus* ex supplemento Fuluij Vrsini. Nummum exhibet ex Golzio, & alijs Iacob. Ræuard. varior. lib. 5. 8. V. & Torrent. dicto loco. Iurabatur ad hanc aram à iudicibus, ac litigantibus: quo sensu exponendus Horatius, & plenè docuit Ræuard. cui adiungo Fricium Puteanum in calce Schediasmatis de I. iurando. Illò quoque conuenisse Fœneratores, ac defedisse occasionem captantes locandi bonis nominibus pecuniam tradunt: quo respexit Ouidius.

*Qui puteal, Ianumq; timet, celebresq; Kalendas.*

V. Torrent. ut supra. Non damno igitur aut veteres Flacci Interpretes, aut eundem Cataubonum, qui *Puteal* pro tribunali exponunt.

Credo enim, quòd non ignorassent, quid ex sua vocis notione foret *puteal*, h. e. putei κάλυμμα, & operimentum; sed Poetæ loquuntur

metonymicè, quoniam proximè illud puteal, vel aram aderat tribunal Prætoris in foro, vnde & illic iurabant iudicaturi: Iuratio autem illa in Iure fieri solebat, & ad Prætorem. Tuetur hanc explicationem Theodor. Martilius ad eam Persij satyram; qui & puteal, siue puteum religiosè obseptum, & opertum inter res sacras agnoscit; quod & Glossæ superius allatæ monuerunt. Sed *φρέαρ τῆ Ασκληπιῶ*; in oratione Aristidis, quam affert Martilius, non video quomodo huc spectet; neque *φρέαρ* illic est Puteale, sed Puteus. Reperio quidem apud Athenienses quoddam iudicium, seu tribunal *Phreattium* fuisse appellatum, fortè à puteo quodam. Illic iudicabantur non voluntariæ cædis rei; Polluci lib. 8. cap. 10. vocatur τὸ ἐν φρεατῷ, quod vertunt *forum putei*. Aristotel. politic. 4. 16. *Ἀθῶνσι λέγεται ἐν φρεατῷ δικαστήριον*, *Athenis vocatur in Phreattoi dicasterium*. V. Scholiast. Demosth. in Aristocrat. Suid. verbo ἐν φρεατῷ, & Seberi notas ad Pollucem. Indico tandem Salmasium exercit. ad Solin. p. 1141. & seq. qui diuersum putat Libonis Puteal ab eo Attij Nauij, neq; tribunal exponit, sed aram, aut potius septum aræ coniunctum ad tutelam, ac munimentum, hinc puteal pro ara ipsa apud scribentes. Sed de his puteis libasse sufficiat: profundiorē haustum alijs relinquimus.

Vt ad puteal, siue tribunal, sedesque iudicantium officijs illic staturas redeamus, haud solus ibi Princeps, vel soli Magistratus munia potestatis obibant; sed confessores secum, & secundarum partium alios ad consilia, atque iudicia adiungebant: Cic. 1. de orat. *Nobis in tribunali Quinti Pompeij Prætoris vrbanī sedentibus*. Atque hi sunt, quos vocabant *Assessores* ab assidendo, siue vna, & iuxtim sedendo, de quibus est tit. Pandect. de officio Assessorum, & simpliciter *Affidere* pro assessorem agere l. 37. & 38. D. ex quib. caus. maior. l. 10. C. de assessor. V. Briffon. select. antiq. 3. 10. nonnulla apud Sauiar. ad Sidon. 1. epist. 3. Cic. 2. de finibus *Confessorem* dixit *A. Varius qui est habitus index durior dicere confessori solebat*, &c. alibi quoque usurpat Græcis *πάρεισος*, & *σώεισος*, & *σώθρονος*, quod in eadem sede, aut throno iungerentur. Helych. *πάρεισος*, &c. *σώθρονος*. Hinc Deorum *Synthroni*, & *Consentes*, aut Assessores; qui & *Nouemfides*, quasi *Nouemfides*, quoniam nouem vnà sederent. Meminit horum fusè Arnob. 3. extremo. Seru. ad 7. Aen. Marius Victorin. ac nos sup. cap. 9. Sic Antinouſ tanquam vnus è consentibus, aut Nouemfidibus consecretur.



cratur. Vetus lapis σωθρονον vocat apud Grut. 86. 1. ex Pighio Ἀντίφω σωθρόνων τῶν ἐν Αἰγύπτῳ θεῶν. *Antinoe Synthrono*, aut *Confessori Deorum Aegypti*. V. ad Spart. Adrianum cap. 14. fulgentissimos adnotatores Calaubonum, & Salmasium. Nonio, & Heminae in annalibus *Consedentes*: quanquam & hoc pacto vocari possunt quicumque coniunctim sedent, non ij tantum, qui operam praestant tribunalibus, aut consilijs. Quare & hi ipsi *Consiliarij* dicti Suet. Tiberij cap. 33. *Magistratibus pro tribunali cognoscentibus plerumque se offerebat consiliarium, assidebatque iuxtim*. Paulus lib. 1. sentent. relatus in l. 5. ff. de off. assel. *Consiliarijs eo tempore, quo assident, negotia tractare, &c.* Voce *Adfessorijs* ne tibi imponat vetus Horatij interpres ad epod. 5. caue, *Hinc Esquilina*, inquit, *porta Romae dicitur Adfessorium, ubi, &c.* emenda *Ad Sestertium* ex Criticorum emunctissimo I. Lips. ad Tacit. 15. ann.

Nec minus Iudices dati intra spatium tribunalis, & si inferiori loco, & in Subsellijs Praetorum, aut Quaestitorum; quare quod in l. 2. de re iudic. legitur, *qui pro tribunali cognoscit*, explico non tam de Magistratu, quam de Assessoribus. Huc pertinent ex quorundam sententia *Iudices Pedanei*, eo appellati, quod infra & ad pedes assiderent; Theophilo Inst. de Interdict. χαμαδιναςαι, *humi iudicantes*, de quibus est tit. C. de Iudic. pedan. & alibi saepe mentio in libris Iuris. V. Ræuard. coniect. 3. 10. Cuiac. ad nouell. 82. quæ est de Iudicibus, Bulenger. d. lib. 3. cap. 3. vbi tamen iudices datos cum delegatis confundit, quos distare haud paulo inter se norunt sanioris prudentiæ consulti. Quod vero Principis confessum attrinet, genericè, & infinite *Consiliarij* dicti, qui circa latus agebant nullo certo dignitatis nomine, & in contubernium Imperatoria Maiestatis adsciti, vt loquitur Spartianus Adr. cap. 18. & ad xxx. tyrann. in Macriano, Bul. de Imperatore 2. 21. nos infra, & *Comites*, aut in *Comitatu*: Hinc quoque *Consistor* nomen, & *Comitum Consistorianorum*. V. Iacob. Guth. 1. cap. 17. de off. D. Aug. Etsi namque à stando, siue consistendo dicitur Consistorium, sedisse tamen Comites saltem primi ordinis coram Principe affirmat Guth. aduersus Cuiac. aliter opinantem ad l. 1. C. de comit. Consistor. superius quoque cap. 12. Senatores ad Principis adyta admissos consedissee adnotauimus. At de Consiliarijs Principum, & eorum cognitionibus. V. eundem Guth. ibidem cap. 19. & 20. Buleng. 3. de Imperatore cap. 9. & seqq. Romanis Magi-

Magistratibus æquo iure assedisse veluti beneficium regibus socijs, & amicis seruatum docet Salustij locus in bello Iugurth. vbi de Gauda Malanissæ nepote libenter appono verba. *Cui (Gaudæ) Metellus petenti more regum uti sellam iuxta poneret, item postea custodie causa turmam equitum Romanor. utrumq; negauerat: honorem quod eorum modò foret quos Pop. R. reges appellauisset: præsidium, quod &c.* Noto insimul vocari simpliciter *Honorem* eam sellæ collocationem iuxta Metellum Consulem.

Mulier illa maternâ ductâ pietate, vt filijs suis lautioris fortunæ commoda, dignitatesque prospiceret apud Matthæum cap. 20. ad Principum Regem conuersa. *Dic vt sedeant hi duo filij mei, vnus ad dexteram tuam, & vnus ad sinistram in Regno tuo.* Neque aliter Ioannes 4. Apocalypsi. Diuini tribunalis maiestatem vt humanis mentibus instillaret, humanum ritum, apparatusq; seruauit. *Et ecce sedes posita erat in Cælo, & supra sedem sedens, &c. & in circuitu sedis sedilia viginti quatuor, & super thronos viginti quatuor seniores sedentes, &c.* Hi sunt Consiliarij, siue Assessores: quorum sedes (vtpotè infra primam, & dignissimam) vocat *sedilia*, ac deinde *thronos*. Angelus quoque tenebrarum affectans lucem, verique Numinis æmulator stultissimus suum habet Consilium, & tribunal apud inferos, si fides Poëtis; ne scilicet vmbrarum arbiter causam suam faciat, si temerè, nec consultis Assessoribus de crimine, aut pæna manium statueret. Seneca in apocoloc. Claudium Imperatorem humanis exemptum perducens ad tribunal Aeaci pararas illic sedes demonstrat. *In ius eamus: ego tibi sellas ostendam: ducit illum ad tribunal Aeaci.* Poetam agit Philosophus in hoc ludo, & naribus vncis indulget.

Atque his tribunalibus, elarisque sedentium suggestibus, quo summius foret aditus, & Maiestas sanctior, fenestrata septa circumdabantur, & cancellatæ fores, præductis decussatim sudibus, nè vulgus temerè accederet. Hinc *Cancellarij*, vel scribæ nomen, qui staret intra eos. V. Spelmann. gloss. in *Cancellarius*; Bulenger. 2. 23. de Imperatore, Guther. de off. dom. Ang. 3. 11. & quæ notat Barth. Aduers. 51. 3. Jacob. Gothofr. ad Cod. Theod. tom. 1. p. 71. Imò prætenta quoque vela. Hinc I. Consulti *velo leuato* causas cognoscere, h. est sine magna disquisitione, & palam audiente populo. V. l. 13. de Instr. leg. l. 18. de act. empr. l. 5. C. de Naufrag. Quo respexit Constantin. M. nobilissimo edicto, quod nobis refert l. 1. Cod. Th. de Off. rector.



rector. Prou. *Venale iudicis velum* appellans. Atq; hæc loca cum eo apparatu, velisq; & admissionis lege *Secretaria iudicum* dixere: de quibus affatim, ac doctè Valeſius ad Marcellin. lib. 15. ac nos infra non nihil. Omnino autem Principum ſolijs, conſiſtorijs, thalamis eaſque velamenta adducta, ac reducta. V. Guth. d. loco. Buleng. l. 2. de Imperatore 22. & 23. notata à viris doctis ad Suet. Claudij c. 10. Neronis 12. Tacit. 13. ann. cap. 5. vbi de Agrippina, *Abditis à tergo foribus velo diſcreta*, &c. ibi Lipſ. Sidon. Apollinar. 1. 2.

## CAPUT XIX.

*Solium unde dictum, grammaticorum pugna. Sollum. Sodium. Sedum. Seggio. Regum proprium. Solarius. Solearius. Soliorum apparatus. Respondentes de iure in folio. Solia acerna. Armarium. Solida. Scruius enarratus. Fulgentius emendatus. Podius. Ad podium spectare. Appoggio. Solida sella. Solium pro sepulcro. Tribunal defunctis positum. Vas dilomum.*

**A**D ſolia me transfero, tanquam diuerſum quid, nec temerè confundendum; ſique, vt perhibent, eo ſolium vocatur quoniam ſolum eſt, atque vnius tantum capax; ſolitariè nos quoque, ac ſeparatim de eo hic agimus, vbi ante de tribunali diſſeruiſmus. Neque tamen interim tam ſolitarij erimus, quin aliqua ſimul variæ cognitionis intercurrat ſocietas. Solium ampliſſimum honoris inſtrumentum, egregia ſupellex maiestatis, altum decus, ac ſpecimen Regni, diſceptationes hinc inde altercantium Grammaticorum quaſi de Regno in ſe pertraxit. A ſolo deſcendat, an non, h. e. terra. à ſolo, id eſt vnico: à ſollo, videlicet toto; an tandem à ſoliditate ſolliciti nimium, atque æſtuentes quærunť. Feſtus. *Solla appellantur ſedilia, in quibus non plures ſingulis poſſunt ſedere*, &c. quaſi nempe ſolum, atque vnicum recipiant ſeſſorem: ac verè inſociabilis eſt regnandi fides, neque alteri ſimul benè committitur Imperij gubernaculum. Pergit Feſt. *Omnia ducta ſunt à ſollo*, vt emendatè illic legimus. Idem, *ſollo Oſcè dicitur, quod nos totum vocemus*. Qua retenta origine, haud reor neceſſarium vocem mutare, & pro ſolla ſubſtituere ſolia, quod tamen fecit Cl. Voſſ Etymol. verbo ſolium. Solla enim vult appellare Feſt. & non ſolia, & cur ita appellet, diſertè exponit,

qui

qui alueos pariter balneares sola dici monens, inquit. *Aluei quoque lauandi gratia instituti, quo singuli descendunt. Sola dicuntur quæ à sedendo potius dicta videntur, quàm à sollo. Eiusdem illa sunt solla sternere dicuntur, qui sollistemium habent. Pariter eiusdem, solaria vocantur Babylonica, quibus eadem (solla) sternuntur. V. Cuiac. 10. obseru. 17. Libenter geminarem liquidarum primam, reponendo sollaria ob eam à sollo deductionem, quam ubiq; ingerit. Quamquam non ignoro, quod idem docuit de veterum vlu, nulla tunc geminabatur littera inscribendo. V. in Solitaurilia. Sed refert Seruium quoque audire ad illud summi vatis VI 1.*

——— *solio medius consedit auito.*

Ita inquit honoratus hic Grammaticus, vt eum bene Vossius restituit. *Solium est veluti armarium de vno ligno ad Regum tutelam factum, à soliditate dictum. Secundum alios, quod solum vnum capiat. Secundum Asperum per antistichon, quasi sodium à sedendo; nam & sella quasi sedda dicta est. Sed penè asperum, quod Asper ἀσπίς hic comminiscitur; non enim vnus tantum literulæ facta esset commutatio, si solium quasi sodium diceretur: E in O. & V in D. duplex pro duplici. Quod autem a soliditate arcessunt alij, solida magis notatio est, neque à sollo Pompeij Festi dilcedit. Varronis certè sedum neutro genere affine est sodio Asperi Grammatici; nosq; appellamus seggio totum illum iuggestum, Græci ὑπόρον, vt Isidorus docet mox afferendus, ac supra in tribunali diximus. Posteriores iidem Græci, ac semibarbari Latinum imitantes σωλεῖν dixere, quomodo Codinus Cedrenus, alijq; citimæ verustatis. Maurf in glossar. Solium exponit. Georg. Pachymer. hist. 3. cap. 2. ἀμβων, καὶ σωλεῖν. Ambonem, & Soleam nuperrimè editis ex bibliotheca Eminentiss. Barberini. Non pauci de hac solea eruditè scripsere, quos laudat doctiss. Possinus ad eum Pachymeris locum in glossar. pag. 419. ac deinceps, præcipuè Illustrissimum Allatium in Diatriba de eo argumento. Delego te Lector ad eundem Possinum, qui exactè verbi notionem in Ibellenismū translati expendit: tandem colligens soleam antiquo Latino verbo propriè dictam, in templis Græcorum nihil aliud fuisse, quàm substructionem specioso apparatu coronatam, quæ aram maximam, ac presbyterium ab ingressu, inspectuq; populi regebat: extentā quoq; appellationem ad spatium quoddam isti substructioni contiguum designandum. Sed ad solium reuertamur. Isidorus lib. 20. cap. 11.*

*Sedes*



*Sedes singulari numero propriè Regni est, quod Græcis Ὀρόρος dicitur, nos solum (demo hîc verbum subsellia, quod irrepsit, & continua oratione) in quo Rex sedet propter tutelam corporis sui, secundum quosdam à soliditate dictum.*

Erat igitur solium nihil aliud, quàm sedes, & quidem Imperij, ac Maiestatis, non priuati hominis; Regibus locata, ac composita; exteris potiùs in vfu, quàm Romanis Principibus, vt ego sentirem. Video namque ab auctoribus retineri hanc Regum mentionem, quasi eorum peculiare. Seruius suprâ *Ad Regum tutelam factum*. Isidor. *propriè Regni est, & mox, in quo Rex sedet*. Cassiod. in psal. 1. *Solum Regum proprium esse memoramus*. Val. Max. 5. 1. exter. primo. *Solum Regium occupasse*. Spartian. Adr. 23. *In sedili Regio iuxta lectum posito, &c.* V. quæ notat Casaub. Maro dicto loco Aen. 169. de Regibus Latinorum.

———— *solio medius confedit auito.*

Ac de Didone Regina 1. Aen. 510.

———— *solioq; aliè subnixâ resedit.*

Quid. 14. Metam.

———— *Pulchro sedet illa recessu.*

*Solenni solio* —————

De Circe loquitur. Libentius lego *Solenni*, quam *Sublimi*. Est autem *Solenne*, h. e. proprium Regum, & ijs debitum. Coripp. African. 2. de laud. Iustini.

*Auratum scandens solium, sedemque paternam.*

Ennius lib. 3. de Rege Romano.

*Tarquinio dedit imperium simul, & sola Regni.*

Vbi *ro sola*, non regiones, aut terras Regni, vt alij opinati sunt, accipio, sed *tola*, hoc est, *solia*; quomodo, & hunc locum intellexit Fest. in *solum*. Hoc enim quoque nomine appellarunt, & *solum*, & *solium*; ac belle tunc conuenit, quòd vnum capiat *solum*, quomodo idem Festus. *Non plures singulis possunt sedere*. Apud Grut. 643. 8. ex Mazochio *Solitario ab luco Semeles, &c.*

Nisi mendum est in excriptione, aut lapide, ego *Soliarium* exponerem, non artificem soliorum; sed *solium*, aut puluinar custodientem Deæ Semeles in eius luco. Sic *Quæstor ab Aerario* pro *Quæstor Aerarij*, vt supra docuimus. Quod si quis *soliarium* pro artifice exponat, *lucus Semeles demonstrationis gratia appositus erit*, vt officinam,

aut tabernam indicet. Apud eundem Grut. 648. 13. *L. Bratius Litarinus Solearius*; à soleis, an à solijs, ac solearius pro solarius, iudicationem protollo. Quomodo autem de Tribunalibus supra diximus, in sublimi statuebatur solium, ut per gradus, & scanfilia ad culmen illud perueniretur. Coripp. 2.

*Auratum scandens solium* ———

Ouid. 14. Metam. 261. ex altera lectione.

———— *pulcro sedes illa recessa*

*Sublimi solio* ———

Quantum opinor, non sella tantum ubi Reges incumberent, sed totus ille apparatus, ac scena vestibis ornata, *solij* nomine non vacabit. Hinc *solaria* illa Festi, seu Babylonica ad insternendum. Alioquin unica sella amicienda, & vnus dumtaxat capaci, quid lata Aulæ, pictaque Babylonum stromata aduocamus? Coripp. 2.

*Constructam plumis, pulchrisque tapetibus aptam.*

Huius sedis formam, tanquam Regum peculiaris, & (quod conijciebam) exteris potius usurpatæ, diuersam à Curuli censerem. Tu vide varias sellarum imagines magis operosas, sumptuque, & artificio visendas, quas protulimus, ubi de sella Imperatoria. Quis modum, legemque ponat Regum superbiæ, opibus, luxui? Haud tamen infitias iuero solium non modò de suggestibus Romanorum Principum, sed de alijs quoque Honoratorum sedibus dici; imò Tullius de se ipso ius responsuro 1. de Il. *Non recusarem quò minus more patrio sedens in solio consulentibus responderem.* En mos Romæ solennis in solio respondendi de Iure: Qua autem solemnitate verborum, collegit Brissou. 3. form. Sed veterum solia non tanti pretij, atque artis fuisse credibile; quippe ad tutelam facta Regum veluti armaria, non ad luxus ostentationem, aut maiestatis fulgorem. Acerna facit 8. Aen. Vates solio dignissimus de Euandro loquens.

*Præcipuoque toro, & villosi pelle Leonis.*

*Accipit Aeneam, solioque inuitat acerno.*

Cuius imitatione Ouidius 3. Metam.

———— *in solio medius confedit acerno.*

Ea sunt, quæ Græcis itidem Varibus *μῶσυνες*.

Structura, ac facies est, *veluti armarium de vno ligno*, inquit Seruius, quasi incompactile, ac continuum, nullâ commissura, aut clauatura. Rudi olim seculo, aut quadrata, aut teres. ligni massa aptæ ad seden-



sedendum altitudinis, atque vnius tantum capacis, quam loco eminenti statuerent, fortè sedes erat, ac solium regnantium, quemadmodum de subitario, ac cæspitio Imperatorum suggestu in castris admonuimus. Quod si à soliditate solium vocamus, en quomodo Festus in *solitaurilia* lucem nobis affert; *Quæ nulla parte, inquit, laxata, cauæque sunt, solida nominantur.* Atque hoc pacto omnis artificij, aut paraturæ expers, commodumque, atque expeditum solium asportari, ac locari quacumque libuisset, facile poterat ad vsum, atque opportunitatem. Quod verò insuper describit Seruius, *veluti armarium*, vnde quaque fuisse clausum constat, præterquam in aditu, aut parte anteriori: quanquam si talis figuræ, & fabricationis fuisset solium, vix fieri potuit, quin aliqua tabularum commissura, ferrumen, ligamentum annulorum, cardinum, clauorum interueniret, quibus compingeretur, ac cohereret. Quomodo igitur, vt idem ait, *de vno ligno*? Nisi *Vnum* exponamus nudum, ac solitarium, sine alterius materiæ societate, sine habenis, aut loris, sine puluillis, aut instragula veste. Eriam hodiè quandam armarij speciem referunt hæc solia Principum, ac Regum, si vtrunque ad latera claudantur, quod quandoque fit adductis velarijs. Consimile quid nobis describitur à Fulgentio Placiade *Aumarium* (inquit) *dicitur locus secretus publicus, sicut in theatris, aut circo.* Sed quod vocat *Aumarium*, repone *Armarium*. Talis ergo domuncula, aut statio, qualem Principibus construebant. *Ad Regum tutelam factum*, subdit Honoratus: nempè dum eo veluti armario, tabernaculo, & *ὄπισθεν*, vndique circumsepti sedebant Reges, perfidorum manus faciliùs propellebant, spesque improbas eludebant perduellium; quoniam non nisi ab vna parte, ac præuidentes peti poterant. Atque hæc Seruij spectans dicta, vt opinor, doctissimus Iunius in nomenclat. *Solium* exposuit hanc sedem ad Regum tutelam; cuius vsus fuit, inquit, antequam stipatoribus sepire latus cæperant. Sed vera dicam; prisco illo æuo nunquam magis tuti Reges, quam vbi, aut quando minus tuti fuere; cum ignota satellitia, nec dum inuentæ militum manus, atque hastæ, quæ latus cingerent, ac protegerent. *Discipulus experimento* (inquit Panegyrici Dædalus) *fidissimam esse custodiam Principis eius innocentiam; hæc arx in accessu, hoc inexpugnabile munimentum, munimento non egere. Frustrà se terrore succinxerit, qui septus caritate non fuerit.* Quid igitur opus stipatoribus, cum nullæ adhuc insidiæ timerentur? Eodem tempore natus

timor, & sepultra innocentia. Ergo aut inanis tutela in folio, aut vnâ cum protectoribus simul inuentum. Quanquam quæ salus, aut securitas arcâ lignea, tanquam arce includi ad effugiendas audacium hominum manus, qui forti ictu flagitiosos Principes haurirent, & animoso gladio publici boni libertatem extorquerent tyrannis? Sed de hac solij structura ad Regum custodiam ante stipatores inuentos esto cuique placitum statuere, quod magis lubet. Cætera Seruij etyma non improbarim. Illud præcipue, quod *solum vnum capit*. Colligimus hinc sedis magnitudinem, modumque capacitatis. Sed & *solum*, suggestus ille, qui in Orchestra, aut podio locabatur Principi ad spectacula. V. Lip. de amphith. cap. 11. ac seqq. qui consideratè distinguit podium magnum, ac peculiare Principis à podio communi, ac vulgari, vbi senatus, ac cæteri honestiores sedebant. In eo podio magno thalamus, mansio, *ὀνίσκος*, domuncula cancellata, fenestrata, velis, & cortinis obductis, vbi secretum captabant in ludis spectandis, quam *solum* dixeris. Sed *podius* communiter tota illa pars erat Orchestræ, siue mænianum, & proiectura, vbi sedes dispositæ spectantium, qui magis spectati forent, commoditati: Inde *ad podium* spectare Latinis; vnde nostrum *Appoggio*, & *appoggiarsi*. V. ad antiquitatum Roman. collecta lib. 5. cap. 10. affluentissimum Dempster, qui reliquatorem Rosinum suis paralipomenis egregiè liberat.

Hoc autem mihi subolet, *solidam sellam* apud Festum pro folio explicari posse eo soliditatis respectu, de quo sup. V. illum in *solida sella*. Cum verò locus miserè sit discriptus, ac truncus, vix articulum boni sensus illinc colligas. Sed huic Hippolyto suus medetur Aesculapius, qui ad vitam nisi penitus reuocat, saltem ossa, & laceros artus coniungit. Consule itaque magnum Scaligerum, qui tandem opinatur hanc *solidam sellam* propriam fuisse Sacerdotum, ac Magistratum, vbi sederent ad auspicia captanda; adi eundem Festum in *silere*, vbi de solido lecto quædam non aliena, atque ibi eximius idem adnotator. Nasoni *solida sedes* pro throno Regali. Nisi fallor 2. Metam. vers. 148.

*Dum potes, & solidis etiam nunc sedibus adstas.*

Si nostra sedium genera hodiè attendamus, cathedras quasdam sacrorum antistitum haud absimiles existimemus folio, quoniam è ligno totæ vndeque includunt sedentem; nisi quatenus in lateribus parumper cauatæ, ac sinuosæ, exili arcu sessorem denudant, aut professorum sedibus affine, in quibus pectore tenus sese exponit, cætera circumseptus, qui insidet,

Ob



Ob hanc autem ipsam folij speciem obsepti vndique, ac circumclusi, cur arcam mortualem, aut loculum eo nomine affecerint, in causa forsitan esse potuit. Merito solum dixeris, vbi sæua illa cunctorum domitrix, cui viuentes omnes tandem procumbunt, sedem figit immoram, legemque hominibus sancit durissimam vitæ post hac nunquam remeabilis. Plin. 35. cap. 12. *Quin & defunctos multi fictilibus folijs sese condi maluerunt, vt legunt eruditiores pro dolijs.* Flor. lib. 4. c. 11. de Cleopatra loquens. *In differto odoribus solio iuxta suum se collocavit Antonium.* Curt. 10. 10. *purgauere corpus, repletumque est odoribus aureum solium, &c.* notat Frehinslemius ad hunc locum, obseruatque Salmasius ad Suet. Neron. cap. 50. *In eo monumento solium Porphyretici marmoris, &c.* Sed similitudinem ducit à folio, seu alueo, in quo lauabantur. Non temerè quis credat folia itidem fuisse appellata hæc sepulchra potentium præcipuè, ac diuitum, quoniam magnificè constructa, ac sublimi statuta forent loco. Haud aliter posita mortuis tribunalia reperio in antiquis inscriptionibus; quæ tum honoris ergo, memoriæque illustri monumento erigi potuerunt; tum vt illic, quæ reliqua sunt vitæ defuncti ossa, ac cineres honorificè conderentur. Fidem nobis præstruunt operosè, ac superbè structa, soliorum instar, ea veterum sepulcra quorundam. Grut. 751. 11. *P. Aelius Venerianus hoc vas disomum sibi, & felicitati suæ posuit, & tribunal ex permissu Pontificis fecit.* Est autem *disomum* vas duorum corporum capax, quod tum sibi, tum felicitati (nomen id mulieris) Venerianus posuerat. Obseruo Pontificis auctoritatem, ac permissum, quo tribunal id mortuale liceret constituere; ac si extra ordinem, nec vulgare quid foret. Adi & 174. 10. *Tribunal cum locis è stipe collata posuerunt, & fragmentum 170. 1. Sedem extructo tribunali &c. milites infrascripti posuerunt.* Hoc idem solium, aut tribunal defunctorum manibus dictum, fortè alio nomine, vt suspicor, *Podium* dixere, vt in alia epigraphæ 172. 13. *Podium cum lorica aditus viuos fecit.* Solium tandem appellatum peculiaris balnearum pars, vbi lauaturi sedebant; & quidem plurimum illud capax, non vnus, vt de folio Regum diximus; qui & alueus aliter dictus. Sed de his infra cap. 25. vbi de sellis balnearibus.

## CAPVT XIX.

Tribunal *Antistitum*. Tribuna. Tholus. Concha. Hemisphaerium, &c. Trullus, Τρελλος. Synodus in Trullo. Apsis, Ab-  
 sis, ἀψις. *Sella episcoporum sub apside*. Ἐνμα, Bema οἱ ἀπὸ τῆς ἑ-  
 ματος. Secretaria, *in ijs habita consilia*. Secretarium iudicum,  
 Prætoris, Senatus. Stallum, Stallus. ἐθρονίζειν. Enthronismus.  
 Enthroniasticum. Inthronisticum. *Cuiacius aduersus Langlaum*  
*defensus*. Synthronus. Thronus, *de Patriarchatu dictus*. Leo Al-  
 latius laudatus. Cathedra: *Antistitum propria*. Cathedraticum:  
*aliud ab Ethronistico*. Dies cathedræ. Cathedra D. Petri *instructa*,  
*ornata, translata*. Pij, ac venerandi operis auctor Sanctissimus Alexan-  
 der VII. celebratur. Cathedra D. Iacobi: item D. Marci. Carolo Dato  
 redditum laudis testimonium ab humanitate, atque eruditione.

**A** Gentium Tribunalibus ad sacros veterum Christianorum  
 suggestus traducor, quos in templis, aut Ecclesijs statue-  
 bant; eâdemque de antistitum sedibus nonnihil explico, ne  
 crimen præuaricationis incurram, si penitus hîc tacuero. Sed tran-  
 seo, atque indico, neque ante hoc tribunal me diù sisto. Isidor 15.4.  
*Tribunal, eò quod inde à sacerdote tribuantur præcepta viuendi; est enim*  
*locus in sublimi constitutus, unde vniuersa exaudiri possint*. Nominis  
 originem nil moror, an à tribuendis præceptis, an verò quod illuc  
 tribus conuocentur, vt idem subdit auctor, & magis verum est; aut  
 (quod alij maluerint) quoniam tribuni locus, aut sedes foret. Puto  
 autem nostrum *Tribuna* eò vocari, quia tribunal, thronus, ac sedes  
 episcopi sub eius fornice, aut camera statueretur. *Tholus* etiam dicta  
 θόλος, *Hemisphaerium, Concha*, & posterioribus Græcis Τρελλος, Trul-  
 lus (cupola). Neque suspensa, aut fornicata illa pars ædis dumtaxat,  
 sed & pavementum, ac solum illi subiectum Trullus dicitur. Inde  
 Synodus sexta Oecumenica sub Iustiniano toties memorata vocatur  
*Synodus in Trullo* ob locum, vbi habita fuit. V. Meurs. gloss. in Τρελλος,  
 & Buleng. de templis lib. 3. cap. 29. Allat. de templis. Græcor. epist.  
 2. n. 3. vbi plura de Trullo, ac templis Trullatis.

Item *Apsis*, & *Abfis*, ἀψις, ob curuaturam, & arcuati operis for-  
 mam; & *Abfida*, δα ab accusatiuo Gr. Augustino, Isidoro, & alijs.  
 Plin.



Plin. epist. 12. 17. *Cubiculum in absida curvatum*. Sicut autem Tribunal, à tribunali subiecto, ita contra Absis pro tede, ac throno Pontificis accipitur, quoniam sub abside est. Augustin. epist. 203. ad Maximum episcopum Donatistam, *Nec absida gradata, nec cathedra velata, &c.* idemque, *qui ad nos in absidem honoratiores, & gratiores ascenderant*. In abside igitur posita cathedra, scanflesque ad eam gradus; sed & Apfistorus ille locus, aut pars ecclesiæ, vbi tribunal erigitur sub fornice, aut hemisphærio, nobis hodie Chorus, Episcopium, Sanctuarium, ἅγιον ἔθνος, ἱερατεῖον, Presbyterium; vbi & altare maius ἁγία τράπεζα. Hic episcopus sedebat: hic cœtus canentium, ministrantium, operantium; neq; illuc accessus nisi initiatis; cancellis fermè, clathrisque præductis. Imò & eminentiori ædis parte per gradus ad eum ascendebatur; vnde illi & nomen bematis, ἑμάτος. Sed forsitan ἔθνος, quoniam illic (vt de tribunali, & abside diximus) thronus, aut ἔθνος antistitis locabatur; & οἱ ἀπὸ ἑμάτος, quibus licebat in Presbyterium, aut episcopium, aut absida, &c. ingredi. Quales qui res diuinas exequuntur sacris affecti ordinibus, non laici, ac profani, excepto Imperatore. V. Petr. Possinum accuratissimum verforem, & glossographum Georgij Pachymeris pag. 422. in verbo Σωλείας, vbi quædam de Bemate. Omnino consule Leonem Allatium τὸ πᾶν epist. 1. de rempl. Græcor. n. 11. & 12. qui & ἱερατεῖον diuersum à choro statuit, saltem Græcis. De Abside Spelmann. glossar. Buleng. d. lib. c. 22. ac de Bemate c. 21. Non placet aurem quod idem Bulenger. aliq; Secretarium ponunt sub abside, atq; in eo pariter locant sedem, aut solium Pontificis. Mihi namq; Secretarium magis est, quam vocamus *Sagrestia*, Sacrarium, Sanctuarium, Vestiarium, Pastophorium. Esi quandoque inter hæc nonnihil discriminis. De Secretario Guther. de I. Pont. Vet. 3. 9. Affinia n. quædam obseruare est apud Ethnicos. D. Hieronymus sanè duo statuit pastophoria hinc inde apud absidem in Ezechiel. 42. quomodo fermè hodiè duo sacraria, quæ sunt extra chorum, sed tamen apud ipsum. Secretarium Paulinus epist. 12. eleganter describit.

*Hic locus est veneranda penus, qua conditur, & qua  
Promitur alma sacri pompa ministerij.*

Crederem tamen sacrarium, aut vestiarium, vel diaconium propriè fuisse partem ecclesiæ, vb; Lipsana sanctorum, aliaque instrumenta ad quotidianos vsus seruata: pastophoria verò ad ecclesiam, vel potius

rius extra eam, vbi ædirui, & custodes habitarent; inibique conderentur, quæ vel pretij maioris, vel vsus rarioris (nobis *l'Opera*) aut quoddam quasi gazophylacium. Quod si quando apud rei Ecclesiasticæ scriptores mentio vestium, aut alterius supellectilis sacræ intra Apsidem, fortè an intelligendus abacus, aut mensa, vel altare minus: Græcis *πρόθεσις* (nobis *Credenza*) vbi vasa, vestes, aliaque ad sacrum faciendum parantur. Meam autem (vt eò redeam) de secretarijs opinionem tuetur Sulpicius Seuerus epist. 1. loquens de D. Martino; *Mansiones ei in secretario ecclesie clerici parauerunt, multumq; ignem scabro iam, & pertenui pauimento subdiderunt, lectumq; ei plurimo stramine extruxerunt; & Dial. 3. n. 8. Secretarium ingressus, cum solus, vt erat illi consuetudo, resideret (hanc n. sibi etiam in ecclesia solitudinem, permessa clericis libertate præstabat) cum quidem in alio secretario presbyteri sederent, vel salutationibus vacantes, vel audiendis negotijs occupati. Meminit & dialogo 2. n. 1. Apparet ex his Sulpicij locis secretaria non intra apsidem fuisse, neq; ibi thronum episcopi proinde statutum. In his autem secretarijs fermè olim habita concilia. V. Baron. tom. 6. ad ann. 451. ex Liberato Diacono, & Euagrio. Iuret. ad Symmach. lib. 10. ep. 36. Alia autem fuerunt secretaria iudicum, quæ haud diuersa admodum ab auditorijs. Græci partem vocant *τὸ δίκαστήριον*. Iuret. ibid. & 2. epist. 30. Guther de Off. D. A. 3. 7. meminit l. vltima Cod. vbi Senatores, aut clariss. l. penult. C. de accusatoribus, & alibi. *Secretarium Pratorij*. D. Augustino 3. 56. contra Crescon. *Secretarium Senatus*. Grut. Inscr. 170. 5. V. plura de secretario apud Iacob. Gothofr. tom. 1. in Cod. Theod. p. 41. tit. de off. rector. Prouin.*

Tribunal autem episcoporum describit Euseb. lib. 10. Hist. eccles. Prud. hymn. D. Hippolyti vers. 225.

*Fronte sub aduersa gradibus sublime tribunal*

*Scanditur, antistes predicat vnde Deum.*

Isidor. sup. d. lib. 15. c. 4. locus in sublimi constitutus, &c. & Augustin. d. epist. 203. veluti perstringens quosdam suæ ætatis episcopos. *Nec Abside gradata, nec cathedra velata, &c.* Sulpicius D. Martini paupertatem, & moderationem laudans. *Illud non præteribo, quod in secretario sedens, nunquam cathedra usus est.* At nescio cuius factum, & ambitionem mox damnat, *nam in ecclesia nemo unquam illum sedere conspexit, sicuti quendam nuper (testor Dominum) non sine meo pudore vidi sub-*

*limi*



*limi folio, quasi Regio tribunali, celsa sede residentem.* Dialogo 2. n. 1. *Stallum*, aut *Stallus* pro eadem antistitis sede, vel cuiusq; qui præsideat in Choro; Inde *Stallus Abbatis, Præpositi, &c.* V. Voss. de vitijs ferm. Spelmann. Archæolog. in *Falda*. Gloss. *Stallus est locus unus è Choro.* Sic Græcis τὸ τοῖς simpliciter pro his locis, aut sedilibus, & σαιίδεα: quod magis accedit τῷ stallō. Huc traho verba lapidis apud Gruter. 1074. 10. *Tribunal cum locis, &c.* h. e. cum sedilibus. *Stallum*, igitur quasi stabulum, aut statio, quo nomine affecta ea sedilia. Iisdem Græcis inculti æui, & labentis sermonis eminentior hæc sedes vocata σωλείας, quasi dicas *solium*, vti vertit Meurs. in Glossario. Meminerunt Codinus, Cedrenus, Euchologium, ac Simeon Thessalonicensis, quem laudat Allat. d. epist. 2. n. 5. mauultq; cum Meursio *solium* vertere, quam Iacobo Gretsero adhærere, qui diuersum putat.

In hoc igitur tribunali, siue sacrorum antistitum folio posita sella, quæ plurimum nunc thronus, nunc cathedra à scriptoribus appellatur, θρόνος, καθέδρα. Quocirca ἐνθρονίζεν dixere in sedem ponere, aut inaugurare antistitem, & ἐνθρονισμός ille actus acceptæ potestatis; ac dies enthronismi, quo ea capitur. Hinc *Enthroniasticum*, *Inthroniasticum*, ἐνθρονιαστικόν, & vulgò *Cathedrale*, aut *Consuetudo*. Gr. σιωήθεια nouella 123. pensio. s. illa, seu honorarium, aut munus, quod dabat antistes alijs episcopis, seu Patriarchis, aut Metropolitibus, clericisq; à quibus inaugurabatur, atque in throno locabatur. Mentio in ea nouella 123. cap. 3. quod Iulianus Antecessor vocat καθεδρατικόν, Cathedratium: & quidem in lemmate eius capitis scriptum est inter alia τί ὑπὲρ τῆ καθεδρατικῆς δίδοται προσήκει, *quid pro Cathedratico dari conueniat.* Hoc moneo, quoniam Cl. V. Ianus Langlæus lib. 6. cap. 2. otij semestr. veluti exultabundus summo Cuiaciò dicam impingit, quòd parum consideratè scripserit eadem esse Cathedratia, atque enthroniastica. Imò namque non poterat consideratiùs scribere, si modò Langlæus Cuiacium attendit, non enim id agit Cuiac. ad nouel. 6. neque hoc decernit eadem esse Enthroniastica, & Cathedratia; sed hoc tantum ait, quæ ibi ab Imperatore Enthroniastica, ab Iuliano vocari Cathedratia.

Nec minus verum, quod annotaueram in titulo capitis tertij nouellæ 123. vocari καθεδρατικόν, Cathedratium: cum in textus corpore ἐνθρονιαστικόν dicatur: *Inthroniasticum* vertunt.

Sed, vt expressè dixerit Cuiacius, non indoctè dixisset, si auctores

habebat Græcos, qui enthroniasticum à Cathedratico non seiunxerint; neq; nouum esset, vt Cathedratikum (de quo infra) nunc vno, nunc alio significato acciperetur, quod in tot vocibus polysemis comperimus. Quippè si ipsas quoque rimamur nominis causas, non abhorret, quin Cathedratikum, atq; Enthroniasticum pro eodem habeantur, quæ à Cathedra, ac throno ipsissimis rebus deducuntur. Immeritam egregio viro notam placuit delere, quem Principem legalis sapientiæ, geniumq; eruditi iuris nonnullis carpere lubido est, vt magni nominis aduersarium pro instrumento habeant captandi rumulculi.

Sed nè throno videamur excidisse (grauior alioquin lapsus) θρόνος vocata sedes ea sublimior antistitis, sicuti σιῶθρονος cæteræ sedes inferiores, & appositæ eorum, qui ministrant, ac deseruiunt. Σιῶθρονος autem dictus, quoniam illic digniores, vnà sedent in ea veluti scena, & apparatu sedilium; vel quia plures ibi sedes locatæ. Duplex quoque Synthronus: alius sacer in Bimate, alius extra Bema. Sed & subsellia illic, aut ἐσθρα in ordinem disposita ad clericorum usum. Idem Euseb. lib. 10. cap. 4. in ea oratione panegyrica, qua templum augustissimum nouæ Romæ describit θρόνοις τε τοῖς ἀνωτάτω εἰς τὴν ἑπὶ προέδρων τιμὴν, καὶ προσέτι ἐσθροῖς ἐν ταῖς τοῖς καθ' ὅλην, &c. *Thronisq; altissimis in honores presidentium, ac praterea subsellis per vniuersum templum ordine dispositis, &c.* vt vertit Vallesius: at Allatius καθ' ὅλην, in cōmunem usum interpretatur; cū tamen Vallesius solis clericis metetur, neq; laicos sedisse in ecclesiastico cœtu, saltem dum diuinum officium celebraretur ex Optati Milleuitani lib. 4. doceat. Alia apud eūdem Allatium complura eā epistola 2. n. 7. & deinceps. Idemque notat Thronum, non pro sella tantū, sed pro ipso honore, ac præfectura sacra accipi, & quidem pro celsiori, & magis digna, nempe Patriarchatus. Sic *thronus C. Politanus, Alexandrinus, &c.* Huc Hilus spectauit suo opusculo περὶ τῶν πέντε πατριαρχικῶν θρόνων, *de quinque patriarchicis thronis.*

Neque id tamen (vtri video) seruatū perpetū: sed tum de Patriarchijs, tum de alijs Sacerdotijs usurpata vox nunc throni, nunc cathedræ. Cathedram nempe vocantes ab ipsa sede, quam antistites occupabant, honoris resseram, & sacræ Iurisdictionis Symbolum. Est enim Cathedra καθέδρα, idem quod sedes ἑδρα, vel sella; sed honestior, ac dignior. Sedetq; in ea nescio quid magis augustum,



ac sanctum, quoties ad vsus speciatim transfertur venerabilium viro-  
rum, quos regendis populorum animis in via suæ legis præficit Deus.  
Sidon. Apollinar. lib. 7. epist. 9. *Aut altarium, aut literarum cathedras*  
*tenere.* & lib. 9. epist. 16. de Saturnino loquens, *Tolosatum tenuit Ca-*  
*thedram*, hoc est, rexit ecclesiam. V. eruditissimum Sauaronem, qui  
pleno, vt solens est, vehitur alueo ad eum auctorem eruditione irri-  
gandum. Adi & p. 428. nec immeritò reprehendit magnum Scali-  
gerum, qui ad Aufonij 1. 12. cathedram hanc interpretatur de ludo  
Rhetoricæ, quam Saturninus docuisset. Constat autem fuisse anti-  
stitem Tolosatum, non Rhetorem. De Cathedra autem Scholastica  
infra videbimus. Sulpicius Seuerus dial. 2. n. 1. *Illud non prateribo,*  
*quod in secretario sedens nunquam Cathedra usus est*, de D. Martino.  
Paulopost. *Sedebat autem Martinus in sellula rusticana, quam nos Rustici*  
*Galli tripetias, vos Scholastici, aut certè, tu qui de Græcia venis, tripodes*  
*nuncupatis.* Respuebat Martinus cathedram; sellam scilicet hone-  
stiorem, quoniam in eius curia de apostolica sedebat humilitas. August.  
vt sup. *Nec abside gradata, nec Cathedra velata.* Quamobrem ab hac  
Cathedra Ecclesiæ Cathedrales, & Cathedrales episcopi. Neque  
aliundè *Cathedraticum* (non absimile veteribus, quod *as Curionum*,  
Festo vocatur) genus illud annuæ pensionis, quod clerici suo Ponti-  
fici erogant intuitu Cathedræ, alio nomine *Synodaticum*; aut quoties  
sacri regiminis causa ab eodem Episcopo *diuinis* inuisitur. V. cap.  
conquerente de offic. ord. cap. placuit 10. q. 3. & cap. ecclesijs de  
Censibus. Concilium Bacarense II. cap. 2. & Toletanum VII. cap. 4.  
Julian. in d. nou. 6. *καθεδρατικόν* appellat, quod aliter Enthroniasti-  
cum. Sed verò vnum alteri dispar est, quoniam Enthroniasticum  
præbetur ab episcopo ob inaugurationem, & susceptæ sedis, aut thro-  
ni dignitatem alijs episcopis; Cathedraticum autem soluunt suo An-  
tistiti cæteri Sacerdotes, aut clerici. Installationem barbari vocita-  
runt hunc actum tradendæ potestatis, aut sedis; est enim installare in  
alterum locum augurare, sufficere, substituere: vel stationem, aut  
locum, sedemque assignare: pecuniam autem, aut vestigal pro hac  
Installatione id ipsum Cathedraticum.

Quo circa initii Pontificatus *diem cathedræ* appellantes cum vene-  
ratione coluerunt; anniuersarium recursum solenniter celebrantes.  
*Natalis Cathedræ* dictus ille dies; sic natalis B. Basilij. B. Ioan. Chry-  
sostomi, &c. apud Orientales, vt in eorum menologijs legitur. Nec

minus in Occidente lucem eam cum gaudio, ac pietate reuifunt, qua primùm luce Cathedram Romani culminis Petrus Sacerdotum Princeps, venerandi caput Senatus, Apostolici Magister Collegij suscepit. De eiufdem Petri Antiochena Cathedra scripsit August. serm. 2. de ea. *Rectè igitur ecclesia natalem sedis illius colunt, quam Apostolus pro ecclesiarum salute suscepit, & mox, quòd natalis ergo Cathedræ hodie colitur, sacerdotale honoratur officium.* V. Roam. de die nat. sacro, & profano cap. 23. & Baronium ad ann. Chr. 45. apud quem plura de cathedra Petri tanquam vna, ac Principe christiani orbis. Ea primum Romæ visa, atq; erecta A. D. 15. Kal. Febr. Claudio III. & Vistellio Coss. supputante Baronio. Ennodius IIII. Synodo Romanæ Sellam Apostolicæ confessionis vocauit, sed gestatoriam facit. *Nunc ad gestatoriam Sellam Apostolicæ confessionis, vel admittunt limina candidatos.*

Omninò autem præcipua cum reuerentia, cultuq; seruatur ad hunc diem in Vaticana Basilica. Ligneæ est, & admodum rudi opificio, cuius tibi iconem profero, ne tuo studio, aut pietati desim.

Deessem quoque mihi, publicoque christianæ gratulationis officio, nisi eandem sedem maiestatis specie hodie refulgentem, nobili ferculo impositam, atque eminenti loco statutam commemorarem. Mactè hac egregij operis cura Pater Sanctissime, qui beatissimam Sedem, an Ecclesiæ Romanæ nascentis cunas, vbi Pontificum Princeps traditam sibi diuinitus ligandi, soluendiq; potestatem in arce imperij, atq; orbis primùm exercuit, ad cultus æternitatem, ac celestium beneficiorum pignus tam augustè, tam munificè instauras.

Quòd enormes vicos Urbis, & scabros viarum anfractus, aut dirueris, aut direxeris, vt in hanc pulcherrimam, admirandamq; faciem reformares, quasi renouata Augusti, gloria aliam acceperis, aliam reddideris Romæ; quis equidem non laudet, nisi publici splendoris, ac magnificentiae sit hostis? Quòd diuorum Petri, ac Pauli amplissimo foro haud impares porticus ingentium columnarum futuris multiplici ordine circumdederis, eximium, atq; insigne opus fecisti, ac nulli veteris Romæ secundum. Sed consummas gloriam, & absolutæ pietatis coronas officium; quòd eam sedem, eam ipsam, quam Pastor coelestissimus pressit corpore, auctoritate impleuit, ac consecrauit, à longo situ iam vindicas; cultamq; & communitam decetissima statione ad perpetuam venerationis securitatem reponis.



Iubes post hac ne oscula, ac manus damnosa pierate contingant: sed corda, atq; oculi tantum sint religiosi, solusq; reuerentiæ horror contrectet. Aerea latinæ Ecclesiæ Doctorum quadranga tam sacrum pondus meritò in Cœlum prouehit; sed tu ille auctor ALEXANDER VII. tuaq; mens, tuumq; consilium auriga extitit. Sic geruli illi Patres, vbi hac Sede Petri quamdiutissimè sis defunctus; Te quoq; sustollant beati itineris comites; ac sempiternæ iucunditatis socium habeant in Cœlis, quos tu ad tanti pignoris inclytum pondus, ac tutelam in terris coniugasti. Restitutæ huius Cathedræ, sanctiq; consilij numisma ex auro, tibi exhibeo splendidissimè, & scitissimè cusum. Quòd tum reuerenter, tum fideliter præsto, quoniam vbi hæc scripseram, in ipsa editionis mora aureum eiusce typi numisma iussit ad me mitti Sanctus. D. N. cuius nihil non est aureum, mens, lingua, manus. Testatum cupio deuinctissimi cordis mei cultum ob insigne cimelium, Summiq; & Adorandi Donatoris Maiestatem, vt quod Virgo illa sub Capitolinis armillis, ego sub Vaticani huiusce auri ponderosa nimium gratia procumbere iam cogar lætus, & venerationis plenus. Vide sub num. 40.

Principis Apostolorum Sedi, quam ita piè instauratam, & magnificè cultam veneramus, meritò sociamus alteram D. Iacobi Hierosolymitanam, de qua scribit Euf. hist. eccl. 7. cap. 32. quod sua adhuc ætate custodiretur τὸν εἰσέτι νῦν ἐκείσε περιλαγμένον ἀποσελικὸν διεδέχεται θρόνον. De Ermone episcopo loquens, *Apostolicam Cathedralam, quæ illic (Hierosolymis) etiamnum seruatur, obtinuit*, vt vertit doctissimus Henricus Valesius; iterūq; mentio cap. 19. eiusdem lib. 7. Alexandrina pariter D. Marci Cathedra honorem, cultumq; promeruit diligenter seruata: de qua in actis Mss. S. Marci ita proditum est. *Adest etiam huius rei testis, quæ usq; in hodiernum diem, ad confirmandam huius veritatis assertionem in eadem Ecclesia persenerat ex ebore, utiq; antiquo Cathedra politis compacta tabulis, in qua quidem steterisse illum dum euangelicas paginas exararet, præstantium non retinuit memoria re-latorum. In cuius nimirum Cathedræ sedili nullus est ausus vnquam Pontificum deinceps residere, sed in magna veneratione hætenus à cunctis extat Pontificibus humiliter honorata.* Non peperci hæc exscribere, quoniam adhuc in pluteis latentia protulit in suis notis pag. 161. idem Valesius emunctissimi vir iudicij, ac singularis diligentia. Libentiùs autem feci, non ob rei, qua de agimus, notitiam, atq; examen dumtaxat:

taxat: sed quoniam hæc Eulebij politissima editio tam rara est nobis in Italia, quàm rari pretij, ac doctrinæ est editor. Nec secus inter rarissimos mihi numerandus, qui librum vtendum permisit Cl. & amiciss. D. Car. Datus nostræ flos illibatus vrbis, suadæq; Etruscæ medulla, quam omni literarum paratu quotidie auget, atq; illustrat. Parum enim mereri putat, qui per se tam egregie meretur, nisi ad bene merendum de Repub. literaria alios quoque omni ope, & consilio adiuuet. Nihil vt minus suum habeat, quàm quod in vsum, & gloriam eruditionis impendi possit; penè ipsum se sibi subtrahens, nedum temporis, aut operæ parcus. Iterum verò idem Valesius in addendis p. 139. ex actis pariter S. Petri Alexandrini, quod hic antistes ausus fuit *nunquam in ea sedere, sed in scabello, quod ad pedes eius erat.* Cathedram D. Marci subaudi.

Prorsus quoq; sum ὁμόψυχος eidem Valesio locum Tertulliani cap. 36. de præscript. hæret. egregie explicanti aduersus Rigaltium, Non enim de Cathedris loquitur Afer ille doctor, tanquam de ecclesijs, sed de sedibus, quas corpore occupamus, quas premimus, quas tangimus. Aliter namq; in meram *ταυτολογία* im;ingeret.

Hæc autem nobis suppeditata à Valesio è bibliothecis testimonia, non est quod adnotamenti penitus expertia relinquamus. Principiò colligimus materiam Cathedræ eburneam politis compactæ tabulis; scabellum quoq; , aut suppedaneum illi applicitum, cui vni præ veneratione infidebat Petrus Alexandrinus, de scabello supra diximus. *Sedile* autem Cathedræ, nec ille, nec vllus successorum tangere ausus fuit. *Sedile*, hoc est partem, aut aream illam, cui propriè incumbunt sessoris, & quæ vnà facit, vt sedeamus, si cæteræ omnes deficerent. Demum animaduertimus eam D. Marci Cathedram creditam fuisse, in qua lucubrabat Euangelicis actis texendis. Ex quo dubitare contingebat eadem fuerit, an non cum Patriarchali! Fortè igitur eandem sedem priuatim adhibebat, quam in templo subinde reponeret ad munia Pontificia vsurpanda. Nisi malimus opinari (quod veritati non est absonum) intra Ecclesiam ipsam diuino Numine veluti magis inspirante, ac præsentē sacratissimæ historie, aut plurimum, aut vniuersum opus confecisse. Indissimile quid obseruare est de Cathedra D. Martini, de qua sup. apud Sulpic. quasi in vtrumq; vsum, ram domi, quàm in Ecclesia adhibuissent. Repostiles namq; fuisse has Cathedras credere licet, vt vbi res exigeret, illic statuerentur.



Hodie intra absidem suo tribunali, ac *συνθρόνῳ* fixæ cohærent ple-  
ræq; . Sed & portatiles, aut exemptiles pro ecclesiæ oportunitate,  
ac consuetudine; vt qua opus fuerit, illic se sistat episcopus. Atq; in  
his, quas voco *repositiles*, vsitator ea forma, vt solidis tabulis vnde-  
qua; compingantur ad firmitatem, reclinatorio longè supra caput  
sedentis in arcum, seu curuamen producto; septis ad latera non aper-  
tis, sed continuo tabulato; nisi qua paululum recuruantur, tum ad or-  
natum, ac symmetriam, tum ad commodiorem cubitorum innixum.  
Hæ autem Cathedræ in solio collocantur vestibis opertæ, soliumq;  
ipsum pariter instratum: scanfilia, gradusq; tapetibus, culmen um-  
bellis exornatur. Sed hæc vide exquisitiùs apud sacros designatores,  
rituumq; Protomystas; nos pedem hîc non figimus, vtq; canis ad  
Nilum fugiendo bibimus.

## C A P V T XX.

*Cathedræ velatæ. Sedes linteata, trabeata. Pro altarium gradibus po-  
sita; atq; illinc ad populum sermo. Ambo, pulpitum. Analogium.  
Lampium. Faldistorium: unde illi nomen. Sedes stercoraria: exa-  
ctè, atq; attentè de ea expositum. Vna tantum, non duæ, vt vulgò credi-  
tum. Perperam confusa cum Pontificijs, siue inauguralibus quondam  
Basilica Lateranensis. Eminentijs. Card. Casar Rasponius cum prædi-  
catione nominatus. Ioanna Papissa fabula. Icones earum sedium  
prolata.*

**C**Aeterum quòd antiquâ Ecclesiâ has Cathedras velatas repe-  
rimus, ea fuerintne instragula, ac vestes, qualibus sedes, aut  
thronos hodiè operiri videmus, nuperq; dicebamus: an-  
potius vela insuper addita, & obducta instratis iam Cathedris dubita-  
re licet; atq; hoc postremum puto verius. Augustin. d. epist. 233.  
*Cathedra velata, &c.* Atqui linteatæ sedes episcoporum ex veteris  
instituti mysterio. Pacianus de Nouatiano: *Quem consecrante nullo  
lin-teata sedes accepit.* Pontius Diacon. in vita Cypriani. *Sedile autem  
erat fortuitò linteo tectum, vt eo sub ic-tu Passionis episcopatus honore frue-  
retur, &c.* Hæc duo loca profert Barth. aduersar. 42. 27. ante illum  
indicauit Cresol. thetr. Rhet. 3. 13. Baron. ad ann. Christi 45. Puta-  
rem addi posse locum Hermæ in ea Cathedra, aut Subsellio, quod  
de-

describit lib. 1. c. 3. Pastor. *Erat cervical linteum, & super linteum expansum carbasinum; nota expansionem, & velamentum Sidon. 8. 8. gestatorias trabeatas, &c.*

Atqui nonnullæ etiamnum hodie veterum sedes visuntur veste, veloque superiniecto, non tamen expanso. Tu oculis arbitrare lector, atque iudicium facito, nūquid ad rem nostram, quæ protulimus exempla, atque icones cap. 13. Addo binas Romæ: alteram apud Matthæos ad D. Catherinæ, alteram è Museo Leonardi Augustinij. V. n. 41. 42.

Nostris sanè moribus regnantium sedes in solio positæ, præter tot alia instragula, sericeis tegumentis plerumque obducuntur; puto ad maiestatis nescioquam opinionem, & characterem. Ut non tantum à volanti puluiculo, sed à vulgi oculis intractæ, dum Princeps adueniat, ultimo eo velamine, ac si sacrum quid, recondantur. Iterum, iterumque ea Diui Augustini mihi versantur in labris grauissimè dicta: *Transit hora huius seculi: transit ambitio: in futuro Christi iudicio, nec abside gradate, nec Cathedra velata adhibebuntur ad defensionem.* In eum autem potissimum usum antistitum sedes, præsertim repositiles, ut diuini verbi ad populum traderentur in ecclesijs oracula, sacrarumque lectionum mysterijs ex ore episcopi imbuerentur christiani. Sidon. Apollin. lib. 7. 9. *qui aut literarum, aut altarium cathedras tenere.* Pro gradibus namque altaris à sedente episcopo haberi olim sermones. Quamobrem, ut peculiare, aut inusitatum proditur à Socrate de Io. Chrysostomo, quod in ambonem ad diuina eloquia fundenda conscenderit. V. Sirmondum ad Sidon. p. 151. est autem Ambo, idem ac pulpitum. V. Meursium in Ἀμβων, ab ambiendo deducunt, quod intrantem ambiat, aut quod ab ambabus partibus conscendatur: & quidem veterum pulpitorum, ita deformatam adhuc hodie videmus fabricam. Sed ἀπὸ τῆ ἀμβάνων, hoc est ab ascendendo mauult Spelmann. in glossar. vnde ἄμβωνες, Ambones, montium ascensus; ἄμβων, & ἄμβων, pars, siue locus eminentior. Vide alia testimonia de Ambone producentem. Pulpitum vocamus hodie, sed parieti infixum, ac prominens; ferè in aula, vel κατ' Ecclesiæ. Isidor. 15. 4. Pulpitum, tribunal, analogium, inter sacra ponit ædificia. Analogium, inquit, dictum quod sermo inde predicetur. Hic ipse Ambo est, qui & Lampium. glossæ Isidor. Lampium, Pulpitum, Analogium. Sed Analogium potius est ille pluteus, cui libri imponuntur. V. Spelmann. in Analogio, nobis Seggio. Aut si pro suggestu interpretari mali-



malimus, eum crediderim suggestum qui in Choro, aut Presbyterio assurgit, vnde scripturarum lectio habetur propè altare, seu nientiam maiorem: indeq; Analogium, ab eo legendi actu V. Barth. ad vers. 8. 2. Sed tum ex his locis, tum è sede in tribunali posita, vetus olim cura sanctissimorum antistitum, quæ paulatim decreuit, populum adloquendi. D. Cypriano 2. ep. 5. *Pulpitum*, quod 4. ep. 5. *Tribunal*. Prudent. hymno D. Hippolyti.

————— *sublime tribunal*  
*Scanditur, antistes predicat vnde Deum.*

Neq; hic omittendum (quod vocant) *Faldistorium*, genus sellæ humilioris, & plicatilis sine reclinatorio, aut suppedaneo, facile portabilis, atq; expedita: sine cultu, aut ornamento, nisi quatenus operimento tegitur, ac pendenti circum stromate amicitur. Verùm eo die nudari solet omnium dierum maximè deslendo, maximè salutari, cùm ecclesia delecta, o nni posito gaudio, omni assumpto mærore Dominicæ cædis memoriam feria sexta in paralceue reducit. Cæteras huiusce sedis leges, quò loci, aut temporis, coram quibus usurpanda sit, docent libri rituales. Hanc paruo, aut nullo discrimine ab antiqua Curuli abire diximus cap. vndecimo; sed *Faldistorium* dixerunt vocabulo parum humano; est enim *Faldum* vox saxonica, sep-tum, aut claustrum significans. Inde sedes, aut thronus episcopi, quòd cancellis, aut sepimentis muniretur, ita vocata. V. Spelmann. glossar. atq; ex eo Gerard. Voss de vitijs term in *Falda*, & addend. Corruptè pro *Fandistorio*, hoc est loquendi loco, aut statione, *Faldistorium* appellatum censuit Paris Gratius, quem laudat Dominicus Magnus Oratorij Sacerdos in sua notitia rituum, ac vocum ecclesiast. Libentiùs autem dexteram porrigo Spelmanno, ac Vossio, quorum incomparabilis doctrina est, atq; experientiissima in his tractandis toller-tia. *Stallum* etiam sedem episcopalem dixerunt corrupti æuo ler-monis, à stando, aut quietendo (*ἐπὶ δόξει*) sed propriè tota ea pars, aut scena, vbi thronus cum subellijs erigitur intra absidem episcopo.

Non est tandem, quòd neglectui habeam eam sedem inter sacras, ac dignissimas; quæ alioquin vel nomine ipso contemptum, impio-rumue mendacijs infamiam sibi contraheret. Sed quoniam nec my-sterio sanctitatis vacat, atq; iam calumnias deridet, summoq; olim inaugurando Pontifici deseruiebat, indicare nil vereor. *Stercorariam*

dixere, in qua collocabatur ille, cùm primùm solenni consecratione ad gubernacula Ecclesiastici gregis admoueretur. Vt hominem igitur se esse recordaretur, nec in altissimo illo dignitatis omnium maximæ fastigio inolescere, superbumq; spiraret, insulurrabant Pontifici, cùm ab ea sede confurgeret, illud è sacris literis *suscitat de puluere egenum, & de stercore erigit pauperem, vt sedeat cum Principibus, & solium gloriæ teneat*. Cærem. Rom. lib. 1. sect. 2. cap. 3. Cardinalis Stephanelcus de eadem.

— — — & sedes capiens de stercore nomen

*In platea est circa templum despecta parumper.*

Decebat, ne Vir multijugæ doctrinæ Matthias Martinus præteriret hanc nominis originem; ritumq;, & rationem huius cathecheseos in Summo Pontifice inaugurando. Alioquin in eas sordes, ac putiditates minimè prolapsus foret, quas in insigni suo philologico opere legere est; neq. aniles fabulas, ac deliria impiorum iam diù profulgata refricuisset, quæ vix puero dentienti sunt digna. Cùm verecundia, ac modestiæ velamine videtur ille loqui, sed dum ignorare se simulat, quæ ignorasse dedecuit, ac libenter promit (etsi dubius, ac de aliorum magis sententia, quàm sua) rumores, ac mendacia de Ioanna Papissa, aliasq. ibi ineptias non inuitus colligit, suam interim scalpit pruriginem, conceptamq. prodit in Romanum Pontificem irreuerentiam.

Quod autem Cardinalis ille Stephanescus in foro Lateranensi eam sedem locat, sua respicit tempora, hoc est Bonifacii VIII. cuius inaugurationem describit. Hodie visitur non vnica, sed duæ in peristylis, siue claustris, vt vocant, eiusdem Basilicæ: vtraq. perforata è marmore leucosticto, siue Porphyrite. Cæterum reperio neutram ipsarum verè fuisse eam, quam stercoreariam dixere; sed aliam solidam è marmore candido nulla sedilis apertura. Atq. hæc Stercoraria fuit appellata, quoniam sedenti Pontifici mox Cardinalium manibus sublato carmen illud sacrum occinebatur, *suscitat, &c.* vt ex vetustissimo cæremoniali M. S. discimus, in quo vnus tantùm sedis fit mentio, cui nomen Stercorariæ; non duarum, quomodo à multis creditum, & traditum fuit: aduertitq. Fiorauantes Martinellus in *Roma ricercata*, vbi de Basilica Lateranensi. Ritualement hunc morem, ac sedium historiam refert etiam Eminentiss. Card. Cæsar Rasponius, quem honoris, & obsequij ergo sacro nuper ostro insignitum libentius



tius nominò , officiosius veneror ; Romana suspicit Ecclesia suum antiquis hisce literis , ac magis multò rebus gestis exornatorem : lib. 2. cap. 12. de Basilica, & Patriarchio Lateranensi. Addatur Dominicus Magrius *Nella notizia de' vocaboli, e riti Ecclesiastici* ; sed multum confert distinguere has sedes . Quæ enim duæ visuntur porphyreticæ , perperam vocantur Stercorariæ , neq. persedenti in illis Pontifici insurrebant *suscitas de pulvere, &c.* vt in alia , quæ verè stercoraria appellabatur . At in his duabus perforatis accipiebat clauēs , & Ierusalem , spargebatq; quandam pecuniam . Ritus videbis in Cæremonialibus M. S. atq; etiam in alio edito lib. 1. sect. 2. cap. 3. Idem Raspon. sup. Atq; hoc pacto abundè satis diffatur illud agræ calumniæ somnium de Ioanna Papissa , & Pontificis attrectatione ; quoniam vera sedes stercoraria nullum habuit foramen , sicuti & alterum ruit putridum commentum de admonitione , qua se Pontifex hominem esse meminerit humanis necessitatibus subiectum , dum sellæ quasi familiaricæ incumberet . Duæ itaq; sunt sellæ Porphyreticæ , quæ adhuc perdurant , æq; perforatæ . At vna fuit præter istas stercoraria , nec pertusa è marmore candido : Quod & Andreas Fuluius scripsit lib. 2. cap. de Coelio monte , quem Martinellus laudat iustam impingens dicam Hieronymo Francinio Fuluium Italicè parum ex fide vertenti . At de his tribus sedibus omninò videndus Card. Bellarminus contumacissima Vir Sapia in suo opere de Pontifice Romano lib. 3. cap. 24. vbi fabulam abundè explodit de Ioanna Papissa : quod ipsum egregiè præstat Reuerendiss. Allat. in Constitutione eiusdem Ioannæ . Post reliquos omnes Vir solidæ doctrinæ , atq; incomparabilis diligentia Philippus I abbe S. I. in Cenotaphio Ioannæ Papissæ euerso .

Si perquiramus quandonam desierit mos ille inaugurandi Summum Pontificem trino illo sedium ritu , affine vero est credere , cum primum in Galliam secessit Romani culminis statio : quoniam neq; illic sedes aderat peculiaris , nec statæ supellex ceremoniarum ; ac postquam ad limina sua redierunt Pontifices , iam diù ea religione se soluerant non vtendo per annos amplius LXX. Cencij Camerarij ætate perdurasse morem refert Baron. ad ann. 1191. Stephaneus autem Cardinalis in Bonifacij VIII. consecratione vocat eam sedem despectam .

*In platea est circa templum despecta parumper.*

Quasi suo tempore exoleuerit etiam ritus . A Bonifacij autem obitu

ad Clementem V. cum quo Auenionem migravit Ecclesia, duo tantum intercurrent anni.

Exhibeo autem perforatarum sedium imaginem, quam antea vulgavit Martinellus; ad me Româ misit nobilissimus Octavius Falconerius; sicuti & aliam non pertusam in eodem Lateranensis Patriarchij cauædio seruata: atq; hæc veriùs potuit esse stercoraria. V. num. 43. & 44. Cæterum cum tres istæ sedes omnes sint antiqui operis, & eleganter sculptæ, in vsum conuersæ fuerunt ceremonialem inaugurandi Pontificis rudibus ijs sæculis. At perforatæ omnino balneares erant, vt infra dicemus, sensitq; doctissimus Pighius in Hercule Prodicio. Eo namq; sedilis cauo dabatur infusæ aquæ effugium, sicuti & in ipso suppedaneo, vel scabello alia cavititas apparet veluti excipulum aquæ transmissæ. Præter Martinellum vulgavit eam sedem pertusam Io. Rhodius ad Scribonij Largi cap. 193. pag. 281. Cuius similem Veronæ visam affirmat. Sentit ille quoq; balnearum vñibus destinata ad humanas necessitates, aut vaporis excipiendi causa, potius, quàm lauandi. Sed de hoc nonnihil infra cap. 25.

## C A P V T XXI.

Subsellia. *συβέλλια*. Panche, e Banche: non à Græco ἀβανος, sed à Latino Planca. *σαῖδης*. Scamna. Scabella, Scabelli. *β'θρα*. Anabarthra. *Scholiastes Iuuenalis emendatus*. Sedilia: plerumq; fixa. Reslongi Subsellij. Longa cathedra. Scamna longa. Scamna magna. Summa, ima subsellia.

**Q**Vando hætenus sublimia dignitatum culmina insedimus, sellarumq; honestiorum gradus merati fuimus, siue Imperio validi, siue sacris eximij, siue doctrina regnantes tenuerint; vt rerum omnium vestigio est, de alto nunc escendamus, & paulatim ad humilia dimitramur. A solijs, ac Tribunalibus ad inferiora sessitabula: à Curulibus, & Cathedris ad scamna, ac subsellia.

Cum Varrone exordiamur, cuius illa sunt 4. de l. l. vt subsipere, quod non planè sapit: sic quod non planè erat sella, subsellium dictum. Facilis, & obuia nominis icturigo. Quo pacto sublustris, subniger, &c. qui non planè clarus, ac niger, *μειώσα*, & extenuatione τῆ sub; ita  
in



in subsellio exponit Romanorum doctissimus. Sicuti verò sella pro sedda, ita subsellium, quasi subfledium, vti explicat Fabius Quintilianus 1. 7. Isidorus 20. 11. Quod autem Varro a t *non planè erat sella*: spectare videtur formam, aut magnitudinem, vel structuram; cuius ratione infra sellam erat, ab eaq. vincebatur. Sed ego locum quoq; ipsum respicerem, vbi sedes, præsertim Curules, atq; honestiores, in Tribunali, vel suggestu, aut gradibus: cùm subsellia inferiùs ponerentur. Quòd igitur sub sellis, vel infra sellas locarentur, id sibi nomen fecisse subsellia haud inficere quis dixerit. Hinc sedem vulgarem appellare voluisse videtur Tacit. 4. ann. 8. *Consules sede vulgari per speciem mastitia sedentes honoris, lociq; admonuit*. Sic Græcis ὑποδρία inferior sedes, aut confessus, quasi infra digniorem sedem, aut cathedram; & κατωτέρω θρόνων, vt loquitur Nazianzen. epist. 3. Inferiori æuo σεβῆλλια, omnino à Latinis desumptum corrumpere, vt pleraq; alia, V. Meursi. glossar.

Nobis sunt *Panche*, aut *Banche*; nonnullis placet à Græco ἀβαξ, & gignendi casu ἀβακος, *Banco*, *Banche*, &c. sed putauerim non esse recedendum à Romana dictione. Ita n. *Planca*, hoc est assamenta, & tabulara à planitie dictæ. Fest. *Planca tabula plana: ob quam causam plani appellantur, qui supra modum pedibus plani sunt*. Plin. 8. 4; de asinis loquens. *Nec pontes transeunt per raritatem plancarum* (ita verus codex) *translucentibus fluijs*. Scaliger. ad Fest. prius palancas à Phalanges Græco, dein plancas appellatas monet: at Festus à planitie deducit: quod planius existimo. Neq. aliter Dioni, atq; alijs σαυίδης, hoc est tabulæ, & asseres pro subellijs. Hæc eadem & *scamna* vocata, vel quia alta forent, scansione vt opus esset; vel quia (quod malim) per ea scanderemus in lectos, aut sellas, locaq; editiora. Varro. 4. 1. 1. *quia simplici scansione scandebant in lectum non altum, scabellum: in altiorum, scamnum; duplicata scansio Gradus dicitur*. Varroni igitur *Scabellum* erit scamnum humilius, per diminutionem scamni conflata voce: *Scamnum* verò altius, & altioribus admotum. Hoc sensu puto accepit Voss. in etymol. scamna idem esse scribens, ac subsellia, eaq. alta, atq. edita, vt scandere opus esset. Isidor. lib. 20. cap. 11. *Scamna sunt, quæ altioribus lectis apponuntur dicta à scandendo, hinc & scabelli, qui lectis paruis, vel sellis ad ascensum apponuntur*. Hæc Hispalensis antistes cum Varrone faciens, ex quibus colligere est scamna, aut scabella eò potius dicta, quod illinc in lectum,

ctum, aut sellam scandamus, quàm ut ipsa sint scansionis terminus; præq. altitudine scandi oporteat; nam & sessioni inseruiunt, ut iam ante oculos est.

Ab hoc scandendi actu βάθρα Græcis, & ἀνάβαθρα, quo verbo posteriori vsus Iuuenalis sat. 17. vers. 46.

*Nemo dabit Regum quanti subsellia constant,*

*Et quæ conducto pendent anabathra rigillo.*

Vbi scholiastes *subsellia*, gradus superiores scansiones; à Græco tractum, idest *subsellia*, super quæ aliis sedeat: post verbum *scansiones* infero vocem *Anabathra*, quæ sui furtum fecit: ut ea sit mens Interpretis *subsellia* exponere gradus superiores scansiones; mox de *Anabathris* loqui, quod verbum à Græco tractum inquit, nempe τὰ ἀνάβαθρα. Quomodo enim si de *subsellis* loqui pergeret, à Græco id tractum garrirer? Ergo *subsellia* Scholiastæ sunt gradus superiores scansiones: quòd si adhuc *aliis sedeat*, conductis rigillis ad extruendos pegmatum gradus, ea dixerunt *Anabathra*; nobis *Palchi*, aut *Scalinate*, qualia affigi solent parietibus, ac suspendi subditis fulcris sensim acclinata, ne alter alterius luminibus in spectando officiat. Ità Scholiasten restituo, ac declaro: sed poterant quoq. *subsellia* in *Anabathris* locari: atq. is fortasse extitit sensus Poetæ duobus versiculis mutuam sibi lucem commodantibus; sed vide illos mirificè enodantem Lipsium cent. 2. ad Belgas epist. 48. Voss. de imit. cap. 7. & in addend. Omnino huc facit Sueton. in Claudio cap. 41. Cum initio recitationis compluribus *subsellis* obesitate cuiusdam defractus risus exortus esset, &c. Si plura *subsellia* bos iste Hungaricus sua ruina, vnoq. tempore diffregit, alia super alia fuisse constituta per gradus quoddam, consequens est opinari.

Scamna igitur, & scabella idem nonnunquam, ac *subsellia*; de scabellis postea. Glossæ Cyrilli ἐποπόδιον, scabellum, *subsellium*. Sed Glossographus hic, si quid conijcio, *subsellium* videtur accipere, quod *subsellam*, aut ad pedes illius ponitur; egregius locus in l. 2. lib. 3. Cod. Theodof. de contrah. Empt. Constantini verbis: *Ut etiam si subsellia, vel, ut vulgò aiunt, scamna vendantur, &c.* quasi eundem ore vulgi, & minus apertè, ac literatè ipsò Constantini ævo scamni nomine *subsellia* indigrauerint: aliter ac olim I. C. in l. 3. de supell. leg. distinguens: *subsellia, scamna, lecti, &c.* Aliud igitur *subsellia*, aliud *scamna*, quæ pro humilioribus sediculis, ac suppedaneis accipio.

Pau-



Paulus autem 3. sent. 4. *Pulvini, subsellia, cathedra, mensa, &c.* instrumenta domus enumerans. Equidem subellia puto fuisse oblonga, & angusta, ac plurium proinde capacia cum reclinatorijs firmè ad innixum dorsi. At scamna fortè magis rudia, sine illis ad tergum subcris, quæ in gradibus theatrorum, & Anabathris commodius locari poterant. Sicut è ligno propriè fuisse autumem subellia, ac mobilia; etsi quandoq. fixa non negarim, vt hodiè sit. Cæterùm lapidea, aut marmorea libentiùs *sedilia* dixerim; siue ex opere structili fuerint, quæ nobis *muriccioli*. Plin. 5. epist. 6. elegantiss. suam in Tuscijs villam describens: *Sunt locis pluribus disposita sedilia è marmore*. Subselliorum formam planè publicat Celsus Latinorum Hippocrates lib. 7. vbi in quadam curatione ægrotum iubet resupinum iacere in subellio, aut lecto: *Resupinus eo modo, quo in curatione ani figuratur: super subsellium, aut lectum collocandus esset*. Vides hic vsum iacendi, tam in subellio, quam in lecto. Fortè allusit Cic. 3. epist. 9. cum rem vocauit *longi subsellij*, multorum scilicet iudicio, aut veriùs longa consultatione dignum. Neq. aliter exponerem longam cathedram apud Iuuen. sat. 9. vers. 52.

— & strata positus, longaq; cathedra.

Vbi Scholiast. *cervicalibus positus scamnum dicit*. Plurium capax facit subellium Hermas à nobis sup. laudatus 1. 3. *Cumq; vellem, sedere ad dextram partem, non est passa, sed annuebat mihi manu, vt ad sinistram partem sederem, &c.* loquitur de subellio. Sidon. 1. epist. 7. *in vno subsellij capite consedit*. Colligo minori etiam forma fuisse quædam subellia, proutus vt ea, quæ nos hodiè vocamus *sgabelli*, vnus tantùm capacia ex Cic. sup. atq. Iuuenali, atq. omninò adstruit Sueton. in Claudio 23. *Medium inter Consulum Sellas Tribunio subellio sedisse*. Si longum fuisset subellium, fusæq. sessionis (qualis è nostris, quæ vocatur Panca) incommodè potuisset statui inter Consulum sellas, præsertim in tribunali. Scamnorum itidem longitudinem, pluresq. recipiendi vsum sessores, idem Scholiast. supra innuit. Ouid. 6. Fast.

*Ante focos olim scamnis considere longis.*

Cato quoq. de re rustica cap. 10. villicorum magister inter cætera vtenilia, quibus paupertinam coloni domum iubet instrui: *Scamna magna tria, scamnum in cubiculo vnum, &c.* Scamnum hoc cubiculare tanquàm exilius interpretor, vt illa magna ad quoscunq. vsus,  
sub

sub dio, in porticu, ad mensam, ad somnum, ad rustica, aut fabrilia opera.

De M. Curio gloriosæ paupertatis viro Val. Max. 4. 3. *se in scamno assidentem foco, &c.* in viliori supellectile, aut inopum, aut rusticorum apparet fuisse hæc scamna reposita. Subsellio quatuor pedes tribuit Hermas in Pastore lib. 1. cap. 3. *Et quia super subsellium vidisti sedentem, fortis positio est: quoniam quatuor pedes habet subsellium, & fortiter stat.* A quatuor Iuuenibus tanquam magnæ molis sarcina deinde amouetur in ea narratione, quam vide.

Atq. hæc subellia, etsi infra sedes honorum sublimes, atq. humiliori loco statuta, non tamen tuæ dignitatis expertia fuerunt, aut gradu honestatis caruere. Indè toties illa mentio, loquendiue forma, *summi, imi subsellij, &c.* si quæ autem fortè illis nota adhæreret, aut humilitas, aut contemptus, penitus eam derertam existimabimus, ubi proximo capite, quibus ea viris honore spectatissimis statuta fuerunt, examinabimus.

## C A P V T XXII.

*Prætoria subsellia. σπαρτυοί. Ordo sedendi ex albi norma, ac præscriptio. Barthol. m. Chæsius I. C. acutissimus. Qui intelligendum, ut in subsellis Prætores, atq. in curuli. Mæstis rebus relicte curules, & ad subsellia descensum. Lamprid. enodatus. Habere talces. Dionis Cæsij locus cum cura expensus. Sedes vulgaris. Aldi Manutij intuitum iudicium de tribunali, & sella Prætoris. Tribunitia subellia à subsellis. Quandoq; Princeps Rom. in subsellio. Dio iterum examinatus. In marore sedibus abscessum. Subsellia iudicum, accusatorum, reorum, testium. Merces pro subsellis. Suetonius aliter, ac vulgò explicatus. Litigantes, & aduocati sine subsellio, sed stantes. Scamna amicabilia. Adseßores Principum, Amici vocati. Sedere iudicum. Subellia equitum: fori appellati, & spectacula. Subsellia composita in gradibus, non cathedra. Iuuenali noua data lux. Desia's character.*

**I**N publicis conuentibus ad solenniora munia, vel subsellis vsos fuisse Romanos Patres, hoc est lumina orbis, & imperij, Principetq. auctoritaris, ac consilij publici, satis ostentum superius cap. 12. ex Suetonio, Dione, Sidonio, alijs. Quod verò magis est, ac  
nisi



nisi cum admiratione nequeo legere, ipsis Prætoribus (qui maiorum, aut curulium Magistratuum splendore fruebantur) assignata quoque subsellia publicis in conuentibus, templi, fori, theatri, &c. si fides Dioni. Subsellia sæpè apud illum *Εάθρα τῶν σπατηγῶν Prætoria subsellia*, ut lib. 56. in morte Augusti de Consulibus loquens, οἱ δ' ὑπᾶτοι κάτω ἐν τοῖς Εάθροις, ὁ μὲν τῷ τῶν σπατηγῶν, ὁ δὲ τῶν δημάρχων. *Consules verò infra, unus in Prætorum, alter in Tribunorum subsejjs*, & lib. 60. vbi de L. Sylla ob senectutem iurdaistro, qui cum in suo subellio quædam audire non posset, ac ideò surrexisset, permissum illi εἰς τὸ τῶν σπατηγῶν Εάθρον, &c. καθίξαι, ut in *Prætorij's subsejjsq; sederet*. Res planè ardua, ac perplexa, quæ animi, atq. iudicij pendentem me reddit, ne dicam ipsum Dionem dubiæ fidei, & auctoritatis. Non audeo autem ignorantia illum insimulare, tanquam Græci in Romanis ritibus; neq. vocem *σπατηγῶν* minus propriè ab eo usurpata coarguere, quoniam fideliter ea vritur in suis historijs ad Prætores significandos; quicquid alij Græci parum in illa quâdoq. sibi consent. Eo quidem magis, quoniam vti rem compertam, atque exploratam haud semel memorat hæc Prætoria subsellia; neq. ad alios magistratus transferri potest nomen *τῶν σπατηγῶν*, quibus subsellia deherentur. Fortasse primus in parietinis Romanæ vetustatis hanc vriticam attingere audeo. Sed mihi quoq. teneræ sunt, ac debiles manus, iuuabit aliquando non obiter (quod nunc facio) duriori articulo rem premere, atq. excutere. Interim verò haud ablonum existimarem curuli sella prorsus eos fuisse vsos, qui primas tunc agerent, vel qui comitia, aut relationem haberent. Cæterùm alij quamlibet maiores Magistratus in subsejjs adessent, hoc est loco infra sellam præsidentium (quo sensu *Εάθρα* appellat Dio) ordine tamen sedendi pro Magistratus dignitate, aut antiquitate honoris; dignior ut foret locus, qui propior suggesto, aut tribunali, dextra sinistram anteeunte. Ac quemadmodum de loco dicendæ sententiæ al'as in Senatu mos erat, ita in sessione esset factum: adeatur l. 1. de albo scribendo. Exactè enim, ac sollicitè custodita semper albi religio: cuius causa tot actionibus, tot pænis confossi temeratores, ne contempta maiestas, & imminutus alioquin publicus honor seuero vindice careat. Præter Cuiacium V. quæ plenius, & acutiùs obseruat different: Iur. 1. cap. 79. Bartholomæus Chesius, Academiam nostram, iustique, ac recti artem non tam scriptis exornans, quàm candore animi,

ac libertate iudicij. Dignissima puto fuisse Prætoria subsellia, quoniam is quoq. honor post Consularem summus. Ideòq. ab humanitate laudatus fuit Princeps Tiberius ex ea Dionis narratione lib. 60. quod L. Syllam ad Prætoria subsellia accersuerit, sibiq. proximum locauerit, ut audire posset, quæ agerentur. Sed omnis vellitur fibra dubitationis, si Prætoria subsellia quis accipiat non pro genere sedij, sed pro ordine sedendi, ac toto illo sessionis apparatu infra sellas Consulum; ubi tamen sellæ quoq. curules Magistratibus forent positæ. Interea non inuitus odor hinc ab vno tribunalis latere (credam dextero) Prætoria, illinc ab altero Tribunitia subsellia fuisse posita. Vestigia mihi aperit idem Dio eodem lib. 56. pag. 590. cum relicto suggestu describit Consules in subsellijs sedentes; quasi hinc, atq. illinc seruata suæ sedis statione ἐν τοῖς ἐάθροις, ὁ μὲν τῶ τῶν στρατηγῶν, ὁ δὲ τῶν ἀνυάρχων, in Prætorij's alter, alter in Tribunitij's subsellijs. Cum post mortem .i. Augusti omnia ad summi mæroris speciem essent composita, grauissimumq. sibi inflatum vulnus tanti Principis desiderio lugeret Respub. Consules tribunali abstinerunt, inferiori loco sedentes. Communi autem nomine vititur Tacitus hoc ipsum cum Dione factum edisserens; neq. aut Tribunorum, aut Prætorum subsellia, sed vulgarem sedem appellat. *Tiberius, &c. Consules sede vulgari per speciem maiestatis sedentes, honoris, lociq; admonuit* lib. 4. ann. cap. 8. Quasi equidem exceptis Consulibus, quibus curules in tribunali parabantur, vulgari, & indistincto sessionis genere cæteri omnes vterentur, quæ vocat Dio βᾶθρα, subsellia. Quod si quis apud Lampridium legat in Heliogab. cap. 4. de vxore nequissimi illius Imperatoris: *Ad Consulum subsellia scribendo adfuit*, non est quod Consules in subsellijs sedisse colligat; sed quoniam illic infra eorum Tribunal scribæ aderant in subsellijs, quæ Consulum vocabant. Si igitur adessent Consules, curuli forsitan abstinentes Prætores, Aediles, &c. subsellijs inhærebant. Quod si iidem Consules abessent, tunc Prætor urbanus, quippe dignior, ac deinceps ordine ille è maioribus Magistratibus, quem penes Maiestatis publicæ staret dignitas, rei, gerendæ auctoritas, præaltam solus curulem occupabat. V. quæ supra examinauimus. Ac multum referre potest, quo in loco haberetur confessus, in curia, in theatro, &c. an in peculiari dicasterio. Cæterum, Consules quod spectat, tamen si vnus tantum haberet fascēs singulis vicissim mensibus, quod sortiundo, aut inter se comparando fiebat, vtrique

tamen



tamen positam fuisse sellam pro certo est. Superior id euincit Taciti locus, vbi vterq. Consul sedis admonetur; adde Suet. Claudio cap. 23. *Medium inter Consulum sellas, &c.* passim nummi, ac nos supra.

Atq. his præstructis, irreprehendendus foret Dio, qui subsellia Prætoribus tradit, nisi nouo alio commento vindicias dare secundum Dionem placeret. Nimirum in ea narratione de morte, aut funere Augusti, ad mœroris ostentum, deiectioneque tanta calamitate Reipub. indicium, Prætores iamdiu ipsi sella curuli abdicauerunt, subsellij infidentes, in quibus etiam ipsi Consules hæserunt ad augendum doloris sensum; atq. hæc vocat *Prætorum subsellia* Dio; *sedem vulgarem* Tacit. Sed quare Tacitus adeò tacitus non id narrat (dum mœstitiâ publicam exaggerat) Prætores quoq. ipsos suis curulibus decessisse? At enim (inquis) sufficiebat Cornelio de Consulibus tantum expoluisse, penes quos erat publici conuentus dignitas; quod si ij eam doloris scenam exhibebant, de cæteris quæ dubitatio? Ac multò magis quoniam Consules non curulem modò sedem reliquerant, sed locum, ac tribunal: cùm Prætores, aut si qui alij, solam sedem mutassent. Hinc Tiberius eos *honoris lociq; admonuit*: ac si honor ad curulem, locus ad tribunal pertineret. Sed quæ prior in mentem venit, ea sit mihi portior in hoc iudicio defensio; ac multò magis, quoniam ipse Dio lib. 60. (vt diximus) meminit itidem subsellij Prætorij; & tamen nihil ibi de publici doloris testatione, & ob id turbato sedendi ordine, ac loco; sed omnia alia ibi afferuntur. Apparet interim mœstâ, & afflicta fortunâ relictum solium, & sedes celsior, vt in superiori narratione. Cui congruit quod de Penelope dolore circumuenta Homerus protulit. Odyss. Δ. vers. 716.

ἔδ' ἄρ' ἔτ' ἔτλη  
δίφωρ ἐφέζεσθαι, πολλῶν κατὰ δίκην ἐόντων  
ἀλλ' ἄρ' ἐπ' ἐδῆ ἵζε πολυχμήτε θαλάμοιο.

neq; amplius sustinuit  
In sella sedere, & si multi in domo adestent;  
Sed in limine sedit splendidi thalami.

Niniuitarum rex iræ cælestis, quæ imminebat, auditâ denunciatione surrexit de solio suo, &c. & sedit in cinere. Ionæ cap. 3. V. sup. cap. 16. de Coriolano.

Neq. ignoro, quod Aldus Manutius lib. 3. epist. 4. quæsitur. per epist. scripserit Magistratus curules omnes vltos semper fuisse sella

cognomine, non omnes tribunali; Prætoribus tamen & sellam, & tribunal iunctim assignat. A quo viro non equidem discedo, si in suis foris, atq. iudicijs Prætores statuamus. Cæterum si ubiq. seruata velit hæc insignia in curijs, theatris, alijsq. conuentibus, vbi Princeps, aut Consules præessent, non ægrè dissentio.

Tribunis porro suam quoq. in subsellijs mansionem fuisse attributam affirmat Dio in ea ipsa narratione de Consulibus in morte Augusti, quorum alter in subsellijs τῶν σπαρτηγῶν Prætorum, ὁ δὲ τῶν ἀνάρχων, alter Tribunorum. Suet. Claud. 23. *Inter Consulum sellas tribunitio subsellio.* Asconius Pedian. in Miloniana, *sunt enim, inquit, subsellia Tribunorum, Quæstorum, Triumuirorum, & huiusmodi minora iudicia exercentium, qui non in sellis curulibus, & tribunalibus considebant, sed in subsellijs.* Videatur & in 4. Verr. Tribunos intellige, non militares, aut consulari potestate, sed Plebis, aut Aerarios. Reprehenditur tamen Asconius à Manutio ad locum ibi Ciceronis *hunc tamen à subsellijs, &c.* quoniam non tantum eorum, qui minora iudicia exercebant, sed in omni iudiciorum genere subelliorum vsus; quo sensu generaliter Cicero loquutus fuerat: congerit illuc Manutius testimonia. Haud prætermittam apponere, quod Consultissimus Hotomanus ad Asconiana verba opinatus est, ea forma, qua apud Latinos aliquem *A Pedibus, à Manu, à Cyatho, & consimilia* dicimus; ità *à Subsellis*, qui iudicantibus præsto esset, ibiq. versaretur ad ministerium. quæ ingeniosa opinatio est. Sed mox de iudiciarijs subsellijs dicemus, ne tribunitia tam citò linquamus; in quibus non exiguum honoris instar residebat, imò fulgor maiestatis, & gloriæ ornamentum, quando illic Romanus Princeps publicè incubare non dedignabatur. Amplum testimonium, quod supra ex Suet. Claudio cap. 23. deprompsimus. Adde Dionem lib. 60. τὸ μὲν γὰρ ἐσθλόν ἐν μέσῳ τῶν ὑπᾶτων ἐπὶ δίσκῳ ἀρχεῖν, καὶ ἐπὶ ἐάθρῳ καθήμενος ἐποιεῖτο. *Medius Consulum in sella curuli, & in subsellio sedens referebat.* Xylander legit ἢ ἐπὶ ἐάθρῳ, vel in subsellio, & magis placet. Hoc subsellium vocat *Tribunitium* Suetonius. Perpetuò si quidem τὸ βᾶθρον, *subsellium* verterem, vbi de Tribunis agitur, vt apud eundem scriptorem lib. 37. p. 52. in ea narratione, cum Metellus Consul in carcerem ductus fuerit imperio Flauij Tribuni pl. Senatus reuerentia motus erga tantum virum, in ipsum carcerem statuit conuenire, tanquam in templum aliquod, quoniam ibi Metellus detinebatur: fecissetq. nisi Flavius



Tr. pl. subsellium ad ingressum carceris collocasset, impedimento ne Senatores introirent. *Εάθρον τὸ δημαρχικὸν* vocat Dio, vbi versor *Sellam Tribunitiam*; ego *Subsellium* malo. At in eo Claudij more tradendo subdit idem Dio lib. 60. *μετὰ δὲ τῷ αὐτῷ ἐπὶ τῷ συνήθῳ ἔδραν μετήρχετο, καὶ ἐκεῖνοι οἱ δῖπροι ἐτίθετο.* *Post hac ad consuetam sedem redibat, & illis (consulibus) curules ponebantur.* Interdum .i. in suo tribunali medius inter Consulum sellas (supra diximus): interdum humiliori loco in subsellio, quoties referre debuisset ad Senatum; atque idem facitabat, inquit Dio *ἐπὶ τῶν ἄλλων τῶν μεγίστων, in alijs maximis rebus*; quoties videlicet de huiuscemodi agendum foret. Suetonius ita expressit, *de maiore negotio acturus in curia medius inter Consulum sellas tribunitio subsellio sedebat*; quod fortè ob commoditatem tactum, vt facilius se interens Princeps in vtriusq. aures consulis insusurraret, & arcana conferret. Sed hæc Dionis verba, non otiosantem in sese aduertunt lectorem. Si Princeps namq. post habitum colloquium *ἐπὶ τῷ συνήθῳ ἔδραν μετήρχετο ad consuetam sedem redibat*; iam ea decesserat, siue tribunali, siue alius locus fuerit. Coniicio autem Principem transisse ad consulum stationem, aut in tertio aliquo consedisse. Quòd enim à colloquio, vel consultatione consulibus oī dῖπροι ἐτίθετο *sellæ ponebantur*; argumentum est sedisse tunc consules consuetis in sedibus, sed interiori loco, vel potius stetit: frustra ijs alioquin redderentur mox sedes. Sed & tribunitia potestas hîc in mentem mihi venit, quippe sacra, & iniolabilis, quam idè tam auidè affectarunt, iactaruntq. inter titulos Romani Principes. Eadem puto de causa, & Cæsari datum, vt in tribunitijs subellijs sederet. Dione teste lib 42. pag. 194.

Ac simili forsitan subellio tribunitio vsus Tiberius, de quo Suet. in vita cap. 17. *medius inter duos Consules, cum Augusto sedit.*

Iudicibus, ac Recuperatoribus, quoties Prætori adessent, data quoq. fuisse subsellia nemo dubitat; indè tam sæpè vox subselliorum pro ipsis Iudicijs, seu munere iudicandi, solenni hypallage, locum, aut insignia honoris pro ipso honore, aut officio desumendi: insignis locus Cic. epist. 10. lib. 13. fam. de Varrone: *Versatus in vtrisque subellijs optima & fide, & fama*; hoc est in iudicijs tam priuaris, quàm publicis: alia testimonia congerit Manutius citato libro. Obseruat Cornel. VVitell. in Merul. cap. 22. qui accusatoribus reis, testibus assignata subsellia ostendit. Marcel. Donat. in Suet. Nerua cap. 17. qui

qui Ciceronem alibi testem vocat in lib. de orat. *cum si à subfellijs in-  
otium contulerit, &c.* i. à munere iudicandi; sed & pro quocunq. mu-  
nere forensi, aut ciuili acciperem; sicuti & in Verrem eidem Cicero-  
ni *alienus à subfellijs, & ad Heren. longi subfelliij iudicatio, & mora.* Mar-  
tian. Capellæ *subfellia cognoscentium.* Iuuen. sat. 16. vers. 13.

*Bardaicus iudex datur, hæc punire volenti*

*Iudex, & grandes magna ad subfellia sura.*

Sed pleraq. hæc ab alijs pridem obseruata. Adiungo l. ult. C. de Se-  
natoribus. Si quod enim crimen ijs obiectum, aut publicum, aut pri-  
uatum, facultas illis permittitur; *sedendi quoq; in aliqua Secretarij par-  
te, qua iudicibus inferior, altercantibus verò superior esse videatur.* Infi-  
gnis, & palmaris locus, atq. obseruatione dignus apud Suet. 10 cap.  
17. *item ut litigatores pro patrocinijs certam, iustamque mercedem solue-  
rent; pro subfellijs nullam omnino darent.* Indubitanter autem sublel-  
lia nihil aliud hic sunt, quàm iudices. Patronis iustam mercedem  
accipere fas fuit, neutiquam iudicibus vendere sanctitatem officij; siue  
(quod eidem Marcello placet) ne quid pro sententia lata eidem iu-  
dicibus soluatur, quando ex ærario publicè constituta ijs sit merces,  
*præbente ærario gratuita* subdit ibi Suet.

Tardus, ac cæspitans grádior in eam sententiam, quam refert idem  
Marcel. Donat. tuetur Casaub. ad Suet. sublellia accipiens, quemad-  
modum vox sonat, pro ligneis ipsis sedibus, earumq. vlu; ut quoties  
exercenda forent iudicia, extruerentur in foro auditoria conductis,  
deportatisq. subfellijs, pro quibus certa pecunia à litigantibus pende-  
retur, à quo tamen onere leuatos voluit Nero. Quicquid in Rheto-  
rum exercitamentis, aut recitationibus ad captādos auditores factum  
fuerit (qua de re infra) vix est, ut idem sit statuendum in iudicijs Præ-  
torum, aliorumue Magistratuum. Quid? In vrbe tot ciuium milli-  
bus habitata; tot conuenarum ex Italia, subiectisq. prouincijs quoti-  
diè affluentium concursu florentissima; in tam multis rerum gerenda-  
rum occasionibus, hoc est meris causidicæ nurriculis, sæcundisq.  
litium seminarijs, quoties iudicium exercendum, toties subfellia, aut  
scamna conducenda erant, atq. in forum adsportanda? Vix illud fa-  
ctum crediderim sub Romanis puluphagis, rudi, atque horrido æuo:  
nedum vbi cum amplitudine fortunæ, atque imperij nitore, populiq.  
immenso numero cuncta in augustiorem faciem verterunt. Potuit  
suum fieri, ut semel positus sublellis ab ærario pensio quadam



exigeretur à litigantibus pro eorumdem stabilimento, aut conseruatione, & custodia; quam pensionem iussit Nero remitti. Quod verò per singula iudicia ponendæ, reponendæque forent sedes, extruendum, componendumq. auditorium, id mihi molestiæ, ac difficultati plenum opus videtur, & abhorrens ab eo politissimo, & florentissimo seculi, ac populi more.

Omnis itaq. vellitur dubitatio, si subsellia pro iudicijs, vel sententiæ ferendæ actu, & officio interpretemur. Cæteroquin enim litigantes sedendi iure pellebantur. V. l. 1. C. de offic. Cui. iud. sicuti & ipsi aduocati, aut causidici. Plin. 1. epist. 23. *In tribunatu abstinui causis agendis, quòd d. forme arbitrabar, cui loco cedere omnes oporteret, nunc omnibus sedentibus stare*, & lib. 6. 33. *ingens utrinque aduocatorum vniuersa subsellia perstantium corona*. En subsellia iudicium, circa quæ aduocati perstabant. Ita legendum esse locum Plinij admonuit Cuiac. ad nouell. 71. cap. 1. *ἢ συγκαθεῖσθαι τοῖς ἀρχαῖς ἐν ᾧ δικάζουσιν, ἢ παρῑστάει πάλιν οἱ αὖ δικάζομεναι*. Vel sedere cum magistratibus, dum iudicant, vel rursus stare, vti litigantes. Quòd vero Cuiac. inibi testem aduocat Symmachum lib. 1. epist. atq. ex eodem Cuiacio Gothofredus ad d. l. C. vbi Senat. vel clariss. non reperi equidem, & puto Sidonium potius debuisse laudare lib. 1. epist. 7. cuius illa sunt verba: *Ferreolus circumfissentibus latera collegis verecundè, ac leniter in imo subselliorum capite confedit, ita vt non minus legatum se, quàm senatorem reminisceretur*. Erat Ferreolus accusator, alij autem circumfistebant accusationis, & legationis socij, eo sedente, quoniam Senator. Ac de aduocato itidem l. 6. in fin. C. de postul. *cùm ipse necessitatem elegerit standi, & contempserit ius sedendi*. Verus namq. mos, atq. ex dignitate rei, vt qui loquuntur, aut sententiam dicunt, erecti, ac stantes faciant. Obseruat Brissou. de form. lib. 6. p. mihi 182. qui tamen sedisse monet, quicumq. assensum præberent. Verùm antequam perorarent, aut causam dicerent, assignatis fortè infidebant subsellijs, siue scamnis aduocati; atq. hoc temperamento doctissimi Sauaronis non recusò dictum ad Sidonij Apollinaris lib. 1. epist. 3. *scamnis amicabilibus deputantur*: vbi scamna pro subsellijs exponit, in quibus sederent aduocati. Hi namq. peculiari amicorum nomine gaudebant, vnde scamna amicabilia. Verùm, vt suspecta non nemini esse posset hæc amicorum appellatio, quâ causidicos honestamus, cùm alioquin sanguinem fortunarum bibant, & patrimonia miserorum emungant: ita  
fui

fui diffimilis videtur hîc mihi Sauaro, nec tam firmis, plenîsq. vt affollet, subnixus testimonijs. Quod enim profert I. Diui fratres, D. de I. Patronat. non de causidicis ibi agitur; sed de I. Consultis, quos in consilium adhibitos Imperator honoris causa *amicos* appellare consuevit, vt dicemus. Quare *amicabilia scamna* libentiùs exponerem pro subellijs adlessorum, vel iudicum, quos vocant pedaneos. Nec dissuadere videtur sentus, atque ordo epistolæ, si quis attentè percurrat. Gaudentiùs enim ille (de quo ibi) paulò ante contemptus ab obrectatoribus, quem nec consessu dignabantur, nunc in sede, atq. honore suscipitur: atque ita vices ille rependit, dum *scamnis amicabilibus* deputat contemptores; in inferiorem .s. locum ad obsequium, & ministerium hos derrudens, qui nuper dedignabantur se habere affessorem. Quòd verò affessores, vel consiliarij *Amicorum* nomen passim meruerint, tam notum est, quàm quod notissimum. Ac ne pluribus te morer lector, V. plenissimè congesta à Salmasio ad Spartian. Adrian. p. 47. & seqq. siue cap. 18. vbi & Casaub. idemq. Salm. ad Pollionis xxx. tyrann. in Macriano; Bulenger. Imperatore Rom. lib. 2. cap. 21. adi & Pignorium de seruis p. mihi 212. & seqq. Huic cumulo inspergo locum Lampridij in Seuero cap. 29. *Res bellica, & ciuiles (vt superius dictum est) per amicos tractabantur, &c.* Omnino igitur *sedere* Magistratuum, atq. iudicantium exiitit. V. quæ notat Helmenorst. ad Minuc. Fel. mihi p. 9. Paræus lex. Crit. verbo *sedere*, Pollettus ab eo laudatus Fori Romani pag. 36.

Equitum loca, aut quatuordecim gradus in theatro sæpè *subselliorum* nomine demonstrata, præsertim Martiali; cuius illa sunt lib. 5. epigram. 28.

*Bis septena tibi non sunt subsellia tanti.*

& 2. 29.

*Rufe vides illum subsellia prima tenentem.*

& 5. 8.

*Quo subsellia certiora sunt,*

*Et veros eques ordines recepit.*

Ac ne longius faciam, adi ad hunc vatem plena, atq. erudita accuratissimi Raderi commentaria, Dempstèr. ad Rosin. 5. 10. De puluino autem equestri erit infra dicendi locus. Non parcam adscribere hæc subsellia, aut gradus in circo *foros* fuisse appellatos. V. Panuin. 1. 5. de lud. circens. Festus *sexto, fori* significant *circensia spectacula*, ex quibus

*etiam*



*etiam minores forulos appellamus. Sic Liu. lib. 10. ubi spectacula sibi quisq; facerent, fori appellati. Var. 4. l. 1. Circus maximus dictus, quod circum spectaculis adificatus est. Spectaculum vocant eam scenam, sedem, loculamentum, quod quisq. sibi faciebat ad spectandum. Vtitur & Ter-tull. in lib. de spectaculis. Non dissimilia, quæ nobis Stanzini.*

Sed loca ea in gradibus, ac foris spectaculorum, *subsellia* fuisse, quandoq. appellata eò putarim, non quia lignea fuerint, vt olim sub Romanis vetustis; sed quoniam illic ponerentur subsellia. Vitruuius 5. cap. 6. *Gradus ubi subsellia componantur*, suo .i. ordine, ac metatione, prout balthei, præcinctiones, viæ, sedentiumq. dignitas postulet. Subsellia inquam, non cathedræ, aut sedes, quod multò operiosius extitisset, & vix accomodatum spatio, & areæ gradus, si quis eas inferre in theatrum, & componere voluisset. At subsellium humilius, & angustius, ac minus impeditum, quod & perpetuò, vel ad longum tempus poterat lapideis gradibus affigi, plumbatione, statumine, ferreisque subscudibus. Aut si fortè repostile illic esset, leuioris operæ id erat, quàm sellas toties interre, ac referre. Hoc aio, quoniam Buelenger. cap. 34. de Circo illatas fuisse à spectatòribus sedes opinatur. Fortasse nonnulli delicatiores fecerint; in vniuersum, aliter sentio. Neq. alter Iuuenalis locus ad hos gradus spectaculorum attinens, de gradu meæ sententiæ me deijcit sat. 9. vers. 143.

————— & duo fortes

*De grege Mæstorum, qui me ceruice locata  
Securum iubeant clamoso insistere circo.*

Quæ carmina genium spirant poëtæ, qui (quod acriter solet) Nemesim concutit aduersus hominem cuti excurandæ deditum, vota q. concipientem tam desidis vitæ, suis vt pedibus nec itare in circum velit, nec sede ipsa moueri, dum spectat. Si ignauissimum ergo tenebri-  
onem (qualem illic describit Saryricus) peculiaris hæc cogitatio, ac cura tenebat sollicitum; rectè consequitur non populi morem, aut vulgarem consuetudinem fuisse. Ac per poëticam ἀυξησης licebat id quoq. Iuuenali aggerare. Non placet autem, quod pleriq. omnes doctiores hîc volunt de lectica, non de sella esse intelligendum poë-  
tam. Quomodo .n. lectica, si duo tantum fortes Mæstorum requiruntur! Scimus lecticam delicatiorum præsertim, qualis ille, sex vt minùs humerorum fultura fuisse gestatam, nonnunquam octo, nedum sufficere duo possint. Præterea quid tam magis ineptum, atq; im-

portunum, quàm lecticam inferre, aut ægrè capiendam, aprandamq. in ijs spatijs, aut multorum impedimento futuram, ne spectent? At, inquis, loquimur de eo, quod erat in votis huic nebuloni Epicureo. Ergo, iterum respondeo, non is erat mos Romanæ gentis inferendi sellas. Sique vltcrius locum poëtæ expendere nos delectat, non lecticæ, non sellæ illic mentio; sed id optabat diues ille, ac locors, vt duo serui è Mœsia validi ceruicem sibi locando, securum in circumfuccollocarent, vbi posset consiliter. Nempe vt eorundem seruorum collo, atq. humeris portaretur, hoc exoptabat; qui quidem firmissimi tumultuantem populi turbam, tum in vijs, tum in circo ipso submouerent, securumq. tandem, atq. incolumem ab incurrentium, ac prementium vndecunq. periculis in spectaculo sisterent. Quid verat ita Iuuenalem interpretari? Eò magis quia de votis hîc agitur, quæ tam varia, ac multiplicia sunt, quàm hominum capita, vt nemo ignorat. Atqui non abhorret hæc voti conceptio ab ingenio huius balatronicis, cui anima pro sale data erat, ne quod interim computresceret. Haud aliter ille apud Sen. epist. 12. vbi ventrem dapibus inferisset ad mensam, satur tandem, ac lassus manibus seruorum se adiportari iubebat, ac si morte occubuisset, carmenq. illud ferale ad Symphoniam cani *Εὐχόμενος Εὐχόμενος*. Ac sedibus tandem vix locum fuisse in spectaculis, quas secum importassent, satis probat, quod aliàs docuimus cap. 12. iubillicia, non sellas fuisse paratas Senatoribus teste Suet. cap. 44. August. *Facto igitur decreto, vt quoties quid spectandum publicè ederetur, primus subselliorum ordo vacaret Senatoribus, &c.* V. sup. cap. 12.

Caligula, quod tradit Dio lib. 59. iussit, vt Senatoribus puluilli substernerentur *ὅπως μὴ ἐπὶ γυμνῶν σκεδῶν καθίζωνται*, ne in nudis asseribus, aut subsellijs sederent. Si Senatores in subellijs, multò minus alij in sedibus. Siq. lege cautum de puluillis, conijcere est non fuisse allatas à dominis sedes, aut à locarijs (ij sunt, qui loca seruabant, ac vendebant in theatris) quorum alterutri puluillos etiam parassent non expectata Principis indulgentia, qui iuberet, aut permetteret. Et quidem locus Suetonij diserte agit de spectaculo, ne quis mihi obrendat aliud in curia, aliud in circo, aut theatro factum, vbi præ longa mora, ac tædio commodior sessio erat quærenda. Sed his nos laqueis tandem expediamus: quorum restibilis copia in antiquitatibus eruendis, dum alter alteri continuò succrescit. Ad quæ omnia ha-

stenus



tenus de subsellijs, quanquam tralaticio, atq. obiter dicta, mantissam animaduersionis iterum adiungo, qua pleriq. auctorum nodi euoluuntur; si statuerimus subsellia, non tam pro ipso sedis genere, acfiguratione, quàm pro ordine, loco, apparatu sedendi esse nonnunquam indiscriminatim, ac γινώσκω exponenda.

## CAPUT XXIII.

Rhetorica sedilia. In auditorijs Subsellia, Anabathra, Orchestra; horum locus. Cathedra docentium, aut legentium; item Lectus, aut Scimpodium. Cathedræ discipulorum. Basis excepti, qui recitauerint. Martialis secus, ac Lipsio explicatus. Recitantes sedebant, dicentes stabant. Cathedrarij ἐπισκῆπτου, exhedra; hemicyclium, & pluscula de eo. Cicero enodatus. Sessio pro loco. πασὰς. Disputationes in exedris; item epula. Exedra Pisani Lycei, in quo uno perdurant acerrimæ professorum disputationes. Exedrarum descriptio. Proexedra. Exhedra meridiando. Exedria. Philosophi in exedris. Homerus, Pythagoras sedentes. Exedræ Christianorum. Peristylia aut porticus circa templa.

**A**udicijs, ac spectaculis in Scholas, & professorum cœtus baiulemus subsellia, ac gerula arte progrediamur. Neque animus tamen nobis est calcatam toties semitam premere, sed innuere tantum, digitosq. ad illam intendere. In his igitur recitantium, aut docentium theatri libenter fatemur penfiles, ac portatiles fuisse positas sedes ad temporarios plerumq. confessus, quod innumera docent loca scribentium.

Rhetorica sedilia vocat Sidon. lib. 5. ep. 10. ad Sapaudum; idem nunc scamna, nunc subsellia 9. 14. Auditoribus scamna componere, & ibid. crepitantis Athenæi subsellia cuneata. Omnino namq. subsellia hunc cætum audientium, ac totam auditorij caueam dixerunt, præsertim poetæ. Iuuen. sat. 7. vers. 45.

Nemo dabit Regum, quanti subsellia constant.  
& vers. 86.

— — — — — cum fregit subsellia versu.

Nobis Panche, quæ & scamna; Græcis Λάβρα, & σαπίδες. Diximus de subsellijs præcedenti capite. Pluscula apud Cretol. legere est in

absolutissimo libro theatri Rhet. lib. 3. cap. 13. apud Voss. de imitatione cap. 7. Adi & Lips. epist. ad Belg. cent. 2. epist. 48.

In his auditorijs, aut theatris sophisticis *subsellia* propriè fuere, quæ in medio locabantur, communi, & vulgari vsui, sicuti *Anabathra*, quæ parieti infigebantur per gradus scanfiles subeunda, nobis *Palchi*. *Orchestra* autem in fronte ante suggestum dicentis; clarissimo .i. loco, vbi cathedræ, aut sedes honestiorum dispositæ.

Affabrè totam hanc scenam, atq. apparatus depingit idem Iuven. sat. 7. vers. 45.

*Nemo dabit Regum, quanti subsellia constant,*

*Et qua conducto pendent anabathra rigillo,*

*Quæque reportandis posita est orchestra cathedris.*

Noto hîc *Subsellia*, *Anabathra*, *Cathedras*: egregium huius loci enarratorem ne pigeat consulere Lips. ea epistola. Cathedræ autem hîc sunt, quas in fronte (vtri dicebamus) flos populi, atq. edecumata audientium cohors occupabat. At ipsius quoq. Rhetoris, aut Sophistæ sedes eodem *cathedra* nomine ante has iplas proximè locata audientium digniores. Eaq. tamen paululum eminentior, vt videri, exaudiriq. ab omnibus posset. Pers. sat. 1.

*Sede leget celsa* —————

V. Cref. d. cap. Gr. θρόνος ὑψηλός. *thronus excelsus*, ac sublimis. Qua sedis dignitate, quid distant Regnantibus professores? Egregius honor virorum, qui publicæ student eruditioni, tradendiq. operantur disciplinis, vt illinc dictata auditoribus proferant, vnde dictant imperia, iura diribent, belli, pacisq. leges imponunt populorum Rectores. Plinius 8. 21. epist. *positis ante lectos cathedris amicos collocavi*; loquitur de priuata intra domum recitatione apud amicos. Nota morem lecti, intellige autem de lecto tricliniari, vbi ille fortè legebat; ibid. & *tempus*, & *locum opportunissimum elegi*, vtq; iam nunc assuescerent, & ab otiosis, & in triclinio audiri, &c. At de lectis, vbi scribentes, discentes, differentes sederent: notat Casaub. ad Aug. cap. 78. & nos infra cap. 26. *Scimpodium* itaq., & σκίπτως, item δίσπος, & καθέδρα, ea sedes appellata recitantium, aut docentium; nobis *cathedra*, non tantum pro suggestu, sed pro magisterio ipso, & professione publica literarum. In celeberrimo totius orbis Palladio tres cathedræ potissimum memoratæ apud Atticos, Philosophiæ, Rhetoricæ, Politicæ. At quæ vocatur Politica, siue πολιτικὸς θρόνος, non tam



tam respicit Ciuilibus sapientiæ magistros, quàm Rhetoras, aut Sophistas, qui politico dictionis charactere utebantur: de utroque enim exponi posse existimo. Qui eas cathedras obtinuissent, *προϋσῶτες* dicti, veluti Præsidentes, aut Præfecti. Nec cuius tamen effroni per ambitum, aut obreptionem vulgabantur, sed multo prius examine, & experimento doctrinæ. Honorifica etiam accedebant stipendia, quibus præstantium virorum labos, & industria aleretur. Vt dicam in summa, cum summa pecuniæ, summo honori habebantur Cathedræ Athenis. V. quæ tradidit Meurs. de Fortuna Athenar. cap. 8. Cresol. d. libro. Sed redeamus in viam. Horatius serm. 1. 10. discipulorum cathedras vocat.

*Discipulorum inter inbeo plorare cathedras.*

Alij malunt sequiori sexu *Discipularum*. Sidon. Apollinar. lib. 7. epist. 9. qui aut *literarum*, aut *altarium cathedras tenere*. Cassiod. psal. 1. *Cathedra* propriè *Doctoribus datur*. Hinc *Cathedra Moysis*, quam interpretantur docentis: ac non semel alibi cathedrarum mentio eo sensu. Quare D. Hilar. in psal. 138. *Doctrina necessario significatur in cathedris*. Auson. epigr. 46. in tabulam, ubi Rufi Rhetoris imago picta.

*Hæc Rufi tabula est, nil verius. Ipse ubi Rufus?*

*In cathedra* —————

V. eundem Ausonium in Professoribus. Hermas antiquissimus ille Theologus 2. cap. 11. *Ostendit mihi sedentes in subsellijs homines, & unum sedentem in cathedra*. p. 873. Barthio editore. Hic auditores signantur in *Subsellijs*; in *Cathedra* doctor, aut recitator. Iuuen. ea satyr. 7.

*Panituit multos vana, sterilisq; cathedra.*

Hanc ipsam sterilitatis notam impressit cathedris Hispanus vates lib. 1. epig. 77.

————— *circum pulpita nostra,*

*Et steriles cathedras basia sola crepant.*

Omne seculum rulit argentium magistrorum querimonias, quos læna pertusa, ac mensa arctior, locatæ infelicitè cathedris operæ, suæq. pœnitentia professionis afflixit. Quod *Pulpita* Marciali, exponerem dicentium sedes. Ita enim quoq. vocatæ; at verò *cathedra* eorum, qui dicentibus interuenirent. V. Cresol. d. loco. Flaccus sup.

*Discipulorum inter inbeo plorare cathedras.*

*Basia* quod attinet, mos allusus suauis excipiendi post recitationem

nem

nem Poetas, Sophistas, aliosq., qui prælegerunt. Adnotauit Voss eo capite §. 5. ex Eunapio in Proaeresio. Addo ego palmarem, atq. illustrem locum Plinij epist. 17. lib. 5. *Recitatione finita multum, ac diu exosculatus adolescentem, qui est acerrimus stimulus monendi, laudibus incitauit, &c.* quare basia Martialis non expono, quomodo sentit Lips. d. epist. ac si nihil serium, aut quæstuosum; sed oscula, & amores, rerumq. mollium tractatio versaretur in labris dicentium: sed potius hanc basiandi consuetudinem respicerem. Quo sensu steriles Cathedras meritorè appellabant, si messis basia sunt, fructusque acclamatio tantum, & plausus. Non inuidebo tandem eiusdem Vossij adnotamentum de sedente, aut non sedente, dum publicè loquitur. Sedebant namq. ij, qui recitabant, h. e. qui de scripto pronunciabant; at Dicentes, siue memoriter adloquentes stare solebant. Recitat ille, qui iam scripta iterum citat, atq. exponit; & quoniam intentos libello tenet oculos, ferme destituitur actione, motu, cæterisq. pronunciationis blandimentis, ac lenocinijs, quæ stantem adiuuare, & comitari solent. Conuenit igitur recitanti magis sessio, & incubatio, & sedatus membrorum habitus. At Dicentibus, quos memoria non deficit, quoniam stabant, gestus quoq., atque incessus, omnibusq. motibus animi consentaneus vigor corporis adiungebatur. Plin. 2. epist. 19. Vnde accedit, *ut hi, qui sedentes agunt, &c. Recitantium verò præcipua pronunciationis adiumenta oculi, manus præpediuntur.* V. plura: & lib. 6. ep. 6. *Dicenti mihi sollicitè assistit, assidet recitanti, &c.* De legis interpretibus, aut Magistris apud populum Iudaicum, quòd sedentes docuerint, auditoribus perpetuò stantibus, ritum protulit Samuel Petritus lib. 3. obseru. cap. 2. ac seruatum fuisse scribit vsq. ad tempora Simonis filij Gamalielis. Deinceps itaq. surgere in Synagogis legis doctores, alijque verba facturi. Act. Apost. 13. 16. *surgens autem Paulus, &c.* Idem Lucas de Christo Domino 4. 16. Euang. & *surrexit legere.* Obseruat doctiss. Maldonatus ad Matth. 23. *super Cathedram Moysis, &c.* hodieque seruari inter Iudeos.

Ab his cathedris seu dicant, seu recitent, seu quoquo pacto doceant, *Cathedrarij* dicti, qui professoriam linguam exercent. Gloss. *Cathedrarij ἐπιστάται.* Seneca de breuitate vitæ cap. 10. *Non ex his cathedrarijs philosophis, &c.* hoc est, qui in umbris scholarum, & super cathedras sophisticas ementitam docent sapientiam, totos dies de virtute altercantes, quam verbis tantum, ac voce profitentur *μᾶλλον*



τῷ λέγειν, ἀνὲν τῷ πράττειν, *verbo tenus, ac sine opere*, ut eos perstrin-  
git Epictetus apud Gell. lib. 17. cap. 19. siue Pacuuij verbis apud  
eandem 13. 8. *ignaua opera, philosopha sententia*. Sed & *Cathedrarj*,  
qui gestant cathedras, de quibus infra.

Ad sapientum confessus *Exedra* pertinet, locus instructus sedili-  
bus, vbi disputationes, & colloquia feruntur. Describit Vitruuius  
lib. 5. cap. 11. ac sæpè apud Ciceronem memoratur. In ipso statim  
aditu elegantissimi libri de Amicitia, quod illic *Hemicyclium* vocatur,  
non tam de sellæ genere ab ea forma dictæ, quàm de toto confesso in  
orbem, ac rotunditatem parato succurrebat interpretari. Huncce  
fellarum positum reperio in domo Cephali Atheniensis apud Plato-  
nem 1. de Rep. ad colloquia sapientum virorum, quos inducit de re  
ciuili differentes philosophorum summus. ἕκαστο γὰρ δίφορος τίνες  
αὐτόθι κύκλῳ. *Erant enim illic dispositæ in orbem sedes*. Sunt verba  
Socratis; at ea Tullij de Q. Mutio. *Cum sæpè multa narraret, tum me-  
mini domi in hemicyclio sedentē (ut solebat) cū ego essem vnā, & pauci  
admodum familiares, in eum sermonem illum incidere, &c.* Possunt hæc &  
ad confessum referri, siue exhedram, domulq., aut edificiij partem, vbi  
disputationes habitæ. Ex hoc Tullij loco nonnulli colligunt, & qui-  
dem viri probè subacti in polyhistoria, *Hemicyclium* sedem fuisse Au-  
guris, quoniam M. Scæuola iridem erat Augur. Sed meminerint, ve-  
lim, Q. Mutium in templo tunc non fuisse (nisi Tullij domum quod-  
dam veluti templum quis dicat Deæ Suadæ) neque ibi auium Osci-  
num, aut Præpetum volatus, vel cantus obseruasse: sed cum amicis  
iucundis, ac beatis de amicitia disseruisse. Quæ igitur ratio (ex hoc  
inquam loco Ciceronis) de Hemicyclio, tanquam de sella Auguris  
statim decernere? Meo augurio parum ritè augurantur. Erraui, ac  
me reprehendo: bellè, ac merè diuinant. Et quòd enim Tullius illic  
vitur verbo *solebat*, coniectura potius est hemicyclium non fuisse  
Mutio paratum, tanquam sellam auguralem, ac prorsus debitam  
huic honori; sed quoniam illic consuetudinis, aut commoditatis gra-  
tia soleret quiescere. Vt autem monui, exedra etiam esse potuit se-  
dium positus, atque ordo semirotundus, vbi Cicero, atque alij fami-  
liares cum Mutio sedebant. Hos ipsos sapientum virorum confessus  
idem Cicero cum dulcedine memoriæ ob oculos sibi ponit 5. de fin.  
*Hic Speusippus, hic Xenocrates, hic eius auditor Polemo: cuius ipsa illa  
sessio fuit, quam videmus*. Quod autem vocat *sessionem*, pro exedra

accip-

accipio, aut sedē, vel loco sedendi: quomodo Latinis, ambulatio, cœnatio, gestatio, &c. pro loco ipso, non pro actu ambulandi, cœnandi, gestandi quandoq; sumitur. Omnino autem exedra appellata tum Græcis, tum Latinis à frequentia, & paratu sedium. Exedrae alio nomine Græcis πασάδες. Pollux lib. 7. c. 27. Πασάδας δὲ ὁ Ξενοφῶν, ὃς οἱ νῦν ἐξέδρας, &c. *Xenophon Pasadas, quas nunc exedras, &c.* Gualtherus vertit *Porticus*; sic Hesychius haud semel πασὰς, σοὰ. Ita autem vocaram monet etymolog. auctor διὰ τὸ ἐν αὐτῇ ἡμᾶς εἰσεῖναι, παρὰ τὸ πάσσαδαι. *quoniam ibi vescimur.* Est enim πασσω σιῶναι τὸ γένοιμαί, *degusto.* Idemque Hesychius πασὰς, σοὰ, πρὸς τὰς πασάδας νυμφῶν. *Porticus ad sponsarum nuptias, aut communia.* Ferme autem in ijs exedris parata epulæ ob loci commoditatem, ac spatium æstiuo præsertim tempore. Ac fortè in eum usum olim ædificata, positaq; ibi subsellia ad compotationes; quo spectare videntur verba Pollucis d. l. 7. cap. 27. quasi olim forent, & appellerentur Xenophonti πασάδες ad conuiuia; hodie ad consessum, & disputationem exedrae vocentur. At quoniam in porticibus, ac peristylis, quò docentes, discensesq; conueniebant, disputationes quoq; inibant; ideò tam πασάδες, quàm ἐξέδρας exponuntur *Porticus.* Quo ritu hodie Pisis vocari potest spatium illud, ac subelliorum positus quadratâ formâ sub porticu Academiae, in quo sedent professores ad grauissima suæ artis scita propugnanda, singuli aduersus singulos. Laudabile institutum, quod in alijs lyceis iamdiu desuetum, Pisis perdurat ad exercenda acriter docentium ingenia, quos vel una hæc periclitandæ doctrinæ cogitatio laboribus omnino deuouet literarijs, suæque professioni addictos, mancipatosq; insudare cogit. Adstant disputationibus conferti auditorum cunei, perinde iudicium de Magistris facientium, ac in lubrica illa arena vires successerint. Quamquam & hîc multum frontis durities, ac verborum volubilitas prodest: ac sicuti in cæteris humanæ vitæ partibus, pudor, ac modestia, & si cum doctrina coniuncta, infra est. Multos sanè inelytos alioquin viros à Pisanis Athenis id experimentum deterruit, ne fumantes vrsi nares attingerent. Vitruuius lib. 5. cap. 11. loquens de palæstris Græco ædificij genere. *Constituuntur autem in tribus porticibus exedrae spatiosa habentes sedes, in quibus philosophi, Rhetores, reliquiq; qui studijs delectantur, sedentes disputare possint.* De publicis exedris loquitur Vitruuius; quibus consimilia putant, quæ *Capitula* vocantur in peristylis,



lijs, aut claustris monachorum, vti adnotarunt, tum Philander, tum Bud. in Pand. ad l. si verò 5. D. de ijs, qui deiecer. vel effud. §. 2. In his enim quoq. Capitulis perpetuò visuntur parata subcella tum ad disputationes, tum ad consilia. Animaduerto autem apud eundem Pollucem lib. 10. cap. 5. *πρὸς ἑδράς*, *Proexedras*, seu *Ante exedras*, quas pariter Gualtherus vertit *porticus*: congrueretq. cum eo, quod dicebamus de capitulis, quæ contigua sunt peristylijs. *Proexedra* igitur erit porticus, quoniam est ante exedram. Sed neque incommodè *πρὸς ἑδράς* redderem ego Latine *Vestibulum*. Idemq. Vitruuius 7. 9. exedras interpretatur tanquam porticus; *Peristylijs*, aut *exedris*, aut *cateris eiusmodi locis*, quò Sol & Luna possit radios suos immittere. Atque hæc exedrarum publica spatia, Græcorum propria fuisse idem monet, quoniam palæstrarum quædam membra fuere: *palestras autem non Italicæ consuetudinis* idem vocat. Cic. 5. de finibus apud Græcos agnoscit. *Hoc autem tempore, etsi multa in omni parte Athenarum, sunt in ipsis locis iudicia summorum virorum: tamen illa moueor exedra, &c.* & de prouincijs consularibus *A suis Græcis subtilius eruditus, quibus cum in exedra iam belluatur*. Pisonem notat. Apud Romanos autem priuatas potius crediderim fuisse has exedras, secretumque quoddam conclaue lucubrando aptum, doctiq. excipiendis amicis, quibus cum disputare, ac commentari consueuerint: inibi quoque meridiabantur, ac somnum capiebant grabbatulo posit, quod loca Ciceronis ostendunt tum primo de nat. Deor. 15. tum 3. de orat. 17. Priuatam pariter exedram, & cubiculo iunctam expono apud Vlp d l 3. *In eum potius dare actionem, ex cuius cubiculo, vel exedra deiectum est licet plures in eodem cœnaculo habitent*. Neque tamen idem Tullius omnino remouet hæc exedras à porticibus, quasi Græcicum morem imitatus. *ὑποπόσιον* appellat *Exedria* l b. 7. familiar. epist. 23. *Exedria quædam mihi noua instituta sunt in porticula Tusculani, ea volebam tabellis ornare, &c.*

Non miror si tam multæ sedentium statuarum compareant, quos pallio malè operatos, ac seminudos conijcimus esse philosophos in palæstris, aut exedris Græcorum differentes: nec desunt illis crepidæ, nec barba promissior, nec in manibus pugillares. Fateor tamen earum nonnullas accipi posse de quibusuis alijs, qui in balneis sedeant, lauandi, ac tergendî gratia: conuenit species iniecti palliastri, corporisq. malè amicti; & quod pugno stringitur, linteamen potius, ac

ludariolum, quàm liber. Satis erit interim, si tria, aut quatuor proferam de multis, quæ Florentiæ asservantur ita sedentium exemplaribus.

Primum accepi à nobilissimo iuvene Francisco Abbate Niccolinio, quem Gratia, ac Musæ certatim lactant, toto copiæ cornu fortunabear. Veritati lito, non Philia, quæ mihi cum illo solidissima intercedit. Hic aduerte segestrium humeris impositum, ac tænia reuinctum, qua collo hæret; quod ne elabatur, sinistrâ retinet sessor: nec detunt ludariola, ac lineæ in vtraque manu. V. n. 45. Secundum in viridario Marchionis Bartholomæi Corsinij, quasi illic excubet sedens philosophus ad tutelam veterum inscriptionum, quas supra laudauimus. V. n. 46. & cap. 13. inter multiplices sellas illic exhibitas. Aliam misit sub n. 48. Abbas Octavius Falconerius, de quo spectatæ nobilitatis, atq. eruditionis iuvene, quicquid labor præstare, aut ingenium potest, totum iuratus spondebo. Tam ille cernit acutum, in his quoq. diiudicandis antiquitatibus, ut vel suos vincat *ἱππαρχς*, vnde sibi gentile cognomen; nec falcatis illorum vnguibus cedat in arripiendo feliciter quocumque disciplinæ genere.

Conijce huc, si libet, sedentem Homerum omnium Philosophorum parentem, qui quæ sint vera sapientiæ, ac virtutis præcepta

*Pleniùs, ac meliùs Chrysippo, & Crantore dicit.*

Imagines profert Illustrissimus, ac Reuerendiss. Leo Allatius in ipsâ statim fronte libri de patria Homeri ex Cimeliarcheo Eminentiss. Card. Barberini. Neque aliter Pythagoram veteres sæpius sedentem statuebant. Adde & iconem sellæ marmoreæ, quæ in Sancti Marci Romæ visitur reclinando corpori aptissimæ, & ad vsum puto balnearem (V. n. 48) qualem germanam geminam cum suo sessore in ædibus Gaddiorum Florentiæ inspeximus, anaclinterio recuruo, & antrorsus sensim porrecto, ut sedentem veluti complectatur. *Exedra* apud Christianos peristylia, aut porticus extra ambitum templi, qualia, opinor, hodiè, quæ dicimus Claustra, ubi monachorum mansiones; aut quæ nobis *Canonica*, ubi Clerici, atq. ecclesiæ deseruientes. Ruffin. 2. 23. hist. eccles. *Exedra, & pastophoria, domusque in excelsum porrecta, in quibus vel aditui, &c.* Nescio an huc respiciat D. Hieron. ad Eustoch. *Si quis caperit egrotare, transferatur ad exedram latiore, & tanto senum ministerio confortetur, &c.* idemque de veteri templo ad 1. paralip. 23. *In vestibulo, & in exedris, & in loco purificationis,*



tionis, & in sanctuario. Accipio exedras hinc pro peristylis. Fufeb. hist. eccles. 10. 4. ἐπὶ τὰ ἐκτὸς τῶ νεῶ μετῆς ἐξέδραστε, καὶ οἰκας, &c. ad ea, quæ sunt extra templum deuenit, exedras, & mansiones, &c.

## CAPUT XXIV.

Arquata Sella. Sellula rusticana. Hemicyclium. Tripetiæ. Tripolo. σκέλυθρα. θράνια. σκολύθρια. Pollux oscitanter versus. Sellæ Tripodes. Tripoda. Tripedia. Sessibulum. Sediculum. Sedile. Quadratum. Artissellium in fragmento Petronij Traguriano: tentata noui verbi elucidatio; iudicium de fragmento. Sedecula. Seliquastrum. Sella muliebris; adoperta. δίππος κατ' ἄστυος. Leticia. Leticarij: etiam qui selle inferuebant. Cathedra; de sella muliebri. Cathedrarij. Cathedralicij. Proseda. Alta sella Iuuenali asserta. Sellariæ: Popinæ Sellariolæ. Theodora Imperatrix lena Procopio. Lenarum, & circulatricum selle. Piscium venditoribus sedere vetitum Athenis. Sella Gestatoriæ, Fertoriæ, Portatoriæ. Calius Aurelianus, siue Arrianus laudatus. Procurata Sella. Gestatoriæ bracteata. Gestamen. Gestatorium. Tacitus exactè animaduersus præter Lipsij mentem. Basterna. Lettiga.

**Q**uoniam satis hætenus quodam veluti recensu sedes adnotauimus, quæ aliquod in se habent honoris instar, quo nostrum hoc maxime spectat παράργον: nonnullas indicare alias nunc iuuat, quæ mutuam iam dictis præstant, & accipiunt lucem, quæue scriptoribus magis memoratæ succurrunt. Indicabimus dumtaxat; non attentè, atque exactè scrutabimur. Quod σὺν θεῷ faciemus, cum per aliud tempus, atq. ocium impensè toti erimus ἐδράσιος.

A primo capiens elemento exordium nominis, prima sese pandit *Arquata Sella*: ob structuræ, figurationis, aut compagis speciem ita appellata, quoniam in arcum sinuetur. Sic *Arquatus* morbus, & *Arquatis*, qui eo laborant; ab arcus, siue Iridis colore. Arnob. lib. 2. de rustica loquens supellectile, quid *arquata* si *sellula*, *arcus*, *strigilis*, *pollubrum*, *siliquastrum*, *trulla*, &c. Inter viles omnino reponit, qualium etiamnum hodie quasdam apud nostros videre est, ligneas, & obsolescas auorum reliquias nullo, aut paruo cultu. Et sic curuatura illa,

ac sinus satis commodè lefforem excipit, & complectitur: tribus in-  
 nixas pedibus fermè obseruamus. Talis ne fuerit, an non, ignoro,  
 quam pariter sellulam, & rusticanam, imò seruilem vocat Sulpic. Se-  
 uer. dial. 2. cap. 1. *Sedebat autem Martinus in sellula rusticana, ut est in*  
*usibus seruulorum, quas nos rustici Galli tripetias, &c. de Tripode mox.*  
 Arcuatæ sedis meminisse Tacitum lib. 15. ann. scribit Pignor. lib. de  
 seruis p. mihi 38. sed verè nulla apud Tacitum mentio sedis cum hoc  
 nomine *Arquata*; id modò legitur eo lib. 15. 57. de Epichari liberra,  
*Vinclo fasciæ, quam pectore detraxerat, in modum laquei ad arcum sella*  
*restricção, indidit cernicem, & corporis pondere connisa tenuem iam spiri-*  
*tum expressit.* Memorat arcum sellæ; sed non necessariò sella erat  
 arcuata; tortè. n. summa reclinatorijs pars, qua capiti sedentis immi-  
 net, in arcum, siue apsidem curuabatur, ornatus, ac decoris causa, vt  
 nonnullas veterum obseruare est: atque huic arcui cum fasciam alligasset  
 Epicharis propenduli corporis grauitate spiritum interclusit. Cæterum non ineptè possem *Arquatas* vocare sellas, quarum Ana-  
 clinterium, vel pluteus continuò assurgens tabulato in arcum sinua-  
 tur, ac definit; ac plurimum episcopales sedes ita deformantur. Sed  
 quoniam *Arquatas* Arnobij, aut tripetias Sulpicii, rusticanas, ac ser-  
 uiles fuisse nouimus: quid causæ est, cur reclinando dorso eminen-  
 tem illis pluteum appingamus? In priscis tamen monumentis quas-  
 dam deprehendimus ita figuratas; sed molliori curuamine sensim  
 flexas in arcus portionem, vario etiam ludentis fabri ingenio, signis,  
 columellis, parastatis, triglyphis eleganter ornatas: quarum aliquot  
 exempla superiùs exhibui cap. 13. Arcuaram, ac simplicem magis, in  
 qua sedet Citharistria ante conuiuas fidibus canens profero inferiùs  
 cap. 29. ex Boissardo parte 4. antiq. p. 145.

*Hemicyclium*, semicirundam sedem, quam Auguris propriam cre-  
 diderunt ex loco Tullij initio libri de amicitia supra examinaram ha-  
 bes; ac pensiculatiùs verba Oratoris exposuimus cap. 23. ordinem  
 potius sellarum in arcum, aut hemicyclum dispositarum, quàm ge-  
 nus sedis peculiari ea forma existimantes. Reperimus tamen semi-  
 cirundâ eâ formâ, & quidem sub tit. Pontificis maximi in Tiberio  
 apud Nonn. ad numism. Goltz. tab. 11. n. 3.

Proximè sequitur, non utroq., sed vno amplius pede sella *Tripas*.  
 Martinus Turonensis Episcopus, regula, ac decus Antistitum hac  
 utebatur tripode sella modicus, & pauper, sed Cælo diues; superbas  
 hor-



horrebat luxu, ac diuitijs. Sulpicius Seuerus, qui supra, dialogo 2. *Sedebat autem Martinus in sellula rusticana, ut est in vñbus seruulorum* quas nos rustici Galli tripetias; vos Scholastici, aut certe tu, qui de Grecia venis, tripodas nuncupatis. Alibi eandem sellam Martini dial. 3. c. 20. *sedile ligneum* vocat, inde materiam cognoscimus. Noto apud Gallos rusticum verbum illius æui *Tripetias*. At Scholastici, aut literati præferrim ἐλάνιζοντες dixere *Tripodas*. Latinis *Petiolus* diminutiuum pedis, πόδιον: ut & pars illa vnde poma dependent, atq. hærent, quam nos Gambo: à triplici igitur pede, *Tripetia*. Tripodem infidebat Pythia, ut numen conciperet, atque oraculum funderet; siue mensam, siue sedem appelles. Sed Tripus ille futurorum index ex auro, & operosè factus: de qua sede fatidica fari, ac dicere multi multi occuparunt. Redeamus ad viliores vñs, quo modo etiam hodie inter colonorum, & pauperum instrumenta adhibentur, nobis *Trespolo*. Isid. 20. 11. *Tripodes, scabelli sunt habentes tres pedes*. Papias, *Tripodes, scamelli sunt habentes tres pedes*. Polluci σκίλιθρα lib. 10. cap. 11. quæ sic explicat ἀπὲρ εἰς μικροὶ τρίποδες, *quæ sunt parui tripodes*. At Helychio Ταπεινὰ διφρία, ὑποπόδια, *humiles sella, scabelli*. Vterque facit parua, atque humilia. Σκολύθρια autem, non σκέλυθρα appellari debere monet Leopard. 2. 8. emend. quem vide. Eidem Polluci 26. 7. Θράνια, σκολύθρια. Iterumq. 10. 11. θράνιον ex Aristophanis Pluto nobis repetit. Sed non benè meo iudicio interpres Pollucis ea verba Comici ἀντὶ θράνης, εἰ μὴ κεφαλῶν κατιαγόςτος, vertit, *Ante sedile urnæ caput confracta*; debebat, *Pro sedili, urnæ caput, &c.* clamat vox ἀντί, & locus Comici ingrata Paupertatis dona referens, quæ miser homo ab ea accipit. Inquit autem, pro puluino lapidem, pro pane maluam, pro maza raphanum, ἀντὶ δὲ θράνης, εἰ μὴ κεφαλῶν κατιαγόςτος, *Pro scabello urnæ caput effracta*. Festiuè depingit nobis Aristophanes pauperrimi homuncionis vilissimam sediculā; fictilis nempe cadi detruncatum capitulum, vbi angustè, atque humiliter sedeat. Alia, quæ ad hoc θράνιον spectant vide supra, vbi de suppedaneo. Omnino igitur Tripodem inter humiliorum instrumenta, & supellectilem facilè parabilem reponimus. Quare Sidon. lib. 4. epist. 24. Maximum describens impacto nuper sacerdotio continentem, ac frugi, deq. vita lautiori, ac benè curata, ad seueram, & moderatam traducto, *Coma brevis, barba prolixa, tripodes sella, Cilicum vela furibus appensa, lectus nihil habens pluma, mensa nil*

pur-

*purpura*, &c. Disce Sacerdotij candidate, & exemplum lucrifac quicumq. ecclesiasticis honoribus intumescis. Ad eam epistolam doctis. Sauaro ex glossis Isidori Mss. *Tripoda*, *Tripedia*, *Scabellum habens tres pedes*: rectè emendans pro eo quod erat, *apud tres pedes*.

Accentueamus his affinia sedium genera, quas ab humilitate, ac minuta forma in vniuersum vocarunt *Sessibulum* Plauti Pœnulo. 5. 2. Varroni *Sediculum* memoratur 7. l. l. Paulus ex Festo, *sediculum sedile*. Fermè enim *sedile* pro viliori genere. Sic D. Martini tellam tripodem Sulpicius dial. 3. cap. 20. *Sedile ligneum* vocat. Nos prouerbij loco *Far da sedile*, pro quauis postremissima obsequij, ac seruitij demissione. *Sedile* autem propriè ea pars, quam sede premimus: quomodo in actis D. Marci vocatur, quæ Henric. Vales. profert ad Eulebij hist. eccles. 7. 19. *In cuius cathedra sedili*, &c. planitie .s. illa lignea, omni exuta fulcrorum, pedum, ornatu, aut instrumento. Hygino *quadratum* lib. 2. de signis stellas enumeranti, quæ in Cassiopeæ asterismo notantur. *In quadrato* (inquit) *in quo sella deformatur, una*, &c. à figura nempe sedilis, quod ferme quadratum, aut τετραπλευρον. *Tabulatum*, *Assamentum* vocarem, si lignea sit sedes, nem *Mensam*, & *Pluteum*. Nil mirum igitur, si sedilis, aut sediculi nomen dedere arctis, ac minutis sedibus, nulloue, aut exiguo ornatu. Hinc altum, illinc humilius sedile præscribit Cels. 8. 10. *Homo collocatur alto sedili, medicus autem humiliori aduersus*. Etsi nomen *sedilis* vniuersæ sedi, cæterisque etiam sedium liberaliorum generibus conuenire potest.

Cic. 4 ad Att. 9. *Sedeculam* dixit (Græci διπλόκον, Polluci 10. 11.) *Maloque in illa tua sedecula* (inquit Tullius) *quam habes sub imagine Aristotelis sedere, quam in istorum sella curuli*. In Traguriano Fragmento Petronij nuper edito inter alia legimus *artissellum de suo parauit, & duas trullas*. Loquitur de seruo frugi, qui genium suum defraudans, de quotidiano demenso miser comparterat, paupertinam sibi parans supellectilem, artissellum, & duas trullas. Inaudita vox artisselij, vt multæ aliæ in hoc scripto. Quod si *Artissellum* rescribamus, primum mox erit pro arcta sella, & angusta, arque humili, qualis seruum non dedecebat, interpretari. Nisi aliud vlcus hîc subest, & ἀπό τῆ ἀψῆ, à pane deducta sit vox; cùm enim iungat mox duas trullas, vasa .s. vinaria, id primum curæ esse debuit seruo non improvido seruandi panis, viniq. instrumenta parare. *Artissellum* autem idem sit, ac *Panarium*, vel arca, aut repositorium panis: quasi ἀπό τῆ ἀψῆ, καὶ σὺλλῆν, *Arti-*



*Artisylum*; *Artiselum*; quòd illic colligatur panis veluti furuius, ac diarijs detractus. *Artophorum* reperio apud Athenæum 4. 1. genus instrumenti, aut repositorii, in quo panem gestabant, plexis viminibus, aut virgis, quas illic vocat *ἰμάτιας*. Nobis esset *Gerla*, quam ita pariter dictam, sicuti *Artophorum*, à gerendo pane, quasi *Gerula* puto. Quod autem ex Petronij *ἀποσπασματίω* verbi monstrum inauditi deprompserim, nolim mihi ut ullus apud seueros criticæ rei phrontistas dicam impingat. Esto nasutorum de hoc fragmento iudicium, quod non pauci minantur: ego interim aio pleraq. illic auctorem prodere, suumq. referre genitorem Petronium. Talia ipsi lineamenta, tales ductus in satyrico reliquo. Sed multa quoq. fateor dissimilia; quæ à mala fortasse exscriptoris, aut scioli manu, ætatiq. barbarie. Vocabula illic insolentia, & lexis monstrosæ: nec pauca Italicum, ac vulgarem nobis spirantia gemum sermonis. Sed recordemur tamen, communes quasdam notiones, sensulque nulli non dedisse naturam, magnumq. mundi codicem explicuisse, atque ingenrem aperuisse officinam, ad quam omnes ingenio possint, atq. oculis intendere; obseruatam illic, adnotatamq. rerum dicendarum materiem colligere: Eoque pacto in morum, vitæque humanæ societate, ac similitudine abundè reperire, quod mentem instruat, mox linguæ officio in sermonis copiam, & apparatus effluat. At *sedeculas* quod spectat, ut eò reuertamur, scæminis eæ in vsu frequentiori: non modò ut verecundiùs quiescant, sed aptiùs quoque ad penla domestica colos, acu, stamine exequenda. Talia fuisse *Seliquastra*, vel *Siliquastra*, aut *Solliquastra* (ut variè appellant.) Simile verò est muliebri pouillimum fessioni. Sic in *ἀσποθισίαις* sedentem locarunt Cassiopeiam. Astronomi: quæ ideò *Mulier seliquastri* ab Arabibus dicitur. De seliquastro autem plura diximus cap. 10. At muliebris sellæ mentio apud Sueton. cap. 6. *Othonis: Tunc abditus properè muliebri sella in castra contendit*. Si abditus Otho, liquet fuisse adopertas hæc sellas, pudoris, & modestiæ causa: quales *δίφρος καταςέγας* vocant Græci; atque hodie nobis in vsu promiscuo, seu veste, seu corio obducantur, fenestellis, plagulis, sæcularibus additis. Harum primus inuentor, aut saltem adhibendi studiosus inter viros Claudius Imperator, si Dionii fides lib. 60. p. 665. *δίφρῳ καταςέγω πρῶτος Ρωμαίων ἐχρίσατο* *Sella operta primus Romanorum usus est*; vbi *δίφρῳ*, *Lectica* non bene vertunt, quoniam diù ante lectica tecta Romanis in vsu, nec primus adhi-

adhibuit Claudius. Iusta notauit censura doctum alioquin interpretem Iustus Lips. 1. elect. cap. 19. vbi exactè perlequitur lecticæ, ac sellæ differentiam. Indicare non desino hanc sellam opertam Consulibus deinceps, & consularibus fuisse adhibitam, postquam Claudius primus vlturpauit. Dio inibi καὶ ἐξ ἐκείνης, καὶ νῦν εἶχ' ὅτι οἱ αὐτοκράτορες, ἀλλὰ καὶ ἡμεῖς οἱ ὑπατιυκότες διφροφορέμεθα. *Inde & nunc non Imperatores, sed nos quoque, qui Consulatum gessimus sellam (operta) vehimur.* Alioquin mollior habita ea lectio, vel supra muliebres delicias, ac tantum non vitio versa eidem Claudio, nisi quatenus infirmitate corporis excusabatur, V. Dionem. Hodie nobis frequentissima: ac sine adiuncto *Seggiola*, hoc est sellula, aut sedecula, & *andare in seggiola*. Pergit Suetonius d. cap. 6. *Ac deficientibus lecticarijs cum descendisset, &c.* Vocat lecticarios etiam eos, qui sellæ subiuncti forent, communi nomine tam eorum, qui lecticam succollarēt, quam qui sellam veherent. Noluerunt *Sellarios* appellare, cuius vocis alia vis est. V. Lips. eo loco. Mentio lecticariorum l. 47. de legatis 3. & Paulo 3. sent. 7. atq. hi ferme serui. Pignorum adi erudito opere de seruis pag. mihi 130. & 208. Lips. ibid. sella circumlatas foeminas, & quidem a lecticarijs docet Sen. 2. 14. de tranquill. *Quid refert quantum habeat, quot lecticarios, quam oneratas aures, quam laxam sellam.* Et arctiores enim, & laxiores sellæ pro diuitiarum modo; sic paucioribus, sic pluribus opus, qui veherent. Quare *Hexaphoros*, gestatorium, quod *sexta ceruice*, (vt vares loquitur) ferri solebat, tam de lectica, quam de sella, aut cathedra vlturpatur: alias duo gestores sellæ sufficiebant. V. Lips. ibid. de Ogulnia Iuuenal. sat. 6.

*Conducit comitem, sellam, ceruical, amicas.*

Alia duo Senecæ testimonia profert idem Criticorum maximus. Ad do Lamprid. Heliogab. 15. *Ania sua ad Senatum vocata, & ad sellam producta*, vbi Salmas. *Perducta* legit; *perducere ad sellam*, pro sella perducere. Sic nos *condurre a cavallo*: *andare*, e *condurre a piedi*; ad equum, ad pedes, pro, equo, vel pedibus, &c. At nomen Cathedræ, etsi commune ad omne sedium genus, speciatim ad muliebres sellas traducitur, quo respectu Iuuenal. eā iatyræ, *molles* appellauit cathedras, Mart. 3. 63.

*Inter famineas tota qui luce cathedras*

*Desidet. Phædrus 5. In cathedra matris.*

De Aria inuicti animi foemina Plin. 3. ep. 16. *Dum hæc dixit, exiluit cathe-*



*cathedram, aduersoq; parieti caput ingenti impetu impiegit.* Propertius 4. eleg. 5.

*Supplex ille sedet, posita tu scribe cathedra.*

*Quid libet, has artes si pauet ille, tenes.*

Ad quem locum fusa, vt solet illustratione Passeratius: ex quo proficit Pignor. de seruis pag. mihi 210. quod verò vterq. apud Horatium lib. 1. satyr. vlt. probat.

*Discipulorum inter iubeo plorare cathedras.*

Non tam mihi certum est, quin placuerit pro sequiori sexu virilem reponere, legendo *Inter discipulorum, &c.* Serui, vel pueri, qui has cathedras gerebant, ab officio *Cathedrarij*: sed & *Lecticarij*, vt diximus. Alij sunt ab his *Cathedrarijs* ij, quos Martialis 10. 13. vocat *Cathedralicios*.

*Cum Cathedralicios portet tibi rheda ministros.*

Delicatos .i. ac teneros, quasi femellas, non viros. V. illic Rader. & Turneb. aduersar. 30. 30. nisi malis, quoniam in cathedra sedentes intra rhedam posita vehebantur. Arrideret & Cathedralicios exponere, quoniam assidui, atque officiosi circa mulierum cathedras praesto forent, neq. ab earum cathedra, aut lectica recederent, quales vocamus *Paggi di Valigia*, qui fermè molli, ac delicato cultu. Sed quando sceminarum est libenter prodire, ac per vibem circumferri, vt ambitiosè spectentur: quæ ambulatrices proinde, ac secutuleiæ nonnunquam audire solent; non miror in sellis à sceminis parum custoditæ pudicitæ venereos fuisse expectatos aduentores. Iamdiù ad Plautum adnotarunt viri docti: locus est in Pœnulo actu 1. sc. 2. vbi Adelphasium meretrix cætera suæ artis viliora capita *Proscdas* vocat à prosedendo, quoniam ante lupanaria, & fornices sedeant, veluti specimine appposito, quo licitatores inuitent. Paul. ex Festo, *Proscdas, Meretrices Plautus appellat, quod ante stabula sedeant*; ea sunt autem Plauti verba.

*Proscdas, pistorum amicas, reliquias alicarias*

*Miseras, cœno delibutas, seruilicolas sordidas,*

*Quæ tibi oleant stabulum, statumq; sellam, & scissibulum merum.*

Fest. Sicut eæ, quæ ante stabula sedebant, dicebantur *prostitula*, in ver. *Alicaria*. Baruch 6. 42. *Mulieres autem in vijs sedentes, &c.* V. Roam 6. 6. sing. locor. f. f. p. 2. notatq. ex Herodoto, ac Strabone. Horum trahunt, & illa Hieremiæ cap. 2. *Vbi non fuisti vitata? Iuxta vias se-*

*disti illis: Tertull. de cultu foeminarum. Thamar illa, quia se expin-  
xerat, idcirco iuste suspicioni visa est quaestui sedere. Adde quæ notat  
Cerde aduers. sacr. cap. 181. de mulieribus menstruatibus ad Isaie cap.  
64. ex LXX. interpp. Iuuen. sat. 3. 135.*

*Cum tibi vestiti facies scorti placet, hares,*

*Et dubitas a'tâ Chionem deducere sella?*

Interpretari licet de sella, quia meretrix illa, cui nomen Chionè altè  
vehebatur per urbem. Sed magis placet sellam dicere, vbi amafios  
maneret. Vocat fortè an *Altam*, vt lupam demonstret non tam cur-  
ti atlis, aut vulgaris indicaturæ: ita exponerem, nec abhorret sensus,  
& iunctura sermonis. Verus Scholiast. ibi. *Deducere sella, inde sellaria.*  
Intelligit (puto) nomine *Sellaria*, vel lupanaria, vel meretrices ipsas.  
Altum sedile foeminæ alioquin frugi, & antiquæ paupertatis tribuit  
Naso fragm. medicam. faciei.

*Cum matrona premens altum rubicunda sedile*

*Affiduo durum pollice nebat opus.*

Vbi *altum sedile* exponere licet, quasi submotum, & inaccessum ve-  
teri illa pudicitia custodia. Quo sensu nihil minus conuenit cum  
Iuuenali. Vel *altum*, h. e. inconcinne, & incommodè factum, ijs mo-  
ribus, & seculi imperitia, humiliores quippe sellæ, opportune magis,  
& commodæ ad quiescendum. Sunt qui pro *Sella* substituant *Cella*:  
quod Farnabio non displicuit, nec Pignorio de seruis p. mihi 137. qui  
fateretur, se nescire, quæ hîc sit Alta sella, Cellamq. non inuitus repo-  
nit; vt *Alta* nempe *Cella* sit fornix. Sed cur alta vocetur sella, supe-  
riùs dixi; cur ita sit vocanda cella, non illicò sum dicturus. Vox enim  
ipsa *Cellæ* locum signat angustum, & humilem, quod notissimum, &  
protritum est. Idem Iuuenalis eas libidinis mansiunculas vocat *Te-  
getes*, opponitq. cubili Palatino sat. 6. 117.

*Ausa Palatino tegetem præferre cubili.*

Quis nescit tenebricosa, olentia, ac subterranea plerumq. fuisse ea-  
gurgustia obscœnitatum, & latitando facta? Adeò vel auctores fla-  
gitium ipsi suum occultare cupiunt. Seneca pater controuer. lib. 1.  
*Fornicis fuliginem* appellat, ac filius de Vita Beata cap. 7. voluptarem  
describit *latitantem sepius*, ac *tenebras captantem circa balnea*, ac *sudato-  
ria*, ac *loca adilem metuentia*: inter quæ omnino fornices, & luparum  
stabula. Quid est ergo, cur altitudinem ijs cellis, & cothurnum appo-  
namus? Quòd si liceret veteri, & iam confessæ lectioni manum



inferre, fortasse ex ingenio quis pro Alta, reposuerit Arctæ.

*Et dubitas arctæ Chionem deducere sella.*

Et arctæ namq., & laxiores sellæ muliebres, quod supra docuimus: illæ magis decent scortilla sordentia, & famelica, misera libidinis publicæ mancipia. Sed & arctæ cella, nil disconuenit, potius quàm alta. Ad hunc autem sedendi morem respicere potuit Seneca 1. de Benefic. cap. 9. *Rusticus, & inhumanus, & mali moris est, si quis coniugem in sella prostrare vetuit, & admissis inspectoribus vehi undiq; perspicuum.* Alia vide apud VVouerium ad Petron. & Colerum parerg. cap. 8. quos laudat Taubmann. ad eum Plauti locum. Neq. tandem alienum penitus est, quod Tiberius Princeps *sellariam* excogitauerit, atque ita vocauerit in secessu Caprearum, *sedem arcanarum libidinum.* Suet. cap. 43. Tales, opinor, quæ Plinio memorantur in domo aurea Neronis lib. 34. cap. 8. *Violentia Neronis in Urbem conuecta, & in sellarijs domus aurea disposita.* Scholiastes Iuuenalis sup. satyr. 3. 135. *Deducere sella, inde sellaria;* hoc est lupanaria, & loca sellis meretricum confita. Popinas sellariolas vocat Martial. 5. epigr. 71. de Syriscō,

*In sellariolis vagus popinis.*

Notauit Torrent. ad eum Suetonij locum Tiberij cap. 43.

Turpitudine non abfoluo sessionem meretriciæ affinem, qua saltatricula, aut circulatrices sceminæ oculis sese vulgant aliùs in foro sedentes. De Theodora Iustiniani scribit Procop *ἀνecd.* quòd lenoniam fecerit sororij dedecoris ministra, ac pedilequa: Comitonom nempe sororem in triuijs, ac pulpitis ætatis florem corruptentem quacunq. sequebatur, suis ipsa humeris sellam, siue scabellum ferens, vbi eadem Comito federet? *ἑθρον ἐπὶ τῶν ὤμων ἀεὶ ἔφερεν, ἐφ' ἧπερ ἐκείνη ἐν τοῖς ξυλλόγοις καθῆσθαι εἰώθη.* *Scamnum humeris semper ferebat, in quo illa (Comito) in congressibus sedere consueuerat.* Verba sunt Procopij tota illic probrorum plaustra euomentis in Theodoram Imperatricem pag. 41. β' ἄρον vocat eam sedem historicus, quam Nicol. Alemannus in notis pag. 31. *subsellium* vertit, atque inter *ὀκλαδίας* reponit, sedium genus plicatiliū, de quibus nos infra cap. 26. Quem morem circumferendi eas sellas paulò post tempora Procopij cur desisse dicat, non video. Cùm adhuc hodie in comitatu Principum, ac diuitum ex sellulæ plicatiles circumferantur; fermè tripodes, nunc laxari, nunc contrahi faciles.

Viri quoq. in foro, aut alibi publicè mercimonia vendentes, non

tantum foeminae, quae pudorem, ac pudicitiam, sellarum vti praesidio. Hinc noui foederis paginam apud D. Matth. cap. 21. Christus Dominus, *Cathedras vendentium columbas euerit*. Scio haec verba ad mysticum sensum trahi ab antiquis patribus Hieronymo, & Ambrosio: neque tamen diffitendum est suas fuisse sedeculas, aut cathedras in foro vendentibus; necessarium proinde minus est de Cathedris Doctorum in templo docentium interpretari, quas columbarum venditores occuparint. V. Doctiss. Maldonatum. Fermè enim sellularij esse solent viliorum artium professores; multò autem magis sordentes propolae, ac Dardanarij assidua mora opperientes licitatore; quòd si standum iugiter illis foret, tædio, & lassitudine marcerent. Atque hoc in causa, cur Athenis veritum, ne piscium venditores sederent: vt eo pacto citius empturientes dimitterent, ac piscis tum foret recentior, & mare saperet, tum pretia minus intenderentur à piscarijs, quos ea standi mora edomaret. Vereri lege Aristonici id sancitum, quam refert Alexis Comicus apud Athen. lib. 6. 2.

— — — μὴ πωλεῖν ἔτι καθημένους

Τὸς ἰχθυοπώλας διὰ τέλους ἐσηκότες.

— — — Ne venderent sedentes

Piscarij, perpetuò autem stantes.

Adi. Iud. Nonn. de re cib. 3. 6.

At communes foeminis, virisq. cathedrae, quibus gestarentur, nisi quatenus muliebres ocellulae magis, puto etiam, ornatae. V. Lips. d. lib. 1. cap. 19. elect. ac supra inuimus. A gestando, ac ferendo *Gestatoria* sellae, *Fertoria* dicebantur, & *Portatoria*, ac neutro genere *Fertoria*. Suet. Ner. cap. 26. *Interdum quoque clam gestatoria sella delatus in theatrum, &c.* liquet fuisse opertam, ac veluti muliebrem, si clam deferabatur; quomodo de Orhone cap. 6. *Quòd abditus properè muliebri sella in castra contendit*, & Vitell. 16. *Continuò igitur abstrusus sella gestatoria, &c.* Caelius Aurelianus haud semel meminit inter veteres medicos apprimè doctus, elegans, eruditus: omnino dignissimus, quem artis Asclepiadicæ terant alumni, nemo literarum amans ignoret. Loca tibi indicabo, & fidelius, & plenius, quàm alij attulerint, siue Pignor. lib. de seruis, siue Barth. aduersar. Igitur rardar. passion. lib. 1. cap. 1. scripsit Caelius (si tamen is est auctor, & non I. Caelius Arrianus) *Antè cibum praeterea erit adhibenda gestatio, portatoria. s. sella sine vehementi motu*, & ib. *adhibenda igitur vectatio pro viribus*



ribus agrotantis Fertorio, vel sella procurata. Idem videtur esse Fertorium, ac sella fertoria, ut inferius vocat cap. 5. sed quomodo distinguit à sella procurata? Ego nomen generis puto Fertorium, ut φορτίον Græcis, pro quocunq. gestatorio agris commodo, ac præcipuè lecticula, in qua ad medicum olim ipsi agrotantes portabantur. Procurata sella Barthio aduers. lib. 41. 25. est ad id commodè instructa, & necessarijs omnibus curata, Fatta à posta. Quod ut non abnuerim, ita nil prohibeor Procuratam exponere, Promptam, prouisam, curatam. Sic nos, Procurata, Prouista, &c. Non pauca sunt in eo auctore, quæ nostris respondent: nec ignobile illinc glossarium excerpere liceat, tum ad Latinarum, tum ad Italici sermonis lucem. Idem Cæl. cap. 5. Adhibenda gestatio, primò ex lectulo pendentem, tum etiam fertoria sella; iterumque. Primò gestatoria sella, tum vehiculo manibus actò, & lib. 2. cap. 1. Tum gestatione corpus mouemus pro virium modo fertoria sella, siue cathedra, tum longiore vehiculo manibus actò. Fertoriam sellam à cathedra seiungit; quasi fertoria sit communis, & vulgaris; cathedra honestior, atque instructior. Vides quot modis hasce sellas describat, ac nominet, & in vsum ægrotorum producat. Celsus lib. 2. cap. 15. quod est de Gestatione scamnum vocat, non sellam, in quo ægrotus gesseretur. Alij veteres medici lecticas potius, quàm sellas aduocant gestationis causa. Sed illæ omnino commodiores, quando in ijs promptum est aut sedere, aut decumbere, ut libuerit. Notat ex Anthyllo, & Aetio doctiss. Mercurialis gymnast. lib. 6. 10. vbi de gestatione. V. hunc & 3. 11. Sed gestatoriæ mentio & 2. Macab. 3. de Heliodoro, Eumq; multa caligine circumfusus rapuerunt, atq; in sella gestatoria positum eiecerunt. Sidon. lib. 8. ep. 8. Eboratas curuleis, & gestatorias bracteatas. Apparet gestatorias hasce sub auro, aut argento fuisse, bracteisq; inductas ad vsum beatorum; ponit namque inter potentum, ac nobilium sedes: ac peculiaris planè dos, ebur in Curulibus, aurum in gestatorijs. Non displicet tamen, quod Sirmondo hîc visum, non bracteatas legere, sed trabeatas; illustri .i. contextas, atq; instratas operimento. Respuit toto fastidio τὸ Trabeatas eruditiss. Sauaro. Ammian. 29. Indefensi ad supplicium sellis gestatorijs ducebantur. Ex quo loco obseruat Pignor. de seru. p. 136. reos tormentis afflictos raptari ad supplicium in ijs sellis. Addo Tacit. 15. 57. de liberta ad cruciatum retracta, Gestamine sella (nam dissolutis membris insistere nequibat) vincolo fascia, &c. Pro sede Apostolica, aut Pontificia posuit Ennodius, quem

quem laudat Sauaro, *nunc ad gestatoriam sellam Apostolica confessionis, vel admittunt limina candidatos*. Fortè, quoniam eâ ipsâ gestabatur Pontifex, & mox conquietens admittebat candidatos. Tacit. lib. 11. ann. cap. 33. *In eodem gestamine sedem poscit, sumitque*. Vbi summus enarrator Lipsi. *Gestamen*, exponit tellam gestatoriam. Non video quî assentiar statim inclyro viro. Gestamen namq., tum de sella, tum de lectica (Græcis aptè *φορτίον*), tum de vehiculo exponas. Sed quoniam sella gestatoria à Claudio in vsum deducta primum fuit; eamce ipsam fuisse credidit Lipsius, in qua Narcissus libertus (de quo ibi Tacit.) vnâ cum Principe Claudio federet. Atqui dilertè alibi idem Historicus demonstrare solet quale fuerit id gestamen, vt lib. 14. cap. 4. *Agrippinam, &c. gestamine sella Baulos peruectam, & 15. 57. sup. ad eosdem cruciatus retraheretur, gestamine sella, &c.* & lib. 2. 2. de Vonone, *quoties per vrbes incederet lectica gestamine, &c.* En vt distinguit, nunc lecticæ, nunc tellæ gestamen. At lib. x1. infinitè loquitur, atq. in incerto relinquit, contentus dicere, *In eodem gestamine*; seu vehiculum, seu sella fuerit: non enim lectica, quoniam illic iacebatur; Narcissus autem in eodem gestamine *sedem poscit, sumitque*, quomodo Tacitus narrat. Est igitur gestamen non vnius significatus, quemadmodum gestatorium Ver. gloss. Mf. *Gestatorium, instrumentum quo quis portatur*. Aduertit quoque Lipsius in vno gestamine plures fuisse sellas: quod idem est eius verbis, ac in vna sella gestatoria plures alias fuisse sellas, quoniam Claudius, ac Narcissus simul tederunt eodem gestamine. Imò namq. (nisi absurdè concipio mentem Taciti) etiam quatuor in eodem gestamine confidere potuerunt: Claudius, & Narcissus, vt diximus; itemq. L. Vitellius, & P. Largus comites eiusdem Claudij, à quibus (*nedum in urbem vehitur ad pœnitentiam à L. Vitellio P. Largo Cæcina mutaretur*; inquit Tacitus) ideò Narcissus cauet, in eodem gestamine sedem poscens cum Claudio; vt alloquia, & monitiones eorum præsentia suâ interciperet; tanquam si ipsi quoque simul ita veherentur, vt sermones conferre mutuos, ac de re summæ auctoritatis etiam in aures consulere commodè possent. Sed nihil certi constituo. Quòd si Lipsiana placet interpretatio gestamen illud, consimile erat nostris sedibus, quas vocamus *Lettighe*: nisi latiores crediderimus, vbi duo assiderent eodem latere. Cæterùm lecticæ nostræ (quas verius Basternas appellare debemus) tunc opinor nondum cognitæ, cum scripsit ea Tacitus de Claudio. Saltem

non



non quomodo nos hodie subuinctis mulis, aut equis; serui enim succollabant, ac sella tum vocitata, quæ vel lex gerulis tolleretur. V. eundem Lipsium 1. elect. 19. Adicriberem itaque gestatorijs sellis nostrates balternas, quas tamen haud habuit incognitas vetus auctor epigrammatis in collectione Pithæana eleganter describens. V. Pignor. 209. de seru. qui affert, atque explicat; Salmat. ad Lampridij Heliogab. cap. 21. Neque alio nomine, quàm sellæ has ipsas balternas (nisi fallor) iudicauit Tertull. lib. 2. ad uxor, *Vnde nisi à diabolo maritum petant bonum exhibendæ sellæ, & mulabus*. Iungit igitur, ac subiungit mulas sellæ, vt balternam instruat.

Num tandem gestaminis nomine apud Tacitum, Rheda, aut vehiculum duci possit, sustineo decernere: commoda alioquin, vel quatuor foret sessio; quæ incommodissima, si duo tantum considerent humeris gerulorum vecti. Insolens, inquis, & audax, si in eandem Principis sedem assessorem sese intrusit libertus. Sed insolentissima gratia valebat Narcissus apud Claudium, quod notissimum est ex historijs. Ductabatur namq. veluti bubalus naso, tum Narcissi, tum Pallantis arbitrio stupidus Princeps. Addatur occasio eius facti. Trepidabat tunc Claudius de amittendo tum imperio, tum vita sollicitus: non aliam spem incolumitatis affirmat Cæsari libertus, *quàm si Ius militum vno illo die in aliquem libertorum transferret: se, seque offert suscepturum* (verba Taciti). Rem suam agebat igitur Narcissus; vtque in ea spe, atque officio teneret Claudium, in eandem sellam se condidit, præsertim in ea trepidatione, ac discrimine, cum licent, quæ non licent. Eo pacto repidi iecoris, & stupendæ ἀβλεψίας Principem callidus libertus assidua hortatione lactabat, ne propositis abcederet. Ac proinde, *ne dum in urbem vehitur* (Claudius) *ad pœnitentiam à L. Vitellio, P. Largo Cæcina mutaretur; in eodem gestamine* (Narcissus) *sedem poscit, sumitque*. Cæterum gestatoriam sellam vni tantum vehendo aptam alioquin crederem, quomodo vrimur hodie: si plurium olim capax, miror tam filuisse scriptores. Quod si nostras hæc coniecturas, aut obseruationes, quas trepidi, & Claudio similes attulimus, quisquam non prober; nec super adsidente Narcisso assessor nobis esse velit, sine fraude illi esto. Vtq. facilius eluere liceat, si quid in hoc capite minus purgatè scripsimus, cum his gestatorijs ad balneum iam properemus.

## CAPVT XXV.

Sella balnearis. Sellæ pertusæ: *earum usus*. Alueus. Solium balneare. Descensiones. Cella soliaris. Solij stigma. Aquæ costiles. Concaua sedes. Sella tonsoria: *eiusque figuratio expensa*. Ancones. Braccioli. Sella puerpera, vel obstetricaria. *δίσπος λοχαῖος*. Suidas, & Artemidorus examinati. *Eius forma*. Sella *νυμφικὴ*: *qua sponsæ vehebantur*.

**I**ulius Paulus lib. 3. sent. cap. 7. *Mundo muliebri legato ea cedunt, &c. item sella balnearis, &c.* eodem tit. inter instrumenta balneatoria ponit *scamna*, & *hypopodia*: vulgò legitur *Hypodia*, & Cuiacius retinuit; sed malo *hypopodia*; ita conuenit ex vocis structura. *ὑποπόδια*, *hypopodia* sunt suppedanea, quæ cum scamnis meritiò coniungit I. C. ac nos infra docebimus cap. 28. Hinc mentio tot sellarum in balneis publicis, siue thermis. *Mille sexcentas è marmore ad usum lauantium paratas* tradit Olympiodor. in excerpt. de thermis Antonini loquens, *εἰς χεῖραν λαομένων καθέδρας παρακεμένας χιλίας ἐξακοσίας ἐκ μαρμάρου*. Sedium figuræ, quos non tam in balneis lauare, quam in gymnasijs, atque exedris disputare credebamus, exhibentur cap. 23. Atqui de priuato balneo Sidon. 2. 2. ep. *Tot possit recipere sellas, &c.* Inter has quædam *pertusæ*, quales vocat Cato de R. R. cap. 156. Cassiodor. 2. variar. 39. aperturam describens, *In absidis speciem perforatur*. Formam sellæ sup. tradidimus cap. 20. vbi de Pontificia. Nonnihil huc pertinens isthuc vide. Ea autem apertura, aut cauitas in duplicem usum: siue vt aqua sedenti infusa perfugium habeat paratus vnde effluat: siue vt illinc ascendens vapor haurientem foueat sessorem. Notauī locum sup. in Catone, qui de feruefacto lotio agit sub pertusam sellam locando, vt inde euaporatio concipiatur. Cassiodor. d. epist. 39. Aponi fontis amœnissimam exequens descriptionem. *Iuxta caput fontis scintillofi quendam sibi meatum prouida natura formauit. Hinc desuper sella composita, quæ humanis necessitatibus in absidis speciem perforatur agros suscepit interno humore defluentes: vbi dum fessi nimio languore confederint, vaporis illius delectatione recreati, &c.* Hæc sella neoterici medicorum filijs *Vaporarium* appellari scribit Cl. Io. Rhodius ad Scribon. Larg. cap. 193.

Acci-



Accipe sedis balnearis aliam speciem, nisi mauis reclinatorium, aut fulcrum appellare, vbi quidam aut innixus, aut sedens strigilem patitur mediaſtini ſordes deſtringentis, cutemque ſcabentis quam- ualentiffimè. Ea eſt apud Boiffard. p. 2. vbi de thermis ex marmore Iulij Roſcij cum Inſcriptione *Genio lauacrorum Metelli*. V. n. 49. Obſeruare eſt hîc ſubſtratam veſtem, qua corpus detergatur; aut ne incumbens elabatur ſcabro, vt apparet, ac rudi impoſitum ſtragulo; aut potius quo ſtrigmenta eò recipiantur ad ſedis munditiem. Inter balneares ſedes repono quoque *ſolium*, quod dixere aut *Alueum*. Feſt. in folio, ſiue ſollo. *Aluei quoque lauandi gratia inſtituti, quò ſinguli deſcendunt, Solla dicuntur, quæ à ſedendo potius dicta videntur, quàm à ſollo;* quæ magni grammatici verba non puto ſaniſſima: mederer, *In quos ſinguli deſcendunt*. Sic Plinio 20. 17. vocatur *Deſcenſio*, vbi de heraclio herba, ad ſcabiem, pruriginem, pſoras in deſcenſione balinearum. Ne- pos illius elegantiffima epiſtola ad Apollinarem in deſcriptione villæ Tuſculanæ, vbi de cella caldaria, *prominent enim in hac tres deſcenſiones, &c.* lib. 5. 6. Scaliger in ea Feſti voce, *Soliar* mauult, quàm ſolium. In thermis *Cellam ſoliarem* dixit Spartian. in Caracalla cap. 9. Solium id balneare plures capiebat, vt ſua ætate Aruernorum antiſtes, deſcribit Sidonius, qui formam illi ſemirotundam, capacemq. tribuit in ea elegantiffima epiſt. 2. libri ſecundi, *Excepto Solij capacis hemicyclo;* iterumque appellat *Sigma*, figurâ nempe ſtibadij tricliniariſ, quòd tunc in vſu ad diſcumbentium plures recipiendos. *Tot poſſit recipere ſellas, quot ſolij ſigma perſonas*. Eſt ſigma arcus, aut ſemicirculus, Græci elementi ſigma imitatione. V. Sauar. ad hunc locum; Lipſ. antiq. lect. 3. 1. Salmal. ad Lamprid. Heliogab. cap. 19. Hoc autem ſolium, aut ſigma collocat Sidon. in cella caldaria, ſiue vt ille vocat *Aquarum coctilium*. At in cella frigidaria, non ſolium, ſed ſellas vocat; totidemq. in hac ſtatui iubet, quot perſonas recipiebat in caldaria hemicyclium: quaſi equidem apparatus, aut commoditas maior requireretur, vbi frigida lauarent, diſtinctis cuique ſedibus, quàm vbi miſtim in folio caldariæ fouerentur. Propriè namque ſolium in caldaria, aut repidaria cella. V. Lucian. in Hippia. Eiufdem formæ intuitu concauam ſedem aliàs dixit Sidonius, quod idem eſt ac Hemicyclium, aut ſigma 2. ep. 2. *In concaua Municipij Camerini ſede compreſſus*. At frigidaria Græcis *πολυμήθρα* à natando, Latinis *Piſcina*. Lamprid. in Seſero, *vt Caldaria, vel nunquam, vel rarò, piſcina ſemper*

*utretur.* Addo Vopiscum in Carino cap. 17. *eaq; in piscina usus esset.* Salmat. ibid. Dubius hæreo, num pro folio ad lotionem accipiam verba Catonis R. R. cap. 10. ubi villatica præscribit *utensilia*, quibus rusticorum cala instruat *Scabillia tria, Sellas quatuor, Solia duo, lectum incubiculo vnum, &c.* Ponit namque solium in supellectile: ac meo iudicio sedem intelligit rudem è ligno totam, nulla compage, atq. ornatu, proceræ fortan staturæ, ac firmitus hærentem; à sellis subinde distinguens, ubi nonnullum artificium, & minor moles, adportatus commodior. Vix est enim, ut *Solium* pro vase intelligam, ubi artus fessos, agrestique opere puluerulentos eluat; collectisq. ad trapetem, & lacum sæcibus, fracibusq. emundet. Qui tantus fossori, aut aratori ad lauandum apparatus? Rimosus testæ fundus, aut gallinarum labrum, ne dicam grunientium aqualiculus pro omni folio ad manuum, pedumque breuem munditiem illi est. Quòd si laurius, aut purius totum se diluat, non deest collectus viginis riuus, aut imbris in via conceprabulum, vel amnicus tandem gurgis, ubi vel pecudes, vel feræ & quantur, & lauant.

Sed cum folio, & aqua, ne diutius mihi clepsydra effluat, relictis balnearibus in alias immigro sedes: quarum tamen & cum balneis, atq. inter se mutua est affinitas, quòd curam corporis, munditiem, ac fomentum respiciant.

Sellæ tonforiæ meminit Cælius Aurelian. siue Arrian. tard. pass. lib. 2. cap. 1. *Consilium dabimus, ut sellæ tonforiæ sedeant egrotantes, quæ sit obliquis anconibus fabricata, quibus incumbentes sese leuare nitantur, &c.* Ex quibus verbis apparet peculiaris structuræ, & satis tunc cognitæ fuisse hanc sedem tonforiam. Ancones autem sunt fulcra, ubi brachia reclinamus, nobis *Braccioli*, de quibus inf. cap. 30. Iubet autem Aurelianus, ut hæc sella tonforia, in qua collocantur paralyti affecti obliquos, non rectos habeant ancones. Crediderim itaque figuratam sic fuisse hanc sellam, ut fulcrum, aut pluteus, in quem dorso incumbimus, non assurgeret supra caput fessoris, ne opus impediretur illius, quo tondente grauis iuueni barba personat. Eamque ob rem humilis foret sella, ut opportunior eiusdem imperio subijceretur. Obliqui autem Ancones ij sunt, qui non ad angulum normalem sunt infixi, & hærentes, sed à summo pluteo sensim in prouum deuergentes acutum constituunt. Ea quippe figuratio aptissima, ut sedentes ægroti innitantur, atque incumbant toto brachio: quod pariter à na-



tura ita factum est, ut ab humeris in recline flectatur. Id autem non contingeret, si ancones recta secarent impacti pluteos, vel arrectarijs sellæ tigillis. Haud absimiles (opinor) nostræ sedes plicantes antiquioris consuetudinis, quibus latior Zona pro fulcro humerorum, nec supra ceruices sedentium productior. Ancones verò (vti dicebamus) in summo crassiores paulatim gracilescent, ac descendunt, molliter in medio sinuosi, iterumq. paulò extantes resima extremitate: sic enim radius, vlna, manus, quam aptimissimè incumbunt.

Pudeat eas sellas præterire, quibus nascendi sortem debemus, & nostras veluti obstetrices ingrato silentio transmittere *Puerperas* sellas appellare possumus: quomodo Ouidius ἐπιθίτως *Verba* dixit *puerpera* 10. *Metam. Obstetricarias* etiam satis aptè: Græci δῖφρος λοχαίης, & λοχεαίης. Suid. λοχαῖοι δῖφροι, οἷς πρὸς τὸ τέκεῖν ὁψὲ χρῶνται αἱ γυναικες. *Puerpera sella, quibus in partu mulieres utuntur.* Ociosum est mihi verbum ὁψὲ; nisi serò tandem fuisse inuentas, atq. adhibitæ, olim incognitas sentiat Suidas. An fortè innuitur alijs sellis vsas fuisse primùm vtero gerentes, aut parturientes, ne motu, aut succussu venter laboraret: alijs (ὁψὲ) vltimò, ac tandem in ipsò enitèndi, aut partionis actu, quas λοχεαίης dixere? Ante Suidam Artemidor. Daldian. de somniorum euentibus somnio 73. ijsdem verbis, quibus Suidas excepto τῷ ὁψὲ. Visa est mulier quædam, quæ filios sibi gigni optabat videre δῖφρος λοχεαίης (obstetricarias, seu puerperas) οἷς πρὸς τὸ ἀποτεκεῖν χρῶνται αἱ γυναικες, quibus ad pariendum utuntur *femina*, &c. quanquam hæc verba (opinor) à manu glossographi in textum irrupere; cùm .n. δῖφρος λοχεαίης nominauerit Artemidorus, Oniroscopum, non Grammaticum agens, quid erat, cur subijceret, quibus utuntur *femina in pariendo*? An credimus generali nomine fuisse appellatas λοχαίης sellas quascunq.; vbi inter sedendum, atq. iacendum recumbimus, atque adeò non soli puerperarum vsui destinatas? Opinioni meæ fauet Hesych. qui à reclinando, atq. incumbendo vocitatas monet, quoniam in ijs puerpera reclinis iaceret λοχαῖος, κλινόμενος, & λοχαῖος δῖφρος, quoniam ibi λοχέυεσσα reclinatur. Vt non immeritò apud Artemidorum addita sit ea verbi explicatio, ne quis eas sellas de alijs, quàm de puerperarum accipiat. Antiquam illarum figurā saltem apud Orientales adnotare est, dum rotæ figuli assimilant. Quare Hebræis Haou-naim appellatur חַוּנַּיִם cap. 1. Exodi. Eam autem rotam ex duo-

bus lapidibus veluti molaribus, ac rotundis compingebant, quorum superior, ac minor moueretur in gyrum, inferior & maior immotus confisteret. Est autem Haounaim rota figuli: cuius mentio Hieremiæ 18.3. Omnino cōsule Lexicon Chaldaic. Io. Buxtorfij p. 2319. & 2561.

Sed ille tamen oblatam salebram minimè submouet: in qua dum hæreo, opportunè bonus mihi fauet Mercurius, cum per hōce æstiuos dies Florentiæ immorantem consulo doctissimum, atq. eruditiss. B. Erbellottum, dedit cui (Nasonis loquar Musa)

— centum Deus ora sonantia linguis

Ingeniumq; capax, totumq; Helicon.

Tria ille me docuit orientalium præcipuè linguarum, rerumq. experientissimus. Primò sellam eam perpetuam Hebræorum, non à lapidis voce siue *Aben*, sed potius ab altera notissima *Ben*, hoc est *Filio* deduci: quadrat autem id parturientium sessioni, & loco Exodi aptissimè. Secundò sellam exponi posse vtrobiq. tam in Exodo, quàm in Ieremia, illic parturientium, hîc figulorum, omni seposita rotæ similitudine: ac retento etiam communi etymo, figuram illarum plicatiles fuisse, quod Chaldaicus monet interpret. Tandemq. eâ formâ, quâ sellæ stercorariæ, aut balneares (de quibus supra cap. 20.) quo pacto à nostratibus, ac vulgaribus vtero se leuantium non dissiderent. Hæc sine mora edidit Erbellottus, cum festinanter sciscitarer (& si fusiùs ille, prolatiq. rationibus, ac testimonijs) raptim Bononiam mittenda ad interpellantem librarium, ac puluillos iam iam quatientem fuligineos, ut easpe imprimat.

Sed quoniam puerperarum sellas producere non piguit, *νυμφικὰς* in hoc coniugium vocare liceat, quibus nouæ nuptæ in maritam domum transuehebantur meminit Helych. in *κλινῖς*, vocatq. *νυμφικὴ καθέδραν*, nuptialem sellam, quam in curru locatam ἐπὶ τῷ ἀμάξῃς monet. Sc Pollux 10. 7. *κλινῖς ἐκαλεῖτο τὸ ἐπὶ τῷ ἀμάξῃς καταστρωνύμενον, ὅταν μετιῶσι τὰς νύμφας, ἐφ' ἧ καθήται ἡ νύμφη μεταξὺ τῆ παρόχου, καὶ τῆ νυμφῆς. Clinis appellatur, quod curru in sternitur, cum sponsas transuehebant, ubi sponsa inter parochum, & sponsum sedit. De sponsæ translatione in domum viri Briffon. 1. select. cap. 18. & de ritu nupt. Sed poterat non omittere hunc ritum transuehendi in curru. De sella nuptiali, cui iniecta pellis lanata. V. Fest. *In pelle lanata*, &c. Seru. ad Virg. qui duas sellas *ingatas* appellat, ubi Flamen, & Flaminica in nuptijs confidebant, ac nos inf. cap. 31.*



## CAPUT XXVI.

*Sella ad usum medicum. Scamnum Hippocraticum. Sella podagrica nulla veteribus mentio: magnus hodie usus. Sella Familiarica, Patrocliana. Sella, aut cathedra cubiculares. Sella circa lectos. Sella plicatiles, aut flexiles: οὐλαδίαι; in publicum gestata à pueris. Synesio lux, & versio examinata. Pollux itidem perpensus. Scranne. Ciscranne. Dantes Poeta explicatus. Sedere a scranna, sedere a banco.*

**I**Nter cætera, quæ medicis famulantur vñibus, scamna, ac sedes tanquam necessariam supellectilem ponimus. Cels. 8. 10. *Homo collocatur alto sedili, medicus autem humiliore aduersus.* Hippocrates lib. π. interpr̃s (si tamen genuinus est ille liber) medici officinam instruens, iuber illic sedes apparari, & quidem *ὁμαλὲς εἶναι τοῖς ὑψέσιν ὅτι μάλιστα, ὅπως κατ' αὐτὲς ὦσιν*, quâ id fieri possit æquales altitudine, ut in ipsis (ægri) collocentur. Notissimum est chirurgorum ministerijs scamnum Hippocraticum, cuius figuram producit, atque examinat Sculterus in armamentario, quem vide. Sellam Thessalicam, cuius idem meminit diuinus senex infra attentè, ac pensiculatè exploramus. De fertoria, aut gestatoria ad ægrotantium curationem pluscula superius. cap. 24.

Peruellem hîc, ut vñllus podagricam sellam veteribus descriptam, aut memoratam indicaret: cuius hodie tam validus, tam creber vñsus in magna debacchantis luxus, fluentisque delicijs vitæ opimitate. Nolim disceptare, num infrequens magis fuerit apud antiquos podagra: num ea scemina tenratæ fuerint, vel ipso æuo Hippocratis; quæ de re Sen. ep. 95. nostris temporibus porentium, ac diuturnæ epidemia est. Dicam cum eodem Seneca *multos morbos multa fercula fecerunt*, iterumq. *Nunc verò quàm longè processerunt mala valetudinis? Has usus voluptatum pendimus ultra modum, fasque concupitarum.* Nil igitur mirum, si multæ quoque ad podagricorum leuamen sellæ quotidie compingantur; laxiores illæ, & molli vñdecunq. farto, vt distorti artus, & carnifices pedes inoffensi conquiescant. Quæ appposito suppedaneo, subiunctisque rotulis in quamcunque partem versatiles, ab ipso manibus, pedibusque capto sessore, quasi *αὐτομάτως* facîle impellantur. Sed bonum factum; quod sellæ operosioris sumptus

ptus proletarios, atque inopes non afficiat; sed in domibus versetur, quas purpura, & aurum operit, vbi lues hæc crapulæ filia, atque ocij alumna succrescit. Sic nos quondam ludebamus.

*Dira lues, tortor, gladius, crux fusa per artus*

*Immane est quantum sacula nostra notet!*

*Sæpius illa petens lectos, sellasque potentum,*

*Quos gula supplantat, debilitatque Venus.*

*Non paleam, lanam, pultem sub paupere tigno,*

*Siccus vbi squalor, lar brevis, arca vacans.*

Non tam familiariter tecum ago lector honestissime, vt Familiari-  
cas, vel Patroclianas sellas hîc tibi apponere, aut describere institua.  
Non rara tamen illarum mentio apud veteres: nec viri docti refuge-  
runt loqui, vbi vsus postulauit. Hinc *Sella ἀπλῶς* dictæ, & *Infellare*.  
Cassiodor. 2. 39. *Humanis necessitatibus* dixit. Post alios Cuiacium  
tibi indico 10. 18. obleru, ac plenius Ioan. Rhodium in suo lexico  
Scriboniano. Plura superledeo proferre de hac sede tui Lector ho-  
noris caussa.

Sed quando familiaribus abstinemus sellis, domesticas saltim non-  
nullas etiam num breuiter adnotare ne pigeat. Inter ea, quæ domum  
vniuersè instruunt; cubiculum præcipuè ornant; tum inquilinis, tum  
aduenis commoditatem præbent, sellas, siue cathedras agnoscimus,  
ac meritò enumerat Pollux lib. 10. cap. 11. siue π. τ̃ τ̃ κοίτωνι πα-  
ρακµύτων, h. e. de ijs, quæ cubiculo inseruiunt. Atque has libentius  
vocarunt *Cathedras*, quoniam eo nomine quæ magis cultæ, splendidæ,  
elegantæ definiri solent. Sen. 1. 9. de clem. *Dimissisq; omnibus de cu-  
biculo* (loquitur de Augusto) *cum alteram Cinna poni cathedram iussisset.*  
Plinius recitaturus amicis intra domum suam, *Positis ante lectos cathe-  
dras amicos collocaui* 8. ep. 21. Idemq. de Aria. lib. 3. ep. 16. *Dum hac  
dicit exiuit cathedram, &c.* Idem 2. 17. *Lectum, & duas cathedras capit;*  
de quodam cubiculo loquens. Rusticorum quoque cubiculis suas  
præscribit sellas Caro de R. R. c. 10. *Scamnum in cubiculo vnum, sca-  
billia tria, sellas quatuor.* Spartian. in Adrian. c. 23. *In sedili Regio iux-  
ta lectum posito, &c.* Circum lectos autem fuisse positas cathedras, aut  
sedilia obleruat Magnus Casaubonus, suiq. commentarii fidem aduo-  
cat, De lectis, & veste stragula; iterumque ad Lampridij Heliogab.  
cap. 19. ijs verbis, *In commentario nostro de lectis, & stragula veterum  
veste, quem breui edituri sumus, &c.* Sed videre mihi non licuit, cuban-  
tem



rem adhuc (opinor) in plureis, nec publicæ compotem lucis. Nullus dubito, quin plena, & accurata (vt solet) eruditione philologica hanc partem adornauerit vir insignis. Interim promo tibi locum Gellij 19. 10. *Offendimus eum cubantem in Scimpodio Gracienſi circum undique ſedentibus multis*, & Plinij ſup. 8. 21. *Positis ante lectos cathedris, &c.* & 2. 17. *Lectum, & duas cathedras capit*. Huc reſpicit Iuuen. ſat. 7. 105. loquens de hiſtorico.

*Sed genus ignauum, quod lecto gaudet, & umbra.*

Lectum intelligo lucubratoriū, qui Græcis *σκήπτρις*, & *σκιμπώδιον*. item *σιεάδιον*: qua voce vritur Plin. epiſt. 5. 6. *σκήπτρις* Suidæ exponitur & Grabatus, & scamnum: quaſi ſedes quoq; , aut cathedra philoſophantium. Dumq; ex auctoritate Ariſtophanis *ἱερὸν σκιμπὸδα* ſacrum ſcimpoda appellatum tradit: ita explicat quaſi *philophorum ſellam* reſpexiſſet comicus *τὴν τῶ φιλοſοφῶν καθέδραν*. V. nonnulla ſup. cap. 23.

Neque ē ſedentariæ ſupelleſtilis cenſu ea ſellula amouenda omnium (vt ita dicam) horarum, & locorum, quam *Plicatilem*, aut *Flexilem* dicere poſſumus: Græci *ὀκλαδίαν* vocant. Haud abſimilis, quam viri Principes in agrum, aut venationem egredientes, ſecum geſtari iubent, vt quacunq; libuerit, illic conſiderent: prompto aduerſus laſſitudinem adiumento, commoditariſque haud exiguo præſidio, dum manualis hic, & ſubitarius ſuggeſtus momento apparatur. Parua, ac levis ſarcina, plerumque tripes, ac figurâ triquetra, ſimplici obteſſo corio, aut loramento in ſe complicata, & conſuſa à quouis facilè geritur. Sellam Romanis diuitibus in comitatu ponit Iuuen. 7. 142.

———— an poſt te ſella, rogati

*Ante pedes, &c.*

Martial. 2. 57.

*Quem grex rogatus ſequitur, & capillatus,  
Recenſq; ſella.*

V. & 10. epigr. 10. Suet. Domit. c. 2. De Athenienſibus teſtatur Athenæus lib. 12. cap. 1. qui de Athenienſium diuturno luxu, ac molitie loquens, *ὀκλαδίας τε*, inquit, *αὐτοῖς διφορεῖ ἕφερον οἱ παῖδες, ἵνα μὴ καθίζοιεν, ὥς ἔτυχεν*. *Complicatiles ipſis ſellas ferebant pueri, ne vbiuis, ac temerè ſederent*. Helychius, qui illinc hauſit, diſertiùs monet eas à ſamulis fuiſſe geſtatas, cum viri potentes, ac diuites in

forum, aut concionem itarent. πτυκτὸς δίφρος ταπεινός, ὃν οἱ ἀκό-  
 λυθοι φέρονται τοῖς εἰς τὰς ἀγορὰς ἐξίσσι πλεσίοις. *Plicatilis sella*  
*humilis, quam famuli gestant exeuntibus in fora Dominis.* ἀγορὰς capio,  
 non tam de foris iudiciarijs, aut concionibus, quàm de vernalibus.  
 Aristophan. equit. act. 5. sc. 2. extremâ, & sellæ, & pueri baiulantis  
 meminit: vbi a Scholiaste describitur δίφρος ποτὲ ἐντανόμωτος, ποτὲ  
 δὲ συσπλόμωτος, *Sella quæ modò explicatur, modò contrahitur.* Syne-  
 sius oratione de regno p. mihi gr. lat. 23. σκιμποδίσκας ὀκλαδίας,  
*Cathedras plicatiles* nobis memorat, quas serui Scythæ humeris ge-  
 stant, vt illic domini sedeant ἐν ταῖς ἀγοαῖς, *in publicis vjs.* Sic  
 Theodora, dein Imperatrix, & vxor Iustiniani scabellum humeris  
 impositum ferebat, vbi Comitona soror in foris ludicram faciens ar-  
 tem conquiesceret, Procopio teste hist. ἀνecd. diximus supra cap. 24.  
 Non est autem, quòd ad eum auctorem in notis p. 31. Nicolaus Ale-  
 mannus pro ἀγοαῖς malit ἀγοαῖς in ea oratione Synesij; æquè.n.  
 benè exprimitur vltus sellæ plicatilis, si in forum vel ἀγορὰν, ac si in  
 ἀγορὰν, viam. s. publicam, aut compitum, aut viciniam à famulis ge-  
 stetur, vt illic ad vitandam lassitudinem prædiuites sedeant. Athenæo,  
 & Procopio ἀγορὰν vocare placuit: Synesio ἀγορὰν. Ne pigeat adi-  
 re ad vberima notata Iacobi Gothofredi ad Cod. Th. de vtu sella-  
 rum, cum quo gauisus sum σωίμπλωσι examinis intercessisse: non-  
 nulla ibi de hac sella ὀκλαδία. Penè autem miror apud eundem  
 Synesium σκιμποδίσκας ὀκλαδίας latine reddi *grabbatulos plicatiles.*  
 Etsi namque σκιμποδίων, & σκιμποδίσκος non malè vertatur le-  
 ctulus, aut grabbatulus; in subiecto tamen auctoris loco non de discu-  
 bitu, sed de sessione agitur, vt dominis. s. liceat καθίζεσθαι, publicè  
 autem tum aptior, tum honestior sella, quàm lectulus ad sedendum.  
 Neque illud quoq. insolens, vt σκλίπας pro scamno, & cathedra  
 exponatur, quod fecit Suidas, aduertitq. doctissimus Petauius in notis  
 Synesianis p. 13. Lipsium (opinor) ἀνορύμως carpens, qui aliter cre-  
 diderit. Et tamen non abstinuit idem Petauius retinere *Grabbatulos,*  
 suo se interdicto veluti feriens. Sed meo puncto aptius illic veritas  
 σκιμποδίσκας, sellulas, vel scabella, quàm grabbatulos, aut lecticu-  
 las ad sedendum publicè. Non ramen pro portento habeo in lectulis  
 sedere, vt inf. monebimus. Cæterùm fermè suo nomine ἀκόλυθοι  
 vocati, qui ferebant serui, vt hîc Synesio, atq. Hesychio; quos *lectica-*  
*rios* non incommode dixeris, etiamsi non lecticam, sed sellam baiu-  
 lent.



lent. V. Lips. 1. elect. 19. Peculiari vocabulo διπροπόρος apud Persas ab hoc munere, & officio sedis regiae ferendae, pedisequus quidam, aut stipator, qui nunquam recedebat à comitatu, sed εἰς τὸ τοῦ ἐπιτοῦ, *ad hoc sequebatur*, ut inquit Athen. lib. 12. cap. 2. superius indicauimus cap. 13. Huius autem ὀκλαδίας, aut sellae plicatilis meminit quoq. Pollux lib. 3. cap. 13. & 10. 11. ubi ὀκλαδία, non κλαδία legendum est, quod Seberus aduertit, & ante illum Leopard. emend. 2. 8. Vocatur namque Graecis simpliciter ὀκλαδίας, supple διπρος, aut Δρόνος: & cum adiuncto ὀκλαδίας διπρος. Nobis *Scrannae*, & *Cisrannae*, quae ita nunc plicantur, nunc panduntur: sedile claris viris, & honore praeditis olim tributum apud nos paret, vel ex eo Danthis loco Paradisi cant. 89.

*Or tu chi se', che vuoi sedere à scranna,*

ac si dixerit. Tu nunc quis es, qui praesse, & iudicare audes? Quasi illae sedes Magistratibus deberentur. Haud penitus dissimiles ab antiquis curulibus. Sed libentius interpretor, *sedere à scranna*, h. e. ad scamna, corrupta voce, & inserta R. à nostro popello, cui non insolens hurrere. Sic *Trono*, & *Intronare* pro Tuono, & intuonare: Fustis, *Frusta*; Genista, *ginesira*; ballista, *balestra*; & alia hoc genus. Est autem sedere ad scamna, ius dicere, praesse, honore fungi: quoniam mensa, aut scamnum, magistratibus, aut Praefectis apponi solet sedentibus. Hinc *sedere à Desco*, & *sedere à banco*, quod Danthi, ac vetustioribus *sedere à scranna*. V. sup. de scamnis, ac subellijs: At *Cisranna* (ut existimo) sedes illa, de qua dicebamus: fauetq. interim etymo nostro, quasi Cis scamna, quoniam ab interiori parte locabatur ijs, qui ad scamna sedebant.



## CAPVT XXVII.

*Sella δυσοχῆς. Sanius Polluci interpretatio reddita. Sella compta. Sella opus Dadelis. δίσκες θυσιαλῆδες. Sedes Thesialica, & accuratè de ea. Pollux iterum, & Asbema lux. Hippocrates non incurrit ànima aduersus. Galenus, Erotianus: huiusdem versus parum attenta. Color Thesialicus. Pollux commendatus. Sella Thesialica, dñm genertum. κλισίος, sella berens. ἀνακλιντὸς θόκος. ἀνακλισμὸς, ἀνακλιντῶν, ἐπικλιντοί, &c. Accubita, Accubationes, Accubitah. Anacinterium, Spalliera. κλισιαβήθριον: lectusella, lecticathedra. Sella procurata. Sella περικλιντὸς, versatilis. Sesopia; Throcus. Thocus. Fessus comitatus fulens. Siege roulant. Diphramaxium. Harmocathedrium. Lecti ad sedendum, & orandum.*

**N**E ab itinere penitus aberremus, Pollucem adhuc sequamur nostrum, qui de sellis plicatilibus eo lib. 10. cap. 11. scripsit, *δυσοχῆς* ἢ *Φερεκράτης ἀγὰρ οἷς ἐνομινοί*. Interpres vertit, *sunt vestu difficiles, quarum Pherecrates in Bonis nominat*. Quomodo vestu difficiles, si passim a pueris dominum sequentibus ferebantur? Sique complicatiles, atque exiles, uti eas describunt? Quid est tandem hoc *δυσοχῆς*, insolens verbum, quo rem Vestu difficilem exponunt? Aut igitur non ex sua persona loquitur Pollux, sed Pherecrates *in Bonis* (titulus libri, aut fabulæ) suo studens proposito ita appellauit: atque ad id vertendum, *δυσοχῆς Pherecrati in Bonis appellatus*; non verò quòd ita ex suo sensu agnoscit Pollux. Aut potius vitium hic, & luxatio aliqua cubat: nec nouum in hoc ipso auctore. Indiget profecto bonus hic Pollux Castore aliquo Critico, qui fraterni defectus obscuritatem felici lumine suppleat. Crucem hæc ille figit legentibus consulendæ nomenclaturæ, & vocum consensio, auctoritatemque, quos laudat citando, ac miscendo. Quo circa *δυσοχῆς* malim interpretari, *sellæ incommode, aut difficiles*: quoniam angustæ, atque humiles, ut diximus: atque ita agendi potius forma, quàm parienti. Hesychius *ἐχέοντες, ἐν αὐτοῖς ἐχόντες, & ἀναδέχονται, ἢ ἡ ἡabenτοι, αὖτε ὑποδέχονται*. *δυσοχῆς* igitur ægè atque incommode recipiens. Aut foret contulius Pollucem aliter interpungere, & post *ἐλάδιν* δὲ *δίσκου* apponere *εὐχέλιν*: hætenus ut enumerauit Pollux varia



sellarum nomina. Deinde *δυσσχεῖς*, &c. vsq. ad *Ευπρόλιδος* pertinent ad sellas Thessalicas, de quibus mox agemus; atque ita omni discrepantiâ, vel *ἀταξία* magnum Grammaristam expediuerimus: quod locum illius attentè percurrentibus liquebit facile.

Illud neutiquam grauabor adiungere (indicinam debeo eidem Leopardo) ac refert Pausanias in Atticis inter donaria Mineræ Pollados, & quidem verusta, & *ἀξία λόγου* fuisse id genus sellæ compactilis, opus ingeniosissimi Dædali. *δίφρος*, inquit, *ὀκλαδίας ἐστὶ Δαδάλου ποίημα*; Amalæus vertit *Leōticaria sella compactilis, Dædali opus*. Nihil attinebat, opinor, *Leōticariam* dicere, si fides ijs, quos supra auctores laudauimus: quod verò *Compactilem* vocat, iungo dexteram. Sic quoque Hesychio *πικτός δίφρος* vocatur. Ac fortè compactio ipsa, ac nexus (quem ignoramus qualis fuerit) miro artificio, ac singulari industria elaboratus nomen, ac pretium dedit operi, quod inter præcipua, ac spectatissima anathemata ad posteritatis commendationem, memoriamque haberetur in vrbe totius Græciæ principe, in Fano omnium celeberrimo, numini apud Atticos Sanctiss. mo dicata, manu clarissimi artificis, & labore consummata. Atqui faber hic tractandi præcipuè, fingendiq. ligni peritissimus; vnde & *Dadala* ipsis Græcis signa, atque opera lignea; quod idem Pausan. lib. 9. siue in Bæoticis scripsit.

Sed iam Thessalicæ incumbamus sedi, de qua Critias Poeta apud Athen. 1. 22.

Θεσσαλικὸς δὲ θρόνος γυνὴν τρυφιστάτην ἔδρα  
*Thessalicusque thronus membris mollissima sedes.*

Deliciosam prorsus agnoscit, ac sessore dignam Epicureo. Quid? Si Apollo ipse commendauit oraculo, ac Pythiæ voce elegantem, ornatamque respondit? Pollux lib. 7. cap. 26. *καλλιστοὶ ἢ Θεσσαλικοὶ δίφροι. διὸ καὶ ἡ Πυθία ἔφη, Θεσσαλὲ ποικίλε δίφρε. Pulcherri-  
 ma sedes Thessalica. quare & Pythia inquit, O' Thessala sedes ornata.* Cùm igitur ab elegantia, tum à commoditate laudatur hæc sedes: quod structuræ ratione (vt opinor) materiæque artificio aptissimam, deliciosissimamq. insidenti quietem præberet. Quadrupedem fuisse idem Pollux subiicit, *δίφροι θεσσαλικοὶ, τετράπεζες. Sella Thessalica quadrupedes.* Meminit huiusce sellæ & Hippocrates libro de articulis; cuius verba luxari brachij curationem spectant. Inter cætera autem instrumenta, quorum præsidio artus in sedem suam redeant, sedem

Theſſalicam ægris proponit, ſi recens ſit exarticulatio, ἢν νεαρὸν ἐν τ' ὀλίθιμα. Iubet igitur πρὶ μέγα ἔδος Θειſſαλικὸν ἀναγκάζειν. *Super magna ſede Theſſalica vim adhiberi.* Quòd verò *Magnam* appellat magnus Archiater, coniicimus earum ſedium alias fuiſſe maiores, minores alias, retento eodem ſchemate. Ac ſi quis aduertat totam legem, ſeriemq. curationis in Hippocrate, uſumque instrumenti, deprehendet ſellæ Theſſalicæ formaturam fuiſſe id genus, vt ſua mole, ac pondere benè conſiſtat; alto inidem anacinterio, aut fulcro, ubi æger commodè reclinare poſſit, & denormatum brachium imprefſione facta ſarcire. Quare & quadrupedes facit eaſdem ſellas Pollux. Galenus Theſſalicam exponit quamcunque ſedem, οἷον ἐπίκλιντρον ἔχοντα, quoddam veluti reclinatorium habentem, quod nos *Con la ſpalliera*. Erotiano autem, πᾶς γὰρ δίφρος ἀνακλιſμὸν ἔχων, Θειſſαλικὸς παρὰ τοῖς παλαιοῖς λέγεται, quacunq; ſedes anacliſmum, ſeu reclinatorium habens, *Theſſalica veteribus dicitur*. Nota interim Veteribus placuiſſe id nomen. At non benè meo iudicio Erotiani verſor, qui δίφρον reddidit Currum. Quid eſt quod currui ἀνακλιſμὸς detur, aut cui uſui Currus Theſſalicus ad eam figurandi corporis, inſtaurandique articuli rationem? Ergo me fideiuſſore licet reddas πᾶς δίφρος, &c. *quacunq; ſedes, non quicunq; currus, &c.*

Forè an verò Theſſalica appellata eſt ea ſedes à Theſſalis, qui primum inuenerint, peculiari quadam figuratione, ac ſtrutura, procera maximè ſtatura, & appoſito ad reclinandum dorſum adminiculo. De hoc anacinterio, aut reclinatorio, dicemus poſt pauca. Niſi potius Theſſalica à colore Theſſalico, ſiue purpureo dicta, vnde nomen illi primitus inditum; ſiue lignum, ſiue corium eo colore imbueretur. Theſſalici coloris meminit Lucretius lib. 2.

————— melibæaque fulgens  
*Purpura Theſſalico concharum tinctæ colore.*

Theſſalicum quoque pileum reperio, quo in theatris ad arcendum ſolem uſos fuiſſe Senatores permiſſu Caligulæ tradit Dio lib. 59. gr. l. p. mihi 645. vocans πῖλος Θειſſαλικὸν τρόπον. *Pileos uſus Theſſalici*. Liquet amplam, & diſſutam umbellam fuiſſe, illis circumductam ad prohibendam ὑλίαςιν. Nomen autem hi pilei conceperint à colore, vel ab uſu gentis Theſſalicæ, minus vacat nunc inquirere. Iunium conſule animaduérſ. 2. 6. Lipſ. de Amphith. c. 18.

Tum laxior igitur, tum operoſior (quod opinari licet) Theſſalica  
 hæc



hæc sella exiit, atque inde fortasse veſtu difficilis, *δυτοχὴς*, ſi cui ita placeat apud Pollucem, ſive Pherecratem interpretari. Quòd ſi *δίφρος* vocarunt etiam currus, ſive illius partem, ubi tum auriga, tum alcenſor conſidebat; ſique in iſtis curribus, ac vehiculis ſedes locabant, quas pariter *δίφρος* idem appellat Pollux, non inuitus quis exponat *δυτοχῆς*, h. e. mole ſua, & fabricæ ratione curribus incommodas, ac malè aptas. Sed ſatis coniecturarum, vt aliquam medellam Polluci afferamus, qui iterum conturbat, dum exponit quid ſint *σκελύθρια*, ſine ſcabella, *ἅπερ ἐστὶ μικροὶ τρίποδες, quæ ſυντὶ*, inquit, *parui Tripodes*, dein ſequitur *Θετταλικοὶ δίφροι*, ſedes Theſſalica: quaſi eodem faciat, paruos Tripodes, & ſellas Theſſalicas. Sed has paulò ante fecerat quadrupedes; nunc vtro minus pede. Si vltra perrexerimus, bipedes, & apodes periculum eſt ne non videamus. Sed traiectione hîc eſt aliqua, & luxatus locus, atque in ſedem non ſuam hæ ſedes Theſſalicæ migrarunt: quas auertere iam, & auertere tempus eſt: dum placeat ante ſtatueret non vnum fuiſſe genus ſedium Theſſalicarum; quaſdam magnas, vnde *μέγα εἶδος Θεσσαλικόν* Hippocrati; quaſdam minores, quæ forte *μικροὶ τρίποδες* hîc Polluci. Quanquam puto ſatius de poſſeſſione deiſcere verba, *Θετταλικοὶ δίφροι* apud eundem Pollucem, quoniam prorfus illic extranea: tunc verò congruet *συνίφρα*, cum ijs quæ ſequentur, *τὸ δὲ ὄνομα*, &c. Mentio quippe in Euthydemo Platonis fit τῶν *σκελύθρων*, non autem ſedis Theſſalicæ. Perge lector me delegante ad vtrumque tum Philoſophi, tum Grammatici locum attendendum, & mecum iudicabis. Poterat Siberus in notis, poterat Leopardus auctius videre in ſuis emendationibus; nec tam ocioſè, ac ſecurè has Pollucis tenebroſi nebulas prætereire.

Numerantur quoque inter alia *σκεύη τὰ ἐν κοιτῶνι* apud eundem Pollucem *κλισμοὶ*, ac melius *κλιτμοὶ*, vt idem vocat alibi lib. 7. 26. h. e. ſellæ cum reclinatorio. His iſtis uſi olim Heroes ad menſam, quomodo eos pater locat poetarum Homerus; apud quem *κλιτμός* vocatur Odyſſ. Δ. & Κ. & Il. ad. Θ. Euthar. explicat *θρόνος εἶδος, ſella genus*, quod poſtea *ἀνάκλιτρον* vocat, & habens *τί ἀνάκλιτρον κλιττῆρ* Heſychio, & *ἀνάκλιτος δίφρος*, qui & ſimpliciter *θρόνος*. Iterumq. *κλιτμοὶ*, *θρόνοι*, ἢ *ἀνάκλιτρα*. Plutarcho iunctim in Quæſt. Rom. *ἀνάκλιτος θρόνος, ſella reclinatoria*, ſive reclinatorium habens *ſeggiola con ſpalliera*. Idem Homerus *κλισίλῳ* alibi appellat, de qua Athen.

Athen. lib. 5. cap. 6. differentiam notans ex eodem vate inter κλισμῆς, & δίφρος. *Clismi*, siue reclinatoriæ sellæ honestioribus datæ ad mensam (quod & hodie seruatur) ac sæpius illæ coniunctæ cum thronis, aut suggestis. Inde illud — ἕζοντο κατὰ κλισμῆς τε, θρόνους τε *sedebant super Clismis, & thronis*: atque his sellis plerumque imposita stromata. Cæterùm δίφροι humilioribus conuiuiis sepositi. V. eundem Athenæum & 4. 8. discrimen seruatum edocentem, quis, quo loco, aut sellæ genere inter epulas adesset. Eam autem partem, in quam dorso incumbimus ἀνακλισμὸν dixere, & ἐπίκλιντρον, & ἀνάκλιντρον, vel ἀνακλιντήριον Hippocrates, Galenus, Plutarchus, Pollux, Erotianus, Eustharius. Nos supra innuimus, & ad locum Hippocratis π. ἀργ. doctiss. Foësius: qui tamen ea ἀνακλιντρα Latinis *Accubita*, aut *Accubitas* vocari dum sentit, non statim consentio. Quæ enim *Accubita* Lampridio in Heliog. cap. 19. & *Accubationes*, siue *Accubitationes* ib. & in Aelio Vero Spartiani cap. 5. (vt illic mauult Salmasius) non sunt fulmenta, aut adminicula dorso reclinando, sed ipsi tori, aut lecti, vbi conuiuæ discumbebant. *Cataclita* Tertull. lib. de pallio. *Accubita* etiam in Synodo Trull. V. Cuiac. obs. 10. 17. eruditè Salmas. ad eum Tertullian. locum cap. 3. Haud aliter κατὰ κλίσσεως Origeni, quas pro puluinaribus explices, notauitque Selde- nus de Synedrijs tom. 3. pag. 286. sicuti *Accubitalia*, peristromata ipsa, & vestes, quibus *Accubita* insternuntur Pollioni in D. Claudio cap. 14. atq. ibi Salmas. quem consule, & in eo cap. 5. Spartiani in Vero, & ad Tertull. supra de pallio. Ego *Anacliteria*, siue *Anaclintertia* vocarem potius, quomodo Græcis ἀνακλιντήρια: Latinis quoque usurpata vox, Isidoro 19. 26. Etymol. Sed quæ κλισμοὶ à Polluce, vel ἀνάκλιντρα, &c. Sellæ scilicet cum anaclinerio, vnica voce aptissimè Etymologici auctor expressit κλινοκαθέδρια, quem vide in κλιντήρ. Nec dubitarem ego κλινοκαθέδριον vocare, quod nobis est *Seggiola a spalliera*. Non incommodè tam commodæ sedis genus eam quoque appellare possumus, quæ vulgò *Seggiola da riposo*. Syllabatim namq. κλινοκαθέδριον est *Lectifella*, vel *Lecticathedra*, qualis ea quæ in meridiando tum cubatui, tum sessioni inseruit, tum vtrique simul, vt superius dicebamus. Inter veterum monumenta aptum nescio, quod sedile marmoreum compareret antrorsus procurrens reclinando corpori, vt nec merè sedeat, nec totum iaceat.

Protuli tibi sup. cap. 27. 2b. Leonardo Augustino Romæ missum, quod



quod in S. Marci seruatur. Puto id in balneis maximè adhibitum, cui affine cum suo sessore Florentiæ seruatur apud Gaddios. Satis, superque operosè, ne dicam Sybariticè, hæc sellas concinnatas videre est hodie, vbi caput, dorsum, femora, recliui, ac supini deponamus; coxis, cruribus incumbamus, modò extendentes, contrahentes modò, qua volupe magis est. Anterius namque porriguntur transtilla, vel ancones, aut cubitus productiores vique ad proceri hominis iacentis longitudinem: illic incituræ scansim per æquos gradus, ad quas temperantur; dumque earum offendiculo, & innixu erectior, aut depressior sit sedes, perinde incumbentis corpus opportunè conquiescit. Curiosè quid, & exquisitè compactum legimus apud Capitolinum in Pertinace cap. 8. inter vehicula, ac sedilia, quæ rarioris commoditatis artificio, digna pro fus fuere Commodò Principe; ob sua vitia, ac sceditates nimium quantum incommodo Reip. ac generi humano. Verba historici ea sunt, *necnon vehicula arte fabricæ noua perplexis, diuersisq; (lege, Diuisis) rotarum orbibus, & exquisitis sedilibus, nunc ad solem declinandum, nunc ad spiritus opportunitatem per vertiginem, &c.* Vocat autem *sedilia exquisita*, h. e. exquisitè facta, & composita ad capturam commoditatis, de qua illic: *quomodo sella procurata* Cœlio Aureliano, de qua sup.

Sedium versatileium τῶν περιέκτων δίφρων meminit Athenæus. Sunt autem sellæ *περίεκτοι*, quæ circumagi possunt, aut *Versatiles*, quomodo id verbum Latine reddidit Vitruuius lib. 5. cap. 7.

Inquam tribum, aut classem referam censitor dubius ignoro eadem sediliū genera, quæ *Sesopia*, aut *Esesopia* Festo vocantur pessimè huius. Schedæ Vrsini ita explent, *Sesopia in augurali, & saluari carmine appellantur, quæ aliàs esopia pro sedilibus dicere habemus nunc in consuetudine.* Plaut. Trucul. 2. 8. ex lectione Meursij exercit. crit. p. 1. cap. 4.


*Quo pacto excludis quæso Esopijs planius?* Hoc est, quo pacto melius planius sedibus eijcias? Vt idem explicar. V. eundem Festum in vulgaris editionibus post verba capitalia *Seruorum dies*. Dein sequitur scædè lacerus textus, ac sesopia ipsa tam mutila, & quassata, vt ijs diutius explicandis assidere sine magno ruinosæ interpretationis periculo vix queam. Quòd si auguralibus libris, aut saliorum carminibus sesopia ea memorata narrantur, fortasse ad vsum aliquem sacrum fuere. Aetate Festi, aut potius Verrij adhuc vsurpata fuisse eam vocem ad sedilia significanda, sed litera minus sibilanti edocemur. Notæ ad

Festum. *Sopia, vel sesopia pro sedilibus, vox ni fallor inaudita. Solia potius scriberem.* Ego verò ter minimè scriberem. Cur enim monuisset nos Festus de eo verbo tanquam antiqui, aut rari vsus, si *solia* legerimus? Cui nam ea vox aut abscondita, aut obsoleta, aut in arcanis sacrorum libris quærenda? Plautinis Setopijs alterum sellæ genus eidem memoratum subiungo ex Pompeo itidem Festo. *Throcum*, inquit, *sella genus habetur apud Plautum.* Sed nuspiam in his, quæ supersunt Sarsinatis fabulatoris comparet id verbum. Notæ marginales ex Vert. Codd. *Thronus* substituunt. Sed cur Festus excerptisset tanquam sellæ genus, quando thronus notissimum verbum est? Alij malunt *Thracum*. Quid si *Thocum* reponamus? Ipsum .i. Græcorum θῶκος, sellam, in quam celeriter insilirent. Aut *Throcum* retineamus ἀπό τοῦ τροχού, nempe ab insiliendo, siue à trocho, hoc est rota, quòd rotis fuerit imposita, quomodo hodie nonnullæ podagricorum. Aut ἀπὸ τοῦ τρέχειν, à celeritate videlicet, aut cursu. Quo sensu id nomen planè conueniret nupero inuento, quod Galli *Siege roulant* vocant; quasi *Rotisellum*, aut *Currisellum*, vel sellam curracem. Commodum viandi genus; vt ingeniosior in dies est luxus. Dimidiatum dixeris currum bigarum tum forma, tum vsu. Vnus tantum ibi sessor, duæ rotæ, equus singularius: sed & alter extra iugum, aut funarius, quem ductor insidet, si citato itinere mutare subinde veredus libeat. Quomodo Petronius *Chiromaxium* dixit; eius exemplo compacta voce *Diphramaxium* vocemus; aut quomodo Etymologus Gr. *Clinocathedrium*, sic nos *Harmocathedrium*; quoniam burdocurrus, aut sella hybrida vtriusque speciem, & opportunitatem nobis referat. Cæterum isthoc sellæ, aut vehiculi genus veterum Caisio haud penitus absimile erudita nuper epistola censuit Laurentius Panciaticus Vir vt nobilitatis, sic ingenij florentissimi, inuita nihil faciens, dicensue Minerva.

Quod si cui ad sedendi vsus haud satis visa fuerint tot sellarum genera, non ignoret lectulos & adhiberi potuisse, & fuisse adhibitos. Cum igitur quasdam sedes tam artificiosè ad commoditatis ingenium compactas tradiderimus, vt in ijs veriùs iacerent, quàm sederent deliciosi homines: mutuum sedendi officium reddere, atque inuicem remunerare lecti ipsi haud recularunt. V. quod de lectulis lucubrationis sup. adnotauius; quippe ea scimpodia, aut stibadia mediam nescio quam speciem referencia inter puros putos lectos, ac germa-



nas meras sedes vtrique inferuire potuerunt, & sessioni, & incubationi. Sed quæ interdictio, ne cubiculares quoq., aut tricliniæ lecti; eundem vsum præstiterint? Petron. *Sedensq; super lectum meum diu fleuit. & , fletu confusa altera parte lectuli sedet; idemque, me supente in lectulo sedet.* Plin. epist. 5. 5. *Mox imaginatus est venisse Neronem, in thoro sedisse, &c.* Boeth. 1. de consolat. *Tum illa propius accedens in extrema lectuli mei parte confedit.* Ritus sedendi in lecto cum orarent veteres Christiani indicat Tertull. lib. de Oratione ex Herma apostolici æui scriptore; sed damnat, ac reprehendit, ut curiosi potius, quam rationalis officij, &c. & alioquin, inquit, *nusquam erit adorandum, nisi ubi fuerit lectus.* Consimilis ethnicos ligabat olim religio: quod spectat adag. *Adoraturi sedeant.* Iuuat Fest. *Adside la mensa vocantur, ad quas sedentes flamines sacra faciebant.* At Hermæ locus, quem aduocat Tertull. occurrit mihi in præfatione Pastoris paulò secius, ac Tertullianus legerit. *Cum orassem domi, & sedissem super lectum, &c.* In vniuersum autem de lecto ad sessionem, idem Hermas lib. 3. 10. *Confedit super lectum, & adstitit in dextera eius pastor.* Machab. 1. 1. *Et quæ sedebant in thoro maritali, lugebant.* Innumera comparent marmora, ubi lecti tricliniæ, & mensæ ante illos, plurimum illic discubens vnus, sedens alter. Conuenientissimam dat lucem, & accipit inuicem Apuleius Metam. 1. *Eumq; accubantem exiguo admodum grabatulo, & commodum canare incipientem inuenio. Assidebat pedes vxor, &c. iubet vxorem decedere, utq; in eius locum assideam, iubet: meq; etiamnum verecundia cunctantem abrepta lacinia detrahens: adside, inquit, isthic. Nam præ metu latronum nulla sessibula, &c.*



## CAPVT XXVIII.

Sellarum ornatus. Puluinus. Puluillus. Puluinar. Toral. *Puluinar Iouis. πελινάριον. Caligula primus Senatoribus puluinos dedit. Diu ante in theatro Attico positi. Puluinorum materia. Gnaphalium. Centunculus. Stramen Leuconium. Martialis illustratus. Sagum. Saio. Cubatio in floribus: in folliis: in rosis discriptis. Rosa Melitensis. Canis Melitæus. Potare in rosa. Lecti reticulati. Album rosa. Puluinus Isocratis è croco. Circense tomentum. Puluinus equestris. Recitantes in puluinis. Puluini sellarum comites: gestati in itinere.*

**N**on videor extra oleam egressus, si quædam sellarum parerga, aut ornamenta nunc circumspexero; quæ non tam commoditatis, quam decoris, atq. honestatis partem, tum sedibus, tum sedentibus adijciant. Consulam vna lectoribus, vt mollius, & apparatus sedeant, nec sedes hæc nostras tumultuarias penitus despiciant; dumque latibula hæc antiquitatis peruestigo, aliqua eos nunc delectatio infideat. Noua in tempore voluptas ducet, cum aliàs maiori cura sellarium hoc studium amplificabo. Labet à puluillis incipere, atq. ijs parumper incumbere: non vt profunda illic demergar quiete, sed breui inclinamento vigilabilem dormitationem concipiam. Tum sellis, tum scamnis, aut subsellis puluillos fuisse impositos, obductos, alligatos, compactos, & monumenta, atque icones, & auctorum euincunt testimonia. Latini puluinos, ac puluillos dixerunt, item Ceruicalia, ac Puluinaria. *Puluinos*, inquit Varro 5. L. L. *à plumis, vel à pellulis declinarunt.* At Isidoro 20. 11. *Puluinar est lectus diuitum, inde & puluillus.* Varroni 1. de vita pop. Rom. apud Nonium *Toral, ac Torale, aut Toralium.* At Isidoro eidem 19. 25. *Toral à toris, quibus propriè iniiciebatur; grandior quasi puluinus: sicuti Puluillus, veluti minutus lectus ex mente Isidori.* Puluinar tamen non diuitum modò, sed Deorum quoque erat lectus, vt notissimum est. Puluinar Iouis quandoq. exprimunt nummi, quod alij sellam curulem exposuerunt. Illic manubiæ visuntur insignia Numinis. Adi ad imagines curulium superiùs productas. Græci mediæ ætatis Larinorum imitatione *πελινάριον, & πέλιον* dixerunt. Arrian, Epictet. 3.



23. Erotiani lex. Hippocrat. ubi Merusius *πέλειον* restituit, cum prius esset *πέλειον*. Vide hunc in glossario Græcobarb. Item *προσκεφάλαιον*, & *υποσκεφάλαιον* vocarunt à capitis innixu, aut incubatu, quod Cervicali responderet. Sed non possum non statim mirari quod refert Dio lib. 59. sub Caligula Imperatore τὰ προσκεφάλαια τοῖς βαλευταῖς, ὅπως μὴ ἐπὶ γυμνῶν ἢ σανίδων καθίζοντα, πρῶτον τότε ὑπετέθη. *Tum primum subditos Senatoribus puluillos, ne in nudis tabulis sederent.* Miror, inquam, apud gentem in omne luxus, ac deliciarum genus effusissimam, tam serò fuisse, aut cognitum, aut permissum necessarium penè commodum publicè sedendi in puluillo. Non sordentem loquor plebeculam, aut viles proletarios, sed florem civitatis eximium, & meliorem partem, ut Symmachus vocat, generis humani Senatores, quibus ante Caligulam nuda assamenta parabantur ad sessionem; etsi tam multis alijs insignibus, atque ornamentis ad id tempus Senatorius ordo explendesceret. Diu ante in Græco theatro adhibitos fuisse puluinos apud Theophrastum patet in Characterè adulatoris. Plurimum scortei erant, & corio operiti. *σχύτιον*, & *δερμάτινον* vocat idem Erotianus. Dein linthei, serici, picti, plumati, aurei, versicolores, &c. Atq. hi sago, tomento, plumis, pilis, alioue molli farro implebantur, quod inculcarent, ac componerent. Non aliter de culcita ait Varro 5. l. l. *Quod in ea sagum, aut tomentum, aliudue quid calcabant ab inculcando culcita dicta.* Paria Isidor. 19. 25. Est autem *Sagum* vestis lanæ, unde nostrum *Saia*, & *Saio*: sed vox peregrina, atque exotica eodem teste Varrone, de qua mox; Plin. 27. 10. *Gnaphalium*, alij *χαμαί ζηλον* vocant, cuius folijs albis, mollibusque utuntur pro tomento. Nobis *Erba Cottonaria*, quasi tomentitia, & ad usum farciendi, unde & *Centunculus* Scribonio Largo appellata cap. 29. n. 121. ad quem Rhodius p. 191. Eadem, puto, quæ Theophrasto *πρόα λοχαία*, quæ herba discubitoria, aut lectis apta insternendis; ac de Centunculo in hunc usum idem Plinius 24. 15 Theophr. 7. 10. de causis plant. ad quem doctissimus Stapelius. Adi & Pellucem lib. 10. cap. 8. ubi de arundinis lanugine loquitur, quæ *σάμαξ*, & *αἰθήλη*, iuncus, vlna, calamus cartilagineus. Vbiq. de stragulis, ac puluillis, quos & *κνέφαλα* vocat. Plinio *gnaphalium*: at eidem lib. 19. 1. *Stramentum Orchomenium* cuius usus in toris. Martial. 14. epig. 160. *Tomentum concisa palus Circense vocatur.*

*Hæc pro Leuconio stramine pauper emit.*

Palustris scilicet arundinis decussa, & concerpta folia, concisa, & minuta stramina pro tomento, & puluillo pauperum in Circo. At beatiores lana farciebant, quam Leuconicam, vel Lingonicam dixere. Idem auctor epig. 159.

*Oppressa nimium vicina est fascia pluma?*

*Vellera Leuconicis accipe rafa sagis.*

Meminit & lib. 11. epigr. 22. & ep. 57. vide quæ notat accuratiss. Raderus. Quod vellera sagis rafa appellat Martialis, nouissimum illud accipe purgamentum, & rafiles floccos, qui vestibus, aut sagis destinguntur, Nobis *Borra*; quod pestine fit, aut erinaceo fullonio, tandemque forfice lanaria. quare nec displiceret Leuconiam lanam exponere ἀπὸ τῆ λευκῆ ab albedine. Nimirum dum pubes illa eminula, & lanugo extans abraditur è defloccatis eo pacto albis vestibus villi decutes colliguntur, ac tomentitia eiectionamenta ad puluillos farciendos. Sed magis placet Lingonicum, aut Luconicum exponere à loco vnde exportatæ illæ vestes, quæ *Saga* Martiali. Atque hinc, meo animo, illustrandus Varro, qui non lanam, aut floccos, sed *Sagum* ἀπλῶς vocauit illud genus tomenti. Quæcunq. autem fuerit ea fartilis, & mollicina congeries, quam intra puluillos stiparent, hos certè sedibus, scamnis, sublellijs imponebant; quæ alioquin lignæ, aut lapidea duritiem eo pacto dediscerent. Sic permissa à Caligula Senatoribus, vt diximus, ne ἐπὶ γυμνῶν σαιίδων in nudis tabulis sederent. Et honoris, & commoditatis gratia id factum; Pinacium blandicella filia patri Antiphonti benè procurat apud Plautum Sticho 1. 2.

*Affide hîc pater*

Ant. *Non sedeo isthic* (intelligo in cathedra, aut sella muliebri) *vos sedete: ego sedero in subsellio.*

Pin. *Mane puluinum.* Ant. *benè procuras, satis sic fultum est mihi.*

En subsellium ligneum, & puluinus iniectus. Philemon, & Baucis apud Ouid. 8. Metam. v. 642. Iouem, & Mercurium excipientes, quanquam sub lare humili, & egeno, nec pietatem, vt in Numina, nec officium, vt in hospites deseruarunt: *Sedili statim posito, & iniecta stragula.* Alter ille apud Theophr. charact. in πολακ: vt potenti, ac diuiti palparet iam sessuro subiicit puluinum in theatro, καὶ τῆ παιδὸς ἐν τῷ θεάτρῳ ἀφιλομενός τὰ προσκέφαλα, αὐτοῦς ὑποσπῶται, & puero in theatro adimens puluinus ipse substernit. Supparasitan-



tis blanditia est, qui è manu seruuli puluinum abstrahens, suâ ipse parat. Hunc morem in Græcis theatris præter Theophrastum affirmant Aeschines, ac Demosthenes illic laudati à Casaubono. In Syracusijs, siue Idyllio 15. Theocriteo Praxinoe iubet ab Eunoe famula apponi sellam, atque iniici puluinum, vbi amica sedeat Gorgo, cum qua colloquitur.

ὄρη δίφρου Ευνόα αὐτῇ,  
Ἐμβάλει καὶ ποτίκρανον.

Prospice sedem Eunoe illi  
Injice & puluinum.

Sic Eurynome apud Homerum Odyss. T.

Ευρυνόμην φέροι δὴ δίφρου, καὶ κῶας ἐπ' αὐτῆς.

Eurynome affer sellam, & pelles super ipsa.

Sunt autè pelles hîc nihil aliud, quàm puluini, quomodo & Odyss. P.

Κάτω κασορνῦσα θρόνοισι ἐνὶ δαυδαλώοισι.

*Pellem* (hoc est puluinum) *injiciens sedibus pulchris*. Diximus superius ex Erotiano termè è Corio (vtri quoque hodie) puluinos factos. At delicatissimum illud sessionis genus, cùm in floribus, ac rosis sederunt; de Heliogabalo Lamprid. cap. 29. *Semper sanè aut inter flores sedit, aut inter odores*. Idemq. puluinaria, pilo leporino, & perdicum plumis subalaribus conferfit cap. 19. *Nec cubuit in accubitis* (stibadia intellige, atque toros, qui antiquis triclinariis succedere) *facile, nisi ijs, quæ pilum leporinum haberent, aut plumas perdicum subalares*. Ride eiusdem helluonis inuentum alioquin vrbani. Vt vilioribus amicis illuderet tomenti, ac plumæ vice aerem, ac ventum ceu sessilem subijciebat, premendum submissis follibus, vbi insiderent cœnantes. Si nimium tendebantur ij folles, duram nō ramen incommodam præbebant sessionem; sed modico, & rariori oppleti flamine, æquabilem, ac deliciosam parabant: *Multis*, inquit, *vilioribus amicis, folles pro accubitis sternebat, eosq; reſtabat prandentibus illis; ita ut plerumque sub mensis inuenirentur prandentes*. cap. 25. Licet opinari supra folles, aut toros operosam fuisse vestem, aut stragula, ne quid suspicarentur conuiuæ; sed insperatò per automata illa descendentes, cachinnum sonantiorẽ exprimerent ineptissimo Principi. Et cap. 19. *Stranit & triclinia de rosa, & lectos, & porticus, ac sic per ea deambulant, & cap. 21. Oppressit in triclinijs versatilibus parasitos suos violis, & floribus sic, ut animam aliqui efflauerint*. Flores scilicet hæculcitellæ, & rosei puluilli

Syba-

Sybaritarum, ac τρυφῆων consuetæ olim deliciæ. Portentosissimus ille voluptatis, ac desidii mysta apud Sen. 2. de Ira. 25. *Sæpius questus est quod folijs rosa duplicatis incubuisset*. Singillatim carpta volebat folia, ne quid duriusculi offenderet. Trebellius in Gallieno cap. 16. *Veris tempore cubacula de rosis fecit*. Vopisc. in Carino 17. *Rosis Mediolanensibus, & triclinia, & cubacula strauit*. Rosas nota Mediolanenses: aut pulchriores forsitan, aut molliores. Nisi Melitensibus legamus, quas diu ante in delicijs ad puluinos faciendos adhibuit Verres, quem imitari voluisset Carinus. Cic. Verr. 10. 27. *Lectica octophoro vehebatur, in qua erat puluinus perlucidus Melitensi rosa fartus*. At nonnulli malunt, *puluinus, perlucidus Melitensis, rosa fartus*, vt non rosa sit, sed puluinus è Melita veniens quæsitissimâ tenuitate, ac texturâ perlucidus. Sic *Melitæi catuli* in delicijs, de quibus Adagiographus. Addo locum Theophr. ab eo inobseruatum Charact. μικροφιλ. κλάδος Μελιταῖος, *Melitæus Surculus*; & Philostratum in Imagin. lib. 2. tit. Insulæ. Melita hîc intelligenda inter Corcyram, & Illyricum, non sedes hodierna forissimorum Equitum. Quanquam Rosa Melitensis, de qua Tullius, Africanæ huius Insulæ esse potuit, à qua tunc Verres non admodum distabat. Iterum Cic. 2. de finibus 17. *potantem in rosa Thurium*, hunc morem (puto) siue discumbendi respiciens, siue coronandi. Albinouanus Pædo in obit. Mecænat.

*Victor odorata dormiat inque rosa.*

Omnino cognobilis locus Spartiani in Aelio Vero cap. 5. *Fertur etiam aliud genus voluptatis, quod Verus inuenerat; nam lectum eminentibus quatuor anacinterijs fecerat, minuto reticulo undique inclusum, eumq; folijs rosæ, quibus demptum esset album, replebat*. Quòd autem reticulo inclusum scribit, textum reticulati operis intellige, olimq. in vsu. Græcis ἀμφίβλητρα, notatque Casaubonus: nobis *Maglia*, opinorq. id reticulum non adhæsisse proximè lecto, sed quomodo nostrates Camerelli æstiuui temporis, & copia .n. rosarum calidam tum quoque tempestatem arguit. Quòd verò idem Casaub. negat nouum fuisse inuentum cubandi in rosis, fateor ipse. At Spartianus intelligendus est de tota illa lecti fabricatione, & quatuor pluteis, siue anacinterijs, quorum sepimento concerptæ rosæ sustinebantur. *Album* rosarum quibus demptum volebat, interiorem intellige partem cum apicibus luteis, quæ alio nomine *Flos*. Hæc non ita mollis, aut rubicunda, sicut folia extremi ambitus, ac propriè *Calyx* vocabantur. Quibus  
igi-



igitur dem̄ptus ille flos, mox appellat purgatas, *Accubationes, ac men-*  
*sas de rosis, ac lilijs fecerit, & quidem purgatis.*

Croco imbutum Illocratis puluinum refert Plutarchus in Decem.  
 Rhet. κρόκῳ διάβροχον προσκατάλαον vocans. Mollis ob id, atq.  
 effœminatus audiit hic Rhetor. Sed puluillos prorsus merebat pre-  
 ciosos vir laboriosissimus, qui vel vni texendo Atheniensium pane-  
 gyrico integros quindecim annos affedit.

Varias puluinorum species, qua magis tument, aut subsidunt; qua  
 paragaudis, tænijs, institis limbantur; vmbilicis, clauis refulgent; no-  
 dis & peniculamentis lasciuunt, lector, inspicere, ac dijudicare, vbi ge-  
 nera sedium exhibuimus cap. 11. & mox dicemus sequenti.

Atque hac igitur clementioris sessionis commoditate prospectum,  
 ne duræ, aut nudæ premerentur sedes, aut scamna; præsertim in lu-  
 dis olim per longas, atq. excruciantes, non spectandi tantum, sed ex-  
 pectandi moras. Sic factum Romæ in Circo; inde lemma epigram.  
 160. lib. 14. Martial. *Circense tomentum*, & Seneca de vita beata cap.  
 25. *Nihilo miserior ero, si lassæ ceruix mea in manipulo fœni acquiescet, si*  
*super Circense tomentum, per futuras veteris lintei effluens, incubabo.*  
 Omnino autem capio de tomento puluillorum. quorsum alioquin  
 futura veteris lintei, nisi quia puluilli facti consuebantur? Extenuat  
 autem puluillos Seneca, vt magis tumeat sententia. Sed quid mirum,  
 si vexati, ac penè discerpti hiarent adeò præ attritu puluilli, vt efflue-  
 ret illinc putre tomentum? Quippe gratuitò dabantur; indiligens  
 autem esse solet populus rei non suæ, quod vbique, ac semper euenit.  
 V. quæ norat Lipsius insuper de puluillis, ac post eum Buleng. de  
 Circo cap. 32. Panuin. de ludis Circ. & ad eum Argol. p. 7. & p. 85.  
 In equestribus saltem, aut quatuordecim gradibus fuisse locatos pul-  
 uillos non dubitarem. Inde Iuuenal. sat. 3.

————— *puluino surgat equestre.*

Ac multò magis in Orchestra, vbi Senatores ex Dione lib. 59. *προσι-*  
*φάλαα τοῖς βουλευταῖς*, &c. In Popularibus autem, vbi pullata, ac  
 sordida plebs, non opinarer, nisi quis priuatim attulerit. V. Buleng.  
 d. cap. 32. ac deinceps; qui subinde à Lipsio abiens illud exagitat, quo-  
 nam tempore, & auctore posita primum, dein discreta Senatorum,  
 & equitum loca in Circo fuerint? Sed puluinos quod spectat, aliquod  
 fortasse discrimen inter Senatorios, & equestres, quia institis, aut seg-  
 menti distincti, vel stragulo splendidi. Interim mihi ampliandum  
 est:

est: de internendis autem sellis aliquid infra. Recitantibus quoque puluinus subditus, in quo considerent. Arrian. Epictet. 3. cap. 23. ἀναβάντα ἐπὶ πέλεινον, *ascendentem in puluinum*, h. e. sedem, aut cathedram ubi puluinus. Notat Voss. de Imit. c. 7. §. 15. Neque aliter sapientibus illis, atque iucundis confessoribus de arte dicendi sermonem instituturis puluinos poposcit Crassus apud Cic. 1. de Oratore; apparet autem sedes illic fuisse lapideas, ac perpetuas, quoniam tanquam exedra sub opacante Platano positæ erant, *Tum Crassum*. Imò verò commodius etiam: puluinosque poposcisse, & omnes in ijs sedibus, quæ erant sub platano consedissee. Suspiciatur Cresolius Tullium fuisse ductum imitatione sui Platonis, apud quem de Repub. disputaturus Cephalus puluino incumbit. sed diuersa ratio est; Cephalus tanquam senio confectus narratur à Platone domi obsidens, antequam ad illum adirent amici colloquuturi, quibus nullus mox traditur datus puluillus, sicuti fuit apud Tullium. καὶ μάλα πρεσβύτης μοι ἰδοξεν εἶναι, &c. καθῆσο δὲ ἐσιφανώμενος ἐπὶ τινὸς προσκεφαλαίῳ τε, καὶ δίφρου. *Valde senex mihi videbatur, &c. Sedebat autem coronatus cervicali ad sedile apposito*. Inita nempe societas, ac perpetuum ferme contubernium sellæ, & puluini. Idem Cic. lib. 9. epist. 18. *Sella tibi erit in ludo tanquam hypodidascalo proxima, puluinus eam sequetur*.

Imò & liber cum cervicali iunctus, tanquam supellex, & viaticum hominis docti, ac sedentarij. V. Theodoret. hist. eccles. lib. 4. cap. 14. ubi de Eusebio. Consule Cresol. d. lib. 3. cap. 13.





## CAPUT XXIX.

Suppedanea. ὑποπόδια. Suppeditanea. Hypodia. σεππέδιον, σεππέδιον, ποδαρέλιον. *Suppedaneum muliebre.* ἀνδράχλης. εὐ-  
θρανος. Pedule. Cornelio Frontoni *genninus redditus sensus.* Pe-  
dulla. ποδείον. Impilia. Scabellum pedum. Scamna. Mensa.  
ταπεινὰ διαφρία. θράνιον. θρήνυς. *Suppedanea in solijs, alijsq; sellis*  
*honestioribus.* *Icones prompta è marmoribus, ac nummis.* Εασιλικὸν  
ὑποπόδιον: *Regium hypopodium, genus canaculi apud Persas.* Suble-  
lia cathedraria. Scanfilia. Fulcra lectorum. Pueri, & fœmina  
*sedentes vefcebantur: & serui qui, ad Pedes.* Predelle: *earum ety-*  
*mon.* *Danthes Poeta, Vocabularium della Crusca.* Sabella musico-  
rum; Scamella, & Scamilla.

**Q**UOD si parum fessoribus consulimus mollem ijs subdendo  
puluillum; ne pendulis nunc laborent cruribus, sed salu-  
brius, atque honestiùs sedeant, scabellum subijciamus, dor-  
to, ac brachijs fulcra apponamus. Ac si opus sit, strato-  
riam quoque vestem explicemus, vt sedendi commodita-  
ti accedat ornatus, ac decor.

Hæc illa igitur sedentium pedibus supposita fulcra, & assamenta,  
aut scamna, quæ Græcis ὑποπόδια, *suppedanea* Latinè dixerimus.  
Vturpara vox Cypriano martyri de ablut. ped. si modò is auctor li-  
bri: vbi de Magdalena pœnitente, *Caputq; pro suppeditaneo strauit, cri-*  
*nibusque circumfusus pedes sacros innoluit.* Malim, *Pro suppedaneo*; quod  
& nonnulli Vett. Codd. præferunt. Scabelli item, Scabella, & Sup-  
pedanea etiam Isidoro 20. 11. *Scabelli, inquit, qui lectis paruis, vel sellis*  
*ad ascensum apponuntur.* *Scabellum autem & suppedaneum dicitur nobis*  
quoq. Etruscis *Soppidiano.* Retinuit Græcisans Paulus 3. sent. cap. 7.  
ibi *scamna, & hypodia, &c.* malim hypopodia, & si Cuiacius non mu-  
tauerit. Alijs *Ene dracula*, h. e. sessibulum, aut scabellum. Gloss. *Ene-*  
*dracula, hypopodium.* Græci posteriores inuicem à Latinis mutantes  
σεππέδιον dixere, σεππέδιον, & σεπέδιον. In nostro Concilio Flo-  
rentino ἐκάθισεν ἐν σεππέδιῳ ὁ τῷ εασιλέος ἀδελφός. *Sedit in suppe-*  
*daneo Imperatoris frater.* V. Meurs. glossar. in σεππέδιον, qui testi-  
monia congerit. quanquam ea magis spectant illud genus suppeda-

nei amplioris, quod procerum sedibus subijcitur (nobis Predella) quam minuta hæc scamna, & asserculos, ac subices pedaneos, de quibus præcipuè loquimur. Iisdem Græcobarbaris ποδαρέλια: quæ Eusthat. in Odysl. H. exponit ὑποπόδια γυναικεία, *suppedanea muliebria*, quasi earum peculiaria, & fortassè splendidiora. Adde Suidam in ἀνδράχλης, ad quem Portus adnotator. & ἀνδράχλης enim, & ἄνθρωπος pro eodem muliebri scabello. V. & Salmas. ad Vop. Carinum cap. 19. pag. 501. Diligentissimus Onomastici auctor, dignus planè, qui non bis ex suo nomine, sed ter, & quater sit Felix scamnum hoc à Corn. Frontone *Pedule* vocari scripsit. Verba Cornelij de *scamno* ferm. lat. ea sunt, *Pedale mensura est pedis: pedule verò sub pedibus præstat utilitatem*. Sed cum istis pedibus, quin etiam pedulibus non video, quî gradiar in Felicis sententiam, quæ à suo auctore secedit minus felix. Opinor namq. à Frontone describi non suppedaneum, aut scamnum, sed loccum, aut calceamentum, vel eius partem, quæ vestigio suppingitur. Ideò, inquit, *Pedule verò pedibus præstat utilitatem*: quæ utilitas respicit vestiendi, & muniendi commodum. Reperio id verbum etiam in Festo *Pedulla*, quæ dicimus ΠΕΔ.... Græcos appellare, manifestum est, ubi Gothofr. explet πένδαλα, hoc est calceos, vel locculos. Scaliger ante illum. *Pedulla, eadem & pedulia: glossarium: Pedule: ποδῆιον*. Est autem ποδῆιον, siue ποδῆιον locculus. Italicè retinemus eam vocem *Pedulis* pro solo, aut parte, quæ pedem vestit. Glossæ Benedicti πένδαλια, ποδῶν καλύμματα, *pedum integumenta*. Glossæ Isidori, *Pedana, pedulis novus, qui calige assuitur*. Interpres Iuven. sat. 1. *Pedules novos in braccis*. Meurs. affert in glossar. Gr. barb. Meminit & pedulium I. C. l. 25. §. 1. de auro & arg. &c. pro fascijs pedum, & quibusdam calceamentorum firmamentis. V. & Cerdam ad gloss. Isid. Aduers. p. 324. alio nomine *Impilia* dixere, nobis *Feltri*. quam vocem Cuiacius Ititit in l. 3. de supell. seg. alij legunt *Imparia*. Videatur idem Princeps I. Consultorum 10. obs. 17. & 5. 11. Turneb. ad vers. 18. 23. Sunt autem hæc *Impilia*, quæ omnino pedibus utilitatem præstant, sicuti de pedulibus scripsit Cornel. Fronto. Ergo aliud est *Pedule*, ni fallor penitus, aliud *Scabellum*, vel *Scabellus*, & *Scamellum*, & *Scamillus*, qui sedentium pedibus subditur; quæ voces omnes à scamno deductæ. Quintil. 1.4. *Nec miretur cur è scamno fiat scabellum, &c. Panchetta nobis, & Predellino*. Interpres sacrae paginae psalm. 109. quod in LXX. est ὑποπόδιον τῶν ποδῶν σου, *Scabellum pedum*



*pedum tuorum*. Sic ὑποπόδια τῆ θεᾶ, *Scabella Dei* vocata olim templa teste Suida. V. in ἐποδήματα, & in ὑποπόδιον. Sic Cœlum thronus Dei vocatur; terra autem scabellū, siue ἐποπόδιον D. Matth. cap. 5. Ennius quoq. à Tullio laudatus primo de Diuin. solum, aut solum cum scamnis coniunxit.

*Auspicio Regni stabilita scamna, solumq;*

Ouidius etiam scamna dixit lib. 1. artis improbæ.

*Et caua sub tenerum scamna dedisse pedem.*

quæ paululum fuisse cauata apparent, vt pedes firmiùs, & commodiùs infisterent. Mensam vocauit Curtius lib. 5. cap. 2. *Confedit deinde, Alexander, in Regia sella multò excelsiori, quàm pro habitu corporis. Itaque cùm pedes inum gradum non contingerent, vnus ex regis pueris mensam subdidit pedibus.* Omne enim lignum planum, siue quadratū, siue rotundū figurā Mensam dixere, vt Græci τράπεζαν. V. notata à Consultissimo Gifanio ad Lucret. in verbo præstringere. Sed mensa illa fulciendis Alexandri pedibus, de qua Curtius, verè talis erat, qualem cibo capiendū apponimus, atque ea ipsa Darij Regis fuerit. V. narrationem. Hæc suppedanea Gr. σχολίθρια Polluci 10. 11. quæ Hesychio ταπεινά διφρία, ὑποπόδια, *humiles sedecula, hypopodia*. θράνια itidem Polluci ex Aristophanis Pluto: vbi Scholiastes διφρία, καὶ ὑποπόδια exponit pag. mihi 135. Ac digna prorsus risu explicatio grammaticæ, qua conatur nobis depingere id genus scabellorum; talia esse narrans, qualia incenduntur ab ijs, qui laqueo sibi gulam frangunt, mox ea calcibus depellentes, vt suspendiosi remaneant. ἐφ' ἃν οἱ ἀπαγχόμενοι ἀρτῶσι ἑαυτὰς ἀπολακτίζοντες αὐτὰ. Hoc Aristophanis, & aliorum θράνιον, & θράνος, Homero θρήνις vocatur. Hinc illud veluti solenne apud hunc varem, quoties apparationem describit sellam, ὑπὸ δὲ θρήνις ποσὶν ἦεν, *sub pedibus autem erat scabellum*, quomodo Helenæ subiicit 4 Odyss. 136. & Vlyssi 10. 315. Dioni lib. hist. 17. vocatur τὸ κατὰ τὸ θρόνον ἐπόεαθρον, *Scabellum throno subiectum, aut circumpositum*. Responder nostro Soppidiano. Hesychio κλισίον: quod ita explicat, βάσις ἐφ' ἣ τίθεται θρόνος. *basis quæ sella supponitur*. Talem aduertere est in nummis apud Vrsin. Famil. Pompeiæ p. 208. suggestus cernitur curuli subiectus, quem nos Predella dicimus, rarò aliàs in nummis eo pacto compareret. Ea interim mihi blanditur coniectura, in argumentum honoris, ac dignitatis fuisse apposita ea suppedanea, neque omni pariter sed subiecta; sed

ijs, quæ eximios, ac spectatos manerent seffiores. quare thronis, aut solijs potissimum subuineta, vt nuper ex sacro Matthæi codice, atque Ennio protulimus. Hinc Athenæo lib. 5. 6. Thronus definitur sella ingenuorum cum suppedaneo, vel scabello, ἐλευθέριος καθέδρα συνὺποπόδιον; quæ & ibi θρόνος appellatur, quomodo & Homero, vt pronuper dicebamus.

Obleruare autem est in antiquis marmoribus, ac nummis ea scabella imis pedibus hærentia, vbi digniores conquiescerent. Sellam Pontificiam vide sup. cap. 19. & quas produximus cap. 13. Aliæ hîc tibi vulgantur. Vnam appingo nouæ nuptæ, vt apparet, quæ flammeum sibi reducit, altero pede scabellum premens non adfixum, sed mobile, & à sede aliquantisper seiunctum. V. n. 50. Visitur Romæ è figulino opere antiqui artificij in Musæo Io. Petri Bellorij. Circa eam sedentes tres aliæ adstant fœminæ ingressæ ad officium νεονύμφε. Secundam Consulis in Gazophylacio Principum Iustinianorum. Tertiam Romæ sedentis apud eisdem. Quartam in S. Stephani rotundi. Quintam Rauennæ in S. Apollinaris è marmore candido, quam mihi curauit Marchio Lucas de Albizis patriæ nostræ decus ob notissimas animi virtutes in labe sæculi, & annorum flore. V. num. 51. 52. 53. Nummos tibi exprompsi, vbi Philippus Pater, & filius in sedibus cum suppedaneo; quod rarò aliàs curulibus appositum. Adi ad Tristan. pag. 569. parte 2. Alter patrem Septimium Seuerum exprimit cum scabello, quod negatur Getæ, & Aurelio Antonino assidentibus in eodem suggesto, & æqua altitudine ib. pag. 96. V. sup. Imagin. n. 36. & 39.

Celebre quoddam reperio suppedaneum apud Athen. lib. 11. c. 2. quod Persæ appellabant βασιλικὸν ὑποπόδιον, *Regium hypopodium*. Ita dixerunt coenaculum cum tribus lectis, vbi talentorum tria millia condebantur. quoniam enim ad pedes Regij cubilis locatum erat, ideo hypopodium vocitatum. Sicuti προσκεφάλαιον βασιλικόν, *cervical regium*, quod supernè structum erat ad verticem regij cubilis, coenaculum cum talentis quinque millibus. Commodum Hercules scabellum, commodius cervical, quod tam multis constabat auri talentis: Cum hoc cervicali quis non dormiscat in vtramque aurem securus? V. illis Athen. de eo Persarum Regum luxu ex Charere Mitylenæo. Sed aliud est hoc suppedaneum Persicum, vt constat, ab alijs sedentium, de quo memorant tam sæpè scribentes, quanquam

iuuat



iuvat quandoque suppedaneum explicare non tam de istis minutis, atque exilibus, vbi pedes conquiescunt, quàm de ampliori tabulato, vbi totæ sedes statuuntur, virorumque summatum honori componuntur. Quod & hodie facimus, vt spectatori emineant sede, & à reliquo vulgo segregis existimationis decus retineant quicumque largioris fortunæ, aut dignitatis sortem obtinuerunt. Hoc enim pacto ὑποκαθρον κατὰ τὸ ὄρον Dioni sup. lib. 17. intelligo; pro illo nempe gradu, tabulato, aut pegmate, vbi thronus statuitur, ostenduntque imagines ante productæ. Sic pleraque exempla allata à Meurs. in glossar. verbo Σελήλια huc ducunt meo iudicio, tanquam si tabulara, scamna, atque eminula forent assamenta, quæ nobis Gradini, aut Predelle. Neque aliter interpretor I. Consultum in l. 5. de supell. leg. vbi *subsellia Cathedraria*, quàm quæ cathedris, sedibusue honestiorum subiiciuntur. *Scansilia* item appellata, præsertim si plures sint gradus. Isidor. 20. 11. *Scansilia gradus sunt, vbi honorati in sedibus hærent.* Ante illum Varro lib. 5. L. L. *duplicata scansio gradus dicitur.* Tribunal bus ea propter appositi: inde καθυδὸς quandoque pro tribunali exponitur ab ascendendo. Eo sensu etymolog. ὄρον ἢ ἐμπνευὴν καθεδρα, *thronus eminens cathedra.* V. passim in nummis folia, aut suggesta Principum, & Magistratum. Sed & lectis apposita, aut adfixa hæc scabella, tum ad futuram pedum, tum ad ascensum. Idem Isidor. 20. 11. *Scamna sunt, quæ altioribus lectis apponuntur dicta à scandendo; hinc & scabelli, qui lectis paruis, vel sellis ad ascensum apponuntur.* Idem Varro, qui supra: *Quia simplici scansione scandebant in lectum non altum, scabellum: in altiore, scamnum.* Etiam hodie nonnulli eo tabulato circa lectum vruntur. Sed veteres quòd attinet, non tam pro cubiculari, quàm pro tricliniari intelligo. *Fulcra lectorum* dixit Sueton. Claud. cap. 32. vbi pueri nobiles, aut filij vescebantur ad mensam Principis. *Adhibebat, inquit, omni cana & liberos suos cum pueris, puellisq; nobilibus, qui more veteri ad fulcra lectorum vescerentur.* Assidentes interpretor, dum patres, ac domini discumberent. Idem in Aug. cap. 65. *Nepotes, &c. neque cœnauit vnà, nisi ut in imo lecto assiderent.* Imus lectus sunt ea fulcra. Tacit. 13. ann. cap. 16. *Mos habebatur Principum liberos cum cæteris idem ætatis nobilibus sedentes vesci in aspectu propinquorum; non tamen imum lectum assignat, sed propria (subiungit) & parciore mensa.* V. Lipsium plenè monentem. Eundem locum fœminis metor. Val. Max. 2. 2. *Fœmina cuban-*

*cubantibus viris sedentes cœnitabant.* Morem priscum intellige, qui deinde sublatus. Lapidum tibi fisto monumentum in cippo, aut pilo veteri, ubi super scamnis, aut fulcris pueri cœnitant, dum in toro discumbit dominus. Inspicis apud Boissardum parte 4. pag. 145. Citharistriam quoque illic observare est sedentem procul à menta; non in scamno, sed in sella altiori, acroama dantem conuiuiis seruis iridem parata statio in ijs sublellijs. V. n. 54. Quo respexisse puto Sagarinum, & Stichum bina mancipia apud Plautum Sticho 5. 4.

————— *potius in subsellio*

*Cynicè accipiemur, quàm in lecto.*

Atqui gratiores hero seruuli illinc è menta summulam cibi accipiebant. Martial. 5. 70.

*Omnia cum retrò pueris obsonia tradas,*

*Cur non mensa tibi ponitur à pedibus?*

Lectorum nempe intelligit pedes, ubi pueri testitabant. Ludit ingeniosus poeta, quoniam ij pueri, aut serui *A pedibus* vocabantur, & *Ad pedes*, & *Circum pedes*. Petron. fragm. nuper editum pag. 51. *Camellam grandem iussit misceri, potiones diuidi omnibus seruis, qui ad pedes sedebant.* Quod igitur retrò, & ponè conuiuentes dominos siue *Ad pluteum* (vt loquitur Suet. Calig. cap. 26.) aut posticam lecti partem præstò essent, ideò *Ad pedes* vocati. Cœnantes verò ad imum lectum, in scamno, aut suppedaneo sedebant, vt supra de liberis diximus. Lipsium consule, ubi sup. ad locum Taciti, Pignor. de seruis p. mihi 63. ubi de seruo *A pedibus*. Sed cum istis pedibus lubricam facientes semitam, nimium forsan excurrimus; vnde sermo iam noster est reuocandus. Non parco monere quædam de hoc scabello sub pedibus miscuisse Iulium Cæs. Buleng. lib. de Circo Rom. cap. 32. & 33. Neque inditum relinquam suppedanea hæc, & scabella nobis *Predellini*, & *Panchette* vocitari: sicuti maiora illa tabulata, ubi sedes digniorum componuntur, *Predelle*. Si rectè mugimur, quasi *Pedelle*, quòd pedibus subiungantur; corrumpente vocem plebecula, & sibi commo- diorem recudente, inserta R. qua litera nostri gaudent, vt aliàs monuimus. Nisi malimus *Predella*, h. e. Prodella. *Proda* nobis est margo, crepido, extremitas, alicuius rei, & sponda: at hæc scamna extremis lectis, sedibus, suggestis apponere, & affigere solemus. Garriamus tertio: *Predella* pro *Prerella*; obuiò transitu literæ T. in D. Visitator namque tum res ipsa, tum nomen in sacra suppellectile, quoniam



niam presbyteris potissimum tributa honoris gratia; siue altaribus operentur, aut suggestis; siue in cathedra expiatoria sedeant. Ohe! Nimium effutimus, inquis, in hisce leuidentibus confestandis. Fate-mur enim: sed maximorum exemplo peccantes, qui hanc sibi pruri-ginem tam dulciter scalpunt. Neque verò sumus omnino imparati ab hac lubricine, quæ nostris liturarijs quantulamcunque illeuit ob-seruationum congeriem super vocum etruscarum origine. Non illaudanda alioquin cura, nisi aliæ curæ, an sequior valetudo moram iniiceret. Sed gratulor non deesse nostræ Vrbi Florentissima inge-nia elegantijs hisce patrij sermonis insudantia, quibus hanc prouin-ciam longè doctius, exquisitiùs, feliciùs occupandi ius esto. In semi-tam me refero. Alio sensu præter hunc vulgatum Diuinus poetæ noster Danthes vocem Predelle vsurpauit lib. vel cantico 6. Pur-gatorij.

*Poiche mouesti mano alla Predella.*

Ad quæ carmina vetus Scholiastes ineditus Predella deducit à prædio: parum aprè opinor, nulloque nexu, aut significato ad eum locum. Potius illic Predella est (vt alij malunt) pars froeni, quam eques ma-nu constringit: vnicâ prorsus, ac nouâ apud vatem notatione. Con-sulantur interpretes, quos laudat illic eximium vocabularium della Crusca: opus quod tertijs curis magnam sui partem locupletatum, atque iam iam prælo maturum, Etruscarum literarum ingens thesau-rus meritò audiet.

Coronidem vltimò imponam, si addidero inter musica organa, aut saltem in instrumento Symphoniaci fuisse scabella. Arnob. lib. 2. *Nu-merosos iterarent scabillorum concrepationibus sonores.* Suet. Calig. 54. *Deinde repente magno tibiæ, & scabellorum strepitu.* coniunguntur hic tibiæ, & scabella. Congruit Statij vetus interpres 7. Theb. ad illa

————— & ad inspirata rotari

buxa. Scabillum exponens, quod in sacris tibicines pede sonare consue-nerunt. D. Augustinus 4. de musica, *Velut cum Symphoniaci scabella, & cymbala pedibus feriant.* Hinc glossæ Isidori *Scamellum Symphoniaci.* quæ ita exponit Voss in Etymolog. quoniam vnus Symphoniacis mo-dum dabat pulsu scamelli: vnde scamellorum, vel scabellorum cre-pitus. quasi equidem lignea vox illa pulsi scamelli pæaniffaret, ac præirer cantaturis Symphoniacis. non aliter ac etiam hodie modi-peratores, aut mesochori tum manu, tum pede scamna, & abacos fe-riunt

riunt (quod nos far la battura) non modò signum dantes ad incipien-  
dum; sed assiduâ eâ pulsione, aut supposione regulam, modumque  
iugiter præscribentes: id enim magistrorum, & mulsurorum offi-  
cium. Casaub. ad eum Suetonij locum Calig. Scamellum non à scam-  
nis nostris deductum, sed tum nomen, tum organum ipsum barba-  
rum putat. Videatur & Torrent. ib. Intercriptio Spoletina apud Grut.  
464. 7. *Præf. Fabr. Romæ. Dec. IIII. Scamillar. Opera Veteres à Scana, &c.*  
Hæc Decuria quarta scamillaris, vel scamillarium, aut scamillario-  
rum, corpus, aut collegium artificum signat, qui scamilla cōficerent.  
De scamillisne musicis, an ad sedendum, scandendumue compositis  
sit accipienda epigraphe, non ausim statuere. Neutrum respuo, quo-  
niam vtrumque quadrare hîc potest, vbi operarum à scena fit men-  
tio. Sed & literas *Dec.* Decurioni quis explicet, dum cætera con-  
gruenter aptentur. Habebant namque suos Decuriones corpora,   
aut collegia. Salmas. ad Vopisc. Carinum cap. 19. pag. 501. primò  
putauit hæc scabella nihil aliud fuisse, quàm sandalia lignea, vel so-  
leas etiam ferreas ad terram, vel tabulam clariori sono feriendam,   
vt ea supposione saltantibus pantomimis, aut canentium choro ἐνδό-  
σιμοι darent. Gr. κρεπέζια, & ξύλινα ὑποδήματα, *lignei calcei* Pol-  
luci, Hesychio, atque alijs. Quòd igitur è ligno, & scabellis similia  
subijcerentur pedibus, hoc ideo nomen illis inditum scribit Salma-  
sius, qui mox sine nomine perstringit magni nominis virum Casau-  
bonum, tum organum, tum vocem scamilli exoticam opinantem.   
Credit tandem Salmasius reuera fuisse scabellum, siue ἐποπόδιον,   
quod pede feriebatur lignea, aut ferrea solea, vt maior crepitus ede-  
retur. ac de vsu huius scabelli in sacris, ac theatris plura illic obser-  
uat. quò trahenda etiam illa Cic. pro Cælio. *Mimi ergo est iam exi-  
tus, non fabula: in quo cum clausula non inuenitur, fugit aliquis è mani-  
bus, deinde scabella concrepant, aulæum tollitur.* Cui lubet igitur exqui-  
sitiùs hæc dijudicare, tu vide apud eundem Salmasium, Vossium ety-  
molog. Casaubonum Suet. Calig. 54. trigam omnino Principum in  
literis Virorum. Quibus addo iugalem V. Cl. Io. Bapt. Donium  
ciuem meum singulari dissertatione de scabellis inter doctissima eius  
opuscula prælo matura. Ego cum Mimo illo Ciceroniano, vt clausu-  
lam tandem inueniam, nec vltteriùs inter scabella concrepem, fugio  
hîc è manibus, & aulæum tollo. Expectare Plaudite alijs relinquo.



## CAPVT XXX.

Spalliera. Ανακλιντήριον. Ανάκλιτον. Ανάκλισις. Anaclinterium. Reclinatorium. Adclinatorium. Plutei lectorum. Lectus ἀμφικνέφαλος, Adminiculum. Lectus Veri quatuor eminentibus anaclinterijs. κλισμὸς sella splendida; at δῖσπος de viliori apud Homerum. Sordida sedes. Sedium statua ferè sine reclinatorio: iidem curules. Bracciuoli: Ancones: ἀγκῶνες. eorum descriptio. Vineæ brachiatæ.

**A**D reliqua accedimus sedentium commoda, imò etiam decora, & ornamenta. Huc spectat pars illa sedis, sine qua potest, sed non benè, aut commodè federi. Nos aptè vocamus *Spalliera*, quòd humeros illic reclinemus. Græcis ἀνακλιντήριον, ἀνάκλιτον, ἀνάκλισις. V. quæ scripsimus cap. 27. Vsurpata vox *Anaclinterij*, Spartiano in Aelio Vero cap. 5. Lectus eminentibus quatuor *anaclinterijs* fecerat. Latine redditur *Reclinatorium*. Isidor. 19. 26. Fulcra sunt ornamenta lectorum, dicta, quòd in ijs fulcimur, idest sustinemur, vel quòd toros fulciant, siue caput, quæ reclinatoria vulgus appellat. Eam vocem apud vulgus inualuisse monet Isidor. cum alioquin *Fulcrum* diceretur. Cantic. cantica. cap. 3. *Reclinatorium aureum* D. Ambrosius lib. 3. de Virgin. *Adclinatorium* vocauit. Sed *Anaclinterium*, aut *Reclinatorium* propriè in lectis, vt ostendunt loca auctorum, quæ protulimus. Est enim pars illa, siue pluteus eminens, vbi puluinum aptamus ad caput reclinandum. Fermè autem antiqui lecti (observare est in marmoribus) duos habebant cuiusmodi pluteos, aut fulcra; quo pacto nonnulli etiam hodie, præsertim inopum. Pluteus ad caput lecti (sic Gr. κεφαλὴ τῆς κλίνης) altior: qui verò ad pedes depressior. Inde hoc genus lecti ἀμφικνέφαλος etymolog. & Helychio, quasi vtrinque capitatus, supernè, atque infernè. Sed magis placet ἀμφικνέφαλος; est enim κνέφαλος (inde gnafalum, de quo supra) cervical, vel pulvinus: qui, quòd ad vtrumque pluteum componeretur, ἀμφικνέφαλος ille lectus vocitatus. Quocirca memoratur vt insolens, atque enormi magnitudine ad luxum lectus ille Aelii Veri, Quatuor eminentibus *anaclinterijs*. V. adnotatores illic.

Atque hac igitur imitatione *Fulcrum, Pluteum, Anaclinterium, Anaclitum,*

*clitum*, *Reclinatorium* appellare possumus eam sedis partem, vbi dorsum, atq. humeros reclinamus. Sedes autem ita compacta κλισμός, ἀνάκλιτος θρόνος, κλιντήρ, & aptissimè κλινοκαθέδριον etymologistæ. V. sup. cap. 27. *Adminiculum* (nobis appoggio) postica ea coagmentatio non incommodè Latinis enuncietur. Hodie in magno compingendarum sedium ingenio, cum nihil vel ad laxitatem, vel ad luxum omittitur, eam partem verè Anaclinterium appellare possumus; quoniam non dorso, atque humeris tantum reclinandis, sed collo, & capiti, quamlibet in altum porrecto satis superq. præstat fulcimenti: adeò ille pluteus profundè, latèq. strui, & appingi solet. Commodius itaque, vbi eo anaclinterio humeri sustententur, sed non absq. honoris simul argumento sedetur. Vt fermè fit, quos ante alios habemus tum augustiori sede, tum lautiori cæterarum rerum apparatu excipimus. Præclare aduertit Athen. 5. 6. ex Homero κλισμῶν (sellam nempe, cui pluteus inesset ille) dignissimis quibusque apponi solitam: de qua etiam illud addit, περιτοτέρως κεκόσμηται ἀνάκλισαι, quòd splendide ornata sit ad reclinandum. At contrà δίφρος (sella, aut scamnum, vt expono, sine fulcro) eidem vocatur ἀπέλιος, vilis, aut sordida, qualem illic memorat datam Ulyssi, ἐπαίτη εἶναι δοῦντι, quia mendicæ esse videretur. Haud aliter Lucanus de Senatu Romano, vel extorri, & sua pulso dignitate lib. 5.

————— *sordida sedes*

*Romanos cepit procures* —————

In vetustis lapidibus, ac nummis variè deformatus apparet hic pluteus: non semper continuo tabulato, & vnica compage, sed transuersis per intervalla asseribus, aut fascijs, sicuti hodie in quibusdam sedibus minoris pretij, nec interioris admissionis. Species autem plurimum quadrangula: quandoque rotunda, atque altius assurgente: caua nunc, & sinuosa, vt sessorem veluti complectatur. Obserua Citharisticam sedentem inter epulas, quam superiori capite produximus ex Boissardo. Eundem vide p. 127. partis vi. ad portam Appiam, vbi pulcherrimæ structuræ sedes Iouem tenet fulminantem; & pag. 114. partis v. vbi sedentium Fortunarum icones. Percurre quæ supra cap. 27. vbi variæ sellarum, ac sedentium formæ tibi expromuntur, & fulcrorum attende imagines. Quanquam rarò, præsertim in statuis sedentibus reclinatorium appositum visitur. quod studiosè factum existimamus, vt integra, & exerta statua conspectior sit.



feret; neu viuax operis gratia, eo impedimento minueretur. Caterum quod Curules sellæ eo plurimum careant fulcro, aut adminiculo, retinendæ opinor vetustatis gratia id factum apud Romanos, quoniam simplicissima ea sedes prisorum; vel quia plerumque in tribunali, aut iuggesto locabatur, parieti, vel tabulato admota; vnde humeris itidem fulcrum, & innixus caperetur. Vel quoniam tandem curulem secum gestantes Magistratus, quacunq; ponebant, ac reponabant; commodius autem, si nulla sarcina, & adiectio reclinatorij sedem onerasset.

Ne mutilas, ac truncas habeamus fellas, suis vlnis, ac manibus instruamus, quibus sessorem ambiant, & complectantur. Nos vocamus *Braccioli* transuersaria hæc ligna, & asserculos antrorsus procurentes, qui pluteo affiguntur, & arrectarijs in altum productis incumbunt. Similitudine brachiorum in humano corpore; dum pro variâ sedium forma nunc ab ipsa reclinatorij summitate tanquam à scapulis defiliunt, nunc veluti lacerti in extremis eius angulis ad thoracem, vel costas reflectuntur. In veterum sedibus frequenter occurrunt: quo nomine demonstrarint haud ita obuium. Possumus transtillam, septa, retinacula, clathros, tigilla, vbi cubito innititur; possumus fulcrâ brachiorum appellare; sed peculiarem, & genuinam nomenclaturam vni debeo Cælio Aureliano tard. pass. lib. 2. cap. 1. *Consilium dabimus, vt sella tonsoria sedeant egrotantes, quæ sit obliquis anconibus fabricata, quibus incumbentes sese leuare nitantur.* De hac sella tonsoria sup. diximus cap. 25. Interim *Ancones* nihil aliud sunt, quàm qui nobis *Braccioli*, nisi fallor, ἀγκῶνες. Verbum ipsum consentit, quo Cubiti denotantur. neq; vltus abludit, dum tales describit Aurelianus, quibus sese incumbentes leuare nitantur. Est autem ἀγκῶν illa flexio, curuatura, & cubitus, quem facit tigillum vinctum lateribus plutei, vel lignis arrectarijs, quæ reclinatorium sustinent. Haud aliter Vitruuius 3. 3. & 4. 6. *Ancones* vocantur brachia illa, aut virge, quæ normam componunt figurâ literæ S. *Vti norma*, inquit, *in cauo strigis cum fuerit coniecta, circumacta, ita anconibus* (hoc est brachijs) *strigiarum dextrâ, ac sinistrâ angulos tangat, &c.* 3. 3. *Ancones, siue prothyrides.* 4. 6. & *Ancon*, instrumentum forma eadem, qua diximus. V. Turneb. aduers. 2. 23. Lucem tandem bonus mihi præstat Pollux 1. 10. ijs verbis, τὰ δ' ἐγλώρια τὰ ἐνὸς τῆς δίψε, γωνίας, καὶ ἀγκῶνες. *Flexus sellæ interioris, anguli, & cubiti* (vocantur) loquitur de sella in curru locata.

Ergo ancones, & cubita, hæc ligna, quæ nobis *Braccinoli*, ac sedes ipsa, à *Braccinoli*. Non audeo *Brachiatam* appellare; etsi non ignoro eadem translatione brachia arboribus tribui, & vineas *brachiatas* ea similitudine appellari à Columella lib. 5. cap. 5. *Alij capitatas vineas, alij brachiatas magis probant, quibus cordi est in brachia vitem componere, conuenit, &c.*

Sed cur veteres tam curiosi in cæteris sedium partibus, aut ornamentis designandis, vt puluillo, suppedaneo, reclinatorio (de quibus sup.) in his brachijs, aut anconibus adeò mutiunt? Forsitan hæc pars in tellis, aut cathedris apparationibus, vt necessario, ac vulgariter iuncta, nihil præcipui habebat, quod scribentes memorarent? Verùm ea interim mihi obrepit coniectatio, nomine reclinatorij, ἀνακλίσεως, aut sedium, quas dixere κλισμὸς, hanc quoque partem contineri; quippe tota illa compages postici fulcri, & anconum omnigenam præstat commoditatem ad reclinandum. Quòd si alterutro careat sedes, magna commoditatis pars sessori decedit. Huc spectare puto verba Athenæi lib. 5. cap. 6. vbi de sella κλισμῶ loquens, (vide sup.) satis habuit scribere περιττότερος κεκόσμηται ἀνακλίσει, instructa est eximiè ad reclinandum. nempe ἀνακλίσεως nomine, & reclinatorium, & ancones, & quidquid aliud magis ducat ad commodè quiescendum, fortean complecti Pollux voluit.





## CAPUT XXXI.

Stragulum. Stragula. Instratum. Stratoriæ vestes. Peristromata. Peripetasmata. Operimenta. Pallia. Opertula. *ἰμάτιον*. Octavius Ferrarius cum laude memoratus. Pallium: pro quovis instrato. Solaria. Babylonica. Sedularia: aliter explicata, ac Turnebo placitum. Subsellia cathedraria. Toralia. Accubitalia. Mantellia. Stropi. Cataclita. Casaubonus defensus. Mappæ. Pelles sedibus iniectæ: quæ repostiles, sapius fixæ: clavis argenteis distinctæ. Tapetes, & Stromata, linteamina ultimo, ac vela. Sellisternium. *σιδάσπασις*. Habere sellisternium: ac de ea re exactè. Sellisternia etiam hominibus, non tantum Dijs curata. Lectisternium Tum lectitum selle numinum. Sellisternium pro sella, ut Lectisternium pro lecto. Corona super sellis; item cornua potentie indicio; aliaq; Deorum symbola, ac donaria.

**S** Edes non vnus generis variè fabricatas, & compactas suis partibus, atque ornamentis instruximus hactenus; tum verò ad commodi vsum, tum ad speciem dignitatis concinnauius. Sed parum honestæ nobis visæ sunt, si nudas hîc reliquerimus. Quare iniicimus illis ultimo loco stragulam vestem, raptimque, ac tumultuariè veluti festinantes amicum.

*Stragulum, Stragula, Instratum, & Vestis Stragula* communi appellatione dictum quicquid ad iniiciendi, insternendive vsum adhibebatur. Paulo I. C. lib. 3. sent. tit. 7. qui est de legatis *stratoriæ vestes* memorantur. Gr. *σπώματα, περὶσπώματα, περιπετάσματα*, &c. Varro 5. de L. L. *Græca sunt Peristromata, & Peripetasmata*. Idemque, *Operimenta, & Pallia, Opertula dixerunt*. *ἰμάτιον* enim Græcorum (quod latinis pallium) pro veste etiam stragula vsurpatum: notauitque ex Poetarum auctoritate V. Cl. Octavius Ferrar. consummatissimo opere de re Vest. parte 2. lib. 4. cap. 3. Sed poetis, h. e. genti licentiosæ, prorsî sermonis addamus firmamentum ex I. C. L. instratum 45. D. de V. S. *Neque enim dubium est, quin Stragula vestis sit omne pallium σπώματος*. V. Cuiac. 10. obseruat. 18. Præter locum Varronis sup. allatū, en tibi Suetonius in Nerone cap. 48. *Super lectum modicella calcata, vetere pallio strato instructum*. Imò pro mantili ad tergen-

di

di vsum, Petronio, *Iam Trimalcio unguento perfusus tergebatur, non linteis, sed pallijs ex lana mollissima factis.*

Nos verò hic ea vix delibamus, quæ ad vsum, aut ornamentum sedendi faciunt. Vlp. I. C. l. 25. de auro, & arg. leg. *Tegimenta subselliorum* nominat. Si quibus enim sedilium ea operimenta conueniunt, subsellijs, & scamnis ob nuditatem, ac duritiem debentur. Hæc ipsa tegimenta *Solaria* appellari voluit Cuiac. 10. obser. 17. V. hunc & ad l. vnus ex dominis D. de feruitut. & nos sup. cap. 28. Fest. *Solla* appellantur *sedilia*, in quibus non plures singulis sedere possunt, ideòq; *solla sternere* dicuntur, qui *sellisternium* habent, & *solaria* vocantur *Babylonica*, quibus eadem sternuntur. En *Solaria*, en *Babylonica* ad vsum sedium, *Babyloniorum* mentio eadem l. 25. *Tapeta vesti cedunt, quæ aut sterni, aut injici solent. Sed stragulas, & Babylonica, &c.* Reperio & *Sedularia* pro stragulis sedium; propriè autem earum, quæ in rhedis locabantur, vt visum Antonio Augustino, emend. 4. Non improbo magni viri enarrationem, quoniam hæc *sedularia* cum rhedis coniungit I. C. l. 4. de suppell. leg. Non placet quod Turnebus voluit 18. aduers. 23. *Sedularia* esse multa *sedilia*, vt *Cathedraria* sunt multæ cathedræ, *Rosaria* multæ rosæ, &c. quod autem vocem *Cathedraria* ex eod. I. C. aduocat d. l. 5. minus assentior, quasi disiunctim legerit. Ego iunctim lego, *Subsellia cathedraria*, nempe quæ cathedris subiiciuntur, atque ita non erunt aliud *Subsellia*, & aliud *Cathedraria*, neque hæc multæ cathedræ, vt *Rosaria* multæ rosæ, &c.

Hæc igitur subsellia stragulis fuisse operata, & quidem tapetibus docet ib. I. C. de tapetis *quæri potest subsellia cathedraria, quibus insterni solent, &c.* Sic Plauto Stich. 2. 3. *peristromata* cum sellis iunguntur. Tum *Babylonica* (inquit Dinacium) *peristromata, sella, & tapetia*. vt habent Vett. exemplaria: siue quod mauult Meurl. *Solla, & tapetia*: est autem solum idem ac sedile, vel solum vnus capax, vt aliàs diximus.

Neque solis operimentis, aut peristromatis scamna, ac subsellia tegebantur ad ornatum, sed ijs iam instratis puluillos fuisse superiniectos non est dubitandum: prout sedentium dignitas, aut sessionis apparatus, ac maiestas postulasset. Sic *Stroppos* puluinaribus fuisse impositos docet Fest. in *Stroppus*: præsertim in Castoris, quos vel coronas interpretari licet, vel falciculos. In antiquis monumentis comparent ea stragula, sæpius etiam puluilli, nec rarò in curulibus. V. cap.



13. & cap. 28. Contrariè in scamnis, aut subfellijs, vbi perpetuæ, & oblongæ culcitellæ affiguntur, & inhærent, aliquod insuper splendidius operimentum imponebatur; cum alioquin cæteri puluini repositiles, ac breues, & vniustantum capaces supra omnem stragulam collocentur. Haud aliter *Toralia* (inde nostrum *Touaglia*) vel *Accubitalia* toris imponebantur: quia tori in modum puluinarium (nobis strapunti) componebantur, congesta lana, aut tomento referti. Vestem de Cataclitis vocauit Tertull. de pallio, & *pauo pluma vestis*, & *quidem de cataclitis*. quod malo, quàm *Cataclistis*. *Vestis de cataclitis*, pro Vestis cataclitorum; sic *vestis de altari*, &c. quomodo nos Italicè. Sunt autem *κατάκλιτα*, *Accubita*. Pauo igitur pluma vestis est de cataclitis, quoniam refert auri & purpuræ colore vestem tricliniarem, & accubitalem, qua tori in triclinijs sternuntur. V. Salmas. ad hunc Tertull. locum. Vno verbo hanc stragulam *Tricliniaria* dixere. Plin. 9. 39. *quæ purpura quis non iam*, inquit, *tricliniaria facit?* Idem 8. 48. *Tricliniaria Babylonica*. Labeoni I. C. l. 20. de opt. leg. *Vestimenta tricliniaria*. Sic *Mantelia*, siue *Mantuelia* mensis iniecta; de quibus Salmas. ad Vopisci Aurelianum, à toralibus, siue accubitalibus distinguens; quoniam his tori tantum, & accubita; mantelijs, aut mantuelibus mensæ insternantur. Cum tamen Casaubonus ab eo reprehensus confuderit ad Lampridij Heliogab. cap. 19. Hoc interrim scio, accuratè, atque exactè hanc partem philologiæ fuisse tractatam à Casaubono, qui ad illud Heliogab. cap. de se scripsit (alibi meminimus) *In commentario nostro de lectis, & stragula veste, quem breui edituri sumus, Deo faciente, affatim de istis omnibus, &c.* Ad eum commentarium, lector, te delego, si modò publicam vidit lucem, quam illi auctor parabat. Sed cubat (opinor) adhuc in pluteis, ac tenebras fert indignè. etiam ipse docuit Casaub. accubitalibus toros, siue accubita fuisse instrata; modestè subdens etiam mantelia venire eo nomine. Sint igitur magis propriè mantelia stragulæ vestes, quibus mensæ operiebantur, quæ olim *Mappa* teste Isidoro 19. 26. *Toralia* autem, & *Accubitalia*, quæ toros, & accubita suo velamento exornarent. *Mantuelibus aureis semper strauit*, inquit Pollio in Galliено cap. 16. *Accubitalium Cypriorum* idem meminit in D. Claudio cap. 14. V. Salmas. hîc, & ad Heliogabalum Lampridij cap. 19. vbi Casaub. pariter. Vt mensis igitur, & toris, sic sedibus sua fuerunt instrata, quæ *Solaria*, & *Sedularia*, vt diximus: neque tali tamen religione,

vt subellijs, & scamnis aptari nequiverint, etiam toralia, quibus lecti, siue tori tricliniaries decorabantur. liquet autem hæc stragula puluinis, & culcitellis, quanquam mundis, ac nitidis fuisse superiniec- ta; præsertim elegantiora, splendidique, ac peregrini artificij. Hinc illa Cypria, hinc Babylonica peristromata, & Attalica, & Campanica, de quibus tam crebrò apud scriptores legimus.

Pellibus potissimum vfos fuisse veteres, quibus sedes insternerentur Heroicis præsertim temporibus memorat vates; quorum summus Aen. 8. vers. 178.

*Præcipuumq; toro, & villosi pelle leonis*

*Accipit Aeneam, folioq; inuitat acerno.*

vbi vetus, ac perdoctus interpres Donatus monet, quòd huiusmodi *tapetes*, & stragula vestes è pelle heroibus decoratæ tunc iudicabantur. Nonn. Diony. 16. stragulam describens, *δέρματα Παρδαλέων πολυδαίδαλα*, *Varias pardalium pelles*. Homerus primo Odyss. præcos in domum Ulyssis à Penelope exceptos, sedentes facit *ἐν ῥινόισι βοῶν* *In bouum corijs*. De hoc pellium vfu quædam protulit doctiss. Briffon. 2. de Regno Pers. Addo de Romanis ex Festo, *In pelle lanata noua nupta confidere solet, vel propter morem vetustum, &c.* Seruius Danielis. *Sellas duas iugatas ouili pelle superiniec-ta poni eius ouis, quæ hostia fuisset: & ibi nubentes velatis capitibus in confarreatione flamen, & flaminica residerent.* ad Vatem Latin. Aeneid. 4. 38. Nota nuptiale mysterium, & quas vocat Seruius *Sellas duas iugatas*, perinde ac *Bisellium*, vel duas fellas iunctas. Atque has equidem ferarum, & animalium exuuias stragulorum more explicatas, & oppanfas fuisse non ambigerem, vt poni, & amoueri possent, plicari, componi, recondi. Odyss. T.

*Ευρυνόμη φέρε δὴ δῖφρον, καὶ κῶας ἐπ' αὐτῇ.*

*Eurynome affer sellam, & pelles super eam.* Addo alium P.

*Κῶια κασορνῖσα θρόνους ἐπὶ δαυδαλέοισι.*

*Pellem sternens super pedibus artificiosis.*

Vtrobique *κῶια*, h. e. pelles ouis nominat; quanquam non displicet poetica Synecdoche, pellem pro puluillis concinnatis, & confutis accipere, quod magis decorum, & commodum. An potius schemate, quod Græci *ἐν διαδουῖν*, idem sit *δῖφρον, καὶ κῶας*, ac sellam pelliceam, vel coriaceam. At in altero versu *Κῶια κασορνῖσα*, omnino videtur disiuncta pellis, ac sellæ iniicienda. Equidem simplicissima hæc ratio insternendi, & priscis mortalium opibus, quin etiam arti,



arti, & industriæ accommodata, terginas pecudum, aut ferarum exuvias sedendo, recumbendo premere: mollis quoque, ac nitida, & ferrens ætatem ea stratura. Paulatim factum deinceps, ut sedibus eæ pelles affigerentur ad usum assiduum, ac diuturnum clavis adactæ: pars autem ipsa, in qua propriè sedemus (sedile, aut quadratum diximus) iniectis pilis, conferta stuppa, congesto tomento, iugiter strata, vorfa, ac follicans perperpetui vicem puluini præberet.

Reperio itidem apud Homerum clavis exornatas, ac distinctas priscorum sellas: quos argenteos memorat, ut Odyss. Θ. vers. 67.

Τῷ δ' ἄρα Ποντόνοος ἦν καὶ θρόνον ἀργυρόηλον.

*Huic Pontonous posuit sedem argenteis clavis.*

*ornatam.* Verbum verbo redderem *Argenti clauatam.* & K. vers. 314. & H. 162. ——— ἐπὶ θρόνῳ ἀργυροῷ.

*In sede argenteis clavis suffixa.*

Bullis, seu clavis hinc capitatis (nobis Borchie) è fusili, aut ductili metallo sumptuosi operis ad exquisitum luxus ingenium hodie utimur. Sed hæc obiter de clavis.

Alibi idem vates tapetem mollis lanæ, non pellem iniicit sellæ, quā vocat κλισίῳ. V. Athen. lib. 5. cap. 6.

Ἀλκιππῇ δὲ τέπητα φέρον μαλακοῖο ἐρίοιο.

*Alcippe autem tapetem attulit è molli lana,*

qui est versus 4. Odyss. ι 24. Hermas in Pastore visione 1. *Video contra me cathedram de lanis candidis, sicut nix, factā magnam.* Tam de stragula, quàm de puluino interpretari licet eas candidas lanas. Purpureum instragulum pictum Pers. Regis solio impositum refert idem Athenæus lib. 12. cap. 2. ποικίλον ἱμάτιον πορφυρῶν. Vide & in pompa Ptolemæi Philadelphi lib. 5. cap. 5. ex Callixeno Rhodio.

Atque his tandem sedibus suo instratis, atque exornatis operimento, vltimum quoddam, ac supremum velamentum super inductum quandoque nouimus; ostenduntque antiqui lapides, principum præsertim virorum cathedris, aut thronis. Vnicam sit satis tibi prompsisse sub n. 42. sedem elegantissimi operis, quæ Romæ extat apud Marthæos ad D. Catharinæ. Hinc apud veteres quoque Christianos illæ Pontificum sedes velatæ, ac linteatæ, de quibus nonnihil sup. cap. 20. Sic etiam hodie eorundem Pontificum, & Antistitum, ac Principum sedes iam apparatæ, atque instructæ nouissimo quopiam bombycino velo obtegi solent: non modò ut à puluisculi contactu, profanique

vulgi oculis sint immunes; sed vt ab alijs eo pacto secernantur, & quandam venerationis speciem offundant, opera, & latenti maiestare.

Dum verò insternendis fellis immoramur, non immeritò vllus nos repolcat, quid tandem fuerit *Sellisternium*, & quæ illius apud veteres obseruatio? Quod autem ex ipsâ vocis notatione paret, erit *sellisternium*, sedium aut sellarum stratura, munusque, aut ratio eas insternendi. Glossæ Cyrilli *sellisternium* σελίστερνσις. Sic etiam *lectisternium*, & apud Plautum pseud. 1. 2. *lectisterniator*, qui lectum sternit. Sed ad Festum adeamus, etsi ille parum lucidè, vt sæpè solet. *Solla sternere dicuntur, qui sellisternium habent, &c.* Paul. epitomator, *Solia sternere dicuntur, qui sollisternium habent*: nullo discrimine, quàm quòd folia legit, & *sollisternium*, non *sellisternium*; sicut alibi diximus, *Seliquastrum, Soliquastrum, & Solliquastrum*. Scaliger ad hunc locum Festi maluit, *Solia, &c. ideoque soliar sternere dicuntur, &c. Soliar* antiquis idem ac folium ex Varrone, atque alijs. Sed quidnam illud est, aut cuius est tandem habere *sellisternium*? Non omnibus permissum fuisse solia, aut fellas sternere, monent verba ea superiùs allata è Festo. *Et ideo solia sternere dicuntur, qui sollisternium habent*: quasi e quidem honoris, aut cultus indicio certis personis, non omnibus ius illud permissum fuerit solia insternendi, aut instratis solijs, vel fellis vtendi: quod qui habuerint, ij *sellisternium* habere dicebantur. Opinatur Meurs. ad Plauti Stichum 2. 3. quòd quoniam *solla*, h. e. *sedilia* vnus tantùm capacia è solido ligno, atque adeò pretiosiora fuerint, ideo non omnibus ea habere licuerit: quibus licuisset, ij *sollisternium* habuerint, remittitque ad Festi auctoritatem. Percuperem, vt aliquid amplius me docuerit præ Festi verbis: imò nec verba huius Grammatici eò ducunt; qui non de simplici folio insedendo loquitur, sed de illo insternendo, deque peristromatis, aut solarijs eidem imponendis. Cessat ergo pretij, aut raritatis causa ob ligni soliditatem. Quibus datum fuerit illud ius, vel munus, vel ratio; quoue ritu, aut lege, quo honoris argumento, quibus diebus, aut per quæ officia, actusque rerum solennes, vt Festus tacet (forsitan id temporis nortum) ita ego non audeo nunc definire, ac bona fide verus illud vsurpo N. L. Sed in re obscura liceat tamen diuinare. quod vt mihi cui cui modi contingat, à vestigijs *lectisternij* non abscedo. Scimus *Lectisternium* fuisse sacri genus conuiuij, quod Deorum simulacris parabant: sic



sic lectos insternebant, ut illic procumberent ad epulas. quo placamine Romani utebantur grauioribus Reip. temporibus, ut iram auerterent, Coelitumque opem exorarent. Sæpè meminit Liuius, alijque veteres, quos profert eximius adnotator ad Alex. Neap. 5. 27. diæ. gen. Turnebum adde aduers. 30. 32. Guther. de vet. I. Pont. 3. 9. Adi præcipuè Seruium ad 3. Georg. & 12. Aeneid. & passim viri eruditi; Inter quos Casaubonus ad Suet. Cæsarem cap. 76. qui puluina, siue lectisternia Græcis quoque factitata primus sibi videtur obseruasse. Sed & lectisternium dixerunt lectum ipsum instratum, cuius icones in nummis.

Obseruo autem non omnibus Dijs, neque omnibus locis ea lectisternia habita: quod me docet Festus. *Sistere fana*, inquit, *cum in urbe condenda dicitur, significat loca in oppido futurorum fanorum constituere*, quod Antistius Labeo ait in commentario decimo quinto I Pontificij, *fana sistere esse lectisternia certis locis, & Dijs habere*, quæ verba sic accipio, ut duobus modis sit *Fana sistere*: altero cum in oppidis condendis loca statuuntur, decernuntur, definiuntur fanis, quæ illic construenda erunt. Inde apud Tacitum Ann. 4. 37. *Cum D. Aug. sibi, atque urbi Romæ templum apud Pergamum sisti*, &c. & 4. hist. 53. *Templum ejusdem vestigijs sisteretur*, & sæpè alias. Altero modo *Fana sistere* ex Labeone est *Lectisternia certis locis, & Dijs habere*. En igitur eadem formâ, qua superius sellisternium, hîc quoq. Lectisternium haberi dicitur. Epitomator Paulus extulit *Lectisternium certis in fano locis componere*: loca accipiens de partibus eiusdem fani, non de locis vrbis, quod ego magis opinabar. *Fana* itaq. sistit, qui certa statuit, ac decernit fana, vbi supplicationis gratia lectisternia habeantur, siue componantur Numinibus. Ita pariter de sellis dicamus, ut sellisternium habere, sit tellas statuere, aut componere Dijs certis, certisque locis, quod qui facit, is habebit sellisternium: quo pacto & *lectisternium* habere dicetur ille, qui eos lectos instrauerit, etsi eam loquendi formam Festus nobis non expromat. Puto autem eodem dicendi ritu *sellisternium habere*, quo *fascies habere* apud Liuium dicebatur ille Consul, qui suo mense ius dicebat, maiestatemq. Reip. atque honoris fastigium obtinebat. Aut quomodo, *Senatum, Comitia, &c. habere*. Nempe cuiuspiam è magistratibus, aut sacerdotibus ea cura demandata, id munus iniunctum, aut ius tandem permissum sellas, vel sella Dijs sternendi; quod qui præstarent, ij sellisternia habere dicuntur,

siue Festi verbis *solla sternere dicuntur, qui sellisternium habent*. quod certo loco ac tempore factum fuisse credimus, sicuti de lectisternio scribit idem Fest. ex lege .i. & obseruatione, quam ignoro penitus. Quemadmodum verò statuar, ac simulacra Numinum in lectisterniis reclinabantur; nihil prohibet, quin aliquando sellæ ijs, aut solia instrata apparerentur ex præscripto religionis. Sicuti namque suos Romana gens colebat Deos, ebrios, iracundos, libidinosos, morbis & pathematis obnoxios: ita oportebat hominum instar eos nunc sedere, nunc recumbere. Tertullianus disertè mihi fauet lib. 1. ad nationes. *Solisternia*, inquit, & *lectisternia Deis*, &c. etiam ipse solisternij verbo vitur, quod rarò alibi, aut nuspiam reperiās, nisi apud Festum. ecce quomodo tum lecti, tum solia Dijs apparabantur ad conquiescendum. Alterum tibi sisto probatissimum testem Val. Max. 2. 1. *Nam Iouis epulo ipse in lectulum, Iuno, & Minerva in sellas ad cenam inuitantur*. Deūm pater vt senex discumbit; cuius reuerentia sedent filiar. Ritus nota, ac discrimen, & morde laurum. Stragulam manifestè iniectam agnoscere est curuli sellæ in nummo apud Vrsinum in Fam. Furia, quem tibi promo pag. 104. At apud eundem in Pompeia 208. & Valeria 269. nescio quid extat, ac prominet, quod magis puluinar, quàm stragulum arbitrare.

Cæterum viris quoque principibus, ciuibusq. egregiè de republica meritis sellas, aut solia apparatus instrata fuisse honoris gratia, certo loco, aut tempore, vt illic dum viuerent, vel vita functi, & absentes in suis imaginibus conquiescerent, nil inducor opinari. quod quoniam extra ordinem, publicæ auctoritate tribui potuit; idè habere eos solisterniū quis nō autumat, quibus permissum id fuerit, soliumq. sternere ijdem dicantur? De hoc autem adornandæ sedis more, vbi simulacra principum ponerentur imitatione solisternij Deorum, affero tibi auctorem Tacit. lib. 15. ann. 29. *Medio Tribunal sedem curulem, & sedes effigiem Neronis sustinebat*. Ad quam progressus Tiridates cæsis ex more victimis sublarum capite diadema pedibus subiecit. De eadem re Dio in eclog. *ἀλλὰ καὶ ἔζηα ὁ φηλὸν ἡγάρεθι. καὶ ἰπ' αὐτῇ εἰσόντες τῇ Νέρωνος ἐσάθησαν*. Sed solium altum erectum fuit, ibiq. imagines Neronis statuta. profert Lipsius monetq. tale suggestum fuisse etiam Romæ in castris Prætorijs ex eodem Tacito 1. hist. Plinius paneg. de Domitiano. *Iam dudum illi radiatum caput, & media inter Deos sedes*. Confimile quid de imaginibus Marcelli scribit idem



Dio lib. 52. quòd in sedibus locatæ fuerint mediæ inter Prætores, qui ludos edebant ἐς τὸ μέσον τῶν ἀρχόντων τῶν τελέων. V. Panuin. de lud. Circ. cap. 2. & cap. 16. Aut sollisternium tandem eos habere dicamus, quicunq. honoris ergo, & ob meritorum præstantiam, eo iure, ac potestate gauderent, vt tibi tellæ insternerentur; quomodo etiam hodie differentia notâ in confessibus sunt quibus stragule vestes subijciuntur, sunt qui careant. Est namque sollisternium suo verbo merus ille, pututque sternendi sedem actus, aut facultas. Dicam tandem planius. Sollisternium pro ipsa sede constrata accipi posse; atque adeò tellisternium habet, qui tella vtitur stragulis splendida, quod non omnibus videtur permissum, sicuti de habendis fascibus exposuimus.

Haud aliter Lectisternium pro quocunq. lecto strato acceptum inuenimus. Sidon. Apollinar. epist. 4. 15. *Epulum multiplex, & capacissima lectisternia para.* Isidor. 15. 5. *Lectisternia dicuntur, vbi homines sedere consueuerunt.* Loquitur de lectis, & tamen ad sedendum paratos scribit. Sed, puto, hæc verba hausit ex Seruio 12. Aenei.

————— & diri sacraria Ditis.

qui lectisternia fuisse nos docet, vbi homines solerent in templis sedere. Addenda sunt igitur Isidoro, nisi fallor, verba, *In templis*, quæ sui furtum videntur fecisse. Atque hæc posteriores nostræ coniectationes non penitus abeunt à sententia Meursij superius laudati, qui tellisternia hominum honori tribuit. Sed verius puto inter cærimonias, & religiones Deorum esse habenda.

Vt his sedium ornamentis coronidem tandem imponamus, ne pigeat vltimo loco admonere sedibus ipsis fuisse coronas impositas, siue in ijs collocatas, & ad honorem tum superstitum, tum mortuorum illic statutas. Aureas Ptolemæo Soteri magni ponderis dicatas, ac super sedibus positas, quas per solennem pompam traducebant, refert Athenæus 5. cap. 5. qui & cornua aurea in quibusdam itidem sedibus circumducta coronæ vicem testatur. Cornua, inquam, diadematis instar habebant apud veteres; potentiæ omnino, quin etiam diuinitatis significatione. V. quæ congerit Carol. Paschal. de coron. lib. 10. cap. 4. vbi delicias nimium facit in cornuum laudibus persequendis: suæ autem obseruationi pondus nonnullum adiecisset illustri hoc testimonio Athenæi. Voluisssem quoque, vt in eo erudito commentario non reliquisset indictum, quod nunc leui articulo tangimus de  
coro-

coronis sellarum gestamine. Sellam igitur Cæsaris auream memorat Dio lib. 44. pag. 243. ac super ea gemmis, & auro insignem coronam, qui honor alioquin Dijs tributus ἐξίσου τοῖς τῶν θεῶν inquit Dio. Corn. Nep. in Eumene, *Sellam auream cum sceptro, ac diademate.* Tacit. 2. ann. cap. 83. *Sedes curules Sacerdotum Augustalium locis, superq; eas coronæ quernæ statuerentur.* Lips. ad hunc locum. Præcipuè autem in sellis curulibus hæ coronæ. Icones è nummis protulimus alibi. Adde & argenteum Titi sub n. 7. Nonnunquam rami laurei, aliaue symbola, & ἀνθήματα Heroum, aut Deorum. Sic fulmen Ioui sacrum super Curuli in nummo Cn. Domitij Aenobarbi, quem exhibet Guther. de ver. I. Pont. 3. 9. pag. 289. Sic galea in Palladis, ut opinor, cultum apud Vrsin. in fam. Cestia p. 57. & in Norbana 176. Cornucopiæ, & libra in Licinia 139. Hinc atq. illinc ramus, iaculum, corona, lituus in Cornelia 74. & quod magis notabile, curulis pedes iacentem thyrsus pro solo habent in Valeria 269. eo. s. alulum, quod Val. Messalla Liberalia, siue ludos Bacchi ediderit, cuius numinis inter cætera gestamen thyrsus. Ac morem tandem statuentiarum in sellis coronarum eruditè obseruatum vide ab Ezechie Spanhemio laudara dissertatione de usu, & præstantia veterum nummorum pag. 186. Ac nos sup. cap. 14. pluribus.

## C A P V T XXXII.

Insignia. βασιλικά σύμβολα: *symbola imperantium.* σύμβολα τῶν ἀρχόντων. *Signa.* Vestes σημειώται: clauatæ. Vestis πλατύσημος: Laticlauia. Insignia Magistratus. Ornamenta. Flaminj decursa insignia. Honor ornamentorum. *Iudicaturi sedentes.* Dies sessionum. Actus rerum. Sedere: ius reddere. Præsidere. Præsidatus. *Præsidebant ludis Imp.* Primæ cathedræ. ποιεῖδρία, πρωτοκαθεδρία. *Olympionicis data, ciuibsq; bene meritis, atq; in sua arte præstantibus.* Eadem ad mensas. *Platoni, & Xenophonti lux.* Præcellentissima sedes. Magnifica sedes.

**S** Atis hætenus inspeximus sellas, quibus aliqua honoris, aut excellentiæ insidet significatio, ut earum quodam ceu famulatu Bisellium nostrum illustrius redderetur. Plerasque simul alias, saltim celebriores in veterum scriptis, earumque usum ac rationem

non



non pœnitendo excursu adnotare visum nobis fuit. Sed vereor plurimum, ne quis Lucilianum non occinat, *Mantissa obsonia vincit*. Quare modus tandem adsit: ne forrè verus alia querimonia lectori nostro exprimatur, *sedendo lumbi dolent*. Surgamus igitur à sedibus cæteris, ut ad vnum Bisellium, coniecturasque de illius Honore meditandas progrediamur.

Solenne ipsum sedendi ius, atq. auctoritatem quoddam in se honoris, & dignitatis instar habuisse vñu, rituque omnis æui, tam notum est, quàm frequens, & commune hominibus, ipse actus sedendi. Hinc illæ formulæ, & ciuilia verba, *Sedendi, Præsidentis, Assidendi*, quas in iudicijs, consilijs, imperijs significandis adhibebant. Sed videor non minimum facturum pretium operæ, si id vnum dicendis præstruxero, Insignium, siue Ornamentorum nominibus fuisse honores, ac potestates non rarè expressas, ac demonstratas. Neq. in Romana id politia nouum, aut insolens; neque apud alias gentes. Sic enim clauus, annulus, viris, fasces, gladius, carpentum, sella, &c. pro honoribus, quorum ea sunt splendida ornamenta, ac decora supellex; ac dicemus infra cap. 34. *Insignia* dixere Latini. Liu. lib. 1. *Iura dedit, quæ ita sancta generi hominũ agresti fore ratus, ac si se ipse venerabilem insignibus imperij fecisset*. De Romulo loquitur; egregiè interim monens ab extera illa imagine, & apparatu splendoris trahi animos in obsequium, & ad dignitatis excellentiam cogitandam perducere. Flor. 4.2. *Regni insignia*. βασιλικά σύμβολα Herodiano in Pertinace. Prudentius hymn. 14. Peristephan.

*Fasces, secures, sella, pratexta, toga,  
Lictor, tribunal, & trecenta insignium,  
Quibus tumetis* —————

Sic Græcis, ut Iustian. nou. 24. τὰ τῶ ἀρχῆς παράσημα, *insignia magistratus*, & nou. 25. cap. 6. τὰ σύμβολα τῶ ἀρχόντων, *Symbola Imperantium*. Quandoq. σημεῖα, *Signa*, & *Insignia*; sed speciatim pro Clauo. Vnde σημεῖα, vestes, *clauata*; & vestis πλατύσημος, *Laticlauia*. V. ad Lampridij Alexandrum par ingens enarratorum Casaub. & Salmas. Vlp. l. 1. §. casum D. de postul. *Insignia Magistratus*. Adi Brisson. 3. select. 14. ex quo Gothofr. ad d. l. primam. Aliter *Ornamenta*. Cic. pro Sext. *Indignus ordine equestri, cuius nomen retinet, ornamenta confecit*. Item *Ornamenta dignitatis* orat. pro Marcello, aduertitq. Iacob. Guthier. de off. D. A. 2. 5. Lamprid. in Alex. cap. 48.

Orna-

*Ornamentis imperialibus, & melioribus, quàm ipse utebatur, affectit.* Apud Gruter. Inscript. 372. 7. *Decurionalibus Ornamentis, &, ob Honor. Ornam. Decurion. & 375. 1. Consularibus ornamentis honorato.* Antoninus Pius, *Præfectos suos locupletavit, & ornamentis consularibus donavit; Capitol. in vita. Tacito 13. ann. Ornamenta Consularia, vbi de Asconio Labcone, & Primo Antonio: & 4. hist. Ornamenta Pratoria, vbi de Cornelio Fusco, & Arrio Varo.*

In tantum equidem, vt *Insignium* vocem pro honoribus, & inuicem vsurpam reperiam. Notabilis locus in l. 21. C. Theod. de Decurionibus, *Post Flaminij decursa insignia: h. e. honorem, actum, & ministerium Flaminij, siue Sacerdotij.* Contra τιμὰς ὑπατευτικὰς, & ὑπατευκότων vocat Dio, *Honores Consulares*, lib. 36. & ἐπιwickίης τιμὰς, *triumphales honores* lib. 60. pro eo quòd Latini scriptores *Ornamenta, & insignia Consularia* dixere. Quandoq. simul expressæ voces & Honoris, & ornamenti, Grut. sup. *ob Honor. ornament.* Lamprid. in Commodò cap. 4. *Per Laticlauij honorem.* l. C. l. nuper de donat. inter vir. & vxor. vbi de donatione *Honoris causa*, inquit, *Ut si vxor viro laticlauij petendi gratia donet.* Sic quoq. in epigraphe nostra *Ob Honorem Bisellij*. Iam igitur constat in ipso sedendi actu dignationem, atque auctoritatem inesse. Quare inter ritus iudiciales, vt Iudicaturi sedcant, quod notissimum in religione forensi. Notat quædam Elmenhorst. ad Minucij Octau. pag. 4. Pollet. Fori Romani pag. mihi 36. Neque alio sensu *Dies sessionum* inter pragmaticos, cùm litium, causarumque cognitiones expediuntur, Græcis ἀγοραῖοι hoc est forenses. Demostheni οὗτοι αἱ δίκαι εἰσὶ, cùm iudicia exercentur. Latinis rerum actus. Suet. Aug. 32. & sæpè alibi apud eundem. Plin. 9. epist. 25. Opponitur *ferijs*, aut *Rebus prolatiis*. quæ & *Iustitia*, aut tribunalium silentia, cùm tria verba non licet profari. Disserè l. C. Vlpianus l. 2. §. dies D. quis ordo in bon. poss. *Sessiones erunt nobis computandæ, quibus sedet, &c. & sedere ἀπλῶς pro Ius reddere* l. Diuus de in integr. restit. V. Guther. lib. 2. cap. 16. de off. D. A. Planè igitur sedere δικάζον, & βασιλικόν, vt vocat Io. Chrysost. in psal. 7. h. est iudicij, atque imperij. Adde quæ sup. de Assessoris.

Nihil mirum, si tam ambitiosè expetita, tam auidè accepta, tam consultè decreta sedendi prærogatiua: quo vno, ceu amplissimo premio virtutem satis benè mactatam celebrant, tum qui acciperent, tum qui deferrent, Non abluunt hinc obseruata in Amœnitatibus l.



cap. 28. ab amœnissimi ingenij, politissimæq. literaturæ viro Aegidio Mænagio. Non aliunde Latinis *Præsidis* dignitas, & *Præsidere*, & *Præsidatus*. Gr. *προεδρία*, & *πρωτοπρεδρία*, qualem ἐν συναγωγαῖς Pharisei affectabant, increpante Christo apud D. Mattheum 23. 2. hoc est *Primas Cathedras in Synagogis* ex vulgata versione. Nempe ordine locabantur eę sedes, aut cathedræ, primæque tanquam dignissimæ habitæ. Sic apud Hermam in Past. 2. 12. *Exaltat enim se, & primam cathedram habere vult*. Olympionicis certè, quos diuinis prope honoribus afficiebat Græca adulatio, nihil maius proedria spondit, ac repræsentauit. Adi in Agonist. lib. 2. 27. P. Fabrum, cuius scripta faberrimæ eruditionis officinam reperiēs. Quod, si ipsi quoq. Romani Principes, dum habenas maximi imperij regerent, eandem præsidendi libenter occupabant dignitatem? Neque .n. ij semper præsidebant apud Senatum, vel in spectaculis, aut alibi. V. Guther. 1. 12. de off. D. A. erat autem ea Proedria, aut Præsidatus, cum quis publicis actibus, vel munijs præsidebat, maiestatemque, & auctoritatem præsentia commodabat. tunc igitur dignior loco, & emirentior sedes præsidenti apponebatur. Si quando igitur præsedissent Imperatores, narratur a scribentibus. Suet. Aug. 26. *Cum mane pro ade Capitolini Iouis paullulum curuli sella præsedisset*, & cap. 35. *Ferroque cinctus præsedisse valentissimis Senatorij ordinis amicis sellam suam circumstantibus*. Plinius iun. epist. 2. 11. de Traiano, *Princeps præsidebat, erat .n. Consul*. Suet. Tiber. cap. 6. *Præsedit & Aſtiacis ludis*. de Nerone cap. 12. *Nam perraro præsidere, ceterum accubans primum paruis firaminibus, dein toto podio adoberto spectare consueuerat*. Spartianus *Residere* dixit in Adr. cap. 19. *Multa in Athenienses contulit, & pro Agonothetæ resedit*. Dio. lib. 59. p. 645. ἐν προεδρίας spectare in theatris, ac ludis, quomodo consueuisse Caligulam illic tradit. Tacit. 13. ann. 5. de Agrippina, *escendere suggestum Imperatoris, & præsidere simul parabatur*. Hanc proedriam (vtar hoc verbo) foeminis Augustis ambitam liquet, & vsurpatam. Dio lib. 58. de Messalina *τὴν προεδρίαν, ἣν ἡγ' Ἀντία ἐσχίνας, Proedriam, quam & Liuia habuerat*.

Spectatiorem in sedendo locum ad spectacula etiam apud Romanos ij promeriti, qui ciuicam obtinuissent, de quibus Plin. 16. 4. *Sedendi ius in proximo Senatui*. Neque id Olympionicis tantum apud Græcos traditum; sed ad certaminum aliorum, ludorumue victores ea præcellentia translata: cum qua fermè adiuncta immunitas; sicuti

& de Ciuica donatis idem Plinius. *Vacatio munerum omnium ipsi, patrique, & auo paterno.* Gruter. 419. 11. καὶ προεδρίαν, ἀτέλειαν, &c. & *Proedriam, immunitatem, &c.* & 1159. 11. προεδρία ἐν τοῖς ἀγῶσιν *Proedria in spectaculis.* V. & Selden. *marmor. Arundel.* pag. 42. & 43. vbi ea sedis præcellentia decreta ob ciuis liberalitatem in patriam. Ciuibus namque de rep. benè meritis, insigniue aliqua virtute claris, suaq. in arte summis, eadem dignioris sedis præstantia collata: quod ex Aristophane in *Ranis* 3. 1. colligere est. Hoc namque honore augebant.

Ἀριστεύον οἷτα τῇ ἐαυτῆς σωτέχων, vt loquitur Comicus, hoc est *præstantissimum in sua arte.* quod etsi apud inferos factum iocosè tradit Aristophanes, illuc morem apud Atticos eruit Sam. Petit. ad II. pag. 426. Aliàs hæ sedes ad mensam Homericis temporibus ante vsum discumbendi: atque heroibus in honorem, ac fortitudinis præmium digni in loco statutz. Neq. alio sensu (quantum conijcio) Plato in rep. lib. 4. iuuenes strenuos de Homeri sententia præmijs, atque honoribus esse inflammandos ad virtutem, & gloriam admonuit, ἑδραῖστε καὶ κρέασι, ἡδὲ πλείοις δειπάσειν, *sedibus, & carnibus, & plenis pateris* eos donando. *Sedibus,* hoc est proedria, inter epulas, ac fercula, de quibus illic vnâ loquitur. Sic apud Aristoph. supra non absurdè exponerem eam proedriam inter conuiuia; cum & isti hic iungat σίτησιν ἐν Πρυτανείῳ, *viçtum in Prytæneo.* At cum discumbere cæperunt, ipsi quoque primi discubitus tunc expetiti; quod Pharissæis itidem exprobratum eo loco D. Matthei, quos vocat πρωτοκλισίας ἐν τοῖς δειπνοῖς. Neque aliter Cyrus (de quo Xenophon in *Pædia* lib. 8.) præstantes ciues δώροις, καὶ ἀρχαῖς, καὶ ἑδραῖς, καὶ πάσαις τιμαῖς ἐγέγραπεν, *donis, & magistratibus, & sedibus, & omnibus honoribus exornabat.* iterumque ib. Duces, atque optimates inuitabat, ἀγαθοῖς ἔργοις προβλέψαι εἰς τιμωτάτῳ ἑδραν, *vt præclarè gestis ad honestiss. sedem peruenirent.* Vtrobique ἑδραν licebit exponere digniorem sessionem, tum ad mensam, tum alibi. & verò ipsam quoque, qualis est, è materia factam sedem, qua donari honorificum. V. quæ sup. diximus cap. 12. notatque ex Romanorum more Brissonius de formul. lib. 2. adde Ludouicum Aurelian. ad Tacitum. quòd verò τιμωτάτη ἑδρα est Xenophonti, si pro fastigio honoris, aut dignitatis accipias, planè compar quæ in l. 5. C. de aquæduct. *Præcellentissima sedes P. Prætorio* dicitur; alibi *Magnifica sedes.* l. 3. C. Vbi Senatores, vel Cla-



ac sæpè in constitutionibus Imperatores suam *sedem* amplissimam, cellissimam, &c. magno cum tumore apparatuq. verborum solent appellare. Quando igitur tum sellæ ipsæ pro vario illarum genere (quod superius demonstrauiamus) tum sedendi ius, vt nuper dicebamus, quandam aut præstantiæ, aut dignatis tesseram nobis repræsentant; noster quoq. lapis haud immerito *Honorem* cum *Bisellio* copulat. Sed huic honoris appellationi quid propriè subit, magis partitè nunc perquiramus.

## CAPUT XXXIII.

Honor. Honorati: qui in magistratu. Honorati, pro duumiris. Homo onorato. Equi honorati. *Sollicitata Propertij lectio*. Ludi Honorarij. Honoraria dedicatio. Honorarius Prætor: aliter exponitur, ac C. A. Ruperto. Cani Honorati, Consul Aquarum, Venale Velum. Honorarij tituli. Honorarij codicilli. *Honores codicillares*. Honos: ornamentum, splendor, existimatio: Inhonoratus: Honor: donum, pretium, merces. Honorarium.

**H**onoris nomen, quatenus in re nostra partes habet, & Bisellio conuenire potest, iam reputemus. Est autem honor idem ac Magistratus, Præfectura, Imperium, publicæ rei administratio. Sciunt qui dentire incipiunt in legali scientia *Ius Honorarium*, ita vocari ab Honore, seu Magistratu; etsi magis propriè Prætura urbana id sibi assumpsit. l. 2. de Orig. l. 1. 7. de Iust. & Iure. Nihil tam dictum, ac peruagatum.

——— *latuit plebeio tectus amictu*

*Omnis Honor.* ———— Lucan. 2.

hoc est qui erant in magistratu. *Si interuenerit honor*. l. 3. D. mandati, & *Honoris causa*. l. nuper de donat. inter vir. & vx. Hinc *Honorati*, qui in Magistratu, ἐν ἀρχῇ, aut ordinis dignitate, vel qui gesserunt honores. Titulus est Cod. lib. xi. de *Honoratorum* vehiculis: quo sensu *Honorati* in l. honorati 1. C. de off. Iud. Ciuil. & *Honoratis viris* l. 3. C. de off. diuers. Iud. Adde Valentiniani nouellam de *Honoratis*. Inscript. Gru. 270. 3. *Honorati & Decuriones*, vbi *Honoratos* accipio pro duumiris, aut alio summate magistratu in municipio; quatenus nimirum diuersi sunt à Decurionibus. Neque enim semper *Honorati*

simpliciter sunt ipsi Decuriones, vt voluit Pancirol. cap. 1. de municip. magistrat. Idem Grut. 330. 3. *Honoratis, & populo*. quod aliter *Plebs urbana, & honore vsq.* 343. 6. 387. 8. 392. 1. 471. 3. *Plebei, & honore vsq.* 487. 8. *Honor. in cur. functus*. 1014. 2. Tandemque *Omnibus Honoribus, &c. functus, & Ob honorem, &c.* quomodo in lapide nostro passim reperies si ad Herculeum Gruteri opus Scaligerianos excurras indices; quos ego totidem appello Atlantes malè tulti alioquin laboris.

*Verbaq; honoratus libera Prator habet.* Ouid. 1. Fast.

*Gessit honorata regia scepra manu.* 3. de Ponto.

Cic. 1. de offic. *Hominis Honorati, & principis*. Horat. 1. epist. 1. *Libet, honoratus, pulcher, &c.* V. plura notantem Iacob. Gothofr. ad Cod. Theod. tit. de offic. iud. Ciuil. 1. honorati 1. Nobis quoque perfamiliaris ea loquendi ratio *Huomo honorato, &c.* Albinouan. ad Liuiam. *Inter honoratos excipiantur auos.* Patercul. lib. 2. de Mecænate, *Casari charus, sed minus honoratus.* Coronas lemniscatas Seneca *Capitis honorati vinculum* appellat. Lamprid. de Seuero in vita cap. 40. *Honoratos quos pauperes verè non per luxuriam, aut simulationem vidit, &c.* iterumq. *Cùm quidam ex honoratis vita sordida, &c.* Non est quod Cataubonus pro Honoratis legat hîc Inhonoratis, quem duplicis erroris meritò arguit Guther. de off. D. A. lib. 1. 14. *Scansilia gradus sunt, ubi honorati in sedibus harent.* Isidor. 20. 11. *Tenias, &c.* ornamentum capitis honorati Fest. Sic, *Pratura honorauit, ac statim Pannonijs imposuit.* Spartian. in Adr. Perinde ac Etruscè vulgò diceremus *Onorato della Pretura, &c.* Quin etiam Tacit. 1. hist. *Pontificatus; auguratusq; honoratis iam senioribus*, ne barbarum putemus. Grut. 586. 6. *Viat. honor. Dec. Cos. & Pr.* quod explices *Viator honoratus Decurie Consularis, & Pratoria.* Grut. 68. 3. *Honoratus in tribu Patrum, & liberum clientium ascensus, &c.* Ipsi equi currum Prætorium ducentes *Honorati* audierunt. V. Scalig. ad Propertij carmen vltimæ vltimum elegiæ.

*Cuius honoratis ossa vehantur equis.*

Et si Passeratius *Aquis* legit, placuitq. Turnebo 23. 7. At equis mauult Pancirol. var. lect. 1. 32. repetitque ad enchirid. Pomponij C. A. Ruper. cap. 11. qui & *Honorarios* ludos exponit Prætorios. Non tamen id semper verum; cùm & in aliorum Magistratuum, Aedilium, Quæstorum auspicijs, ac functionibus, & in ipsis municipijs dati ludi, & usurpatus ille titulus, quo sentu fortasse apud Grut. 100. 5. *Honora-*

*riam*



*riam dedicationem*. Reperio & apud Festum, *Honorarios ludos, quos & liberalia dicebant*. Eidem Ruperto *Honorarius* Prætor apud Ouid. legitur versu, quem sup. apposui 1. Fast. Sed pace summi viri retinendum arbitror *Honoratus*: alioquin Prætorio honori, quem illic asserere conatur Rupertus, potius detraheretur, si *Honorarium* Prætorum mallet; ex consuetudine; namq. Latini Sermonis *Honorarium Consulem, Præfectum, Senatorem, &c.* dixerunt, qui actu, ac ministerio non esset talis, sed in solam speciem, atque impetratis codicillis: qua de re mox dicemus. Capillos, siue Canos Honoratos Ouid. vocauit 10. Metam. v. 9. vbi de Niso.

————— *splendidus ostro*  
*Inter honoratos medio de vertice canos*  
*Crinis inherebat* —————

Prætermitto prudens, quæ Honoris significatu venirent: siue cultus, atque obseruantia in aliquem, ac si ille in honore esset: siue humanitas, ac beneuolentia siue indicium, ac significatio egregiæ de vilo opinionis: & quæ super ea voce affert Non. Marcellus. Vt instituto nostro hæreamus, aliam notionem exequimur, qua *Honorem* non expressè, ac propriè Magistratum, aut publici muneris vsum signamus, sed speciem tantum illius, atque imaginem, velut titulo tenus; vel illinc tandem decus, & ornamentum. Hinc *Honorarij tituli* dignitatum *nullo laborioso administrationis actu*, vt loquitur Imperator l. 187. C. Theod. de Decurion. & *Præfectoria dignitas honoraria* Iuliano in nouel. 70. quo spectant *Honorarij Codicilli*, de quibus est integer tit. C. Theod. Sic Lampridio 11. Alex. cap. 49. *Pontificatus, & quindecim viratus, & Anguratus Codicillares*, quoniam Codicillis deferrebantur. V. Cassiodor. 6. variar. 10. *Muneris exsortes. nomine participes* cum Ausonio dixeris, aut quomodo 2. hist. loquebatur Tacitus. *Honor imperij penes Titianum fratrem, ius, ac potestas penes Proculum Præfectum*. V. Iacob. Guther. de off. D. A. lib. 1. cap. 13. & seqq. vbi de Honorarijs Consulibus, aliisque dignitatibus. Suet. Claud. cap. 1. *exercitus honorarium ei tumultum excitauit*. Nec minus *Honor* pro ornamento, atque existimatione ad laudem Ouid. 1. Fast.

————— *matres carpenta vehabant,*  
*Mox honor eripitur.* —————

Flor. 4. 2. *Omnes in vnum Principem congesti honores, templa, imagines, &c.* Tacit. 2. ann. *Honores, vt quis amore in Germanicum, aut ingenio validus*

*vidus reperti: ut sedes, &c.* Cic. ad Atticum 5. 21. *Nullos honores mihi, nisi verborum decerni sino: Statuas, sana τέθριππα prohibeo.* Grut. 426. 8. *Statuam, & honores, quos cuiq; plurimos, &c.* & passim *Honore accepto, & Honore contentus, &c.* consule indicem: cā .s. qua dicebamus notatione. E' diuerso *Inhonoratus* Suet. Claud. cap. 11. *Ne Marcum quidem Antonium inhonoratum, ac sine grata mentione transmisit.* Quod si inani splendori utilitas accesserit & fructus, multò magis id nomen competere videbatur. Cic. 16. ep. 9. *Curio misi, ut medico honor habeatur, vbi de munusculo.*

*Virginis hoc pretium, atque hunc reddamus honorem.*

*Iucil. apud Non. Cæsar. 2. de bello ciuili 21. Quibusdam ciuitatibus habitis honoribus, &c.* Terent. Eunuch. 5. 7. *Hic pro illo munere tibi honos habitus est.* Cic. pro Roscio, *Quod viris fortibus, &c. honos habitus est, &c.* V. Carolum Langl. otij fenestr. 6. 2. Quod apud D. Matthæum est cap. 15. τιμήσας, & τιμῆ, de dono, ac beneficio explicant, vbi D. Hieronym. 2. comm. *Honor, &c. in elemosynis, ac munerum oblationibus sentiuntur: collatisq; alijs testimonijs sacræ pag. sequitur* Cl. Grotius de I. B. & Pacis lib. 2. cap. 13. n. 7. Ad i & Iuretum ad Symmach. p. 302 Neque aliter apud Consultos *Honorat* testator, qui legat, ac relinquit; & *Honoratus* est hæres. Arnob 5. *Donis siluestribus honorari.* Grut. 1115. 8. *Dono, &c. honorati sunt.* Macrob. 1. 3. lat. *Annulo aureo honoratus, h. e. donatus.*

*Scriptor honoratum si fortè reponit Achillem.*

Horat. epist. ad Pisones. Vlp. l. 1. de postul. *Nisi in arena passi sunt honorari, h. e. dona, & auctoramenta accipere.* Suet. Aug. Nulliq; Græco certamini interfuit, quo non pro merito certantium quemq; honorauerit. cap. 45. *Honorarium*, quod euntibus in Prouinciam Magistratibus; quod item Iudicibus, magistris, &c. dabatur; cuius passim exempla. Contra *Inhonoratus*, qui sine dono.

*Nos inhonorati, & donis patruelibus orbi.*

Ajax apud Ouid. in armorum iudicio. Idemq. 8. Met. n. 280.

*Quaq; inhonorata, non & dicemur inulta.*

Sicuti pro iniuria, *malum honorem* dixit Gell. Plura nos in nostro syntagmate de vniuersa donorum ratione apud Verr. Quod si firmior superaret valetudo, atque otium felicius, Deusq; annuat clementissimus, non curti opus laboris, ad vmbilicum quandoque perducemus, & publicæ lucis periculum.



## CAPUT XXXIV.

*Insigne honoris pro honore ipso. Latus clauus: Senatoria dignitas. Honor laticlaui. Vir Laticlauius. Tribunus Laticlauius. Octau. Ferrarius iterum laudatus. Angustus clauus: Equestris conditio. Tribun. angusticlauius. Aureus annulus Equitum tessera. Olim militibus datus in Rep. Ab Impp. dein impetratus. Censui cum aureo annulo requisitus. Liberti aureo annulo ingenuitati redditi. Natorum honos. Vulgatus aur. annulus, & ingenuitas. Vitis: pro Centurionatu. τιμή, honor appellata.*

**V** Trolibet igitur sensu capiamus *Honorem* in epigraphe nostra, non temerè videbitur accomodari: siue pro ornamento, atque externa dignitatis tessera: siue pro magistratu, ac ministerio publico, quod per Bisellium denotetur. Fèrmè.n. ornamenta, aut insignia honorem arguebant: eorumque descriptione, magistratus ipsos, ordinisue, aut muneris statum indicauerunt. Supra in vniuersum statuimus; vno nunc autem, atque altero exemplo confirmare pronum est, & obuium ex usu Romanæ politix. Quis nescit, *Laticlauij*, aut (quod idem est) Vestis Laticlauiæ gestam en, atque usum Senatoribus Romanis olim datum, tanquam amplissimi ordinis Symbolum? Inde factum, ut tam sæpè pro Senatoria dignitate *Latus-clauus*, siue tunica laticlauiæ dicatur, quoniam insigne erat eius ordinis. Hinc *Honor Laticlauij*. Lamprid. in Commodò cap. 4. *Per honorem Laticlauij*, quomodo in nostro lapide, *Ob Honorem Bisellij. & I.C.* I. nuper de donat. inter vir. & vxor. *Honoris causa, &c. ut Laticlauij petendi, &c. & Laticlauius* nullo adiuncto idem ac Senator. Suet. Ner. 26. à quodam Laticlauiò, cuius vxorem contrectauerat. Sic *Tribunus Laticlauius*, qui ampliore dignitate utebatur. De hac autem tunica, & insigni Senatorio Sigon. lib. 3. de iudic. ex eo, atque alijs concinnator antiquitatum Rosinus lib. 5. cap. 33. Sed qualis fuerit ille clauus, aut ea vestis clauata, à nemine aut melius, aut rurius condisces, quàm à Cl. Octauio Ferrario in Palladia Rep. verè laticlauiò, de re Vest. lib. 3. p. 1. cap. 12. & seqq. Non ignoro variatum aliquando fuisse in hoc more, & quandoque non Senatoribus Senatorium hunc clauum indultum; sed id extra ordinem ab Augusto filijs Senatorum. V. Suet. Aug.

Aug. cap. 38. & ibi Calaubon. Aliud tamen est ornamenta indulgisse : aliud summæ curiæ dignitatem cum actu permisisse . Loquimur interim sub Rom. Rep. ac meliori ævo . Sic aliud *Iustus triumphus* , aliud *triumphalia ornamenta* , ut legimus apud Suet. Aug. cap. 38.

Diversè igitur qui intra equestris ordinis mediocritatem permanerent , neque altius adspirarent , angusti clavi vestem , non tam ampli luminis decore ornata induebant : quod Lamprid. in Alex. Seu. ita expressit , *ut equites Romani à Senatoribus clavi qualitate discernentur* ; eius nempe angusticlavix tunicæ vocabulo eum ordinem , statumque civilem innuebant . Patercul. 2. de Mecænate , *minus honoratus* , (en honoris mentio) *quippe vixit angusto clavo penè contentus* . Suet. de patre suo in vita Othonis cap. 10. *Tertia decima legionis Tribunus angusticlavus* . Pro angusto clavo , arctum appellavit Papin. 6. Sylu.

*Contentus arcto iumine purpura .*

Ouid. — — *clavi mensura coacta est .*

Adi eundem Ferrar. cap. 14. 16. Lamprid. sup. *clavi qualitate* , h. est quantitate , quod Calaub. notat , ut ὁμοιος pro ἴσος Veteribus .

Consimile quid de aureo annulo afferre quem iuuet : quod equestris indem ordinis Symbolum fuit , & character . Nec rarò proinde meminerunt scribentes , tanquam si equestrem civilitatem demonstrarent . Mart. 8. 5.

*Dum donas Macer annulos amicis ,*

*Desisti Macer annulos habere .*

Acuto farcalmo Macrum pungit vates ; dum .n. Macer inconsultè donans patrimonio excutitur , desinit annulos habere ; aureos .i. & centum equestrem . Neque aliter Iuvenal. sat. 11.

— — *digito mendicat Pollio nudo .*

equitem Romanum , sed prodigum , & fortunæ equestris liguritorem notat . Suet. Galba 10. *Equestris ordinis iuvenes , qui manente annulorum aureorum usu evocati appellarentur* . Macrob. 1. sat. 3. *Laberius in fac iudicem aureo annulo honoratus à Cæsare* ; hoc est censu , & ordine equestris : & lib. 3. cap. 14. vbi de Roscio , de quo etiam Plin. 33. 2. Sed obuia sunt hæc cuiq. , & vulgaris notæ mercimonia . V. tit. D. & C. de Lam. aureor. & ibi interpretes , inter quos Gothofredum . Adde Franciscum Amayam plenè alios laudantem ad tit. Cod. si seru. aut libert. n. 47. ad deinceps . Nouissimè Kirchner an. de ann. cap. 16. & 17.



Sed quamvis extra oleas sim facturus, permittat mihi lector, ut hisce aureis annulis *τηροῖδων* insculpam, quod aliorum fortè oculos aut fefellit, aut fugit; dum tam securè opinantur hoc ius, siue vltum aurei annuli purum putum esse indicium, & characterem equestris ordinis. Imò namq. si rectè perpendimus, quoties de hoc iure annulorum indulto legimus in libris veterum Prudentum, ingenuitatem, aut veriùs imaginem ingenuitatis reperiemus collatam potius, quàm equestrem ordinem, aut dignitatem. Facile cuius patebit, qui vtrumq. euoluerit titulum tam Digestorum, quàm Codicis de I. aureor. ann. Solis .f. libertis donatum fuit illud ius aurei gestaminis, cuius splendore impressam discuterent notam libertinæ obscuritatis, fierentque honorum capaces nullo metu legis Viselliæ. Et quidem si de ijs quærimus, quibus narrant historiæ id facultatis collatum, plerosq. omnes è libertino genere deprehendemus. Intellego autem quatenus de eo iure Constitutiones Ciuiles loquuntur. Alijs namque temporibus alia fuit gestandi annuli ratio. Et quidem ante Augusti æuum ob militarem præcipuè virtutem id præmium collatum, ut de Herennio Gallione, quem Balbus quæstor donauit, constat ex epistola Pollionis ad Cic. inter Ciceronianas 10. 3. A Magistratibus namque indulgebatur, quomodo Sylla dictator Roscium honorauit teste Macrobi. 3. Saturn. cap. 14. Postea sub Augusto, & infra ab Imperatoribus impetrandum erat illud ius. Num in militia, an in vrbe annulis vsi fuerint equites, & quo æuo id vsurpatum expendit Kirchmann. cap. 15. de ann. Cæterùm qui milites in bello olim donati fuerint tradit Tullius 3. Verr. V. & Lamprid. in Alex. Sev. sub quo milites accipiunt: sed alio sensu, ac respectu, ac in titulis legum Ciuilium, quantum existimo. quo iure inspecto, exempla si percurrimus, occurrent omnes libertini. De Asiatico liberto Suet. in Vitellio cap. 12. De Icelo idem in Galba 14. De Antonio Musa Dio. 53. Zonara 11. De Mena ibid. Dio. De Etrusco Statius 3. Sylu. in Lacrymis Etrusci. De Pallante Plin. 8. 5. epist. De Macrino Capitolin. in vita Opilij Macrini cap. 4. ut multos omittam alios.

Vtroque autem pollice adprobo quod doctissimus idem Sigonius monuit, non statim aurei annuli beneficio in equestrem ordinem fuisse transcriptos qui acceperint, nisi etiam census, aut fortunarum præscriptus modulus accessisset; quod à Tiberio institutum, ne tam facile vulgaretur ille decor equestris. Indulserat namq. Aug. quibus

*ipsis, parentibusque equester census unquam fuisset.* Suet. c. 40. Aug. V. Kirchman. d. cap. 16. Neque illud negarim in allatis nuper exemplis plurimum cum aureis annulis fuisse collatam medijs ordinis dignitatem. Sed præcipuus ille finis, quem spectarunt, erat reddendæ ingenuitatis, eradendæque cicatricis, si quam vulnus seruitutis, ut manumissione sanata, reliquisset. Quare arridet apud Papinium legere Syll. 3. de laudibus Etrusci.

*Mutauitque genus, leuæque ignobile ferrum  
Exiit, & celsò natorum æquauit honore.*

Vbi maluit Salmast. ad Capitolini Macrinum cap. 4. *Celsè natorum*; mirificè sibi placens, quòd *celsè natos* sagaci coniectura equites esse indicauerit. Præstat, inquam, per ea, quæ nuper monebamus, vulgaram lectionem tueri: quoniam præcipuum, ac maximum beneficium ex Annulis, atque *Honos celsus*, summæque appetendus ille erat, *Natorum* communi conditione (quali .i. omnes naturâ nascuntur) & ingenuitate donare; quod & aliter *Natalibus restituere* dixerunt. Quam lectionem, atque interpretationem idem Amaya tuetur, nostroque huic simul fauet adnotationis excursui. Et quidem vel inuito Tiberio adedò increbuit deinceps, an potius euiluit illud ius, ut vulgò cum manumissione aurei quoque annuli honor ambiretur. quò respexit Tertull. cap. 57. de Resurrectione, ubi de manumissione loquens, *Vestis albæ nitore, & aurei annuli honore, & patroni nomine, ac tribu, mensaq; honoratur.* Atqui Tertull. iura Rom. non ignorauit; siquidem inter veteres Consultos nomen signauit, quorum responsa celebrantur in legum voluminibus. Sed quæ diximus, suis sunt moribus, temporibusque Romanis aptanda. Neque .n. omni æuo in illa Repub. aut imperio, vsus, atque honor annuli aurei, tessera fuit equestris ordinis; neq. solum istius. Sicuti & nouella Iustiniani 78. cap. 1. & 2. omnis solennitas ingenuitatis tradendæ per hoc ius aurei annuli submouetur, omnisque labor impetrandi remittitur, quoniam cum sola manumissione plenum ingenuitatis beneficium, Romanæque ciuitatis integra honestas intelligitur accessisse. Consulantur qui sup. ne præter rem nimium lubricâ excurram rotâ.

Possẽm hîc interiungere, & vltiori Symbolorum examine abstinere: sed *Vitis* sub manum adnascitur, quam piget deferere, ac sine vlla, vel tenui ridicula adnotamenti fulcire. Scio quod multi dicere occuparunt, ac plena sunt triuia philologorum. Lipsium consule de  
Milit.



Milit. Rom. 1. 8. & 2. 8. & 5. 18. Promotibi lapidem Gruter. 522. 6. Augustæ Taurinor. & *mibi vitem dederit*, &c. *Vitem*, h. e. Centurionatum, cuius ea Symbolum, insigne, aut gestamen: expressè autem Eusebio vitis, *Honor* appellatur lib. 7. τιμή τις ἐστὶ παρὰ Ῥωμαίοις τὸ κλῆμα. *Honor* quidam est vitis apud Romanos: & τὸς τυχεύοντας φασὶν ἐκαστοντάρχεις γίνεσθαι, quam qui impetrarint aiunt Centuriones fieri, vt distinctè hunc locum Salmas. legit ad Spartiani Adrian. cap. 10. nec afferre compesco: nulli, inquit, *Vitem*, nisi robusto, ac bonæ famæ dedit: vbi eruditè Casaub. notat *Vite* potius Designatum Centurionem renunciari, quàm illicò fieri. Vt, vt aliquando vera ea animaduersio; non perpetuò mihi talis. Adi & Salmasium ib. qui suam dulciter icalpit pruriginem illic Casaubonum perstringendi. Nempe viteam manu ferebant virgam Centuriones, militaris insignie regiminis, quomodo etiam hodie cannam, aut bacillum teretem. Hinc sæpe in monumentis eæ vites insculptæ, indicium centurionatus, quem defunctus gesserit. Nota hæc, & multoties recocta.

Nostras ne linquamus sedes, aut longius euagemur aliena petitori subsidia. Hæreamus sessioni, tanquam honoris symbolo, aut argumento. Aequè illud vulgatum est confessu stetit equites: atque hoc vno iure *sedendi in quatuordecim* impetrato plebeios alioquin ac de vili popello in equestrem ordinem fuisse transcriptos; modò illis integra fama, ac legitimus census perseverasset: non turpi iudicio forent damnari: non cessione bonorum se maculauerint, quâ honorum insignia, atq. usus amittebantur. V. Kirchmann. d. cap. 16. Scipionemq. Gentilem ab eo laudatum. Non rarò igitur equestris loci splendorem innuerunt scribentes hac vna metonymia, aut periphrasi *sedendi in quatuordecim*, h. e. supra Orchestram Senatorum, & infra cuneos populares proximam sedium partem per quatuordecim gradus occupandi. V. Lips. de Amphith. cap. 12. & seqq. Bulengerus verò etiam in Circo, non tantùm in theatro id seruatum equitibus censet lib. de Circo cap. 33. ac deinceps, quem videat, & allata expendat momenta rationum, cui placet: nempe lege Roscij Orthonis Tr. Pl. Anno V. C. 687. discrimen id *sedendi* statutum ad honestatem equestris ordinis augendam.

*Sedilibusque magnus in primis eques*

*Othone contempto sedet.* Flacc. epod. 4.

Iuuenal. sat. 9.

*Sic libitum vano, qui nos distinxit Othoni.*

& sat. 3.

———— De puluino surgat equestri.

*Cui res legi non sufficit.* Plin. 7. 30. *Roscio theatralis auctori legis igno-  
nerant, notatasque tribus se discrimine sedis aequo animo tulerunt.* Om-  
nino conlulendus Tullius in ea pro L. Muræna. sed legem Otho-  
nis sensim derectatam, aut fugientem Domitianus Princeps reuoca-  
uit, de quo Martial. 5. epigr. 8. & ibi locupletis, Rader. Atque in  
vniuersum de hoc equitum honore P. Faber Semestr. 2. 6. Dempster.  
ad Rosin. 5. 10. Lipsius, & Buleng. qui sup.

Quare nudo nomine *Quatuordecim* significarunt equestrem ordi-  
nem: ut admirari desinamus, si solo *Bisellij* aliqua dignitas, atque  
honor colligatur. Sen. 3. de ben. 9. *In quatuordecim deduxisse, &  
epist. 44. Multis quatuordecim clausi.* Aulon. Lud. Sap. in Cleobulo.  
*Gradibus propinquus in quatuordecim sedes.*


Iuuenal. sat. 14.

*Bis septem ordines.*

Martial. 5. 27.

*Bis septena tibi non sunt subsellia tanti.*

Adde Macrobius Saturn. 2. 3. Suet. Cæs. 39. & Aug. 40. *ἐλλειπτικῶς*  
vsurpatum, ut suppleantur, Gradus, subsellia, ordines, scamna, &c.  
Vno nomine *equestria* dixere. Sen. 4. de ben. 12. *Non mentiar, si di-  
cam me habere in equestribus locum.* sic petulans foemina apud Petron.  
turpiculo sensu gloriatur, se nonnisi *in equestribus sedere.* Aded au-  
tem hic fructus iucunditatis, dignitatisq. splendor sedendi in *Qua-  
tuordecim* custoditus, ne contactu plebeio inquinati, aut turba pressi  
forent equites. ut si quis non eques temerè illic se infuderit, cum  
ignominia à *Designatoribus* (Gr. ἀποδαντὰς vocant) eiiceretur; aut  
contra iniuriarum ageret eques iniustè excitatus, aut depulsus. V.  
Martial. 5. epigr. 8. de Phaside, & 5. 28. ibique Herald. Quintil. 3. 6.  
*Si accusabitur lege theatrali, depulsio erit rei; si excitatus fuerit de specta-  
culis, & ager iniuriarum, depulsio erit accusatoris.*





## CAPVT XXXV.

*Honor Bisellij alibi memoratus in lapide Sueffano, si pro Honorem bis illi, &c. legatur Honorem biselli. E in I versa sape in Vett. Inscriptionibus. Bisellarius: non tam artifex biselliorum, quàm bisellio honoratus. Biselliaris. Biselliaris Quinquennialitius: veluti censor municipalis. Bisellarius Augustalis.*

**Q**Vando igitur in ipso sedendi actu nescio quid honorificum sedisse, infinitè, atque in vniuersum cognouimus; per partem quoque, ac speciatim explorauimus; atque ipsis tandem Symbolis, insignibus, ornamentis, eorumue nominibus, honores sæpè demonstratos, dignitatique, ac præstantiæ mensuram, ac modum definitum intelleximus: fraudi ne sit, si ex solo *Bisellio* honor aliquis exculpatur, quem sculptum legimus in marmorea nostra inscriptione. Eâ quidem vnicâ, vbi eiusce honoris illata mentio, quantum hætenus in veteribus monumentis, aut libris compertum est. Sed verò discutiendus est hic error, & pedum via monstranda; nisi penitus me fefellerunt vestigia, ac semitæ, quæ adhuc comparent in vetustis marmoribus. Antequam ergo coniecturas pericliter de Honore Bisellij, quinam ille esse potuerit, admono etiam alibi in tabulis lapideis fuisse memoratum: modò leuiter corrigamus voculam, quam nobis obtrusit, aut menda fabri, qui sculpsit; aut exscriptoris incuria, qui reddidit; aut fatum lapidis, qui in suis apiculis, ac lineis detrimenta ætatis excepit. Patiatur interim lector, vt totam inscriptionem apponamus inter editas à Grutero, vbi (nisi aberro penitus) Honor Biselli, quomodo in nostro lapide legendus est. Eius particulas aliquot exponere simul lubet, simul expedit, vt muræ lucis commercia inuicem sibi commodent. Ea est 475. 3. & Sueflæ visebatur in Campania inter duas portas. E Smetij, & Antonij Augustini Schedis Gruterus collegit, ac produxit.

*C. Titio*

*Chresimo Augusto. LI.*

*Huic Ordo Decurionum*

*Quod pro salute, & indulgentia Imperat.*

*Antonini Pij Felicis Aug. & ex voluntate populi*

*Mu*

*Munus familiae gladiatoriae ex pecunia sua  
 Diem priuatum secundum dignitatem coloniae  
 Ediderit Honorem bis illi quo quis optimo exemplo  
 In colonia Sueffa habuit & ut aquae digitus  
 In domo eius fluere commodisque publicis ac si  
 Decurio frueretur & Titio Chresimo filio eius  
 Ob merita patris honorem Decurionatus  
 Gratuitum decreuit Ordo Decurionum  
 Et Augustalium & plebs vniuersa.*

In hoc lapide Honorem bis illi, quo quis, &c. prorsus esse nostrum. Pisanum, Honorem Biselli, tam simile verò est, quàm ouum ouo. quòd si criticum ritè adhibeamus cribrum, equidem non stultè diuinasse videbimur. Sed quicquid sit in causa, cur *Bis illi* pro *Biselli* compareat, pràter superius allatas, possumus etiam vitio, aut consuetudini scribentium tribuere. Facilis, & obuia ea migratio tñ E in I, atq. in lapidibus pràsertim; sed veteres utroque modo vsurparunt in vocibus *Spiculator*, & *Speculator*, *Siliquastrum*, & *Seliquastrum*, atque alijs id genus: notatque ad Arnobium, necnon in suis aduersarijs philologorum emunctis. Desiderius Herald. In marmoribus quoque *Mancips*, *Sinilis*, *Simpronia*. 222. 10. pro *Manceps*, *Senilis*, *Sempronia*. & 551. 8. *Equis* pro *Eques*. In glossis pariter, ac vetustis Mss. obseruare est; nec desijt admonere toties laudatus Reines. epist. 35. pag. 262. Addo tabulas Pisanas in eo decreto, quod Caium spectat *Pitilius*, & *Petilius*, *Nine*, pro *Neue*. Vocalem retinent secundam, nullo commutatu duo alteri lapideis apud eundem Gruter. in *Biselliario*. Primus est Atellanus 1099. 2. quem adscribo integrum, ne expertem obseruationis relinquam.

*Cn. Plaetorio VI Viro*

*Augustali*

*Biselliario*

*Honorato ornamentis*

*Decurional.*

*Populus Abellinus*

*Aaere collato quod*

*auxerit ex suo ad*

*Annonariam pecuniam*

*H S X N & vela in theatro*

*Cum*



*Cum omni ornatu*

*Sumptu suo dederit*

*L. D. D. D.*

Secundus comminutus, & truncus Romæ in pavimento Basil. Lateranens. 1103. 6.

..... & Portens. q. q. immque

*Biselliari* .....

Scaligerianus index in Gruterum *Biselliarios* reponit inter artifices; nempe (intellexit) qui bisellia fabricarent, aut compingerent. Sed viro magno haud notus erat *Honor Biselli*, quem Pilana inscriptio è latebris educit; Sueffana, quam attulimus, indicare poterat attendenti. Fuerint ergo Biselliarij, qui bisellia, siue sedes duorum capaces finxerint. Nemo id mihi contendat plurimos saltem fuisse, qui eam artem factitarint, quando etiam hodie illorum haud semel in lapidibus mentio deprehenditur. Innumeras quoque alias inscriptiones ætas contriuit, ac sepeliit, in quibus fortasse aderat vlla eorundem commemoratio. Tandemque non omnes ij fabri biselliorum, titulum sepulcri sibi condiderunt: aut si qui fecerunt, non omnes tamen, hanc suæ professionis inscriptam memoriam voluere: quo pacto nullius non sæculi fecere, atque hodie faciunt, qui suis notitiam cineribus prospiciunt. Si biselliariæ igitur artis meminerunt lapides (et si vnus Bisellij meminerit Varro) argumento est non infrequentem fuisse vsum Bisellij, siue inter domestica, ac priuata instrumenta; siue ad insigne, & ornamentum honoris. Sed spondere audeo vel quouis periculo, *Biselliarium* non tam artificem esse potuisse, quam qui *Honore biselli* vel perfungatur, vel functus fuerit. Inquit lapis Atellanus, *Cn. Plaetorio Viro Augustali*. En honor Sexuiratus, siue Augustalitatis, h. e. Sacerdotij municipalis, vt infra dicemus. Dein *Biselliario. ἀρχία* videtur, & ineptitudo post honorem sacrum, quem Plaetorius gerebat, Sellulariæ, ac vilis artis opificem demonstrare. Crescit absurditas, dum sequitur, *Honorato ornamentis Decurionalibus*. Egregia mehercle tessellari operis ratio; hinc Augustalitatis flaminium; illinc Decurionalium ornamentorum dignitas; medio autem loco sedium ars effectrix, & quæstus dolabræ. Ergo sicuti Prætorius, Triumphalis, Censorius, Consularis, Duumviralis, &c. imò verò quomodo ab ipsis ornamentis petita appellatione, *Laticlavius*, & *Vir Laticlavius*; & *Honor*, aut *Magistratus Curulis*, de quo alibi diximus; ita

*Bisel-*

*Biselliarius* (mea opinione) qui honorem *bisellij* tenuit, aut tenet: ac fortè utroque modo dixerunt, *Biselliarem* ut in lapide Romano, & *Biselliarium*; sicuti *Consularem*, & *Consularium*. Quò ad alterum Lateranense marmor 1103. 6. promptius est mutire in tam mutilo teste, ac penè elingui, ubi vix tria verba supersunt. Illic autem potuit tam de artifice, quàm de honore haberi mentio. Sed ex tamen literæ veteri ductu *q* *imque* (pro *quinque*) *Biselliari* toties honorem *Bisellij* initum demonstrare possunt; aut *quinque* . . . h. e. *quinquennialitium Biselliarem*. Simpliciter autem *Quinquennialitius*, quidam veluti Censor municipalis habebatur; etsi alij de Duumuiris *Quinquennialitijs* exponant, qui per quinquennium duumviralem potestatem obtineant ex usu municipij. Fateor autem (ne videar in suscepta causa præuaricari) quandoque cum honoribus coniunctam fuisse artis professionem in lapidum memorijs, ut apud Grut. 1067. 8. ubi pariter de Augustali, qui Vestiaris tenuarius fuerat. atque in Traguriano Petronij fragmento *Habinna seuir est* (Augustalis) *idemq; lapidarius, &c.* Sed non par tamen verborum series, aut aliorum complexio honorum, sicuti in Atellano lapide. In quo tandem neque *ἀπὸ θάνατο* mihi, neque alijs videbitur, si *Biselliarium* coniunctum capiamus cum *τῷ Augustali*: quasi ille Plaetorius fuerit sexuir Austustalis è numero *Biselliariorum*: nempe ex altiori ordine, aut gradu; vel cui saltem tributum sit vnà ius, & *Honor bisellij*, dum Augustalitate fungeretur: quod magis suadebitur, cum de ipso *Bisellij Honore* iam iam commentabor. Adigamus ergo equum *πρὸς νόμας*, atque inuestigemus, quod genus, vel ornamenti, vel dignitatis, vel excellentiæ in nostro *Bisellio* delituerit. Excutiendus tandem, excitandusq; est ab hoc sedili arcanus honor, sessilisq; amplitudinis inauditum decus.





## CAPVT XXXVI.

*Quid Honor Bisellij tandem inquiritur septenâ coniecturâ. Sella absentibus ac defunctis, vna, pluresue posita. Hinc prima opinatio de Honore Bisellij. Plures sella, aut multoties sedisse, toties gesti honoris indicium: secunda coniectura. Iteratio honoris. II Vir iter. Aed. II Vir bis. Augustalis VI Vir iterum. Bis flamen. Bis Neocorus. δὲ νεώροτος. Bisellium si forte pro Duumviratu: Tertia. An duplex, ac diuersus gestus Magistratus! Quarta.*

**I**terum cum ignaris iuxtâ me scire fateor, quid sit Honor Bisellij: sed quærere, periclitari, ac πορβάλλειν non recuso.

Prima ea sit suspicio, quæ primò, & statim obrepfit, vbi primum incurrit in oculos. *Honor Bisellij* nunquam antehac à me auditus, aut lectus. Memineram me apud veteres adnotasse honoris causa publicè sellas alicui decretas fuisse in ludis, aut theatris, in foro, curia, &c. Indicium id virtutis, ac meriti in Remp. Tacit. 2. ann. de Germanico, *Honores, ut quis amore in Germanicum, aut ingenio validus reperti, decretique, &c. ut sedes curules Sacerdotum Augustalium locis, superque eam corona quernæa statuerentur; en Honores, en Sedes; neque vna tantum, sed pluratiuo numero. Sellæ curulis in Circo locus datus est Valerio Dictatoris, posterisque eius honoris causa, &c.* Fest. in Sellæ Curules, quomodo eum explet Vrsin. Hic pariter *Honoris causa*, qui honor posteris omnibus Valerij Dictatoris seruatus. Salust. bell. Iugurth. *Honorem* simpliciter vocat, vbi de sellæ collocatione loquitur, quam petebat Gaudas Masinissæ nepos. alibi attulimus cap. 17. De Marcello Dio lib. 53. τῷ Μαρκελλῷ δίδρον ἀρχικὸν ἐς τὸ θέατρον, &c. εἰσφέρεισθαι. *Marcello sedem curulem in theatrum, &c. inferri*: quod ad honorem itidem narrat. Rubrio Pollioni Claudius extra ordinem concessit εἰκόνα, καὶ ἔδραν *Imaginem, & Sellam* in Senatu. Idem Dio lib. 60. p. 680. hoc ipsum ab Augusto decretum cuidam Valerio Liguri subdens. De Augusta, cui posita sedes inter Vestales Tacit. 4. cap. 16. De Subsellio Tribunitio, item de sella curuli, quæ deinde aurea Cæsari statuta, Dio lib. 42. & 44. Appian. lib. 3. bell. Ciu. ac supra nos cap. 12. & cap. 14. vbi fusiùs exempla produximus. Septimius Seuerus inter cætera honestamenta, quibus memoriam Pertin-

nacis augeret, decerni illi iussit *Θρόνους τρεῖς καταχρύσας Sellas quoque tres inauratas*. Herodian. lib. 4. Potuit ergo Ciuitas Pisana, aut Decuriones Largennio Chresimo sedem publicè statuisse honoris causà. Vocat autem lapis Bisellium, siue vt duplicem sellam, siue vt ampliorem, ac digniorem demonstret (V. quæ nos sup. cap. 9.) qualem fortalsè tunc appellabant, atque vsui habebant.

Sed ad secundam accedamus enarrationem, cui hæc ipsa primo alata loco parumper lenocinatur. Aurem igitur mihi vellent altera animaduersio, quòd Chresimus noster semel, atque iterum in colonia Pisana magistratum gesserit. Hunc autem significare placuit nomine *Biselli*, quod bis sella vsus fuerit: nos diceremus *Riseder duæ volte*. en quomodo Plinius de Coruino loquens, quem toties maioribus magistratibus vsus fuisse narrat, sedendi numero honorem descripsit. lib. 7. 48. *Idem sella curuli semel, & viciis sedit, quoties nemo*. Liuius lib. 9. *Notati septem, nemo tamen, qui sella curuli sedisset*. Haud aliter tres sellas Pertinaci positas ex Herodiano diximus, quod ita factum opinor, vt gestus bis consulatus, ac tandem Imperatoria dignitas innueretur. De Gemino Consulatu testatur lapis Gruter. 56. 4. vbi *Iter. Cos.* etsi in fastis semel legatur. Nolim spectari hic triplex *Θρόνς*, siue sedis genus: primam Minerualem, ac professoriam, quoniam publicè docuit inter Grammaticos: secundam Consularem: tertiam Imperatoriam. quid est .n. quòd vmbratici hominis ferulam, vel consularium fascium, vel imperatorij sceptri contubernalem faciamus? Quòd bis sella vsus fuit Chresimus, iterum scilicet magistratum obtinuerit, grati subinde, ac memoris animi testimonio dedit Reip. Pisanae L M HS, vt in fine lapidis narratur. Neque enim tam facilè iterabatur ille honos; nec solebant Decuriones suo decreto, ac voluntate bis in eundem conferre, quin egregiam simul de quoquam ciue opinionem proderent. Nihil vt mirum, si Chresimus largitione prosequatur Pisanos; ac toties in vetustis lapidibus iterati honoris mentio legatur, quasi illustre ad memoriam, dignumque posterorum notitia testimoniū. *Iteratio honoris* vocatur Grut. 252. 9. & *II Vir iter.* ib. & *Aed. II Vir bis* 1080. 2. Sic, *Augustalis VI Vir iterum* 492. 2. *Bis flaminem* 325. 17. *Iterum flaminem* 489. 10. & *δ'is νεοκόρου Bis Neocorum* in marmore Ancyr. De Neocoro Casaub. ibid. Samuel Petit. 4. var. cap. vlt. Selden. ad Arundel. marm. p. 166. seqq. Et *bis. hon. in curia functus* 26. 10. vbi non nimium erit audax, si cui allubescat exponere, *Bisellij Honore in Curia functus*.

Veli-



Velitemur tertio, & coniecturali telo colligamus ad scopum: de attingendo non cogitamus, nec tantum perfidimus. *Honor Bisellij* fortè idem ac Duumviratus, qui summus erat in Colonijs, ac municipijs. V. quæ sup. cap. 4. simulacrum Consularis in vrbe potestatis. quem quia honorem Chresimus obtinuerat, idè ciuitati Pisanæ nummorum quinquaginta millia dono dedit; vel quia humilioris ille fortunæ, aut sanguinis. Sic alibi, *Ob Honorem duumu.* 62. 6. & *ob Honorem IIViratus*. Sed cur Bisellij nomine hic magistratus expressus? Nempè à numero Duorum, qui summum locum in municipio, aut colonia tenebant: quibus duplex sella, aut duorum capax statuta, vt insigne magistratus, ac potestatis: quam placuit iusta appellatione Bisellium dicere.

Quartò ariolemur. vt Bisellij vocabulo duplex Magistratus innuatur, quem Chresimus gesserit; non eodem iterato, vt in secunda coniectatione subtenimus, sed diuersus; nec refert siue iunctim, siue vnum post alium habuerit. Indissimilis locutio 278. 3. vbi Decurionatus, & Flaminium cum eadem formula *Ob Honorem Dec. & Flam.*

## CAPVT XXXVII.

*Quinta explicatio. Decuriones simulacrum Romani Senatus. Proprius Senatus. Vnde dicti. Senatus de Decurionibus. Curiales. Buleute. Buleuterium. Βουλευτῆς: de municipali Senatore. συγκαλιτικός, de Romano Conscripti: de Pisanis Decurionibus. Seniores: Signori. Iuniores. Iuuenes. Primi curiæ. Primarij curiarum. Principales. Principalitas. Protostasia. Prototypia. Principes Decurionum. Primates. Summates. πρωτοπολίται. Horum maior, minorue numerus. Quinqueprimi. Pentaproti. Pentaprotia. Quinquesummates. Decemprimi. Decaprotia. Icosaprotia. Viginti-primatus. Decemprimi Pisani. Patroni corporis. Priores. Priori. Dissensum à Reinesio. Primus Curia. Maior Decurio. Princeps Colonia Pisanæ. Honor bisellij ornamentum & insigne, non ministerium Decurionatus. Functiones curiæ. Decurio cubiculariorum, Sacri palatij, Pontificum, &c.*

**P**romittamus barbam, & quinto loco veraculum agamus. Cum proximè Duumviratum tentauerimus, experiamur hoc capi-

te Decurionatum; Augustalitati mox iniiciemus manum, si forrè Bissellij honor in vlllo istorum cubauerit. Debemus namq. per vestigia progredi Honorum, aut Magistratum Colonicorum, ac municipium: ac multò id magis, quoniam aliæ Inscriptiones lapidi nostro planè affines, ac geminæ illuc manu nos ducunt, vt infra ostendemus.

Decuriones in suis ciuitatibus quoddam fuisse Romani Senatus simulacrum nemo ignorat, & vt loquitur Iustin. nou. 38. κατὰ τὴν βασιλευσῆος πόλεως μίμησιν, *ad imitationem urbis dominantis*. *Decuriones*; οἱ πολιτευόμενοι Græcis; proprius suæ patriæ Senatus, quomodo appellat Aufon. in Mosella Idyll. 9.

— — — quos curia summos

*Municipum vidit procures, propriumque Senatum.*

Adi Berter. Pithan. diatrib. 1. cap. 10. Samuel Petit. 3. Var. 6. Reinel. epist. 31. pag. 176.

Quòd autem Pomponius nos docet ex quorundam sententia in l. 239. de V. S. Decuriones ita doctos, quòd initio cum colonie ducerentur, consilij publici gratia conscribi solita sit, meritò reprehendit doctiss. Velier. rerum Augustan. lib. 5. p. 94. alioquin tot fuissent Decuriones nonnunquam in vlla colonia, ac ciuitate, quot Roma Senatores nunquam habuisset.

Et vt decimus quisque Senator fieret, aut decurio consilij gratia, (si cæterorum numerum ineamus, qui alijs operibus, atque vsibus necessarijs destinantur) concentui nō adsonaret benè cōstitutæ Reip. Potius à Curia deducamus, vt voluit Isidorus, quare & Curiales appellati, quasi de Curia sint, aut in curiam conueniant. Atqui *Decuriones*, ij qui primùm fuere descripti in Colonias: quæ quoniam *effigies parue*, simulacraque populi Romani fuerunt, vt loquitur Gellius 16. 13. Senatorium nomen affectarunt. Adi summum Cuiacium ad tit. Cod. de Decurion. & Gothofr. ad l. 53. eius tit. ex quo proficit Amaya in Cod. pag. 351. Cic. in Verr. 6. *Senatum Syracusanum* agnouit, & *Amplissimum ordinem* de Puteolanis dixit in ea pro Cœlio. Liuius pariter lib. 27. de duodecim Coloniarum defectione agens. Latin. Pacat. de Naronensibus Colonis *Conspicuos veste niuea Senatores, reuerendos municipali purpura flamines, &c.* Plin. iunior lib. 10. de Bithynis epist. 84. 115. 116. quanquam & Græca *Buleutarum* voce vititur; quomodo & Tullius Verr. 4. *Buleuterium* dixit. Nempè quodam discrimine, & dignitatis maioris reuerentia, municipale Senato-

rem,



rem, Buleutam *βουλευτή*, Romanum *συγκλητικὸν* appellasse videtur Græci scriptores. Adi ad l. 30. D. locati. & l. 17. de excusat. tut. vbi Gothofr. sicuti & *βουλῇ*, *Bule*, municipalis curia, vt à Principis vrbis confessu distingueretur. V. I. Consultos laudatis nuper locis, aliosq., quos profert Langlæus ocij semestris lib. 13. cap. vlt. Corasf. 3. miscell. 6. Quare in l. 33. C. de Decurion. cum exceptione scribitur, *Et sua curiæ (sisc oportet) Senatorem, &c.* In lapidibus sæpe mentio senatus municipalis, vt *S. P. Q. Tiburs.* *S. P. Q. Nolanus.* *S. P. Q. Signinus.* V. Grut. 128. 7. atque indicem percurrere. Sicuti & *S. Con-*  
*sulti* municipalis 101. 1. 167. 9. 168. 1. 11. 11. 194. 6. 419. 5. 444. 8. atque in tabulis Sepulcreti Pisani, eâ quæ de Caio est, *Placere conscrip-*  
*tis, quæ &c. Conscriptorum* nomen sibi tribuunt Pisani Decuriones. Sed & percussæ in Colonijs monetæ solenne illud præferunt *S. C.* etsi de Romano possit etiam exponi, vt sensit Vels. rer. Aug. pag. 116. De nomine autem *Ordinis* vel in Colonijs, vel in Municipijs, Reines. epist. 175. In hoc Senatu municipali fuisse quosdam præstantiores, graduque supra reliquos honestiori manifestum est: quo pacto in Senatu quoque Romano, ad cuius exemplar ambitiosè componebantur. Hinc *Seniores*, Hinc *Iuniores*, & *Iuuenes* sæpe in lapidibus V. Reines. epist. 31. pag. 179. & quidem *Seniorum* nomen etiam hodie seruamus, nobis *Signori*: à senio .i. auctoritatis instrumento: nec aliter *Senatus*, Gr. *γερονσία*. V. Selden. Synedr. lib. 1. cap. 14. E seniorum, aut præstantiorum numero sunt ij, qui *Primi Curiæ*, & *Primary Curiarum*, & *Principales*: ac fortè hi, qui iudicio Principis, non municipum suffragijs in curiam adlecti, de quibus in l. vlt. D. de albo srib. Hinc *Principalitas*, quæ & *Protoſtasia*, & *Prototypia*. V. Guther. 3. 24. de off. D. A. iidem *Principes Decurionum*, & *Decurionum Primi*. In vniuersum quoq. *Summates*, & *Primates Ciuitatum* l. 57. C. de Decurion. alijsque in locis iuris, quæ profert Berter. in ea diatriba. D. Augustin. epist. 44. *Decuriones, & Primates Ciuitatis*. Vopisc. in Aureliano, *Palmyreni qui superfuerant Principes Ciuitatis*. Gloss. *πρωτοπολίτης Princeps*: & *πρωτοπολίται Proceres*. notatque Salmas. Consule, & doctis. Iuretum plenè docentem ad Symmach. lib. 9. epist. 10. Istorum Principalium, quos veluti edecumatos, atque eximios habebant, maior, ac minor numerus, pro amplitudine, opinor, Curiarum, ciuiumque, atq. indigenarum copia, aut penuria. Erat, vbi *Quinque-*  
*primi*: qui & *Quinquesummates* d. l. 57. C. de Decurionibus, seu *Pen-*

*taproti*, atque hinc *Pentaprotia*: vbi *Decemprimi*, *δεκάπρωτοι*, & *Decemprimi Curiales*, & honor ipse *Decaprotia*, cuius meminit l. 1. & l. fin. de mun. & honor. & *Icosaprotia*, seu *Vigintiprimatus* in ead. l. fin. Adi & Cod. Theod. de Decurion. Guther. vt sup. Rein. in epist. p. 179. & 394. In decreto Pisano de Lucij Cæsaris funere, *Data cura C. Canio Saturnino II. V. & Decemprimis*, &c. Sed & aliorum corporum, aut collegiorum *Decemprimi* leguntur in lapidibus, qui & *Patroni Corporis*, quod puto factum imitatione summi confessus, aut consilij in ea ciuitate. *Priores* nonnunquam vocati in ijs corporibus, aut collegijs artificum, vt in l. 7. C. Theod. de pistor. & catabol. & nouell. Theodos. de suar. boar. & c. tit. 39. & *Priores Sodalitatum* medio æuo, V. Reines d. pag. 179. Cuius doctiss. viri sententiæ de Primis Curia additum cuperem, eos potius fuisse, qui pluribus suffragijs Decurionum creabantur, quàm qui primò nominati, aut adlecti. Docet l. 6. §. penult. & ult. de Decurion. quorum *potior* vocatur *causa in ferendis sententijs*, quique *honoris ordine præcellere* cæteros dicuntur. Atque hos quoque *Principales*, aut *Summates* non interpretor tanquam magistratus, quod eidem placuit eruditiss. viro pag. 167. sed tantùm honestiores, ac præstantiores, primosque in sua curia. Nomen *Priorum* etiam hodie retinent pleræq. Ciuitates, quo Decurionum summos, & consilij publici Principes designant. Legitur & *Primus curia* in l. Alexandrinis 56. C. de Decurion. sicuti in l. 27. C. Theod. eodem *primum in sua curia locum* adnotauimus. Fortè idem qui apud Gruter. 1072. 6. *Maior Decurio Cremonæ*, & in Pisano decreto, quod de Caij Cæsaris funebribus est *Statulenus Iuncus Princeps Colonia*. Sicuti igitur *Primus Curia*; aut *maior Decurio*, ita *secundus Decurio*: apud Gruter. 36. 2. *Primus autem respondere videbatur Principi Senatus Romæ*, qui ante alios, vt notum est, à Censoribus pronunciatus fuit in albo recensendo. Sed hic ordo Decurionum corruisse demum videtur, cùm labante Imperio in Occidente, vix relicta vmbra Curiarum in Colonijs, ac Municipijs. In Oriente autem Leo Imperator omnem attriuit auctoritatem ciuibus, qua Curias ipsi crearent; sed ab vna Principis sollicitudine id pendere iussit, vt patet ex eiusdem Leonis nou. const. 46. & 47. notauit Berter. D. diarriba cap. 10. p. 135. post eum Vizzanus eleganti, ac docto opere de mandat Princip. pag. 241. Atq. hoc in causa, cur in Basilicis, siue in l. prudentia Græca, quam idem Leo edidit, sublati sit tit. de Decurion. sed ante has constitutio-



tionem, aut imminutum alio pacto curiarum splendorem, honoris instar habebat in ordinem cooptari alicuius Ciuitatis; sic legimus in vet. lapide Gruter. 278. 3. *ob Hon. Decur.* Ac eò magis, si inter *Primos*, aut *Principales* Curiae, aut Decurionum; vel pluribus suffragijs eiusdem ordinis (ex d. l. 6. D. de Decurion.) vel Principis iudicio, ac beneficio (l. ult. de albo scrib.) adlectus quis fuerit. Ac fortasse aliquo insigni, atque ornamento discriminabantur, qui in curia cæteros antecellebant: quod Bisellio, vel amplioris sellæ dignitate describere fortean voluerunt, vnde noster *Bisellij Honor*. Multum præsidij affert opinationi nostræ l. 4. C. Th. de Decurion. *Sedentibus his, quibus emeritis omnis honor iure, meritoque debetur.* En honor in sessione *Primis* curiarum: & inter *Honoris insignia* ibid. ipsum sedendi ius agnoscere videtur Constantinus Imperator. Atqui eam sedendi honestatem, præcipuum fuisse Senatorij ordinis decus docent nos iura in l. honorati C. de offic. diuers. apparit. & iud. & l. fin. Vbi Senat. vel clariss. Quare idem fuerit *Honor Bisellij*, ac sedisse inter Curiales, si Bisellium accipiat pro quacunque sede Honoris. An potius inter *Primos* sedisse, si Bisellium pro ampliori sella, quæ eximijs, ac dignioribus debeatur. Illud etiam à similitudine veri non abhorret, quosdam sola ea honestate fuisse contentos, vt inter Decuriones sederent, atq. ingressu in Curiam lætarentur, etiam si verè Decuriones non essent; id autem *Bisellij Honore* voluerint exprimere. Scimus diuersum, *Creari Decurionem, & esse Decurionem*, docente eximio Cuiacio Papiniani respons. primo ad l. 6. de Decurion. Ita vsu, & actu Decurionatus ordinem tenere, aut solis ornamentis, & ingressu in curiam decorari, dispar habetur. Neq. id sine Romani Senatus imitatione factum; cum extra ordinem olim vigente Rep. & mox sub Imperio, aut Iuniores, aut qui Senatoriæ non essent familiæ, in Senatum inducebantur; non tamen fiebant Senatores, aut dicendæ sententiæ Ius obtinebant: sed priuilegio, atque extra ordinem id permittebatur.

Quin igitur hoc ipsum in Colonijs, aut municipijs fieri potuisse suspicemur? Præsertim cum Ciuitates validis Præsidum, aliorumque, quos Roma mittebat, Magistratuum imperijs obnoxiae, multa præter leges, ac mores agere, ac pati cogebantur. si fortè ambitus, & fauor intercurrisset, aut veriùs Præsidum commendatio, qui satis iubent, dum rogant, qui rogando cogere possunt. Contingere poterat, vt vel ætate, vel conditione, vel censu, vel alia de causa prohibere.

beretur quispiam ambire, aut impetrare Decurionatum; satis autem sibi prospectum putaret, si ius saltem Bisellij, atque ornamenta Decurionalia obtineret. Neque id nouum in alijs veterum inscriptionibus, vt mox ostendemus. Atq. hoc sensu *Honor Bisellij* potius foret ornamentum, decus, indulgentia, quàm magistratus, aut publica administratio. Haud ignoro Decurionalem statum multis, ac miserandis oneribus fuisse attritum; quas *functiones curiæ* dixerunt; quare non pauci cooptationem inter Curiales vitabant. constat ex titulis Digest. & Cod. de Decurionibus, atque eruditè obseruat Berier. ea diatriba p. 133. & seqq. Sed contra alij humilioris loci, aut sanguinis, quibus melius conueniret cum arca, & ambitionis blandiretur illecebra, candidatos se profitebantur, auidè Curiam expetentes, vt ostendunt vetera testimonia.

Quos hætenus Decuriones memorauimus pro Senatu Colonico, aut municipali, caueat vllus eosdem facere cum ijs, de quibus apud scriptores, vt *Decurio Cubiculariorum* apud Suet. Domitian. cap. 17. nobis Decani V. Torrent. ib. & tit. Cod. Theod. de Decurion. & filentiarijs. Sic *Decurio sacri palatii*, *Pontificum*, *Augurum*, &c. V. Guther. de off. D. A. 3. 29.

## C A P V T XXXIIX.

*Suessana epigraphæ enodata. Suffragijs curiæ collatus Decurionatus. Dies gladiatorum. Dies priuatus. Secundum dignitatem Coloniae. Secundum dignitatem municipij. ἀξίως τὸ πολίως. Pro salute Principis. Indulgentia. Magistratus, & Sacerdotia auspicantes munera edebant: Vestitum libertinis. Venatio plena. Honores dati qui spectacula dedissent: item alimenta è publico. Cœnæ aditiales. Comoda. Lucellum. εἰσδηλόσιον. Entratura. Beneficia.*

**A**D ipsam accedamus Sueffanam epigraphem, quam supra protulimus ex Grut. 475. 3. vbi *Honor Bisellij* (ex nostra saltim lectione) pariter legitur, & ad alteram Atellanam 1099. 3. quæ multam nuper allatis de Ordine Decurionatus lucem afferunt, penitusq. *Bisellium* ornant, atque illustant. In Sueffana C. Titio Chresimo *Honor Bisellij* defertur decreto Decurionum. Ecce (quod nuper monebamus) suffragijs, ac sententijs Curiae, atque ordi-



ordinis assequebantur honorem candidati Decurionatus. Veteres lapides perlustra, & passim huius decreti mentio; sæpius per notas D. D.D. hoc est Decreto Decurionum. Idem habet cognomen Chresimi Titius, ac noster Largennius: de cuius libertinitate etiam nos dubitauimus sup. cap. 2. Cum causâ autem Titio Chresimo Decuriones indulgent hunc honorem; ne indigno viderentur tribuisse, aut vili æstimasse ordinem, quem temerè vulgarent. Dederat namque hic Titius spectaculum, seu *Munus Familia gladiatoria, ex pecunia sua, Diem priuatum*: quæ vltima duo verba ita expono; vt vel priuatâ pecuniâ; vel (quod magis est) priuo, vnico, ac solo die commissiones gladiatorum ediderit. Vel tandem priuata conditione, non in magistratu, & cura publica; qui ex lege tunc deberet; sed priuata beneficentia, an potius infania ad populi gratiam. Alibi apud eundem Grut. 404. 2. sine vlllo adiuncto, *Diem gladiatorum* legi, quod hic *Diem priuatum*. Scimus namq. per plures dies quandoq. fuisse ea spectacula præbita, quod sæpè expresserunt lapides, atque historici: magnificentia s. profusiori, quo effusior sanguis miserè ludentium de suo capite. V. Lips. lib. 1. Saturn. cap. 10. Dedit autem hic Titius *Ex voluntate populi*; gratiorem ergo rem fecit obsequendo. & *secundum dignitatem Colonia*. Hoc quoq. meruit, quoniam splendide, ac magnificè instruxit munus, vel numerosa familiæ gladiatoriae commissione, vel pompa, & apparatu loci. Est vbi in alijs faxis referantur, quot paria ferro concurrentium, quali ornatu arenæ, qua spectantium commoditate: Vide Gruter. & libraria quoque testimonia, non tantum lapidea, quòd verò hic est, *Secundum dignitatem Colonia*, alibi vt 252. 9. *Secundum municipij splendorem*, & 428. 11. *ἐπὶ τῇ δόξῃ καὶ αἱμασίᾳ τοῦ δήμου*, quod ego verto, *Conuenienter, atque ex dignitate Civitatis*. Quòd salutem Principis hîc insertam legimus, solenne id tum in muneribus exhibendis, tum in votis, ac dedicationibus; ac sæpè illa obuia in faxis, *Pro salute*. *ὑπὲρ σωτηρίας*, &c. Tanta statim veneratio, ac religio incutiebatur animis obaudito salutis Imperatoris nomine. Facit locus Suet. Calig. 14. *Non defuerunt, qui depugnaturos se armis pro salute agri, quique capita sua titulo proposito vouerent*. Veruerat Claudius Imp. ne quis ludos daret gladiatorios; ac si quis dedisset, ne susceptos, ac factos scriberet, aut diceret *ὑπὲρ ἑαυτῆς σωτηρίας*, *Pro salute sua*, inquit Dio lib. vlt. Sicuti pro salute, felicitate, Victoria, &c. vota concipiebant, reddebantque; ita pro virtute aliqua Principum,

Pietate, Prouidentia, &c. munera, Dedicationes, sacra faciebant. Hic ergo quoq. *Pro salute, & Indulgentia Antonini Pij*, munus edidit Titius Chresimus. Sed peculiaris equidem *Indulgentia* laus in eo Principe, qui cognomen Pij sibi fecit. De eo Capitolin. cap. 10. *Ad indulgentias promissus fuit.* quod & ipsum verbum signatè, & appositè Sueffano marmori inscriptum fuit, quoniam ea præcipuè spectabatur tum in edendis, tum in permittendis spectaculis. quare continuo subiicit Capitolin. *edita munera, in quibus elephantos, &c.* Nempe vetita aliquando fuerunt ea munera, vt à Claudio, de quo sup. Dio; & quidem ne Prætores ipsi, aut Magistratus facere poterant. Tacit. ad stipulatur lib. 13. *edixit Caesar, ne quis magistratus, aut procurator, qui provinciam obtineret spectaculum gladiatorum, aut ferarum, aut quod aliud ludicrum daret.* Sed brevis huius edicti custodia: imò solenne deinceps edere spectacula ijs, qui Honores obtinuerint, vt ostendemus inf. multò minus autem priuatis id aliquando permissum. V. I. 1. C. Theod. de spectac. 1. Publius Mæuius de condit. & demon. & Nouel. 105. Symmach. epist. 10. 4. & ibi Iuret. Guther. de Iure Vet. Pontific. 3. 20. Sine permissu itaque Principis, in municipijs, atque extra urbem, non temerè edebantur spectacula, præsertim à libertis. Sic Harpocrati liberto Ius editionis concedit Claudius narrante Suet. in vita cap. 28. Sic Ancharius Priscus impetrat ab Augusto in veteri saxo Gruter. 352. 1. *quod ex indulgentia Augusti oëties spectaculum gladiatorum ediderit.* Indulgentiæ meminit & Græca inscriptio 295. 5. *ἰπὲρ αἰωνίῳ διαμῶνις, pro perpetua Indulgentia.* Ita legendum; non *δαμῶνις*, vt extat corruptè insculptum, siue elementarij, siue exscriptoris mendâ. Sed Titius Chresimus ex sua pecunia voluit gladiatores in arenam producere: quo quidem magis munificentiam prodidit, benèque de Sueffanis colonis merentem se amplius reddidit. Si namque ij, qui vel parte pecuniæ, vel tota de ærario accepta, spectaculis populum oblectassent, honoribus, publicæque beneuolentiæ testimonijs ornabantur, dummodo suam in ijs vigilantiam, fidem, industriam adprobassent; iustius multò, qui toto suo ære edidissent. Lapis Allifanus apud Grut. 409. 3. *Qui ob honor. Decur. &c. acceptis à Rep. HS XMX Ñ venationes plenas, & paria gladiatorum, paria XX edidit, &c.* Venationes plenas (*ταυρὸν ἢ παρόδῳ*) explicat Guther. lib. 3. cap. 20. Vet. I. Pont. omni spectaculorum genere refertas, quæ plures ludorum dies habuerint: quales Pompeij & Augusti, aliorum-



rumque memorantur. atque hæ venationes plerumque accessiones erant gladiatorum. Hoc igitur constat, in vniuersum honores fuisse decretos ijs, qui insanis munerum editionibus patrimonia effudissent, atque animosa prodigientia rem domesticam dilapidassent in apparandis ex humano sanguine voluptatibus. Nonnunquam ijs ad incitas redactis alimenta è publico data, quia fortunas exhauserant munerarijs profusionibus. V. l. 8. D. de Decurion. Lipsi. lib. Saturnal. 1. 10. Berter. in ea diatriba cap. 10. pag. 133. & quidem nequicquam refrænantibus vetustis legibus; imò necessitate deinceps imposita editionis tum vrbanis, tum Colonicis magistratibus, coactis etiam Sacerdotibus ad ea onera patrimonialia l. 8. C. de mun. patrim. l. 1. C. de peric. success. Atque hac de causa C. Titio Chresimo Puteolano collatus à Sueffanis ob editam magnificè gladiaturam *Honor Biselli*, siue aditus ad Curiam, aut ius sedendi inter Decuriones, perinde ac si vnus ex ijs foret; quod proxima verba lapidis exprimunt, *Commodisque publicis, ac si Decurio fruere*etur. Ex qua ἐπιχρίσσι Sueffanæ Inscriptionis colligebamus quintam coniecturam nostram, collato cum ea lapide Pisano; cùm in vtrolibet mentio honoris Biselli reperiatur. Sed non fecerunt Decurionem Chresimum Sueffani, fortassè ob libertinitatem V. l. vn. C. si seruus, aut libert. l. vn. C. ad l. Visell. Ac, si minus vetasset liberti conditio, non tamen quacumq. leui de causa ingendus obuiam cuique erat Decurionatus honor. Satis mañtum hoc decore Chresimum putarunt Sueffani, quòd Bisellio, h. e. confessu Decurionali, commodisque publicis, ac si Decurio, donarunt. Quæ sunt tandem hæc *Commoda*, quibus, ac si Decurio, frui poterat Chresimus? Prouentus, Honoraria, Sportulæ, pecuniolæ, quas potissimum lucrabantur, quoties quis in idem collegium, aut ordinem Decurionum admitteretur; quod & in cæteris collegijs, & corporibus seruabatur. Extra mensuram, ac minimè computantibus nascebatur dulcius *Lucellum*. signatè id verbum examinat Scaliger. ad Catull. & Gronou. de Pecunia vet. lib. 3. cap. 17. Græcis εἰσδηλόσιον, Helychio εἰσόδιον, & nobis *l'Entratura*. V. Alciat. ad l. 239. de V. S. Plin. 10. ep. 117. qui, &c. *incunt magistratum, &c. solent totam Bulam, atq; etiam è plebe non exiguum numerum vocare, binosque denarios, vel singulos dare.* Est autem *Bule* Senatus municipalis, vel Ordo Decurionum, de quibus loquitur Plinius, cùm Bithyniam Proconsule regeret; & epist. 113. *An in omnibus Ciuitatibus certum aliquid omnes, qui deinde bulentæ*

*leguntur, debeant pro introitu dare, &c.* Adde Symmachum 9. epist. vlr. Plura Langleus otij semestr. 3. 1. nonnulla Reines. ep. 31. p. 181. & seq. In nouis Sacerdotijs idem factitabant; quod Suet. Claud. cap. 9. *Pro introitu noui Sacerdotij* appellat: quo sensu *cæna Aditiales* ab aditu & ingressu à Pontificibus olim factæ; non Adijciales, vt vulgò scribunt, monuitque eruditè Lipsi. De magnit. Rom. 4. 9. Horumdem meminit commodorum l. vn. Cod. Theod. de bonis Decurion. *Curia sua commodis cedant, idest Ordinis utilitati.* & in l. 6. D. de Decurion. Papinianus sub nomine sportularum, *minores viginti quinque annorum Decuriones facti sportulas Decurionum accipiunt, sed interim suffragium inter ceteros ferre non possunt.* ad quem locum Cuiac. siue primo respondentor. Papiniani *Commoda* appellat. quem vide & ad Constit. Græcam Cod. quibus muneribus excutantur, &c. & ad tit. de l. ann. aureor. *Beneficia* vocarunt historiæ Augustæ scriptores. In aditu quoque ad militiam, & ipso limine tyrocinij soluta ea summula. V. l. 6. de don. inter vir. & vxor. l. pen. §. pen. & vlt. de leg. 3. Et quidem *Commoda* verbum planè militare. Suet. Aug. 24. *Citrà commodà emeritorum premiorum.* V. & cap. 49. & Calig. 44. *Commoda emeritæ militiæ.* V. & Galba 12. In l. Pater de adim. leg. *Commoda Primpili;* adde l. 2. C. Theod. de Decurion. & silentiar. Suid *Κόμοδα, δόσις ἐπὶ τῷ σιτισμῷ παρεχομένη*, egregiè Lipsi. emendat 5. 19. de milit. Rom. *ἐπὶ τῷ σιτισμῷ*, *Commoda, pecunia, aut donatiuum ad annonam.* Hanc verbi vim exprimit sermo nostras, dum appellamus *Commodi*, has pecuniolas, & largitiunculas, quæ commodiorem nobis vitam parant. Suspicebam hæc *Commoda* militaria potissimùm ab eo spectata, cuius toties id verbum in ore versabatur referente, atque irridente Catullo epigr. 85. de Arrio.

*Commoda dicebat si quando commodà velles  
Dicere, &c.*

Iturus enim in Prouinciam (fortè belli causa) *commoda* nominabat sibi obuentura. Ne pluribus te morer, plenè *Commoda* hæc examinantem adi Iacob. Gothofr. ad l. vn. Cod. Th. de Bonis Decur. & glossar. Nomico in Ver. *Commoda*. Longior namq. cum *Commodis* ne nimium incommodus tibi sim, lector, ad aquarum diuerticula sermonis cursum deflecto.



## CAPUT XXXIX.

Aquæ digitus. *Aquam ductilem curare censorium Romæ munus: in municipijs decurionale.* Ius aquæ. Hydroscopi. Hydrologi. Aquileges. Aquilices. Elices. Aquarij: *aquarum mensores.* Digitus inter aquæ modulos. Robert. Keuchenius. ὕδατος δάκτυλος. Ratio dimetiendæ aqua per digitos. Benedictus Castellius insignis Mathematicus Galilei discipulus. Famianus Michelinus. Matrices fistula. Minuscularij aquæductus. Paragogia. Vbera. Formæ *aquarum.* Formale. Comitua formarum. Zampilli. Pes, vncia pollex *aquarum mensura.* Imperatori dein soli aqua ius diuidenda. Diuini, cælestes apices. Honorificum intra ædes *aquarum ductus.* Vti opt. maximum. Optima lege. *Aedes, fundus, ager* vti opt. maximus. Seuir gratis. Sine impendio. Sine censu. Decurionatus gratuitus. Ob spem processus. Processioni. *Alij lapides illustrati.* Ornamenta decurionalia.

**P**Ræter Commoda Decurionalia cum Honore Bisellij delata Chresimo ob editum splendide munus, adiungitur publicæ existimationis alterum specimen, sed & vsus commoditatis; *Vt aqua ductus in domo eius fluere.* quæ verba non incuriosus transmittor; tum quia opellam aliquam iam promisi huic Inscriptioni, tanquam germanæ lapidis nostri Pisani; tum quia cætera hæc Commoda, atque ornamenta in Comitatu esse videntur Honoris Bisellij. Ac lectionis tandem marginalis varietas, vbi pro *Aquaductus* reponitur *Aquadigitus*, mouent mihi curam libentius. Veriorem existimo hanc alteram lectionem, & ex artis hydragogicæ ratione, atque ita fortasse scriptum erat in lapide; sed aut facili ætatis detrimento in tam affinis literis, aut in voce non probè intellecta ab exscriptore, notior altera occurrit *Aquaductus*. Diuergia hæc *aquarum*, & salientium riui in ædes priuatas deducti, siue vt loquitur eleganter Martialis 12. 31.

——— *rigua ductile flumen aqua.*

ad Censoriam Iurisdictionem attinebant Romæ, & eius administratos ædiles: qui permittebant, vendebant, largiebantur, præsertim in abundantissima illa fontium eruptione, qui Urbem tam multiplici fluxu

fluxu irrigabant. Cæterum exinde Præfectos Pr. aut Vrbi custodiendæ, ac tuitioni aquarum ductilium excubasse, ne qua fraus obreperet, ac ne quod eæ damnum facerent, argumento sunt Constitutiones Principum ad eos Magistratus perscriptæ in legibus vtriusq. Codicis de Aquæduct. Aliàs facta testæ illarum curabat Comes Formarum, de quo Cassiod. 7. var. 6. Reperimus etiam *Consulem Aquarum* in veteribus faxis: ac meminerunt rescripta eiusdem Cod. Th. Qui consul saltim in noua Roma sub Constantino M. tenuit. At *Comes Rer. Priuatarum* peculiari munere aquæductus Palatinarum ædium dispensabat. V. Iac. Gothofr. ad Cod. Th. eo tit. In municipijs autem decreto nonnunquam Decurionum aquarius ille ductus (vt ex hac Inscriptione liquet) concedebatur; ac multò magis Præsidum, Proconsulum, aliorumue provincias regentium arbitrio, vt credi par est. Cui vsus hic publicæ aquæ in prædium vrbani deriuandæ contigerit, non mediocre honoris instar obtinuisse constat. *Ius aquæ* appellatur in l. 5. C. de aquæduct. Hæc deriuatio, aut erogatio non sine opera, & ministerio libratorum, aut mensorum fiebat, qui assignati moduli copiam ex præscripto artis diuiderent. ὕδροσκόπης Græci vocant, & ὕδρολόγης *Aquileges* in gloss. ab aqua legenda, hoc est colligenda; & *Aquilices*, & *Elices*, & *Elicatores* ab eadem (vt puto) licienda, siue elijcienda: quo verbo eliciendi in hac ipsa re vtitur. l. 3. C. de aquæduct. Sic *Elices* Festo fulci aquarij. At Frontino de aquæduct. *Aquarij* sunt ij mensores, & *aquilices*. Inter cæteras erogandæ aquæ mensuras fuit *Digitus*. Idem Frontinus, *Aquarum moduli aut ad digitorum: aut ad vnciarum mensuram instituti sunt*: ad quem locum Robert. Keuchenius, qui nuper Frontinum notis illustrauit; atque hanc ipsam inscriptionem produciens, præ *Aquæductu* maluit ipse quoque *Aquedigitum*. Antea Brissonus l. b. 6. formul. vnde hausit Keuchenius de hac aqua salienti cum magno silentio. Porro Campanis potissimum (quo in populo Sueffa Colonia, vbi inscriptio hæc) mensura, aut modulo digitorum vsi ad aquas dimetiendas; quod disertè tradidit diligentiss. earum inspector, & Scriptor Frontinus, *Digitum*, inquit, *in Campania, & in plerisque Italiae locis, vncia in pupula*. Postremum hoc verbum reformant *In pupulatoria*, ac noui ne quid nos, affert eruditus Keuchenius. Mauult Gothofr. *In populo*, hoc est, in Vrbe. Nunc & hic etsi inter ductus fluentes aqua mihi hæret ad incertam vocem. *Digitum aquæ* meminit lex Græcè scripta Λούκιος 37.



de seruit. rust. præd. ( non vrbani. præd. quod in notis Keuchenianis leui menda obrepfit ) in qua lege Lucius quidam per epistolam , aut *scripturam* , qualem vocat I. C. Gaio Seio fratri concedit aquæ digitum , ὕδατος , &c. δίδωμι , καὶ χαρίζομαι σοι δάκτυλον . De aqua , &c. do , concedo , que tibi gratuito digitum , vt ibi vertitur . Prorsus illic lego δάκτυλον , non δακτύλον : quam postremam vocem cur in notis haud temel Keuchenius retineat , non video ; nisi librarius in culpa . Quæ sit digiti (intellige transversi) mensura , notissimum est ; quæ omnium minima existimatur , latitudinis nempe , quantam hordei granâ quatuor sua crassitudine occuparent . In aquis autem dimetiendis non sola tubi , aut fistulæ latitudo spectanda est , sed totum oris cauum , qua in ambitum panditur ; vt digitalis omnino sit diameter , siue quatuor granorum , qui in se circumacti parem faciat vndecunque epistomij apertionem . Aliter namq. orium canalis esse posset latitudine vnus digiti . sed trium , quatuor , pluriumue proceritate , figurâ parallelog. ammâ : ineptum autem id ad hydrometriadem . Digitus etiam quadratus motum parum æquabilem , minusq. expeditum redderet aquæ fluentis : sordetq. & recrementa angulosis sederent in lateribus damno tubulorum , ac ductuum . Cæterum si rotunda sit fistulæ cavitatis digitali in orbem spatio , trudentibus sese inuicem æquabiliter partibus ; tum qua currit , atque eluctatur ad exitum ; tum qua in ipsa eruptione deflilit latex ; certior dimetiendi , atque erogandi regulæ ad moduli iustitiam , atque artis dispensationem contingeret . Quæ dicta volui , si antiquum , ac simplicissimum dimetiendi morem in sua , tum nominis , tum rei origine contemplamur . Verum ad altio rem theoriâ pertinet (cui libenter procumbimus) causas , rationesque hydrometricas speculari : quod cum primis egregiè præstitit D. Benedictus Castellius Pisani nostri Lycei quondam matheseos professor *Nella misura dell'acque correnti* : auctor vel hoc ipso cum præfatione honoris nominandus , quoniam digitus , aut riuulus è magno illo , atque inexhausto fonte defluxit Galilæo Galilæo . Nuperq. ab eadem scaturigine Famianus Michelinus Serenissimi Principis Leopoldi ab Err. Mathematicus , ac præceptor meus , mihi dignè æstimandus in paruo libro , sed ingentis pretij *Della direzione de' fiumi* , vbi tum experimentis , tum Geometricis rationibus aquarum cursus , diuergia , stationes , viresque speculatur , & ad vsum dirigit .

Fuit , cum aquæ digitos eo dictos allubesceret exponere , quoniam  
simi

similitudine digitorum in subtiles meatus dirimerentur. Nempe quemadmodum digiti sunt quidam ceu fluxus, & productiones manus, aut volæ, quæ paulatim in eas carnis diuifuras gracilefcit, ac definit: ita Castellum, Forma, aut congregatio aquæ, siue fons plenior, & vndantior in minutas, ac subtiles fistulas, quasi totidem digitos erogatur, ac diuiditur. Contra *Matrices* fistulas dixerunt, vnde hæ minutiores deriuantur in l. 3. C. de aquæduct. quæ & *Minuscularij aquæductus*. in l. 10. eodem tit. fistulæ. l. & canaliculi angustiores; alio nomine *Paragogia* ibidem. Sed & *Paragogius* aquæductus aliter explicatur pro subsidiario, & ad supplementum, vt ex Frontino colligit idem Gothofr. ad l. 8. C. Th. de Aquæd. Ab humani corporis itidem parte, nomen fecerunt castellis, aut conuentibus aquarum, *Vbera*, & *Maſtos* appellando. eleganter Cassiod. Variar. 7. 6. de aqua Claudia *lauacris*, & *domibus liquores purissimos fistularum vberibus emisſiſſe*. At *Formæ* ibid. de ipso aquæductu, & structili opere, qua latices decurrunt. Hinc *Formæ aquarum* l. 1. C. de aquæduct. l. 39. §. hæres de legat. 1. l. 27. de Vſufr. leg. *Formale* hodie Neapolitanis. *Comitina Formarum* eidem Cassiod. hoc est, Præfectura aquæ ductuum. Frontin. lib. de aquæduct. *Formas ductuum* nominat. V. notata à Keuchenio. Plura de hoc lure aquæ suo more feliciter exundans Iac. Gothofr. ad tit. Cod. Th. de aquæduct. vbi multa alia inspergit de aqua concedenda, eroganda, custodienda. Nobis *Zampilli* dicuntur subtiles erogatiunculæ, ac minutæ concisiones salientium laticum, qui multò sæpè cum lusu ad voluptatem, atque irrigationem euerguntur. *Zampilli* autem idem sunt, ac digituli: sicuti *Zampa* pes ferinus est mulifidus, ac digitatus. Sed *Pes* quoque ipse, vel mensura, vel lex aquæ diuidendæ: cuius pedis respectu *Vncia* inter modulos aquarum recensetur. Sicuti namque in asse hæreditario, sic in aqua diuidenda, duodecima pars pedis est vncia; *Pes* autem tanquam as, aut solidum; at *digitus* decima sexta pars pedis; atque adeò vncia aquæ maior erit digito quartæ partis excessu. Atque hoc pacto intelligendum esse *Aqua digitum* in marmore Sueſſano, mensuræq. rationem exponendam existimo. *Pollex* quoque apud aquarios pro modulo laticis, sed maior *Digito*, & idem cum *Vncia*; quoniam tres pollices quatuor digitos efficiunt; sic erit vnus pollex duodecima pars pedis, nempe vncia. Idem Frontin. de re agrar. *Pes per uncias*, &c. *palmus habet digitos quatuor, uncias tres*, &c. & ibi Keuchen. ante illum Briffon. supr. laudatis locis.



locis. Ut autem apparet, de re agraria, ad rem aquariam translata fuere ea nomina. Vnciam igitur non pro modo ponderis, sed pro mensura spatij, aut loci, qua fluens aqua decurrit, acceperunt, hoc est duodecimam pedis partem. Nostri aquarij pro nummorum etiam magnitudine, diuidere, & indigitare solent. *Vn quattrino, una crazia, &c. D'acqua*; quantum .s. eius nummi ambitum, aut diametrum rotunda fistulæ cauitas æquaret. Sed cum his aquarum digitis, qui è publico fonte indomum Chresimi ad priuatos vsus diuertunt, nos quoque parumper ab *Honore Bisellij* diuertimus, quem suo decreto cum Commodis, & Aqua Decuriones contulerunt: qua in re dignum est adnotatione, quod paucis deinceps annis post Antoninum Pium, sub quo lapis hic Sueffanus inscriptus fuit, non licuit nisi Principi eas aquarum erogationes largiri ex constitutione Theodosij, quam mox renouauit Anastasius Imper. l. ult. C. de aquæduct. *Nemo, inquit, vel in hac sacratissima Ciuitate, vel in prouincijs sine Diuinis apicibus de sacro epistolarum scrinio more solito edendis, &c. aquam de publico aquæductu, seu fonte trahere permittatur, &c. & l. 5. eo tit. Si quis per diuinam liberalitatem meruerit ius aqua, &c.* Vtrobique *Diui* titulum apposuerunt Imperatorio beneficio, insana eius ætatis adulatione. Sed *Diui* nos apices, qui & *Cælestes* in l. 5. intellige lineas, & characteres, quos manus Principis rescribendo supplicum precibus duxisset. Suo, & statò nomine hæ aquarum Indulgentiæ *Beneficia* appellata, & *Iure beneficij* concessæ. leges lege supra laudatas. Ergo Decurionibus sublata potestas largiendæ aquæ; adeò equidem, vt hæ ipsa Principum *Indulta*, (quomodo aliter vocantur in l. 3. eo tit.) non rectoribus Prouinciarum, sed soli præcellentissimæ sedi Præfecti Præt insinuanda esse iubeat ea lex 5. Grauib. ad hæ sanctionibus obstringuntur, qui quid furtiuè, licenter, iniuste aduersus publicæ aquæ securitatem commiserint; quæ singula honorem arguunt non mediocrem ei collatum, cuius domum riuulus, aut *Digitus aquæ* fluens perreptaerit; qualem .s. Chresimo Sueffani cum Honore Bisellij permiserunt.

Sed omnibus hisce ornamentis speciosa additur verborum forma, ac solennitas, qua *Honor Bisellij* defertur, *Quo quis optimo exemplo in Colonia Sueffa habuit*: perinde ac si dixerint, quanta maxima honoris testificatione, publicæque beneuolentiæ consensu, ac fauore vllus vnquam habuit: siue, Ad optimi, ac plenissimi exempli disciplinam, qua præmijs afficere, ac decorare conuenit, qui virtutem, ac merita,

rerumque benè gestarum laudem Reip. adprobarunt. Haud dissimili elogio 416. 8. Grut. *Honores, quos cuique plurimos decreuit; & 258. 6. Super omnes retrò, &c.* in l. 1. de albo scrib. *Quo quisque eorum maximo honore in municipio functus, &c.* Solenne id Romanis, quoties largi timè quid, ac plenissimè factum, omnibusq. absolutum partibus demonstrare velint, *Optimum* appellare, & *Vti optimum, maximum.* V. Fest. in *Optima spolia* ib. *Vt qui optima lege, &c.* & in *Optima lex.* & Gellius 1. 12. *Vti quæ optima lege fuit, &c.* vbi Scaliger legit, *Vti optima maxima* in not. ad Festi locum. Gruter. 215. 2. *Vineam Calcidianam cum parte fundi Pompeiani, & vti optima maximaque sunt suis finibus, &c.* Sic ager *vti opt. max.* Paulo sententiar. 3. 6. *Fundo legato vti optimus, maximus est.* eâdemq. loquendi formâ idem I. C. l. fundo legato 22. de fundo instr. vel instrum. leg. Gaius quoq. in l. 69. §. 3. de leg. 1. quibus verbis significatur, quæ fundus liber, instructus, optimaque conditione longè, latèque pater. Neque id in legatis tantum, sed in contractibus, aut synallagmatis. V. l. non tantum de V. S. ib. *Vti optimus, maximusque, &c.* & l. qui vti eodem tit. *Aedes vti optima, maximeque, &c.* Briffon. lib. 6. formul. Sed *Quo quis optimo exemplo in Suesiana epigraphe, aliter exponamus licet; quatenus videlicet per leges, ac mores, exemplique religionem vllus vnquam in Colonia Suesiana habeat, qui libertus extitisset.* Sic in lapide Suelitano, quem sup. attulimus, *Omnibus honoribus, quos libertini gerere potuerunt, honoratus.* Plura pete ad illustrandum hunc locum ab indice Gruteriano, vbi identidem occurrunt illa, *Omnibus honoribus, &c.*

Haud satis tandem grati sibi videbantur Suesiani coloni erga Chresimum parentem, cui tam multa detulerunt, nisi filium quoque Titium Chresimum, *Ob merita Patris exornassent*, cui *Honorem Decurionatus gratuitum* decreuerunt; immunem .i. ab impensis, & sumptibus vacuum, quos subibant grauissimos. cum in ordinem cooptabantur, per epulas, ludos, &c. datis etiam cuiq. Decurioni sportulis, aut Commodis, de quibus superius nonnihil exposuimus. Sæpè in faxis *Gratuita* hæ collationes honorum; sicuti & *Gratuiti* appellabantur qui acceperant. V. Reines. d. epist. 31. pag. 183. & Grut. 454. 7. 172. 13. vbi de Augustali gratuito. Conlibertus ille Trimalcionis de se gloriabundus in fragmento Petroniano, *Senir gratis factus sum.* quo respexit Mamertin. in paneg. *refertur nuntius consulem me creatum sine impendio.* Neque admodum diuersum apud Gruter. 408. 1. *In curiam*  
ad-



*admitti sine censu*; non facta .s. fortunarum inquisitione , quasi remissis impensis decurionatus . Sed Sueffianæ soror inscriptio alia apud eundem Gruter. 183. *Huic ordo Decurionum ob spem processus sui decurionatum gratuitum obtulit* ; vbi verba illa *Ob spem processus* , non me tenent penitus indiligentem : intellige ob spem ascensus , aut promotionis ad gradum honoris splendidiorem , maioremque in sua ciuitate existimationem , ac decus : spectata eius indole , aut virtute , quæ id ipsum spondere videbatur . Neque aliter in l. 41. de donat. inter vir. & vxor. *Nam & Imperat. Antoninus constituit , vt ad processus viri vxor ei donare possit* . Ex D. Ambrosio , & Seneca patre alia de Processu testimonia affert . Ræuar. coniect. lib. 2. cap. 9. Sed *Processus* quandoq. idem ac *Processiones* , pompa nempe illa , & traductio solennis Magistratuum in auspicijs honorum ; sic Iustinianus nouel. 105. septem *Processiones* nominat ostendendæ munificentia , & à nouis Consulibus celebratas . V. & l. 2. C. de Coss. *ποσόδες* vocat Iustinian. ea constitut. Theoph. *προσελεύσεις* §. item si quis Inst. de rer. diuisione . Coripp. Afric. de Iustino lib. 4. *Processum Augusti Consul is optat* . Sic nobis *Processioni* . Sed satius est , si *Processum* intelligamus , gradum , & vltiorem in via honorum semitam , nobis ad amussim , *Auanzamento* . Sic Iuuen. sat. 1. 38.

————— *Optima summi.*

*Nunc via processus , vetula vesica beate.*

Adi & doctiss. Scipionem Gentilem lib. 2. cap. 5. de donat. inter vir. & vx. qui & alteram Gruter. Inscript. *Ob processus suos* , non de valedudinis processu , sed de honore (vt dicebamus) aduersus Ræuardum exponit .

Atque huic Chresimo patris cognomini Decurionatus tribuitur , quem poterat ex lege consequi : at pater ob libertini notam repellabatur . Augusti namque libertus in lapide dicitur . V. l. vn. C. ad l. Vifell. & Iulian. Imper. in l. 9. C. de Dignitat. *Libertorum fil.* (non libertinorum) *adipisci clarissimam dignitatem non prohibemus* . V. ib. Gothofr. Adde l. 1. C. si seruus , aut libert. &c. Atque hoc ius seruabatur ante nouellam Constitutionem 78. quanquam hæc non carent difficultate . Filius ergo Chresimus in hac inscriptione gratuitum consequitur Decurionatum , pater Commoda Decurionalia , atque *Honorem Bisellij* , ea qua opinabar declaratione , vt esset ingressus in Curiam honorarius . Hunc ingressum ferè comitabantur Commoda ,

aut saltem ornamenta, in veste, ac sede, alijsque iuribus, atque im-  
munitatibus, de quibus in tit. Digest. & Cod. de Decurion. Binis au-  
tem alijs saxeis testimonijs videor posse iuuare haud temerè conuel-  
lendam hanc quintam nostram diuinationem. Primum est Atella-  
num 1099. 3.

*Cn. Plaetorio VI Viro*

*Augustali*

*Biselliario*

*Honorato ornamentis Decurio-  
nalibus*

Hic Plaetorius fuit Biselliarius, quod exposui, donatus Iure bisel-  
lij, seu confessu inter Decuriones: illico sequitur *Honorato ornamentis  
Decurionalibus*. Ac sicuti in Sueffano, ob editum splendide munus  
fuerunt Chresimo honores, atq. ornamenta collata: pariter hîc Plaet-  
torio, *Quod auxerit ex suo ad annonariam pecuniam HS  $\overline{XN}$ , & vela  
in theatro cum omni ornatu sumptu suo dederit*. Alterum saxum est in  
105. 2. vbi disertè honori adscribitur, conuenire inter Decuriones;  
& statim alia ornamenta pariter decernuntur.

*Cui ordo Mun. Epor.*

*ob merita*

*Cenis publicis inter*

*Decuriones ludis con-*

*uenire permisit aliaq.*

*Ornamenta decreuit.*

Quinti hæc loci coniectatio præit mihi, & lampadem tradit ad  
sextum interpretamentum. Cum .n. tum in Sueffano, tum in Atel-  
lano lapide Augustalitaris honor, atque ordo nobis occurrerit, in-  
spiciamus, an Bisellium huic municipali dignitati aptari queat.





## CAPUT XXX.

*Sexta explicatio. Augustales: medius ordo in municipijs, aut colonijs, & equestri Rom. παράλληλος. Duumviri ex Decurionibus lecti. Discrepitum à Reinesio. Ordinatio: Ordo. Seuiri Augustales, & ἀπλῶς Seuiri. Cana Seuiralis. Augustalitas. Seuiratus. Vnde nomen. Præfectus Augustalis. Milites Augustales. Ludi Augustales. Sodales Augustales: quibus Seuiri similes. Colonia urbis Romæ simiola. Flamen Augustalis Pisis. Sacerdotes. Augustalitas potius ordo, quàm administratio. Primi Augustales.*

**S**exto igitur istu collimemus; Augustalitatis Ordinem, aut munus sub examen reuocaturi. loquor de Augustalibus, quibus publicæ administrationis officium in colonijs, aut municipijs, fuisse ciuitatibus commissum est. Neque ignoro quod Cl. Reinesius scribat ea epist. 31. p. 179. in quocunque etiam corpore, aut Collegio suos fuisse Decuriones, Augustales, Quinquennales: quod nunc, cum non vacat expendere, nec liquere aio.

Erant Augustales honestus ordo in suis ciuitatibus; sed infra Decurionum amplitudinem, & supra plebis, aut populi tenuitatem: veluti παράλληλον Equitibus Romæ Vnde in Vett. Lapidibus, ea qua dicebamus metatura collocantur, vt 240. 1. *Decuriones Augustales, & Municipis;* & 475. 3. *Ordo Decurionum, & Augustalium, & plebs vniuersa* in Sueffano; quem modò explicauimus; & 1089. 6. *Ordo Decur. & Augustal.* quorum trium ordinum respectu in Pisano Decreto de Obitu C. Cæsaris *Per Consensum omnium ordinum, &c.* Videatur doctiss. VVelfer. lib. 5. Vindelic. p. 104. ex eo Reines. d. epist. p. 177. A Decurionibus autem fiebant, aut legebantur Augustales, vt idem Reines. monet: cuius tamen illud non placet è corpore, aut numero Augustalium fuisse lectos Duumuiros. Erant namque Augustales infra Decurionum ordinem, vt certissimum est, & idem tradit Reines. at Duumviri nequibant fieri, nisi qui iam inter Decuriones conscripti essent. Disertè I. C. Paul. in l. honorem 7. §. is qui D. de Decurion. *Is qui non sit Decurio, duumviratu, vel alijs honoribus fungi non potest.* Imò ex potioribus Decurionum, qui & Primi, & Principales (diximus sup.) seligebatur Potestas Duumviralis. Idem Paulus ib.

Hons-

*Honores, & munera, non Ordinationi, sed potioribus quibuscunque sunt iniungenda.* quod hîc dicitur *Ordinationi*, idem est atque *Ordini*. quasi non inconsultè, ac sine iudicio, cuique in ordinem Decurionalem adscito sint iniungenda munera; sed cum delectu qui digniores fuerint, ac magis probati, vt ego exponerem. Consulatur & Pancirol. de magistr. municip. cap. 7. quomodo igitur ex Augustalium numero creabantur Duumuii, si Augustales non modò selecti inter Decuriones non erant, sed neque ordinem ipsum attingebant? Non mihi tanti est lapis ille apud Grut. 57. 6. quem profert Reines. quin præstent oracula legum, aut consultorum: imò ratio ipsa, & communis rerum sensus. Cùm enim Duumuii sint, veluti Consules, ac fastigium teneant honoris in sua patria; è Senatu, siue Decurionibus, dignissimo omnium ordine, sunt excerpti. Consideratissimè idem Reines. aduertit horumdem Augustalium mentionem non reperiri in libris Codicis, ac Digestorum; ac nos sup. diximus de ordine Decurionum, de quibus pariter mutuant libri Iuris. Hi & *Augustales*, & *Seuiri Augustales*, quoniam totidem essent, appellati; quandoque cum eâ notâ *III. Augustales*. V. Rein. ib. & Indicem Gruterianum: & *Honorati Augustales* 57. 6. nisi error fuit scalpri, aut exscriptoris. perplaceret *Honorati, & Augustales*, sicuti alibi *Honorati, & Decuriones* 279. 3. & *Honoratis, & populo* 330. 2. Pari ratione *Plebs urbana, & Honore usi* 343. 6. 387. 8. 392. 1. *Plebei, & Honore usi* 485. 8. Atque hac nostra additione *τ& &*, in lapide 57. 6. *Honorati*, iidem essent, ac Decuriones, siue qui ex Decurionibus honorem aliquem gesserint; nec vlla foret absurditas, vt ex ijs Duumuii crearentur, quin potius aptissimè congrueret ex d. l. honores D. de Decurion. quod obiter sit dictum ad eam ipsam Reinesij obseruationem, atque epigraphen, si opus sit, defendendam. Hi *Augustales* simpliciter *Seuiri* nonnunquam. fragmento Petron. haud semel *seuir gratis factus sum* pag. 40. & *Habinna seuir est* pag. 52. Inde *Cæna Seuiralis* ob Honorem Seuiratus data Grut. 1073. 6. V. Reines. ea epist. vbi nescio quid de duplici genere seuirorum, ac de foeminis in eum ordinem adlectis, aut saltem ornamento honoratis sine vsu, ac ministerio. Honor autem hic, nunc *Augustalitatis*, nunc *Seuiratus*: idem Reines. ib. & Index Cruter. Quod verò scriptor idem antiquitatum diligentissimus non dubitet p. 177. eò dictos Augustales, quoniam arbitrato, & mandato Magistratum maiorum, seu Præsidum ab Augustis impositorum nominati,



nati, selecti, aut saltem confirmati fuerint: atque ita tanquam Augustorum beneficio *Augustales* appellati, non inerudita defluit origine nominis. Confirmari potest exemplo Præfecti Augustalis, quem Aegypto impositum, ut ei regno præesset, à se nominavit Octavius Augustus, qui primum constituit. Haud secus milites Augustales; de quibus Veget. 2. 7. *Augustales appellantur, qui ab Augusto ordinarijs iuncti sunt.* Sic *Ludi Augustales*, & vel in honorem, vel instituto Augusti ita appellati. Sed non improbabile illud mihi succurrebat; imitatione, atque exemplo Augusti Sodalium Romæ, hos etiam in Colonijs, & municipijs potuisse nuncupari. De ijs, qui in vrbe Tacit. 1. ann. *Annus V. C. DCCCLXVII. novas ceremonias accepit addito Sodalium Augustalium sacerdotio, ut quondam Titius retinendis Sabinorum sacris Sodales Titios instituerat.* meminit & Suet. Claud. cap. 6. In Prouincijs autem, & alijs ciuitatibus publicæ, ac solenni sacrorum curæ præfuisse Augustales Seuiros assentior libentissimè eidem Reinesio. quò referrem etiam procurationem, & apparatus ludorum, qui firmè in honorem Numinum edebantur, ut ex inscriptione Neapolit. 9. 4. quam affert Reines. Addo tutelam, & custodiam loci, aut rei dicatæ, aut religiosæ. Inscr. Gruter. 358. 1. *Inlatis arce Seuirosum ob locum, & tuitionem statuæ, &c.* Quod si tum nomen congruit Augustalium tam Romæ, quàm in alijs ciuitatibus; tum munus non dispar rebus sacris vacandi, absolum minimè videatur, si municipalis hic honor imitatione Romani Sacerdotij sit appellatus. Scimus verò id studuisse colonias, ac subiectos populos, ut imitari quamdiligentissimè res Romanas nossent: quod partim adulandi calliditate, partim ambitionis sensu fecerunt. Beatiores autem illi, qui in eo studio magis se adprobarent, ac simiolam blandius agerent. id maximè sub Augusto, qui longo orio, pace, ac felicitate vltus, nouis magistratibus, legibus, moribus Romanam politiam fundauit. Et quidem extra Romam quoq. non vna in ciuitate reperitur Flamen, aut Sacerdos Augustalis in honorem, & cultum Augusti qua viuientis, qua defuncti lectus, & appellatus. In vrbe Nicopole meminit Arrian. differt. epictet. 1. 19. Pisis in eo decreto lapideo de Caij Cæsaris mortuali memoria *T. Statulenus Iuncus Princeps Colonia nostra Flamen August. &c.* num verò ij, quos in vetustis Inscriptionibus *Sacerdotales* legimus, iidem sint atque *Augustales*, ut vult Reines. d. epist. pag. 156. non mihi pro certo est. Scimus namque in ipsis ciuitatibus non vnum fuisse genus, non vnum colle-

collegium sacris operantium : Augures, Flamines, Pontifices, Sacerdotes : alios temporarios, alios *δὲ ἑτε* : alios maiores, alios minores. Adi Jacob. Guther. de V. Iure Pont. 1. 6. quem auctorem politissimum miror, ne γὰρ quidem de Augustalibus tradidisse. Inscriptiones à Reinesio prolatae *Sacerdotalem* memorant sine alio adiuncto : unde colligerem ex quadam exoche summum in ea ciuitate Sacerdotij genus significari, ac supra ordinem Augustalitatis. Sed viderint alij, ne in longiora diuerticula abeamus. Opportunior occasio curas dispensabit attentiores. Ea mihi sedet sententia non vbique in colonijs, municipijs, ciuitatibusq. fuisse Augustales; sed pro ipsarum amplitudine, viribus, studijs, institutis variarum fuisse in vsu, numero, munijs, nomine etiam Sacerdotum : *ἀλλοτε ἄλλα*. Quod autem hi Augustales alijs quoque actibus sese immiscuerint præter sacrorum procuracionem; præcipuè autem Iuri dicundo, haud repugnauerim. quod Reines. monet ex Inscriptione 421. 7. Non tamen utroque pollice adprobo, quod *Præfectus I. D.* in ijsdem Inscriptionibus de Augustali sit accipiendus. Potius crediderim hos Præfectos extra ordinem ab ipsis Decurionibus fuisse postulatos, aut à Præsidibus impositos per rerum gerendarum occasiones, si alij magistratus defecissent; Præit mihi Decretum Pisanum de Caio Cæsare Augusti nepote, *Quando eo casu in Colonia neque III Vir, neque Præfecti arario, neque quisquam Iure dicundo præcrat*. Semel autem hoc dictum velim, potius ordinem, quàm magistratum, aut administrationem Reip. fuisse *Augustalitatem*, quod allatae superiùs Inscriptiones docent. Sed in hoc Augustalium ordine, corpore, munere, collegio, non omnes paris dignationis, atque auctoritatis. Reperitur qui *Inter primos Augustales à Decurionibus sit factus* 409. 5. & 215. 2. Et *Augustales primi* ib. & *VIVir Augustalis in municipio Suelitano D. D. primus*. quem lapidem exactè, & pro innumera sua doctrina explicat Reines. d. epist. 31. Sicuti igitur de collegio Decurionum diximus, alios fuisse primos, Principales, atque honestissimos : ita de Augustalibus libet exponere, prout vel antiquioris ætatis præiudicio, vel maiori vsu Reipublicæ, vel suffragiorum prærogatiua, aut iudicio Principis meruerint ira appellari. Ac sicuti *Iuniores*, & *Seniores* Decuriones; ita de Augustalibus ratiocinari conuenit, quod sup. statuimus. Cum igitur quidam gradus in Augustalitate, maioris, aut minoris existimacionis reperiantur; ita *Honor Bisellij* insigne quoddam esse potuit, & argu-

men-



mentum maioris præstantiæ in eo ordine, vel collegio. Inde Plaetorius dicta epigraphæ *VIVIR Augustalis Biselliarius*: nempe vt digniori, & ampliori loco inter Augustales federet; quod bisellio exprimebāt, vt abundè superiùs adnotauimus. Eadem prorsus coniectandi ratione, quam in Decurionatu attulimus, à similitudine veri non deficit, vt cuiuspiam Augustali extra ordinem, ac peculiaris ob meriti causam ius datum fuerit sedendi inter Decuriones, quod Biselli nomine, & honore designassent, vt dicebamus. Inde *Augustalis Biselliarius*; erat .n. Augustalitas infra Decurionatum. Iuuant quæ proximè sequuntur in epigrammate de Plaetorio, *Honorato ornamentis Decurionalibus*, non igitur verè fuit Decurio; sed ingressu, & aditu ad curiam, ornamentis, perinde ac si foret, utebatur: quorum adepta honestas (vt potè existimationis non tralaticia) posteris vt innotesceret, in sculptam saxo voluit, qui titulum fecit.

## CAPUT XXXXI.

*Imagines. Clypei. προτομαί. θώρακις. Statuæ maiores, digniores. Emundus Figrelus. Currus quadrigarum: statuæ illic triumphales, in celebrioribus locis posita. Biga. Bigæ honor. Biga postulata ciuibus benè de patria meritis: præcipuè ob liberalitatem. Siglæ. Spectaculum: pro loco spectandi. Biga adiecta. Auctus. Bigam postulabat, vel populus, vel officia, & corpora. Decreta quandoq; nullo postulante. Decuriones postulatam decernebant. Publico, aut collato ære ponebatur. Remissum saepe impendium ab eo qui acciperet. Dux quandoq; decreta: quandoq; coercita populi postulatio. Statutum tandem ne nisi impensis accipientis. Vetita priuata collatio in Principum statuas. Honorificum biga traduci: item imagines, & statuas. Deferre circenses. Iudiciale carpentum. Cum P. Fabro disconuenit. Carpentum pompanicum. Biga Decurionum. Dedicatio biga. Honor biga forte idem ac Bisellij: septima, atq; vltima coniectura.*

**S** Eptimò, atque vltimò arcum dirigimus: attingere, & ferire (si reus lex est, vt in alijs) non audemus, aut confidimus. Periclitemur si fortè *Bisellij Honor*, idem sit ac *Biga*: vt hac demum biga stadium hocce Criticum, anceps oppidò ac lubricum postrema decursione emetiamur. *Honor Biga* Syllabatim his verbis,

Ec

aut

aut rarò , aut nusquam in alijs literarum memorijs reperitur : nonnihil dumtaxat eruiamus ex antiquis lapidibus , quorum indicinâ proficimus ad ea, quæ mox afferemus .

Multa olim apud Romanos ornamentorum , aut insignium genera , cum ipsis penè Romanarum virtutum certantia generibus ; quibus gens illa æqua meritorum æstimatrix , quin etiam remuneratrix viros egregios afficere , atque honestare solebat . hæc autem non præmia tantum ijs , qui acceperant ; sed facies , atq. irritamenta cæteris , ut non imparem laudis cursum obirent per rerum benè gestarum exempla . Saltem id vigente Republica ; sed lapsâbundâ mox , ac sequiori genio sæculorum etiam indignis ea decora collata , virijs sæpe praua virtutum specie latentibus . Inter hæc honorum specimina potissimum fuere Imagines , Clypei , *προτομαί* , *θήρακες* , statuæ : quibus non tantum ora , habitusq. repræsentarentur corporum , quàm ipse spirans virtutum vultus , atque animorum effigies , tum superstitionibus , tum nascituris sisteretur ad nominis famam , posteritatisq. commendationem . Hæ statuæ non vnus generis , aut occasionis ; sed neque vnus loci , ubi ponerentur . Parilibus Coloniae ; pedestribus equestres ; equestribus Curules antehabita . Summatim dicam : prout excellentius , aut sublimius speciei , & apparatus choragium referebant , ita digniori loco habita . imò quæ magis staturosa statuæ , magis quoq. illustres , maioribusque dicata . V. Plin. lib. 34. cap. 4. & seq. notauitque Casaub. ad Pollionis Claudium cap. 3. Videantur qui impensius huic argumento locarunt operam ; inter quos nouissimè Emundus Figrelus . At omnium honestissimæ Quadrigæ , seu currus Quadrigarum , quem statua infidebat triumphalis . quo sensu Iuuenal. sat. 8. vers. 3. vocauit

——— *Stantes in curribus Aemilianos .*

& graphice magis sat. 7. triumphatoris statuam aurigantem depinxit vers. 125.

——— *Huius enim stat currus ahenens , alti  
Quadryges in vestibulis ; atque ipse feroci  
Bellatore sedens curuatum hastile minatur  
Eminus , &c.*

Vbi Feroci bellatore , siue equo sedere , nihil aliud est , quàm *ὀχέειν* hoc est aurigari , & habenas regere . Pro *Vestibulis* lego libentius *Stant in triujs* , loca innuens publica , & totius vrbs conspicua , ubi cele-



celebratio concursus, populique adspectus frequentior, qui oculos illuc conuertat. Illi namque currus in foris, templis, basilicis, theatris statuti, potius quàm in vestibulis priuatæ domus, quod magnus interpres voluit. Quòd si Vestibula retineamus; de Vestibulis, propylæis, atrijs templorum malim intelligi. Ac fermè arcum molibus, Ianis, ædium fastigijs, operumq. insignibus curuaturis ea simulacra imposita Prud. 2. in Symm. ver. 555.

*Frustra igitur currus summo miramur in arcu*

*Quadrjngos, stantesque duces in curribus altis.*

Suet. Domit. 13. *Ianos, arcusq; cum quadrigis.* Sic quoque in Circo quadrigas Soli, Dijsq. alijs circensibus super fornice, aut arcu dicatas videmus. Consule Panuinum, atque alios; meritò summis honoribus adscriptus locus ille, vbi in oculis populi, & lucis publicæ maiestate statuebant aliquem *effigie triumphali* (vt loquitur Suet. Aug. cap. 31.) expressum, & consecratum. Proximus Dijs immortalibus, & ipsi Iouis folio *πάρηδος* habebatur, cui tantum culminis contigisset. Currum hunc quadrigarum *τέθριππα* dixere Græci: quam vocem retinuit Cic. 5. ad Attic. 21. oblatum sibi à Cyprijs honorem narrans, ac recusatum, *nullos honores mihi, nisi verborum decerni sèno: statuas, aenea τέθριππα prohibeo.* Puto autem olim numinibus quadrigas, bigas, &c. fuisse dicatas, Soli, Lunæ, &c. Dein hominibus, præcipuè victoribus apud Græcos per solennia illa ludorum certamina. Serius ad Romanos res venit: apud quos verus primò de hostibus triumphus; ludicra deinde victoria de aduersarijs id genus publici decoris inuexit. Sed medio æuo sub Imp. *Bigam* viris egregiè meritis postulatam reperio, quasi dimidiati triumphi simulacrum, vno minus equorum iugo. Aduersus legem puri sermonis, qui iam ad barbariem vergebat, *Bigam* dixere; cùm olim pluratio numero *Bigæ*, & currus bigarum, sicuti *Quadrigæ*, & currus quadrigarum dicerentur. Sed poetis tamen quibus nihil non licet, I. Consultris, & Plinio *Biga*, & *Quadriga*; quicquid nalum crispent literatores. In lapidibus autem (quod sup. innumus) hic *Biga honor* haud rarò memoratur; quem nos primi fortean excutimus, etsi in transcurso, ac volanti articulo. Cæterùm dignus alioquin ritus, & antiquariæ rei pars, in quam incuniberet seriò vigil, nec oscitans crisis. ac miror tot viros philologiæ diligentissimos, qui de re equestri, curruli, statuaria, Circensi vel impendio, vel obiter meminere, tam securè præ-

terijſſe hanc Bigam in lapidibus. quos iam ſine palangarum, aut cylindrorum ope producere tempus eſt. Reperio autem ijs potiſſimum fuiſſe poſtulas, ac decretas bigas, qui animoſè largiendo, ac profundendo populum demeruiffent. Ferè enim id comparatum eſt, vt prona multitudo eum diligit, atque in humeros tollat, à quo magis ſe lactaram, ac paſtam, tum commodis, tum voluptatibus ſentiat. In Gruterian. 440. 1. *Ob inſignem eius editionem muneris bidui populo poſtulanti bigam placuit equeſtri ſtatua decreto ordinis eum ornari.* En muneris editio, quo populus illeſtus: en poſtulata *Biga* in honorem editoris; ſed modus tamen factus poſtulationi, & decreta dumtaxat ſtatua equeſtris. Mecum ſenſit, ac notaui Emund. Figrel. erudito commentario de ſtatuſ illuſtr. Roman. cap. 18. Nequibat fieri hæc editio muneraria ſine ingenti profuſione, atque impenſa; nec ſine ſumma cura, ac vigilantia. Gruter. 421. 1. *Qui rogatus ab ordine pariter, ac populo, vt gladiatorij muneris publicè curam ſuſciperet, fecit. & explicito quod promiſerat, impendium bigæ, quam populus ex collatione legatiui, ac donatiui epuli offerebat, remiſit.* Hic quoq. *Biga* honor, ac merces oblata ob curam muneris, ac ſpectaculi. Et 352. 1. *Huic primo IIVir biga poſita ob eximias liberalitates, & abundantiffimas ſine exemplo largitiones, &c.* Pariter hîc in oculis populi ſunt liberalitas, & largitio; data ſpectacula, & commiſſiones, vt deinceps ibid. legitur. Et 1103. 4. in Piſaurenſi, quæ plenior legitur 447. 6. *Ob eximias, & abundantiffimas largitiones B. G. poſ. . . ex ære collato Decur. decr.* Notas, aut Siglas B. G. Bigam expono. Solenne autem veteribus, vt non modò integrum verbum ſingulari litera deſignent; ſed vnius verbi plures ſyllabas pluribus itidem notis indicent. Non norunt, niſi qui penitus ſint peregrini in ſaxis antiquis; at qui vidit, qui legit, ac pede (vt ita loquar) offeſſanti in lapides literatos læpiuſculè impigit, cum nobis *συννοεῖν*, ac ſentire non ambiget. *Siglas* eleganter vocauit Iuſtin. in præſar. de concept. Digefſtor. & alibi quoque, de qua voce Cuiac. 12. vlt. obſeruat. non *Signa*, vt perperam alij legebant. V. & Bernegg. ad Suet. Titum cap. 3. Sunt enim Siglæ ſingulorum verborum ſingulæ notæ. Cæterùm & in vno, eodemq. verbo plures notæ, vt dicebam, plurium ſyllabarum: vt hîc in *Bigam* B. eſt nota primæ ſyllabæ, G. alterius. Aduerti & in Inſcriptione l. 1. C. Theod. de Alexandr. Pl. primat. P. F. hoc eſt *Præſeſto*: alibi B. F. apud Gruter. eſt *Beneficiarius*. In eodem nempè verbo non vna no-



ra, sed pro numero syllabarum, aut alia diuidendi verbi ratione. V. quæ obleruat Cl. Reinel. var. lect. 3. 16. p. 620. Scio tamen & B. G. pos. posse exponi *Biga Gratis posita*. Atque ex hac quatuor lapidum veluti quadriga, vt *Bigam* nostram paulo attentioribus iudicij habenis nunc regamus, libenter inducor. Liquet igitur cui postulata, ac decreta fuerint *Biga* ad honorem. viris. scilicet egregiè meritis de publico; præcipuè autem qui insigni aliqua largitionis, ac beneficentiæ laude, eaque potissimum in ludis, ac spectaculis sese commendassent. Miror per amphitheatrum Lipsianum, vbi scriptor ille maximus munerarios ritus tam accuratè exhibet, non fuisse hanc *Bigam honoris* critica obleruatione deductam. Quòd si quis quærat, quo in loco posita fuerint hæ *Biga*? Non est dubitandum (quo pacto sup. de quadrigis diximus) quin totius ciuitatis maximè conspicuo: sæpe in ipso Circo, & arena tanquam ἀναθήματα illic in sua sede fuerint erectæ. 484. 6. *Huic cum & populus in spectaculis assiduè bigas statui postulasset, &c.* Vbi τὸ *In spectaculis*, capio non tam pro celebratione ipsa, & actu spectandi, in quo populus postulasset *Bigam*; sed & locum vbi ea statueretur, videor posse interpretari. Sic Sueton. Calig. 35. *Ingressum spectacula, &c.* & Neron. 32. *animaduersam matronam è spectaculis*. Est enim spectaculum locus ipse, siue θέατρον, aut θιάτριον. Nolim autem, vt vllus honorem hunc bigæ confundat cum altero, de quo apud Suet. Tib. cap. 26. *Natalem suum*, inquit, *plebeijs incurrentem Circensibus, vix vnus bigæ adiectioni honorari passus est*. Hic quoque honor ex adiecta biga: intellige autem, vltra numerum consuetum, aut decursionem bigarum, vnā fuisse adiectā. Solenni verbo *Auctum* dicebant. Bigas alicui ponendas postulare solebat populus, vt ex proxima inscriptione *Bigas statui postulasset*, & sup. 440. 1. *Populo postulanti bigam*, & 444. 5. *Citra vllius postulationem, &c.* Addo l. Vlt. C. de statuis, & imagin. *Quoties iudicibus nostris, vel cuilibet alij statua fuerit à quocunq; collegio, seu officio, vel in hac sacratissima ciuitate, vel in Prouincijs postulata, &c.* Populus autem, ac multitudo impetu gaudij acta palam, & μὲν φωνῇ inter ipsos sæpe ludos, ac celebritates publicis huiusce virtutum testimonijs, gratique animi significationibus decoratum cupiebat eum, cuius liberalitati, ac munificentiae acceptas voluptates, atque oblectamenta tulisset. Sed & Collegia, Officia, & Corpora, vt ex d. l. vlt. constar. Aliquando citra vllius postulationem oblata, ac decreta *Biga*; quod honestius videtur

detur fuisse, & maiorem addens exultationem ei, qui recepisset, si sua sponte Decuriones, aut Præles decreuerit; sola inspecta virtute quam exornent, nulla populi postulatione qui importune extorquear. Fortè autem & ipse, in cuius honorem locaretur, quandoque postulabat; aut per amicos, & Principes ciuitatis ambitu, & gratia petebat. 421. 1. *Bigæ, quam populus ex collatione legatiui, ac donatiui epuli offerebat.* Hic Oblata, vt & 444. 5. *Citra ullius postulationem cum à municipibus suis oblatum, &c.* At Decurionum erat postulatis populi annuere, ac decernere, quod ille petiisset; vel modum, ac legem imponere, si excessisset, vt ea nos docent tæxis incisa epigrammata. Hinc fermè conuincta decreta cum postulationibus, vt in iisdem lapidibus videre est, quibus adde & 483. 9. Ad eiusdem Ordinis, siue Decurionum curam, aut decretum attinebat, locum, ac pedaturam statuere, spatiumque definire, in quo biga, statua, aut aliud honoris cauti L poneretur. Hinc illa toties *D D D L Decreto Decurionum Datus Locus*: aut consimili formula, quæ sæpe tibi obuia.

Sed hæc obtinuisse opinor ante Constitutionem Arcadij, & Honorij quæ in l. 4. C. de statuis, & imagin. vbi extra *Imperiale beneficium*, h. e. Principis permissionem nemini, aut iudici, aut in administratione posito licet accipere statuas *æneas*, vel *argenteas*, vel *marmoreas*, vt illic sancitur. Seuero autem pœnarum interdicto defigitur, infamiae .s. & quadrupli quisquis aduersus legem commiserit. Verabatur forsitan populi exultabundi, ac præ gaudio lasciuentis temeritas, qui vel leui de causa, vel nonnunquam indignis hunc honorem contulisset: aut coercebatur affectantium ambitio, ne lubdolis blanditiarum artibus extorquerent titulos, ac duraturæ monumenta memoriæ inanitate colligerent. neu tandem cum patrimonij ruinâ inanis opum profusionibus populi fauorem redimerent ad eam ponendæ sibi statuae capturam.

Publicis demum sumptibus plerumque factæ, ac staturæ apparent hæ Bigæ: 484. 6. *alterius sumptus remisit Repub.* & quidem collatione, aut ære corrogato ad id opus. Sup. 447. 6. *ex ære collato.* 421. 1. *ex collatione legatiui*, l. vlt. C. de stat. & imagin. *ex Descriptione*. Et quod sæpe legitur *Gratis*, vel *Gratis pos.* Sed nonnulli honore solo contenti, & benigno populi consensu, qui postulasset, & obtulisset Bigam, impendium remittebant: sua ipsi pecunia opus faciendo. Inde sæpius occurrit formula *Honore accepto impendium remisit*, ijs notarum



rum ductibus H. A. I. R. & præscriptis verbis *Honore contentus impensam remisit*, vt 356. 10. Compar huic S. P. F. hoc est *sua pecunia fecit*. sup. 421. 1. *Impendium Bigæ, &c. remisit*, & 484. 6. *Pro insita modestia sua unius bigæ honore contentus, alterius sumptus remisit* Reip. Liqueat ex hac inscriptione duas quandoque bigas vni fuisse postulatam, aut decretam, & quidem sumptu Reip. sed ob modestiam vnâ tantum acceptâ. Sicuti pro vna biga, quam ciues postulassent, decreta eius loco statua equestris ab ordine Decurionum, veluti honorem moderantium, vt 340. 1.

Cæterum deinde lege cautum, ne quis, cuius ad honorem statua petitur, nisi suis impensis collocari permittat l. vlt. C. de statu, & imagin. *Et virtutum premia tribui merentibus conuenit, & aliorum honores alijs damnorum occasionem fieri non oportet, &c. nequaquam ex descriptione (contributione, & collatione) sumptus colligi patimur; sed eius, cuius ad honorem petitur, expensis proprijs statuam collocari præcipimus*. At in imaginibus, statuæ Imperatoris priuatam collationem veruerunt l. 3. ib. *Priuata collationis iniuriam propulsari præcipimus: addita consilij ratione, ne quid in eis suum collator agnoscat: quibus è legum testimonijs facile adducor, vt opiner, gratuitum hunc Honorem bigæ ætatem anteuertisse Principum, quorum constitutiones adduximus; sunt autem Arcadij, Honorij, &c. atque Antoninorum sæculo, vel circa, hæc Honorum appellationes (sicuti de Bisellio diximus) potissimum inoleuisse*.

Quod *Bigæ Honorem* vltimò attinet, nolim tacuisse, Bigâ, aut vehiculo traduci, summo itidem Honoris, loco, atque excellentiæ habitum fuisse. Vnde id ferè editoribus in pompa circensi tributum, vt notum est. Hinc ea cura summè ambita, aut magisterium, vel præfectura certaminis, quam Agonotheæ suscipiebant. Indico tibi pulcherrimam de ea re memoriam in l. 10. D. de pollicit. quam videtis. Hinc etiam mortuorum imagines, & statuæ vehiculo traditæ in theatrum ad honorem. V. quæ narrat Dio, aut potius Xiphilini lib. 71. p. 813 de Faustina. Capitolin. in Antonino Pio cap. 6. *deferre Circenses eleganter v. cavit. Delatis, inquit, Circensibus atq; templo, & flaminicis, & statuæ aureis, atq; argenteis*. quod puro sic dictum, quomodo *deferre hereditatem* l. Consultis: an potius ἑλκεῖς pro, Delatis honoribus circensium. Sic paulò post, *statuam auream delatam à Senatu positam accepit*. Sed & *deferre Circenses* erit ludos

ludos in memoriam alicuius instituere. Suet. Calig. 15. *Eò amplius matri Circenses, carpentumq; , quo in pompa traduceretur, & Cæli. cap. 76. Thensam, & ferculum Circensi pompa, &c.* Omnino namque præstantiæ specimen, publicæque exultationis decus reputabatur, uti posse iure Vehiculi. quo spectat tit. & l. vn. de Honoratorum vehiculis. De Carpento mulieribus Romæ concessio honoris causa Liu. Plutarch. alij dixerunt. Præfecto quoque Prætorij carpentum tributum in Honore insigni, atque ornamentum: quod *Iudiciale carpentum* appellarunt. Vopisc. in Aurel. init. *Vehiculo suo, & iudicali carpento.* Sidon. Apollin. 7. 12. epist. & ibi accuratissimus Sauaro. P. Faber 1. semestr 3. pro sella Curuli explicat: quam benè non sat video. Pluscula Guther. de off. D. A. 2. 16. Confimile quod Isidoro 20. 12. *Carpentum Pompaticum.* Sic *Biga Decurionum* in lapide Vrbinate apud D. Francisci, cuius meminit Pancirol. cap. 6. de Magistr. Municip. Ea fortassè, qua utebantur Decuriones cum procederent.


Verùm Bigam nostram, aut statuam curulem alio prorsus significatu accipiamus licet: pro simulacro, & opere sculptili, aut fusili in alicuius honorem statuto. Nempè acclamantis populi, postulantitue multitudinis (ut dicebamus) voce, atque iudicio deferabatur hic honos alicui, statuæque illius curui bigarum imposita publico in loco viuentium, posterorumque oculis figebatur, addito titulo, atque inscriptione. Quamquam & id honorificum, si Numini, aut Principi votæ, ac dedicandæ statuæ religio, ritusq. & cura alicui demandaretur, utque publico nomine is collocaret. Iniunctum hoc officium commendat industriam, & auctoritatem ciuis supra cæteros spectati. 444. 5. Grut. *Hic opus quadrigæ cum effigie Imperatoris Hadriani Aug. citra ullius postulationem à municipibus suis oblatum, &c.* Atq. in hac Bigarum dedicatione diuisi nummi incolis, ciuibus, Decurionibus, omniq. genere lenocinij secunda populi exultatio collecta ab eo, qui honorem accepisset. 485. 8. *Ob Dedicationem bigæ Decurionibus singulis — XV. collegis omnibus VIII. plebei, & Honore vsis — XIII L. D D D.* Denarij fuerunt hîc diuisi, ut ostendit nota X locumq. statuendæ Bigæ Decuriones decreuerunt, quod vltimæ literæ arguunt.

Sed cum his curribus videbor fortassè nonnullis ex quadrigario desultor factus; qui à Bisellio parumper diuerterim, quò me vocabat



bar incurrentis occasionis illecebra. Sciunt tamen istarum literarum diligentes, quomodo vnum ex alio amica serie neſtatur, atque hoc prorsus ἐξαιθισμῶ quanta quanta sunt philologica scripta, commententur, & consent.

*Bigam* igitur (quomodo superius explicauimus) curulem .i. statuum in argumentum honoris, & memoriam posteritatis alicui decretam, aut positam, alio nomine placuisse *Bisellium* appellare, haud penitus repugnamus; atque adeò *Honorem Bisellij* ex ijs, quæ de *Biga* protulimus seprima, atq. vltima nostra coniectura illustrari. Scimus namque δῖπρον sellam esse, vbi duo sedeant παρὰ τὸ δύο φέρον Suidæ, Fusthario, alijs, ac sup. diximus cap. 9. quomodo & Bisellium ex Varrone, quod duorum sedentium est capax. At δῖπρος pariter est currus, quialiter διοχὴς, Pausaniæ, Polluci, atque alijs, παρὰ τὸ δύο ἔχει, quod duos capiat. δῖπρος δὲ διοχὴς ὁ δύο φέρον δυνάμενος. Poll. 7. 26. quod vertunt δῖπρος, *Biga qua duos recipere potest*. Sic δῖεδρος, quod est *Bisellium* exponitur doctissimi mo Aemilio Porto apud Suidam, *Idem ac δῖπρος. Bisellium. Sella duos recipiens, quæ & δῖεδρον vocatur*. Neque mirum, si eo seculo nouè quid audere consueuerint, Bisellium pro *Biga* enunciantes; præsertim vbi tum rei, tum nominis iuuabat affinitas, ac similitudo. Sed inter sese Inscriptionum collatio, lapidumque compositum examen, probabilior puto, dabit vltimæ huic nostræ coniecturæ auctoritatem. Vtrobique namque tam in ijs, quæ sunt de *Biga*, quàm de Bisellio inscriptionibus, eadem apparet tradendi honoris occasio; eadem accipientis præstantia, aut meritum; idem populi consensus, aut Ordinis decretum; idem penè verborum nexus, & formula, tituli que, & memoriæ expressio, ne dicam prorsus ταυτοῖησα. Componantur quæ sup. de Honore *Bigæ*, & quæ de Honore Bisellij. Grut. 475. 3. & 4.



## CAPVT XXXXII.

*Iterata excusatio de vera interpretatione Honoris Bisellij. Honores onera, & ruina ambitioforum. Ob Honorem; solenne verbum. Litera M quandoq; pratermissa. Resp. Pisanorum. τὸ κοινὸν. Il Comune. Commune Siciliae. Communitas Asiae. Pisana columna milliaria ad S. Petri in Gradu producitur, expletur, illustratur. Columnarum, milliariarum usus, & observatio. Ciuitas: sepius de Metropoli, aut vrbe primaria. πόλις τῶν πόλεων. Mater ciuitatum. Capita regionum. Πόλις Alexandria: ἄστυ Athena: Vrbs, Roma. Oppidanum genus. Ciuitates Christianis, quae sub Episcopo. περιόδευται: Chorepiscopi. Clausula operis. Inuitatio ad σύνοψιν de Veterum Donis.*

**S**atis haecenus, vt lucernulam praeferamus Bisellio: saltem primi paupertinum lychnum huic obelisco intulimus, vt mox veniant sagaciores antiquitatum Promethei, qui plenam facem, ac super omnes Hyperionis radios luculentam è sanctiori eruditionis penu depromant, ad viuificandos lapidum stupores, & saxorum animandum frigus; quorum in intellectu etiam ij Gorgonem saepe vident, qui stupere alioquin nihil solent in literis. Aeque interim animo accipiet, bonique consulet coniecturas nostras quisquis in re ignota, atque haecenus à nemine (quod sciam) tentata vadum monstrare, aut viam pedibus facere, nec securi moliminis, nec obuiae εὐστοχίας esse meminerit.

Sed vbi haec qualicunque coniecturae periculo de *Honore Bisellij* executus sum, pro Colophone apponam, non tam retusum mihi esse pectus, quin praesentiam, quod ex contrario vllus facile possit contendere. Quis, inquit, spondere audeat in hoc Pisano marmore Quadratarij manum non errasse; &, quod alibi toties, hinc pariter γραφικὸν σφάλμα tot nobis tenebras non offudisse? Imò namque pro *Biselli* scribi oportuisse *Bisilli*: quod & altera inscriptione factum, quae proinde nihil mutanda, aut emendanda. Nempè *Ob Honorem bis illi*, h. e. Q. Largennio, subaudi, decretum, aut gestum Duumuiratus, facta fuit donatio Pisanis. Non dissimulo vires, atq. ictum, quem vltro prouocaui, atque excepi. nec studio Bisellij, ac praeiudicata



dicata de eo à me opinione ita vadatum me sentio, quin alterius quoque sententiæ remoram, atque offendiculum bona fide cognoscam. Si quid tamen valent quæ superiùs attulimus nostro hoc commentario; atque ea attento animo non defugiamus introspicere; faciliè has nubes dispellemus, integram, ac lucidissimam scriptionem nostro lapidi meritò vindicantes. Quòd si temerè hunc moueamus, *Biselli* substituantes, quot illinc absona consequantur nemo non videt: quæ nunc refellere haud tanti res est.

Atque hic *Honor Bisellij*, quicumque tandem ille fuerit (quod statuere nolimus, tentare modò, & conijcere libuit) haud paruo æstimatus fuit à Q. Largennio Chresimo; qui acceptæ id genus honestatis, aut ornamenti causa non contemnendam pecuniæ summam Reip. Pisanae donauit, vt in saxo tandem legitur.

*H S L N Reip. Pisanor. dedit.*

Quòd si exputare placet ad hodiernam scutatorum Romanor. rationem, duceni, ac quinquageni supra mille conficientur ex recepta, & magis communi Sestertiorum æstimatione; quorum singuli duo ceratia, aut asses Florentinos æquant, siue binos Romanos Baiocco. Quo circa ad memoris, gratique animi laudem pertinet, vt qui publico iudicio honorem aliquem sint assecuti; tum beneficium victuris monumentis testentur; tum si per vires fortunarum liceat, nonnullam redhostimenti gratiam rependant: vtrumque verò Q. Largennius præstitit. Huc spectant solennia verba *Ob Honorem*, vt in nostra epigraphe, ac centies apud Gruterum, & alibi, quoties quid permittitur, legatur, erogatur, diuiditur ob honorem acceptum, aut accipiendum. Sed in nostro lapide scriptum est *Ob Honore* minus litera M. siue cuforis elementarij ignauia; siue, quod apparet, angustia loci non admittente. quomodo autem Vereres hanc litteram in carminibus exterebant, aut scribentes lineâ superductâ denotabant; ita nonnunquam omiserunt in lapidibus. Sic cura agentibus, hærede non sequitur, &c. percurrere indicem Gruter. aduertit etiam Boldonius in Epigraphicis. Obseruavi in libris quoque Iuris, titulo præsertim de Pollicitat. *Honoris* factam mentionem, subindèq. *Ob Honorem* pollicitationem ingestam, cum quid Reipub. aut ciuirati promittitur eam ob causam. Ac verè illi honores potius onera, ac dispendia; quando in ijs petendis, accipiendis, ineundis, tam immani

largiendi profundendique studio infanierint ambitiosi homines; ut non raro totis suis euoluti fortunis, patrimonium integra diruerint ad incitras redacti; pretium ponentes tam immeritum inani aucupio popularis gloriolæ. Omnino autem ex lege, aut more vix poterant euitare atrocia illa rei domesticæ vulnera, quod superius innuimus. Sic Aedilibus, Prætoribus, Consulibus iniuncta ea onera, missilium, ludorum, largitionum ad saturandam, oblectandamq. plebeculam. Sed modus deinde impositus fuit, & intemperiei prodigensimæ adacti fræni: qua de re consulantur veterum legum iussa in libris Iuris; nos exactè obseruauimus in nostro syntagmate de Re Domitica, ubi de missilibus, sportulis, donisque ad Processus, & Honores, & id gen. aliis. Sed enim in lapide nostro Largennius Chresimus *Ob causam*, ut loquuntur I. C. & accepto iam honore d. mar Reip. Pisanorum: *Qui pecuniam pro honore promissit*, inquit I. C. l. 16. §. 1. de mun. & honor. In alijs inscriptionibus, quas attulimus de Bisellij (ex nostra emendatione) honore, aut Bisellharijs, factæ prius appa. ent largitiones, subitæ expensæ, collaræ pecuniæ, siue ad voluptatem populi, siue ad Reip. vltum: cuius liberalitatis, aut munificentia respectu, dein Bisellij, aut alius honor ob ea merita, decretus, & acceptus. V. in Gruterian. 475. 3. & 1099. 3.

Vltimò loco (ne quid occasione Bisellij in nostro lapide neglectum remaneat) occurrunt verba *Reip. Pisanae*. Rempub. pro quacunque societate ciuili accipimus, quæ legibus, & magistratibus regatur, imperium, ac maiestatem retineat: neque vnius ambitu oppidi, sed plures populos, atque vrbes complecti possit. passim *Com.* vel Gr. κοιν. *Commune*, & κοινόν; tum in nummis, tum in lapidibus apud Grur. & alios (nobis ipsissima voce *il Comune*, *ò la Comunità*.) Sic Ciceroni haud semel *Commune Siciliae*, & *Commune Miliadum* hoc est τὸ κοινόν, siue *Resp.* & l. 6. D. excus. tut. τῷ κοινῷ τῆς Ἀσίας. *Communitati Asiae* ex epistola Antonini Pij. Sed de Reip. aut πολιτείας nomine, ac ratione vide, quod maximus philosophorum docuit in opere planè dignissimo, quod auctorem habeat Aristotelem lib. 3. c. 2. *Politic.* Pisanorum itaque amplitudinem, ac splendorem demonstrat eo *Reip.* nomine. Sed quæ hîc *Respub.* aliter *Ciuitas*. promiscuè vsurpantur, ut sæpè apud I. C. in titulo præsertim Digest. de Pollicitationibus, & in saxeis tabulis pronum est intueri. Et quidem in altera epigraphe *Ciuitatis* appellatione gaudet Pisana Reip.



Resp. in columna .s. milliaria, quam proferre libens meritò debeo, atque è tenebris educere inobleruatam penitus, ac neglectam. perpruriscit enim iam nobis hic genius benè merendi de Pisanis lapidibus. Etiam igitur hunc bona fide euulgemus, literasque longo attritu penè consumptas, senioque fugacissimas reuocemus. Ac profectò, nisi scierit scalprum illic ductasse lineas, imprudens, atque ociosus quisque præteriret: adeò illas tempus abrasit, quod sua nihil non delet, ac truncat nouacula. Sed vel indignum loci situm sensit ea columna alioquin non vetustissima; vel austrini flatus excepit iniuriam, qui licenter excurrens, pernicialem vim defert, quæ obuias ædes, æra, mænia subtili sensim lambit nocumento. Extrat autem hæc columna humi depacta in porricu D. Petri in Gradu, qua Pisas respicit. Puto autem fuisse illic destitutam in aditu porticus pro offendiculo, aut repagulo, ne iumenta progredierentur. Cæterum deinceps in vsum religionis verterunt mulieres cultui addictæ, quæ per dies solennium expiationum illud templum antiquissima veneratione prorsus celebre inuisentes, manum inferunt columnæ, qua superiùs hiat in morem sulci: nescio qua persuasione diuinæ pacis, si eo manuum embolismo defungantur. Ac fortè dum illic certatim circumuoluuntur, frictione assidua paulatim lteras deterferunt: quæ repetito multoties oculorum circumiectu à me tandem expressæ sic habent.

*Imp. Cæs. D. N. RO (Fl. Valenti)*

*Pio Felici semp. Aug.*

*Imp. Cæs. D. N. Fl. Gratiano*

*Pio Fel. semp. Aug.*

*Dini Valentiniani Aug. Filio.*

*Imp. Cæs. Fl. Valentiniano*

*Pio Felici semper Aug.*

*Dini Valentiniani Aug. Filio*

*Ciuit. Pisana*

*M P IIII.*

Prima linea omnino explenda est, apponendumque nomen Fl. Valentis (vt fecimus) quod penitus abierat nullo apparente vestigio, ac necesse tamen est ibi non defuisse. Hi tres imperij Romani gubernaculo vna assederunt Fl. Valens cum Gratiano, & Valentiniano filijs Valentiniani primi. Vterque hinc nominantur mortuo  
iam

iam parente, quem *Diui* titulo ex more indicant. multæ extant in Cod. Theodos. & Iustinianico trium A A A. constitutiones Valentiniani, Valentis, & Gratiani, vt & in Inscriptione Gruter. 160. 5. Sed non putem confundendos cum tribus hisce nostris. In ijs namque legibus, & in veteri inscriptione Valentinianus ponitur primo loco, dein Valens, & Gratianus; at in columna nostra Valentinianus ultimo locatur, quoniam hic filius est illius Valentiniani iam defuncti, de quo in Codicibus, & saxo. Historia lux veritatis rem confirmat: quoniam Valentinianus I. nonnisi socium Gratianum adiciuit filiū natu maximum ad habenas imperij. ex duobus alteris filiis, quorum vtrique nomen paternum Valentinianus, nullum aut vocauit, aut vocare potuit in consortium regiminis. alter quippè trimulus intra fascium consularium stetit cancellos, obiitque viuo parente: alter mortuo demum parente cum Gratiano fratre præedit reip. etiam rum quadrimus A. V. C. MCXXVII. Ante hos fratres Valens Valentiniani senioris frater, & istorum patruus Communione imperij lactabatur, qui altero post mense, quàm Valentinianus frater summæ rerum adesset, consortionem iniit regnandi: atque hi tres tunc numerabantur, quos in Codice legimus. Distinguendus pariter est hic Valentinianus regnans, de quo columna nostra, ab altero Valentiniano fratre, qui fato præreptus (vt diximus) ad imperium peruenire non potuit: & passim tamen ex duobus Valentinianis perperam, & confusè fit vnus. Sed primus hunc errorem discussit doctiss. Valles. ad Ammiani lib. 31. pag. 412. & 433. post eum Christoph. Adam. Rup. ad Synops. Besoldi pag. 450. vir tersissimi iudicij in rebus gestis, earumq. temporibus adnotandis. In columna itaque hac Pisana Valentinianus Valentiniani filius erit ille, quē secundæ cunæ exceperunt; qui partim cum Valente, & Gratiano (vt hîc exprimitur) imperium tenuit, partim deinceps cum Theodosio, & Arcadio; Arbogasti tandem perfidia occisus apud Viennam A. V. C. MCXLIV.

De hac columna, quin fuerit milliaria, nemo dissentiet; quod notæ indicant in fine M P IIII hoc est Millia passuum quatuor. aliàs sola M denotare solet milliare. et quidem ab eo loco, vbi etiam hodie reperitur ad urbem Pisanam milliaria quatuor interponuntur. Fortassè olim locatum columnarè hoc saxum in via publica, quæ Liburnum (olim Hercules Labronis) ducit: translatum dein fuit in tanum, seu porticum D. Petri. Færmè autem hæ columnæ, aut cippi, vel  
lapi-



lapides monere solebant viatorem, ex quo ad quem locum, quantum spatij, aut quorsum excurrant miliaria. V. apud Gruter. 155. 2. vbi columnæ miliariaæ mentio. & 150. 6. vbi posita milliaria, & 153. vbi milliares lapides restituti. Plura columnarum id genus exempla ab ea pag. 153. vsque ad 159. in quibus, vt in nostra, nomen dumtaxat Principum inscriptum; quandoque additus miliarium numerus. Sidon. propemptic.

*Cuius per spatium satis vetustis*

*Nomen Casareum vires columnis.*

Ad hunc locum Sirmondus, qui duas profert columnas. Ac de ponendis miliaribus, eorumque lapidum, ac terminorum figura apud veteres multa præclare doctus V Veller. in rebus Augustan. cui addo Reinesium var. lect. lib. 3. cap. 16. pag. 610. Theod. Pulmann. ad Suetonij Orthon. cap. 6. Turneb. aduers. 5. 1. De miliari aureo notiora multò sunt, quæ ab eruditis traduntur. Cæterùm quod hîc *Ciuit. Pisana* legitur, fortasse quis exponat pro ipso loco, siue vrbe, quæ inde distet, vbi posita columna passuum millibus quatuor  $\overline{\text{P. M. IIII.}}$  Non ignoro Latinis *Vrbem* propriè de ædificijs, ac muris dici, de hominum multitudine, & congregatione *Ciuitatem*, rarò hanc de loco: aliter ac Græcis ἡ πόλις tum de indigenis, tum de loco. At satius est *Ciuit. Pisana* de ipsis ciuibus exponere, qui inscribunt, aut dedicant columnam. Honorificum sanè *Ciuitatis* nomen, haud secus ac in altero lapide de Honore Bisellij *Respub.* vocatur. quandoque enim sola Ciuitatis appellatione mater ipsa, aut Metropolis significata alicuius Proinciæ, sub qua aliæ vrbes legem acciperent: πόλις τῶν πόλεων Græci, hoc est *ciuitas ciuitatum*, Ezechieli cap. 16. vbi vertit D. Hieronym. *mater ciuitatum*. Liuius lib. 55. *capita regionum*. Diuidebant namque Ciuitates in Minores, Maiores, & Maximas, de qua diuisione Modestinus I. C. in l. 6. D. de excusat. tut. ex epist. Antonini Pij. Ciuitatis quidem titulus siue πόλεως quadam exoche olim tributus Alexandriæ; sicuti ἄστυς Athenis; grandi, ac solitario *Vrbis* nomine Roma expressa. Fisi pro quacunq. Metropoli, aut ciuitate primaria ipsum nomen *Vrbis* extra Romam quoque accipere possis apud I. C. in l. 4. D. de damno inf. Et ipsi namque tum ethnici, tum alij scriptores signanter, & κοινῶς nomen fecere *Ciuitatis* magnis, & amplis ædium, ciuiumque communionibus: pagos, villas, burgos, vicos, oppida, castella, ab ijs discernentes. Plin. 37. 10. *Cepionides in Aeolidis Atarne*

nunc

nunc pago, olim oppido nascuntur. in l. 3. C. Theod. de donat. Ciuitates, municipia, & vicus, castella, &c. & l. 13. eod. Cod. de Defensoribus. Urbium, vicorum, castellorum, &c. Saluianus 5. de gubern. Dei, non modò vrbes, sed etiam municipia, atque vici, &c. V. quæ sup. cap. 6. de municipiorum contemptu. Isidor. 15. 2. Vici, & castella, & pagi ij sunt, qui nulla dignitate ciuitatis ornantur, sed vulgari hominum conuentu incoluntur, & propter paruitatem sui maioribus ciuitatibus attribuuntur. V. plura eo cap. Tacito 6. annal. oppidanum genus, quod nos Castellano, & Iuuenali Municipalis eques; eleuandi formâ, quasi inferioris ordinis, atque existimationis: Oppidanum quodam, & incondito dicendi genere, Cic. Bruto. V. quæ sup. de Municipijs cap. 5. & 6. sic etiam Castra, vnde Castella, à colonijs, ac ciuitatibus distincta. Idem Tacit. 1. hist. Nec principes modò Coloniarum, & castrorum, &c. At Ciuitates, & Vrbes amplitudine, ac potestate maiores: notauitque doctus. Pighius in Hercule Prodicio pag. 40. etsi nimium parcus, atq. ieunus testimoniorum, atque auctoritatum, quas in eo quantius precij libro interdum desiderarem. Veruntamen Christianissimi inuento factum, vt ciuitates eæ sint nobis, quæ Antistitem habent. V. distinct. 80. cap. 1. & seqq. & quidem eo primo cap. ex ipsa gentilium obseruatione de urbium dignitate statuit Lucius Pontifex. Quare cautum Concilio Sardicensi, auctore Osio Cordubensi episcopo ne humilia, & obscura loca episcopali sede ornarentur; quod cap. 5. ea distinctione exprimitur, non debere in vicis, & villis episcopos ordinari. ea. s. honesti ratione ne vilescat nomen episcopi, vt cap. 3. scribitur, quæ sunt desumpta ex epistolis Anacleri, & Leonis Pontificum. In vicis enim, aut pagis eos præfuisse scimus, quos Chorepiscopos dixere, & περιουτὰς. Visitatores, idest qui circumeant cap. 5. ea distinctione 80. vocantur. Fisi quandoque in vicis constitutos fuisse episcopos apparet ex concilio Laodicensi Can. 57. dum verat ne ἐν ταῖς κώμαις, καὶ ἐν ταῖς χάραις, in vicis & in pagis constituantur: arguente ibi fuisse quandoque. iterumque iubet eos episcopos Vicorum nihil facere ἀνευ γνωμῆς τῆς ἐπισκοπῆς καὶ ἐν τῇ πόλει, sine consensu episcopi Ciuitatis. non pè solo Ciuitatis non ine dignissimam, & amplissimam intellige, siue n. etropolim. V. Perter. Pirh. diatrib. 1. cap. 6. Quæ omnia huc spectant, vt darum. id Pisanæ Vrbi, aut populo non en illustrius reddamus. Atque id interim in obseruationem nolo, in his aut Ciuitatum, aut inferiorum locorum gradibus significandis (quæ vel obscuriores,

vel



vel clariores, dignitatem, potestatemque perinde obtinebant) haud multum inter se abiisse gentiles, & Christianos scriptores: aut inter Christianos demum ipsos Remp. ab ecclesia, & civilem rationem à sacra politia non admodum discrepasse.

Sed Criticæ disceptationis (vt fermè contingit) aliud ex alio trahentis lubido à basi ad columnam, à Bisellij ad Milliaris inspectionem huc nos prouexit. Cippus ille Mortualis Q. Largennij manibus dictatus de vitæ termino, fatique hora admonet: Milliararia hæc columna à ciuibus Pisanis erecta, emensum viæ spatium, locique fines determinat. Nos igitur quoque cum hisce terminis pedem sistamus; modum, ac mensuram suscepto commentario imponentes; ne productiori itinere, eoque aut inamœno, aut salebroso beneuolos lectores fatigemus. quibus tamen superest nonnihil adhuc molestiæ perferendæ, viæque abtoluendæ: quam per excursum conficiant, & permitto, & suadeo. nisi tamen cursum suadere, aut iniungere de longæ iam tractationis curriculo fessis, inurbanum, & inlaudabile censeatur.

Quando igitur nostrum de Veterum Donis syntagma in causa fuit cur Pisanam epigraphen de pecunia à Largennio Chresimo donata. *Ob Honorem Bisellij* attenderemus; peracta nunc illius interpretatione, coronidem veluti imponamus eidem lapidi; Synopsis .i. aut periocham eorum quæ in Dorologia pertractamus. vt quæ fuit origo, & caput indagandi Bisellij, eadem clausula sit, & umbilicus. Non inuiti autem ordine ad facilitatem elementario præmittimus subiectum indiculum, vel prodromum, aut metatorem. vt, si quem non pigeat rimari in antecessum, quin etiam de quopiam admonere (quod ingenue concupiscimus) & eruditam conferre symbolam, liceat.



Geminis contextum partibus vniuersum Opus Dorologicum ita disponimus, vt prima sit Isagogica, quæ lectorem in quodam quasi vestibulo sitit ad Rem Donaticam Veterum infinitè, ac γενικῶς prænoscentiam. Suis autem nexam capitibus ita præmolimur.

### C A P V T P R I M V M.

*Critices, ac philologia studium. Operantium illi non una laus: diuersi labores, ac consilia. Vindicia pro Syntagmate Dorologico, quod nemo aggressus est. Antiquitatum cura saculi palato valde accomodata.*

### C A P V T I I.

*Partitio totius operis bimembris. Præludium primò, atq; inuitamentum ad Rem Veterum Donaticam in vniuersum: dein propriè ad singula genera donorum explicanda transitus. Fermè autem hic ordo seruatus: vt occasio, ac tempus donandi, ritus quoq; atq; institutum expendatur: qui dederint, qui acceperint: quæ solennia, ac memorata magis in donationem venerint, adnotatum sit.*

### C A P V T I I I.

*Doni definitio subtiliter examinata per nominis notionem, vocisq; virtutem.*

### C A P V T I V.

*Per rei naturam, ac constitutionem eadem agitata.*

### C A P V T V.

*Miscella donorum nomenclatio exactè, ac sollicitè apposita.*



## CAPVT VI.

*Diuisio donorum; hinc in Diuina, illiñc in humana. Vtraq; vel publica, vel priuata. Eademque, vel εἴρη, vel χρήματα Aristoteli; vel quomodo Cic. Ex arca, & Ex virtute.*

## CAPVT VII.

*Origo, antiquitas, institutio donorum, præsertim apud Rom. Quæ in ijs formula, qui ritus.*

## CAPVT VIII.

*Praxis, atque vsus donandi. Quid in eo laudabile, quid culpa dignum.*

## CAPVT IX.

*De accipiendis, recusandisque donis.*

## CAPVT X.

*De remunerandi, reddendique officio.*

## CAPVT XI.

*Donare, lucrum.*

## CAPVT XII.

*Idem iactura.*

## CAPVT XIII.

*Quibus donandum, aut secus.*

## CAPVT XIV.

*Quid donandum, quid non.*

## CAPVT XV.

*Leges munerales.*

Sequitur altera pars *ὑσιώδης*, ac penetralis; cuius periocham ordine elementario digestam in hunc modum præcerpimus.

## A

Adorea. Donum militare. *V. Militaria dona.*

Aduentitium. Honorarium. *quicquid aduenienti, transeunti amico, hospiti traditur, apparatus.* Γέρας. Πρεσβύιον. Cellarium. Copiæ. Rinfreschi. *Aut quod honoris gratia digniori, aut seniori datur.* *V. Introitus, Lautia, Viaticum, Xenium.*

Agraria Donatio. Agri all'gnati. Viritanus ager. Iugera. Subseciua. Beneficia. Κληροχία γαιωδαυσία. *V. Militaria Dona.*

Alimenti Donatio. Σίτησις. Σιτισμός. Σιτοδοσία. & simpliciter δωρεά. Diarium. Desmenſum. Chœnix. La parte. Μέρις. Annonæ. Commoda. Cellaria. Pueri, puellæque alimentariæ. *V. Frumentatio.*

Ambitus. Suffragia. Largitiones. Nummi pronunciati. Δωροδοκία. φιλοτιμία. *V. Pollicitatio, Repetundæ, Sordes.*

Apophoreta. Α'ποφόρητα. *quæ diebus præsertim Saturnalibus inter epulas donantur.* Piatti coperti. *V. Saturnalitia. Item quæ remunerantur, aut remittuntur.* Απτίδωρα, ἑπτίδωρα. *V. Epulum.*

Auctoramentum. *Quod militi, sed propriè gladiatori ad nomen datum.* Imprestanza.

Aurei annuli Donatio. *V. Militaria Dona.*

Aurum Coronarium. *quod Principi in Enthronismo, aut corona accipienda. Quicquid confertur in auspicijs imperij.* Χρυσίον εἰς τὰς σεφάρας. σεφανικὸν τέλεσμα. Collatium. Releuium. Epicombia. *V. Introitus. V. Corona. V. Isagogicum.*

## B

Beneficia. *Annua stipes, & vacationes.* Beneficiarij. *V. Milit. Don. Agrar. Don. Immunitas.*



## C

- Charistia. Χαριστήριον, χάρισιον: quod in gratiarum actione, & vicissitudine officij. Εὐεργητικὸν ἀντίδοσις ἀντευεργέτημα. V. Donaria.
- Ciuitatis Donatio, quæ ἀπλῶς δῶρεα. V. aurei annuli Donatio.
- Cœnæ Conuiuia. Quicquid ea occasione offertur, erogatur, missitatur. Missilia. Cœna Viatica. Cœna aduentitia. Cœna aduentoria. Cœna aditialis. V. Epulum.
- Collatio. Collatium. Collecta. V. Eranus.
- Congiarium. Δόσις, ἐπίδοσις: quod populo, & nonnisi Ciuibus Rom. Principalis liberalitas. Vini, olei, musti largitio. Heminarium.
- Corollarium. Aucarium. quod ultra legitimam mercedem, aut præmium. ἐπινομίς Stillarium. Mantissa. Giunta. Vantaggio. Aditamentum. Appendix. ἐπίμετρον.
- Coronæ Donaticæ in uniuersum. ob victorias, triumphos, latitias. item ob præstantiam, & honoris causa. Coronæ Prouinciales. V. Coronarium aurum. V. Palmarium.

## D

- Deditio. Dedita.
- Diuisio. Dianome. Διανομή: ad aucupandam popularitatem; aut quod letitiæ significatione diuiditur.
- Donaria. quicquid Dys, in eorumq; cultum confertur per occasionem sacrificiorum, ludorum, dedicationum, &c. Ἀναθηματα. Donatiua. V. Primitia. V. Festa Dona.
- Donatium. quod militibus à suo Imperatore. Augustatica. Principalis liberalitas. Νομή. λαμπρά ἐπίδοσις. V. Milit. Don. V. Congiarium.
- Dos. δῶς. δόσις. Datio. Donarium.
- Parapherna. Antipherna. V. Nuptiale Don.

## E

- Ecclesiasticum. Εκκλησιαστικὸν. συναγωγικὸν: peculiare Atheniensium, ut in concionem veniretur, aut pro cætu, & conuentu. Inlicium.
- Elce-

**Eleemosyna.** *quod pietatis, & miserationis sensu in pauperes erogatur.*  
**Stips collatitia.** *Collecta. Huc refer Agapen primitivi Christianismi.*  
**Subsidia.** *Oblationes. Aiuti di costa. Collationes. Collatiua.*  
**Commoda.** *Εὐλογία. Benedizione. Αντίδορον. V. Frumentatio.*

**Epulum.** *Inuitationes. Lectisternium. Adde premia Cottabifantium.*  
*Κοτταξέων. & quæ cupediuioris, multibibis, aut ob gula ingenia*  
*tribuuntur. V. Cæua. V. Conuiuia.*

**Equi publici Donatio.**

**Eranus.** *Εῖρανος: in usu apud Atticos. collatio ad subleuandos egenos, repetenda si in fortunam redierint.*

**Euangelium.** *Εὐαγγέλιον: ob latum nuncium.*

## F

**Festa Dona.** *quicquid per ludos, spectacula, ferias, gratulationes, officia traderetur. V. Donaria. V. Palmaria. Lauationes. Spasiones. Suffimenta. Propinationes. Liturgiæ. V. Missilia.*

**Frumentatio.** *Frumenti, panisue diuisio. Largitio frumentaria. Panarium. Panariolum. Panis gradilis. Panis fiscalis. Annonæ ciuicæ. ἄρτοι πολιτικοὶ καθαρὸὶ ἄρτοι. Panes palatini. Frumentum honorarium. Buccellatum. V. Alimentum. V. Eleemosyna.*

## G

**Gladiatorium.** *Rudes.*

## H

**Heuretrum.** *Εὐρετρον: quod inuentori, aut inquisitori. V. Indicium.*

**Honor:** *donum. Honorare: donare.*

**Honorarium.** *Honoris causa Principibus, Magistratibus, Legatis, &c. Item Præceptoribus, Medicis, &c. alijsue artificibus, ob ingenuas, & honestas operas. V. Aduentitium. V. Mineral. V. Festa Dona. V. Palmarium.*



## I

- Immunitas. Vacatio. Condonatio. Beneficium. *V. Remissio.*  
 Indicium. Indicina. Μήνυτρον: ob rem indicatam, detectam, exploratam, quod Veraculis, otantibus, varibus, indicibus, proditoribus, inquisitoribus, notariis; voluptatum architectis. Præmium inuestigationis. Ιτιμ ἐρμηνευτικόν: ob aliquid explicatum, solutum, declaratum. Veratula. *V. Haurerum.*  
 Indulgentia. Sacra largitio. Ευεργεσία. θεία δωρεά. *V. Remissio.*  
 Inimicorum dona. Δύσδωρα ἄδωρα, κακόδωρα. Item quæ in contumeliam, contemptum, fraudem, &c. & quæ coacti, aut spernentes largimur.  
 Inuitationes. Epularum, & munusculorum genus. Erogationes. *V. Epulum.*  
 Isagogicum. ἰσαγωγικόν: pro admissione, vel ingressu ad munus, locum, personam ἰσηλεύσιον. ἰσόδιον. Entratura. Introitus. Rudimentum. Releuium. Cœna aditialis. *V. Aduentitium.*  
 Iuuenalia. Dies depositæ barba, sumptæq; virilis. Εφηβία. Inuitationes. *V. Tyrocinium.*

## L

- Largitio. Πολυδωρία. Διανομή. *V. Ambitus.*  
 Lautia. Lautiæ. Localautia. Hospitibus, aut legatis, quos recipimus. At Legatium ἑς, quos mittimus. Copiæ. Annonæ. Salarium. Cellarium. Vnguentarium. *V. Aduentitium. V. Viaticum. V. Xenium.*  
 Legatum.  
 Libertatis datio. Manumissio. Eleutheria. Pileus. Rudes.  
 Linguarium: quod tum loquendi, tum tacendi causa muneramur. Ἀργυράγχη. Argentangina. Huc reuoco, quod laudicænis, aretalogis, palponibus, auditoribus, scriptoribus datur.  
 Dona librorum. *V. Sportula. V. Indicina.*  
 Lucar. Aes theatricum. Theorica pecunia. Θεατρικόν. ὀπτήριον: quod histrionibus, ludijs, cantoribus, &c. Locarium. Scenicæ Donationes. Gladiatorium. Theatrum.

**Lytrum.** Λύτρον. ῥύσιον. *Ob redemptionem captiuorum, mortuorum.*  
*&c. ἀποινά, Ob remissionem pœnæ, supplicij.* Condonatio. V. Remissio.

## M

**Mantissa.** Εἴπινομις. Additamentum. Stillarium. Accessio. Mercedis cumulus. Εἴπιμετρον. V. *supplementa.*

**Matronalia.** Kal. Marij's apud Rom. inter mulieres, & à mulieribus missitata.

**Militaria Dona.** Donatiua. Adorea. Salaria. Auctoramenta. Stipendia. Commoda. *Posteriori æuo,* Puncta, Solatia. Stellatura. Solidus. Soldo. Refrigeria. Augustatica. Pulueraticum. *Adde Beneficia, Emerita, Roga. Sagus. Adæratio. Pararium æs. Calcearium. Clauarium. Congere multiplicem largitionem. hastas, torques, cornicula, annulos, clypeos, armillas; quæ peculiariter data. Mulsum, cibaria, iugera, pecudes. Vinum rorarium. equos, tefseras, captiuos, vasa, coronas, vestes, manubias. V. Donatiuum. V. Agri Don.*

**Minerual.** Δίδακτρον. Stipendium. Διδασκάλιον. quod magistris, educatoribus, &c. Honorarium. Salarium.

**Missilia.** Sparfilia. Res Missiles. quod iacitur in vulgus. Καταχίσματα. Profusiones. Direptiones. Tesseræ. Μαλίσματα. Hyparia. Epicombia. ὑπάτια. ἐπικόμβια. Pholles. Miliarefia. δηνάρια.

## N

**Natalitium Donum.** Vltro, citroque die natali inter amicos. Γενέθλια. Vel quod puerperis adhuc in lecto laborantibus: Cimidia. Vel quod infantibus die lustrico, qualia amuleta, bulla, phylacteria; σημεῖα. σοφάγidia. Munera Lustrica, aut Nominalia. ὀνομασῆρια. ἀμφοδρόμια. Dona iunge πολυτεχνίας & quæ nutritibus, & custodibus dantur. Nutritia. Σρεπτήρια. Σρέπτρα. τροφεῖα.

**Nuptiale Donum.** γαμηλία: quod nuptiarum die, aut pompa. Αθρήματα. Σιῶρητρα. quæ sponsus sponsæ ubi primum illam videt; ὀπτήρια, & ἀνακαλυπτήρια, quasi ob reuelatam, ac desectam deposito flammeo.



meo. eadem ἐπάυλια : at qua sponsa, & eius cognati sponso, ἀντάυλια.  
 Cum primò inuicem loquuntur, ac saluant, προσθεγκτήρια. & δια-  
 παρθεία. Quod proci, & ambientes, μνησπον. Καταχύσματα, noz-  
 ze, confetti. Huc refer Donationes ante, & propter nuptias. Ed-  
 να φερνή. Pherna. Antiphera. Cultus dotalis. Donora. Arrhæ  
 proxeneticæ. Morganaticum. Hypobolum. V. Dos. V. Philo-  
 tesium.

## O

Oblationes. Oblatiua. V. Eleemosyna. V. Eranus.  
 Officia. V. Festa Dona. V. Don. Funer.

## P

Palmarium. Epinicium. Præmium. Δόσις. ἀριεῖον. ἑπαθλον.  
 ἑραεῖον. ἐπινίκιον. Niceterium. Corollarium : quod victorie,  
 præstantia ergo in donum, mercedem, honorem cedit. V. Festa Dona.  
 V. Indicina.

Philotesium Donum. φιλοτήσιον : quod amoris, amicitia, fæderi, gra-  
 tia datur. φιλανθρωπικόν. Humanitas. Amoreuolezza. Proxe-  
 nericum. Conciliatura. Captura. μίσθωμα. Data. φιλικόν.  
 Philtrum. φίλτρον. V. Charistia. V. Indicina.

Pollicitatio. Oblatio. Largitio. V. Ambitus.

Primitiæ. Præmissa. Præmissa. Primitiua. Sacrima. Αὐροθίνα.  
 V. Donaria.

Processus. Introitus. V. Tyrocinium. V. Honorarium. V. Iuuenalia.  
 V. Isagogicum.

Proditionis, cædis Donum. Μισθὸς τῆ ἀδικίας : quod sicarijs, inquisi-  
 toribus, &c. Taglia. Aucloramentum. V. Indicina.

## R

Remissio. Debiti, tributi, pæna. Condonatio. Abolitio. Χρηκο-  
 πία. χρηῶν ἀποκοπή. Nouæ tabulæ. σεσάχθεια Amnestia. Li-  
 beratio. Annus Sabbatharius. Reliquorum indulgentia. Subse-  
 ciua. V. Indulgentia.

Reperundæ. Catillatio. Peculatus. V. Ambitus. V. Sordes.

## S

- Sacramenta. Libamenta. Aes Curionium. Collecta;** *Quod Sacerdotibus, vel sacrorum causa.* Extar. Rigaglie. Enthronisticum. Cathedranicum. Εὐδραμισκὸν. καθιδρατικὸν. *V. Donarium. V. Lucar. V. Eleemosyna.*
- Saturnalia.** *Quæ viris, & inter viros diebus Saturnalibus.* Saturnalia.
- Sigillaria. Sigillaria.** *Quæ ferijs sigillaribus, & pueris propriè data.*
- Sportulæ. Sectiones. Cognituræ.** σπορτίδια: *quæ Clientibus, Salutarioribus, Colonibus, Parasitis, Laudatoribus, Officiosiis. Item quæ Iudicibus, Causidicis, Patronis, Apparitoribus, &c.* *V. Ambitus. V. Sordes. V. Epulum. V. Linguarium.*
- Sordes.** δωροδοκία δωροδοκίαι. δικάσμοις. *quo Magistratus, indices, aut quivis alij corrumpuntur, inescantur, pervertuntur ad malam operam.* Corruptela. Gratia. Largitio. Divisio. Erogatio. δωροζενία. Nummarium tribunal. Iudex κυανοτράξ. πωλακρέτης. *V. Repetundæ. V. Linguarium.*
- Soltrum.** Σῶστρον: *quod servatori, liberatori.* σωτήριον. εὐεργητικὸν. *Item medico.* ἰατρά. ἰατρειά Soteria. ρύσιον: *quod Djs ob salutem.* Ἀάτρον, *quod custodibus, vel lateronibus.* *V. Donaria.*
- Statuæ. Ioci. agri Donatio.** *V. Lucar. V. Agri Don. V. Funeral. largit.*
- Strenæ:** *quæ novo anno boni ominis, & letitiæ causa.*
- Suffragia:** *quæ ad venaturam suffragij, ac favoris.* *V. Sordes. V. Ambitus.*
- Supplementa. Auctaria. Stillaria. Subsidia. Auxilia. Aiuti. Vantaggi.** *V. Eleemosyna. V. Mantissa. V. Collatio. V. Pollicitatio.*

## T

- Tributa. Vestigalia. Datio. Dazio. Oblario. Canon. Pensio. Indictio. Copitatio.** *De his, quæ accedunt ad donorum rationem.*
- Tyrocinium.** *V. Invenalia. V. Processus.*



## V

Vacatio. Condonatio. *V. Immunitas.*

Viaticum. Viæ auxilium. Εφόδιον. Salarium. Annonæ. Præbitio. Copiæ. Præbenda. παροχή: quod amicis, magistratibus Legatis, venientibus, abeuntibus. Huc spectat Vasarium, quod inseruit Vasibus, supellectili, tabernaculo. Vnguentarium, quod vnguentis, delicijs, odoramentis. Salgamum. Tractoriæ. Locarium; ἐπιθαβμία: quod stabulis, mansionibus, pabulis, condimentis. Alloggi. Quartieri. *V. Aduentitia. V. Lautia. V. Legatium. V. Xenia.*

Victus. Σιτία. σίτησις. ἐδίττω. σιτισμός. *V. Frumentatio. V. Agri Donatio.*

Visceratio. Κρεανομία. κρεωδοσία. ἀρτόκρεας. Carnium distributio. *V. Epulum. V. Congiarium. V. Donatium.*

## X

Xenia. Hospitalia. Præbita. Præbenda. Ξένια: quæ hospitibus. Item quicquid munusculorum amicis missitatur; Xeniola. ἀποσόλματα αποσολαί. κσιμήλια. Cimelia. *V. Aduentitia. V. Viaticum.*

Congere miscellam præmiorum, aut mercedularum, quæ nomine τῆς δωρεᾶς veniunt; nobis Rigaglie, rilieui, incerti, Vantaggi, Mancie, &c.

Collybus: quod mensulario, aut campfori. Isagogicum. εἰσαγωγικόν: pro importatione, aut ingressu. Κόμιστρον. φέρετρον φορεῖον, quod baulo. Λάτρον, quod Latronibus, aut custodibus.

Locarium. ob locum.

Μαίωτρον: obstetrici.

Equimentum. quod perorigæ pro admissura equorum.

Nutritia. Θρέπτρα. Θρεπτήρια: Nutrici.

Naulum. ναῦλον: pro Traiectu, aut navigatione. Amnica stips. Vestura.

Οικέριον: ob custodiam, & curam domus.

Οδοιπόριον: Comiti, aut Duci in itinere.

Præconium: præconi.

Portorium. ἐπιμενίων : *ob importatas, aut exportatas merces.*

Πορθμεῖον : *in pontium, aut fretorum transitu.*

Solarium. *ob solum, aut superficiem.*

Stips. *Stipatoribus propriè.*

*Adde Calcearium, Clauarium, Hordearium, Vasarium, Vnguentarium, de quibus nonnihil supra. pecunia. s. in calceos, clauos, hordeum, vasa, &c. militum, legatorum, &c. Sic Cerarium, Chartaticum, Cathedratum, Synodaticum Mercedula, vel munuscula in Ceram, Chartam, Cathedram Sacerdotum, Principum, &c. Christianis usitata. Iunge pensitationes, aut telonea. Ripaticum, Rotaticum, Pulueraticum, Cespitaticum, Siliquaticum, Pontaticum, alia apud glossas, atq; inferioris aui scriptores.*







I



II




III




IV




V



VI




VII



VIII



IX



X



XI




XII









XIII




XIII




XIV




XV




XV



XVI




XVII



XVIII



XVIII



XIX



XX



XXI



Spada

718

III

719



720

721

722



723

724

725





XXII



XXIII



XXIII



XXV



XXVI



XXVII



XXVIII



XXIX



XXX



XXXI



XXXII



XXXIII








XXXIII




XXXV



XX XVI



XXXVII



XXXVIII




XX XIX




X X X X




XXX




XXXXI




XXXII






XXXIII




XXX XIIII








XXXXV




XXXXVI




XXXXVII



XXXXVIII



XXXXIX






L



LI


LII

LIII



LIII







# INDEX

## RERVM, ET VERBORVM.

### A

- Abacus. Banco, e Banche: *potius à plancis.* pag. 93  
*Academici della Crusca, eorumque insigne vocabularium.* 159  
 Accubita. Accubitalia. Accubationes. Accubitationes. 142. 151.  
*167. Accubita, sine Toralia toris superducta. 167. Ανάκλιτρα Hippo-*  
*crati. Anaclineria.* ib.  
 Ad Consulium subsellia. 98  
 Adloquutio. 66  
 Ad Pluteum. Ad pedes. A pedibus. 158. & seq.  
 Aedilatus Italus honor, & cur? *lux Persio, & I. C. 28. Aedil II Vir,*  
*IIIVir. & c. ib. Aediles; Primates 18. Aedilis Pisanus, ib. Aediles, alijq;*  
*Magistratus eodem tempore in vno municipio.* 19. 20  
 Aedilis Summus Magistratus in quibusdam Municipijs, aut Colonijs. 9.  
*Alijs nominibus ea potestas affecta. ibidem. Vnus, pluresue. 16. Sum-*  
*mus honor vsq; iam.* 17  
 Aegidius Menagius laudatus. 177  
 Alexander VII. Pont. Max. 85  
 Alueus. Solium. Descensio in balneis. 129  
 Ambo. Pulpitum. Analogium. Lampium. 88  
 Amici. De aduocatis, & I. Consultis. 103. Amicabilia scamna. 104  
 Anabathra. 108  
 Anaclinerium. *ανάκλιτήριον. ανάκλιτον. ανάκλισις. Spalliera.*  
 Reclinatorium. 161. Adclinatorium. ibid.  
 Ancones Sellarum. Braccioli. 130. 163  
 Ανδράκης. άνθρωπος. Muliebre scabellum. 154  
 Angusticlauius. 184  
 Antinoos Synthrono. *Vet. Inscr. Αντινόω σωθρόνω.* 69  
 Antiquitatis, ac philologiae laus. 1  
 Apices Diuini. Apices cœlestes. Indulta. Subscriptiones Principum.  
 pag. 209  
 Apsis. Absis. *ἀψίς. 78. Sella sub Apside.* ib.  
Aquæ

Aquæ coctiles. 129. Aquæ digirus. 205. 207. <i>Ius aqua. ib.</i> Aquileges.	
Aquilices. Aquarij. <i>Aqua dimensio per digitos. ib.</i> Aquam diuidere	
<i>Principi reservatum.</i>	209
Arcarij	22
Archaici lecti.	36
Ἀρχοντες τῶν πόλεων. <i>Duumuiri.</i>	11
Artisellium in fragmento Petronij Traguriano.	118
Artophorum. nobis Gerla quasi gerula.	119
<i>Asinus Pistorij tribunal conscendens.</i>	61
Affidere. Afflores. 69. <i>Affidendi honor.</i>	70
A subtellicis. A pedibus. A manu, &c.	100
<i>Affurgendi ritus, &amp; sede abscendendi.</i>	64
Aue Consul.	<i>ib.</i>
Augustales. 213. <i>Medius ordo in Municipijs. ib.</i> Sequiri Augustales. 214.	
Augustales milites, ludi, &c. 215. Augustalitas. 216. Augustalis	
Biselliarius.	217
Augusteum. Αὐγυστεῖον. γυστεῖον. <i>Forum Augusti, &amp; Templum Au-</i>	
<i>gusti. Σεβάστιον.</i>	24. 25
Aumarium, & Armarium.	75
<i>Aurei annuli. Ius plene examinatum. 184. &amp; seq. Non tam pro equestri</i>	
<i>censu, quàm pro Ingenuitate. 185. Libertinis collatum.</i>	<i>ib.</i>
Auro imbraçteare. Imbratiare.	58

## B

<i>Balnearum sedes. 128. Solia. Descensiones.</i>	129
<i>Bartholomæi Corsinij Marchionis Viridarium, ac Inscriptiones Vett.</i>	29
<i>Bartholomæus Chesus I. Interpres eximius.</i>	97
<i>Barthol. Erbellottus V. Cl. Linguarum orientalium peritissimus.</i>	132
<i>Basij accepti qui benè recitassent. Martialis explicatus.</i>	109. 110
Balterna. inter gestatoria.	125
Βάβρον <i>Subsellium magis, quàm sella.</i>	101
Bema. βῆμα. Tribunal. ἐν ἐνίκατι. <i>In iure.</i>	59. & 79
<i>Berneggerus Vir Cl. 43. examinatus.</i>	46
Biclinium. Bipalium. Bifaccium. Birotrum.	32
Bigæ. Bigæ honor: ciuibus benè meritis postulatus. 220. & seqq. aut ob-	
<i>latus sine postulatione.</i>	222

Bigæ



Biga adiecta. Biga gratis posita.	221
Bigam populus postulabat 221. Decreta à Decurionibus 222. Remissâ quâ- doq; impensâ ab eo, qui acciperet. <i>ibid.</i> Duæ interdum decreta. 223. Bigâ, aut curru traduci honorificum. <i>ib.</i> Statua ibi, atq; imagines. 224. Bigæ honor fortè idem ac Bisellij.	225
Bisellarius. Bitellharis: non tam pro artifice biselliorum, quàm pro eo, qui Bisellij honorem adeptus est. 191. Bitelliarius Augustalis. 192	
Bitellium. Sella quæ duos capiebat. 31. Varro in ea voce exactè animad- uersus.	32
Bisellij forma indagata. 32. Allata icon, aut assine saltem aliquid ex veteri cimelio.	34. 35
Bitellij honor nuspiam lectus, aut explicatus.	36
Bitellij honor quid? septem coniecturis tentatum.	193. 194
Bis illi honor in lapide Snessano. lege Bitelli.	189
Buleuta. Βουλευτής. de Senatore Municipali: at συγκαλιτικός de Romano. pag.	197

## C

Canis Honorati.	181
Cardinalis Casar Rasponius cum prædicatione nominatus.	90
Carolus Datus amicorum præstantissimus ab humanitate, atq; eruditione, laudandus.	86
Carolus Strozza Senator Florentinus antiquitatum studiosissimus.	7
Cassiopeia Mulier Seliquastri.	36
Κατακλιτα. Cataclira. Accubita. Triclinaria.	167
Cathedrale. Consuetudo. συνήθεια 81. Cathedraticum, <i>ib.</i> Syno- daticum 83. Dies Cathedræ. Natalis Cathedræ, <i>ib.</i> Cathedra D. Pe- tri Apostoli Principis magnificè ornata, ac piè translata ab Alex. VII. Pont. Max. eiusq; icon ex nummo aureo producta 85. Cathedra velata 87. Cathedræ primæ.	177
Cathedra Docentium 108. & seqq. Throni <i>ibid.</i> Discentium, siue audien- tium 109. Professorum opulentissimis olim comitata stipendijs, <i>ib.</i> Cathe- dræ: de Muliebribus 120. Vendentium.	124
Cathedrarij 111. 121. Cathedralitij. Martialis declaratus 121. Ca- thedra de sellis cubicularibus.	134
Christoph. Adam. Ruperius.	180

Chorepiscopi. περιόδευται.	226
Ciceroni allata lux.	52. 111
Cuius quicumq; Romanus in aliqua tribu.	7
Ciuitatis nomen sepius de Primaria, aut Metropoli 231. Ciuitas Ciuitatum πόλις τῶν πόλεων, ib. Ciuitates Christianis, qua sub episcopis. pag.	226
Κληροκαθέδριον. Lecti sella, vel Lecti—Cathedra, eiusq; descriptio. pag.	142
Κλισμὸς, κλιντήρ. Sella Heroum. Seggiola à Bracciuoli.	141. 164
Columna miliaria Pisana edita, atque exposita 229. & seqq. Columnarum miliarium usus, & obseruatio.	231
Commoda. Commoda publica. Beneficia.	203
Commoda Curia, Militia, Primipili, &c.	204
Commune. κοινόν. Commune. Communità.	228
Consiliarij 69. Comites ibid. Comites consistoriani, ib. Cancellarij 70	
Cornua indicium potentia.	182
Consul Aquarum.	179
Corona, & alia donaria super sellis.	182
Χρήσιμος. Chrestimus. Seruis, aut libertis inditum nomen.	28
Criticorum audacia in emendandis saxis veteribus.	4. 5
Cur. Kal. Florentinorū in veteri lapide perperam hæcenus exscripto.	23
Curiales.	196

## D

D. pro l. Veteribus 31. Diuus fidius, h. e. Diui filius, siue Iouis filius, ibid.	
Lædala. De quibusuis operibus ligneis ingeniosè expolitis.	139
Decuriones 196. Proprius Senatus in sua ciuitate, ib. Imago Romani, ib. Creari Decurionem, & esse Decurionem non idem.	199
Deferre Circenses.	223
Deplano. Vetus lapis explicatus.	59
Dies Gladiatorum 201. Dies priuatus.	ib.
Dies Sessionum. Rerum actus. Dies Αγορᾶς.	176
Δίεδρος. δίεδρον. Bisellium, & Repositorium. Athenæo lux.	32
Διδοροφόρος Regis.	54
Δίεδρος παρὰ τὸ δύο φέρειν, quòd duos capiat, veluti Bisellium 31. Sella potius, quàm lectica 46. 119. διεδρος, Sella humilior.	141. 162
Digi-	



Digitus aquæ. ὕδατος δάκτυλος.	207
Duumviri. Ordinarius Magistratus Colon. & municip. 10. imitatione Consulum Rom. Ἀρχοντες.	11
Duumvires. Duumviralitij 11. Duumviri Consulum quandoq; nomine 13. & seqq. abitur à Reinesio, ib. Duumviris tributis fascis 14. Iurisdicção, non tantum notio, ib. & seqq. Duumviri Iuridicundo contra Scipionis Gentilis sententiam.	14. 15

## E

E. in I. sæpè mutata in Vet. scriptis.	190
Enthronismus; Enthronisticum. ἐνθρονίζαν.	81
Ezechiel Spanhemius laudatus.	174

## F

Faldistorium.	89
Famianus Michelinus Mathematicus.	207
Felix Felicius Onomastici auctor.	154
Fertoria Sella. Gestatoria. Portatoria. 124. Fertorium].	ib.
Fictor Pontificum.	11
Florentini, non Fluentini. 23. Florentini in tribu scaptia. 8. Tribulem habebant Octavianum August.	ib.
Formæ. Formæ aquarum. Comitua formarum.	208
Franciscus Gottifredus veterum elegantiarum diligentissimus.	39
Franciscus Maria Cessinius eques eruditus.	24
Reuerendiss. Franciscus Niccolini cum laude memoratus.	114
Fulcra lectorum.	157
Fulvius Basserus antiquarius.	35

## G

Gal. Galeria, nempe Tribu. 5. 6. qualis ea fuerit? 7. Pisani in illam transscripti.	8
Gestamen. Gestatorium.	126
Gestatoria Sella.	125. & seqq.

<i>Gothofredi (Iacobi) doctissimus commentarius ad Cod. Theodos.</i>	15
Gratuitus honor. Gratuitus Decurionatus.	210. 211
Ἰστυρίον. Forum cupidinarium. Gusta.	24. 25

## H

Habere fasces.	98
<i>H. A. I. R.</i> Honore Accepto Impensam Remisit.	223
<i>Henrici Valesij politissima eruditio.</i>	86
Hexaphoros.	120
Hexedra 111. Hemicyclium, <i>ib.</i> Hexedra conuiuantium, meridianium, disputantium.	112. & seqq.
Hexedria 113. Hexedra Christianorum.	114
Honor 179. Honorati: qui in Magistratu, <i>ibid.</i> & 180. & 214. Caput honoratum, equi honorati.	180
Honor consularis, Triumphalis, &c. <i>Honor Laticlauij.</i>	176
Honoraria dedicatio. Honorarij ludi. 180. 181. Honorarius Consul, Præfectus, <i>ibidem.</i> Honorarij tituli, dignitates.	<i>ibid.</i>
Honor. Ornamentum. Existimatio 181. Malus honor 182. Honore vsi.	214

## I

<i>Iacobus Cuiacius aduersus Langlaum defensio.</i>	81
<i>Ianus Langlaus consultissimè iudicij Vir.</i>	47
<i>Imperatoris, vel comitas, vel fastus in Sedendo, aut Assurgendo. 64. &amp; seq.</i>	
Impilia. Imparia.	154
Indulgentia. 202. Indulgentia Augusti.	<i>ib.</i>
Inhonorati.	181. & seq.
Infellare.	134
Insignia 175. Insignia Imperantium, Magistratum, &c. σύμβολα τῶν ἀρχόντων.	<i>ibid.</i>
<i>Introitus εἰσόδιον. εἰσηλύσιον. Entratura.</i>	203
<i>Ioannes Bapt. Donius.</i>	160
<i>Ioannæ Papissæ fabula.</i>	91
Iteratio honoris.	194

Iudi-



Iudices Pedanei. <i>ῥαμαδινασαί.</i>	69
Iudiciale carpentum.	224
<i>Iuuenalis nouè expositus 105. Iuuenalis Scholiastes illustratus, ac declaratus.</i>	123

## L

Largennius à <i>largo anno.</i>	5
Latus clauus. Laticlauus. <i>Honor Laticlanij.</i>	191
<i>Laurentius Panciaticus.</i>	144
<i>Lecti ad sedendum, &amp; orandum.</i>	145
Lecticarij.	120
Lecticæ consulares.	46
Lectisternium. Lectisterniator.	170
<i>Lenarum, &amp; circulatoricum sella.</i>	124
<i>Sereniss. Leopoldi ab Etr. heroicæ virtutes.</i>	39
<i>Illustriss. Leo Allatius Vir exquisitæ doctrine.</i>	72. 79
<i>Leonardus Augustinus.</i>	52
Lingonica, aut Leuconica lana.	148
<i>Litigantes, &amp; aduocati stantes, non sedentes.</i>	103
Longa Cathedra. Longa Scamna. Longa Subsellia.	95. 96
<i>Lucas de Albizis Marchio.</i>	156
<i>Ludouico Aurelian. impacta censura.</i>	44
<i>Ludouicus Cerda ad crism vocatus.</i>	46

## M

<i>M. litera quandoque extrita in Vett. Inscr.</i>	227
Magistratus <i>ῥωινῶς pro Duumuiris.</i>	12
Magistri Municipij, alij à Duumuiris contra <i>Bulengeri opinionem.</i>	20.
Magistri. Magisteria.	ibid.
<i>Mamertini panegyrico lux.</i>	46
<i>Marmor Pisanum, ac mentio Honoris Bisellij. 3. Arula, aut basis specie, ib.</i>	
Matrices aquarum. Vbera. <i>μασὸι.</i>	208
<i>Matthias Martinus castigatus.</i>	90
<i>Mensa pro quouis ligno plano. 155. Subdita pedibus.</i>	ib.

<i>Mensura aquarum varia.</i>	<i>ibid. &amp; seq.</i>
<i>Minuscularij aqueductus. Paragogia.</i>	<i>ib.</i>
<i>Mæstis rebus sedes relicta honestior, humiq; aut alibi vilior sessio quesita.</i>	
<i>pag.</i>	99
<i>Munerum editio in auspicijs honorum.</i>	302
<i>Municipales quandoq; ad contemptum. Castellani 19. Municipales Magistratus, eorumque ambitio, ibid. Episcopi quandoq; dicti.</i>	20

## N

<i>Natorum honor. Staius expensus aduersus Salmasium.</i>	186
<i>Nouemfiles, quasi Nouemfides.</i>	31. 68

## O

<i>Ob Honorem solenne verbum.</i>	227
<i>Octavius Falconerius summo ingenio, atque eruditione.</i>	114
<i>Octavius Ferrarius cum laudatione nuncupatus.</i>	183
<i>Onesimus ὀνήσιμος Seruorum, aut Libertorum nomina.</i>	29
<i>Oppidanum genus. Castellano. Municipale.</i>	232
<i>Optimum. Vti Opt. Max. Optima lege. Fundus, vti opt. max.</i>	210
<i>Ordinatio. Paulus I. Consultus obseruatus.</i>	214
<i>Ornamenta. Ornamenta dignitatis. Ornamenta consularia, Prætorioria, &amp;c.</i>	176
<i>Ornamenta Decurionalia.</i>	212

## P

<i>Πάνκαρπος. Pancarpus. bona sceæ libertis, aut seruis nomen.</i>	29
<i>Πάρηδροι. συνῳθονοί. συνῳδροι. Assesores. Confessores.</i>	68
<i>Πασάς. Hexedra. Porticus.</i>	112
<i>Pedule. Corn. Fronto enucleatus. 154. Pedull'a. Pedana.</i>	<i>ib.</i>
<i>Pelles iniecta sedibus. 168. noua nupta in pelle lanata sedens, ib. Item tapetes, Vestis lancea, clauis, aliaq; ornamenta.</i>	169. & seq.
<i>Persarum ὑποπόδιον βασιλικόν. Hypopodium Regium. 156. προσκεφάλαιον βασιλικόν, Cereical Regium.</i>	<i>ibid.</i>
<i>Per-</i>	



<i>Persarum Regum sella in summo honore habita.</i> 53. & seqq. Eorum δῖππο- φόρος.	54
<i>Petronij fragmentum Tragurianum, ac de eo crisis.</i> 119. explicatum, <i>ibid.</i>	
<i>Petri Possinij S. D. laus.</i>	72. 79
<i>P. Fabri reiecta coniectura.</i>	46
<i>Philosophi sedentes.</i> 113. & seqq. promptæ icones.	<i>ibid.</i>
Πίσσα, & Πίσσα.	27
<i>Pisas patrio casu.</i> Gr. more. 27. sic Vias, Persas, &c.	<i>ib.</i>
<i>Pisana Respub. Pisana Ciuitas.</i>	228
<i>Pisana tabula marmorea quatinus pretij de Parentalibus Caij, &amp; Lucij Aug.</i> <i>Nepotum.</i> 11. 21. 24. <i>Pisani sepulcreti magnificentia.</i>	21
<i>Pisani Coloni Iulientes.</i> 23. <i>in Augustum obsequentes.</i>	25
<i>Pisa Colonia, &amp; municipium.</i> 23. <i>Colonia Iulia.</i>	<i>ibid.</i>
<i>Pisarum claritudo, &amp; antiquitas.</i>	2. 228
<i>Pisis exedra disputantium professorum, ac retenti moris singulare experi-</i> <i>mentum.</i>	112
<i>Piscium venditoribus sedere vetitum.</i>	124
<i>Pistorium in Etr.</i> IIII Viri regebant.	11
<i>Plancae.</i> panche, e banche.	93
<i>Plutei lectorum.</i>	161
<i>Podagrica sella apud Veteres quaritur.</i>	133
<i>Podius.</i> 76. <i>Ad Podum.</i> Appoggiare.	<i>ibid.</i>
<i>Pollux restitutus, atq; explicatus.</i> 142. <i>eidem reddita vera interpretatio.</i> <i>pag.</i>	117
<i>Potestas pro Magistratu.</i> 10. <i>Podestà Ital.</i> <i>Podesteria</i> Μωτοραςὰς. πο- τεσάτορς.	<i>ibid.</i>
<i>Præfetti Duumviri.</i> 11. <i>Præfetti Iuridicundo.</i>	<i>ibid.</i>
<i>Præfectus Aerario Pisanus.</i> 22. <i>Præfectus Pisis</i> <i>Linio alius.</i>	25
<i>Præfectus ararj militaris.</i>	26
<i>Prælidere</i> προεδρία.	42. 63
<i>Prælidere.</i> <i>Prælidatus.</i> προεδρία. πρωτοκαθεδρία.	177
<i>Præsidebant Impp.</i>	<i>ibid.</i>
<i>P. R. II. Præfetti Duumviri, magis quàm Prætores Duumviri notati.</i>	9
<i>Prætor quandoque pro Duumviro</i> στρατηγός.	<i>ibid.</i>
<i>Prætoria subtellia.</i> 97. <i>Prætores quomodo in subsellijs, non in Curuli?</i> <i>plenè examinatum.</i>	<i>ibid.</i> & seqq.
	Pre-

<i>Predelle. earum etymon. nouo sensu apud Danthem Poetam : illius Scholiasfes notatus.</i>	159
<i>Princeps nonnunquam sede vulgari, aut in subsellio apud Senatum.</i>	101
<i>Principum custodia, innocentia. 76. tutiores cum minus tuti.</i>	ibid.
<i>Principales. Principalitas. Protoctasia. Prototypia. Curia Primarij Curiarum. Principes Decurionum. Primates. 197. Proceres.</i>	ibid.
<i>Priores. Priores sodalitatum. Principes Colonia.</i>	198
<i>Proedria, siue dignior sessio quibus data. 178. &amp; seq. In spectaculis, in conuiuijs, ib. Victus de publico coniunctus.</i>	ibid.
<i>Proexedra.</i>	113
<i>Processus. Processiones. Ob spem Processus.</i>	211
<i>Profeda. Prostibula.</i>	121
<i>Pro Tribunali. Pro Rostris.</i>	59
<i>Pueri, famina, serui sedentes vescebantur.</i>	158
<i>Puluinus. Puluillus. Puluinar. πέλαιον. πέλαιάριον. 146. Puluinorum tomenta. 147. &amp; seq. Puluillus honoris causa sedentibus suppositus. 149. 151. 152. Pelles pro puluino.</i>	ibid.
<i>Puluinus equestris. 151. Puluinus quo tempore subditus Senatoribus. ibid. Puluini, &amp; sella societas.</i>	152
<i>Puteal. 57. Puteal Libonis, ibid. propriè putei operimentum, ib. Item Tribunal, vel ara. 68. Phreatium.</i>	ibid.

## Q

<i>Quæstor ad Aerarium. Quæstor ab Aerario.</i>	22
<i>Quadratum. pars sedis, quam sede premimus.</i>	118
<i>Quadrigæ. Quadrigarum currus. honor summis viris habitus. 218. &amp; seq.</i>	
<i>Quatuordecim: pro equestri ordine. Equestria. Sedere in quatuordecim.</i>	188
<i>Quatuoruiui. 11. IIII Viralis.</i>	ibid.
<i>Quinquennales. Quinquennialitij.</i>	192
<i>Quinqueprimi. Quinquesummates. Pentaproti.</i>	197



## R

<i>R. literam amiffisse Scommma Florentiæ in temulentos.</i>	23
<i>Reinsius laudatus. 6. 7. 11. ab eo diffensum.</i>	12
<i>Robertus Keuchenius.</i>	206. 207
<i>Rola melitenfis. 150. Sedere, potare, dormire in rofa, ib. Roſæ Al-</i>	
<i>bum. Roſæ Calyx.</i>	151
<i>Roſtra. In ijs Curules.</i>	60

## S

<i>Sagum. Tomentum. gnaphalium. 147. Sagum. veſtis. Saio. Saia, ib.</i>	
<i>Scabellum. Scamillum, ſcamnum ſub pedibus.</i>	154
<i>Scabilla. Scamilla. Scamella. Symphoniacorum. 159. Vet. Inſcr. exa-</i>	
<i>minata. Ciceroni lux. Salmaſius, Caſaubonus, Voſſius collati.</i>	160
<i>Scamnum. Scabellum.</i>	93. 155
<i>Scanſilia. Subtellia. Cathedraria.</i>	157
<i>Scimpodia, aut lecti docentium.</i>	71. & 135
<i>Scipionis Africani exilium in agro Linternino.</i>	1
<i>Scranna. Sedere à ſcranna.</i>	137
<i>Σελᾶσιον.</i>	25
<i>Secretaria. 80. Indicum. Pratoris. Senatus.</i>	ib.
<i>Secundum dignitatem Coloniae, &amp;c. αἰτίως τὸ πόλιως.</i>	201
<i>Sedda. Subſeddia.</i>	30
<i>Sedebant recitantes, ſtabant dicentes.</i>	110
<i>Sedendi regula ex Albi ordine.</i>	98
<i>Sedendi ambitioſæ leges. 32. 35. 45. honor.</i>	193
<i>Sedere; De ſcortis. 122. Sellariæ. Sella deducere. Sellariola popina.</i>	
<i>pag.</i>	123
<i>Sedere in roſis, ac floribus.</i>	149
<i>Sedere in quatuordecim.</i>	187
<i>Sedes Regia, &amp; Sedes Regni. 50. Sedes Herilis, Regalis. Sedile Re-</i>	
<i>gium.</i>	ibid.
<i>Sedes ſtercoraria. 89. una tantum, ac perperam confuſa cum Pontificia.</i>	
<i>pag.</i>	90
	Sc-

Sedes vulgaris?	93. 99
Sedes Theſſalica.	139. & ſeq.
Sedes Velatæ. linteatæ.	169
Sedes præcellentiffima. Sedes magnifica, &c.	139
Sedile pars ſella, quam infidemus. 86. Sedilia.	101
Sedilia Rhetorica. 107. Anabathra. Subſellia.	ibid.
Sedilia exquiſita. Capitolino.	143
Seliquaſtrum, & Siliquaſtrum.	36
Sella aurea Caſaris. 51. aliorum	55
Sella δλόχρυςος ex auro tota. 58. Sella bracteata.	ibid.
Sella arquata. 115. Sella ruſtica, ibid. Sella tripus, ibid. muliebris.	119
pag.	
Sella operta κατάςτιγος δίφρος. Seggiola nobis. 120. eā uſæ mulieres, infirmi, etiam Conſules, ac Principes.	ibid.
Sella procurata. Calio Aureliano lux.	124. 125
Sella nuptialis. νυμφικὴ.	132
Sella compactilis inter donaria Minerva.	138
Sella tonſoria.	163
Sella laxior, eadem dignior.	32
Sella curulis quibus permiſſa, quo ordine, loco, ac tempore. 45. & ſeqq. Domi, foris, in caſtris; currui impoſita, aut throno. 48. De Sellis Vett. plenior commentarium promittit auct̃or.	45
Sella Caſtrenſis. 49. δίφρος βαſιλείος, ibid. ἀνάκλιτος. cum anacliterio. 142. 161. 162. Sacra Sedes. & ἐνπεποιημένος.	80. & ſeqq.
Sella Imperatoria. ἀρχικὸς. ἡγεμονικὸς.	49
Sella Curulis: Thuſcorum inuentum. 37. non à curru, ſed à Curibus dicta. 38. ὑπατικὸς θρόνος: δίφρος βαſιλικὸς: ἡγεμονικὸς, ἀρχικὸς, ἐλεφαντίνος θρόνος, ib. Sella ἀρμάτιος, non eadem ac curulis, ib. Eburnea, Eborata, Curuipes, ἀγκυλόπες, 39. Prolata illius imagines, ibid. examinata forma, ibid. corona deſuper, alia, circum, & pedes. 40. 56. 174. Peruerſè collocata. 40. Sella auerſa, ib. Faldiſtorio epiſcoporum non abſimilis, ib. data maioribus Magiſtratibus. 41. 42. Sacerdotibus, ibid. Ludorum editoribus. 42. Vtrum Veſtalibus? ibid. Num cuiq; Senatori? 43. Berneggeri expenſa opinatio affirmantis, ib. & 45. 46. à quo diſceditur.	44
Sella in honorem poſita defunctis, & abſentibus. 55. cum Imaginibus, &	ſta-



<i>Statuis. 56. apud eas habita consultationes, ibid. &amp; 57. Oblata pecunia.</i>	
<i>Victima casa.</i>	<i>ibid.</i>
<i>Sella balneares. 128. pertusa. Vaporaria.</i>	129
<i>Sella Medica. 133. Scamnum Hippocratis.</i>	<i>ibid.</i>
<i>Sella puerperæ, siue Obstetricariæ λοχαῖοι. Artemidorus, ac Suidas</i>	
<i>animaduersi. 131. 132. Rota figuli olim assimilabant.</i>	<i>ibid.</i>
<i>Sella Familiaricæ. Patroclianæ.</i>	134
<i>Sella plicatiles ὀκλαδίας. Synesius examinatus.</i>	135
<i>Sella δυσορχεῖς. Pollux castigatus.</i>	138. & seq.
<i>Sellam Principis nefas occupare. 52. capital apud Persas.</i>	53
<i>Sellarum ornatus, &amp; parerga, earumq; prompta specimina.</i>	51. & 52
<i>Sellas circumferebant mimæ, &amp; circulatrices.</i>	123
<i>Sellis duabus sedere. prouerbiali forma: explicatur, illustratur.</i>	<i>ib.</i>
<i>Sellisternium σελίστρωνις. habere Sellisternium quid? 170. &amp; seq.</i>	
<i>Sollisternium. Festus expensus, ib. Sellisternia etiam hominibus, non</i>	
<i>tantum Dîs curata.</i>	172
<i>Sellisternium pro sella, ut Lectisternium pro lecto.</i>	173
<i>Senatus etiam in Municipijs, &amp; Colonijs.</i>	197
<i>Seniores. Signori.</i>	<i>ibid.</i>
<i>Sesopia, aut Esopia. Sedilium genus.</i>	143
<i>Sessibulum. Sediculum. Sedile. Sedecula.</i>	118
<i>Seuir gratis in Petron. fragm. Fraguriano.</i>	210
<i>Sidonius Apollinaris explicatus aduersus Sauaronem.</i>	103
<i>Siege roullant. Rotilellium. Curritellium. Harmocathedrium.</i>	144
<i>Sigma Balneorum.</i>	129
<i>Σύμβολα. Insignia. Ornamenta.</i>	175
<i>Sistere fana.</i>	171
<i>Sodales, quod unâ sedeant.</i>	31
<i>Solaria Babylonica. 74. Soliorum sublimitas, &amp; apparatus, ib. forma. 75.</i>	
<i>Solia Defunctorum. 77. Solia balneorum.</i>	129
<i>Solaria. Tegimenta subtelliorum, ib. Sedularia. Cathedraria. 166.</i>	
<i>expedita l. 4. D. De sup. leg. Turnebus submotus.</i>	<i>ibid.</i>
<i>Solida sella. Solida sedes.</i>	76
<i>Solla. Solia. 71. &amp; seqq: Sola, h. e. Solia. 73. Solearius, ib. Solea. σω-</i>	
<i>λαῖς.</i>	72
<i>Spectacula: de locis ad spectandum.</i>	105. 221.

Stallus.	81
Statuarum honor.	218
Stibadia. lecti lucubratorij. Scimpodia. 135. Stibadia pro sellis.	136
Stragulum. Stragula. Instratum. Stragula vestis σρώματα. περι- σρώματα, &c.	165
Stroppi.	166
Subsellia α σελίλλια 93 & seq. Subsellia Senatoria.	44
Subsellium Iudicum. Accusatorum. Reorum. Testium. 101. & seqq. pro subsellij's merces soluta. ib. Subsellia metaphor. pro indicij's à Casanbono, & Marcello Donato diffensum.	102
Subsellia simpliciter de equestribus. 104. in Theatris.	105
Summates. πρωτοπολίται.	197
Summotor aditus.	66
Suppedanea. Suppeditanea υποπόδια. Hypopodia σεππίδια. πο- δαρπλία. 153. productæ illorum icones. 156. In honorem prabita. ib.	
Synthroni. Consentes.	68
Synodaticum. æs Curionium.	83

## T

Tacitus animaduersus, aliter ac Lipsio visum.	126. & seqq.
Templum Augusti ponere in Italia vetitum.	25
Theodora Imperatrix lena.	123
Thessalica sedes. 139. Thessalicus color, ib. Thessalicus pileus.	ib.
Throcum. Thracum. Thocum. Sella genus. Pomponius Festus ex- planatus.	144
Thronus. Solium. Tribunal. 61. in Tribunali ius dictum, ib. Medij Principes illic sedentes. 62. quandoq; mistim, aut minus digno loco. 63. Tribunal in castris. 65. cæspititium sapè. 66. in Theatris, aut specta- culis.	ibid.
Thronus. De patriarchatu dictus.	82
Tomenta. 147. Tomentum Circense.	151
Tonforiæ Sellæ. 130. Cælius Aurelianus enodatus.	ibid.
Toralia. Mantelia: illa toris: hac mensis iniecta.	167
Θράνιον. θρήνυς. Scabellum. Suppedaneum.	155
Tretuiri. 11. Bonillis in lapide inedito.	ibid.

Tri-



<i>Tribu moueri, aut carere ignominiosum.</i> 6. <i>Tribus rustica urbanis antehabita apud Rom. ib.</i> <i>Tribules. Ex tribu gentes, aut familiae cognita, ib.</i> <i>Tribuum origo, ib.</i> <i>Tribus Fabia, &amp; Saptia, ib.</i> <i>Urbes, ac populi uniuersi tribum profitebantur.</i> 7
<i>Tribunal in castris.</i> 49
<i>Tribunal. Suggestus. Bema.</i> 58
<i>Tribunal Antistitum.</i> 78. <i>Tribunal. Tholus, &amp;c. ib.</i> <i>Trullus. Synodus in Trullo.</i> <i>ibid.</i>
<i>Tribunalium descriptio, &amp; forma.</i> 61
<i>Tribunitia subsellia.</i> 100
<i>Tripetiae. Trespolo.</i> 115. 117. <i>Tripodes. ταπανά διφρία. Itemq; θράνια, &amp; σχολύθρια, potius quam σκέλυθρα.</i> 117. & 155
<i>Θρόνος πολιτικός.</i> 108. <i>Thronus, Cathedra eminens.</i> 157
<i>Tullius explicatus.</i> 44

## V

<i>Vacatio munerum cum proedria.</i> 178
<i>Vas disomum.</i> 77
<i>Velo leuato.</i> 70
<i>Venale velum.</i> 71
<i>Venationes qui exhibuerint.</i> 202. <i>Venatio plena.</i> <i>ibid.</i>
<i>Vestēs σιμικωταί. clauata.</i> 175
<i>Vett. lapides Sueffanus, Atellanus notati, atq; expensi De Honore Bisellij.</i> 189. & seqq. & 212
<i>Vincentius Viuianus insignis Mathematicus.</i> 35
<i>Vitis pro Centurionatu. Vitis honor.</i> 186. 187
<i>Vizzani eruditus liber de Mandatis Principum.</i> 14
<i>Vlpianus illustratus l. 25. D. ad Municipal.</i> <i>ibid.</i>

## X

<i>Xerxis sella ἀργυρόπρεσ, quae &amp; ἀρχιμάλωτος.</i> 54
--

*D. Inuentius Tortus Cler. Reg. S. Pauli, Pænitentiarius in Metropolit. Bonon. pro Eminentissimo, & Reuerendiss. D. D. Hieronymo Boncompagno Card. & Archiepisc. Bonon. ac Principe.*

*Vidit pro Reuerendiss. P. Inquisit. Bonon. D. Theodosius Sanutus Pellicanus Bononiensis, Canonicus Reg. Lateran. Sac. Theol. Doct. Colleg.*

*Imprimatur.*

*F. Paulus Hieronymus Giacconus de Garrexio Sacra Theologia Magister Ordinis Prædicatorum Vic. Generalis S. Officij Bononia.*



# Ad Serenifs.

## COSMVM III.

### ETR. PRINCIPEM.

#### De Muscis odoris Pisanis.



Perstinacem, si vnquam aliàs, hoc anno hyemem experti sumus, cuius pomœria in ipsum vsque Maij limen irruerunt. Penè obriguimus, cum vetere adhuc hærente, nouo superlapsæ muvis operimento proximi ad boream colles nuper albicarunt. Cœlum vidimus fuscum, & immite; aerem sensimus acutum, & pruinosum, de hyberni sideris asperitate nequidquam remittentem. Quid enim Aprilis moriens adulto Ianuario diuerteret vix agnoscebamus, si vna arctatæ noctis linea non demonstrasset. Et Pisanum tamen loquor tractum, qui clementi Ioue, & placida Iunone vti solet. Id igitur in causâ, cur hoc ipso anno muscæ suaueolentes tardius prodierint, earumq; venatio non ante instituta sit. Iucundum planè, & nouum insecti genus, quod vnicè sub Pisano Cœlo (quantum hactenus vel apud veteres, vel apud recentes nouerim) gigni, aut saltem apparere creditum est. Historica proinde animaduersione dignum, & quod aliquam Tibi, SERENISS. PRINCEPS, post maiores cogitationes industriam cupiditatis excitet; qui cum cæteras bonas artes, tum præcipuè rariora naturæ cimelia simillimus Inclyto Parenti Filius consecrari non refugis. Vbi primum itaq; exilientes è latebris odoras muscas speculari licuit, Tibi describo

— — — namq; tu solebas  
Meas esse aliquid putare nugas.

CAP.  
CATM. I.

Non

Non vno in loco intra urbem Pisanam nidificantes deprehenduntur hæ Muscæ. Sed notiora cubilia in ambulacris, aut peristylijs cœnobiorum D. Catharinæ, ac D. Francisci: alibi, & alibi per meos *ἐρευνάδας* comperi eas metari etiam sub dio, ubi antea ignorabatur; pleraque reperiri nullus ambigo earumdem lustra hætenus inobseruata; & mutare subinde coloniam, nouasq. sibi latebras prospicere: ubicunq. tandem par sit loci ingenium, cœliq. *διάθεσις*, ac per floreas mentas cibi, & alimenti apparatus idem se explicet, tum intra urbem, tum in agro Pisano; quod nuper exploratissimum habui. Ac postquam hæc scripta, & Romam perlata sunt, ibi quoque de quæsitis, & prope Monasterium Cisterciense ad Aquas Saluias, hodie Tres Fontanas, repertis idem genus muscellis me monuit Abbas Octavius Falconerius: consimili nempè Romani, Pisaniq. aeris temperie. Sed Pisana cubilia à peritis cognouimus illarum vestigatoribus: à pueris potissimum vagis, ac petulantibus, qui Imperatorem Romanum æmulantes sedulo captant odoratas muscellas. Et quidem foeminis seplasiā impensius colentibus pecuniolas emungunt, prædam venditantes. Cauernulis quippe ex insidijs imminentes, petaso, aut linteolo decutiunt, vel caua manu viuas assequuntur. E foraminibus illæ prodeunt plurimum manifestis, quomodo fornicarum videmus, lutofo circum aggerculo; aliquando nullo emiculo puluere, qui cauernam indicet: prout nempè vel aridior, vel humidior terra ita ruat, aut existat; maiorue, aut minor copia sit egerenda ad ostiolum perforandum. Vbi verò solum vel laterculis, vel tabulis lapideis instratum est, è commissuris sese exerunt. Non lentè, aut remissè volant, sed cum impetu, ac celeritate, ceu transfugas dixeris; aut operi potius, ac labori intentas, non sicuti cæteræ vulgares, quæ alienis victitant sudoribus, quomodo Muscæ encomiastes scripsit de ea Lucianus *τὰ ὑπὸ τῶν ἄλλων πορεύμενα καρπῆται*. At volatus illarum intercisus, & abruptus, per quasdam subinde iaculationes nunc dextrâ, nunc læuâ. Non gregatim, sed foliuagæ, & *ἄτακται* feruntur; quæque priuatim sibi sedula, aut ne paruo (quod inter homines accidit) sociorum cœtu tempus otiosè conterant, &

ad



ad defidiam corrumpantur. Anxiæ namq., ac festinæ ad pastum egrediuntur, quem etiam quandoq. deferunt alendæ familiæ. Nihil mirum, si tacitæ, ac nullo strepitu redeant, quoniam præda onerata. Alias namque

*Cantabit vacuus coram latrone viator.*

*Jun.  
Sat. 19.*

Non tamen ab omni ζῆγρον, aut bombo abstinēt, præsertim clausæ, & captiuz: ceu alarum trepidatione, aut querimonia magis, quàm tinnitu: sicut cæteræ faciunt muscæ cassibus irritæ, ac sub lanienam araneorum lamentabundæ. Exeunt manè, ubi Sol illuxerit, si fuda est dies: si nubila, paulo tardius, & pauciores. Fortè enim aer humectus, præsertim cauernulas incolentibus, pigras, & flaccidas reddit alas, corpusq. minus agile: quod in cæteris quoq. insectis obseruare est. Solent autem cum tepido aere ad blandos Zephyrorum flatus prodire, & quod Vates ait vatū Princeps

— *ubi pulsam hyemem Sol aureus egit*

*Sub terras, Cælumq; æstiuā luce reclusit.*

*Georg.  
4.*

Tunc equidem primum circa areolas liliorum conuallium (sive quæ nobis mughetti) tanquam in suo foro cupedinario cupidè versantur. Sed & chamæmyrthinem depascunt, siue myrthum pumilam, apud quam assiduè apparent: ac tenellis fortasse olentium plantarum folijs non abstinēt. Aurantiorum deinceps, ut maximè, & citrorum, aliarumue arborum Medicarum flores libant: imò ad earum radices per foramina vîpiam egredi visuntur, & regredi. Meherclè non sine prouidentia laude metatis castris, ubi in proximo sit pabulum.

Sed earum talis est habitus, aut figura. Tenue, & longum corpusculum, magis quàm vulgaribus muscis: capitellum breue, ac nigrum, & omnino muscinum, nullis tamen maculis: thorax acutior, alius gracilior, & quæ hæc in ipso procinctu iungitur, subtile admodum ligamentum. Zonæ interim, aut lineæ, vel segmenta transuersa corpus ambiunt, quasi annuli per interualla. Si vltimum numeramus, quo alui cacumen tingitur, quatuor erunt coloris citrosi, aut lutei infernè; at pressioris, & nigricantis superius: cætera ferrugineæ, ac rutilæ. Et si cum quodam discrimine magis glabras, aut contra asperas

adno-

adnotarim, colore itidem luteo, nunc presso, nunc diluto, prout apricas magis incolunt, & calori magis obuias cauernulas. Sic minus adultæ, ac iuniores magis nigricant, ac splendent crusta leuiori; ætate autem, ac senio magis colorantur, atque hirsutiam induunt densam, crassamq;. Sed hæc in cæteris quoque animalibus deprehenduntur integris, ac perfectis; nedum in minutis, atque ἐντόμοις. Cæterum color ille subflauus segmentorum, & crurum, verè sunt pili ita colorati, & spisso ordine isthic conferti. Alæ illis quatuor (hoc differunt ab alijs muscis, quibus duæ) venulis rufo illitis ὑμινόπτεροι, cartilagineæ, ac splendidæ, in lacinia magis conspicuæ: duæ breuiiores, ac subnexæ, & quasi latentes. Ob hanc alarum angustiam (opinor) nullus volantium sonus. Seni pedes pilis asperi, atque internodijs crassioribus, quàm vulgò muscarum. quatuor posteriores diuicari, duo antici rectiores, & breuiusculi, quibus ceu manibus sese emungunt, ac purgant. atque hæc crucula ad luteum colorem vergunt. Cirri, siue cornua, vel antennæ duo in summo vertice camuræ pro oculis habent, si eidem Luciano fides ὀφθαλμοὶ δὲ προπαγεῖς πολλὸν τῷ κέρατος ἔχοντες. Oculi autem prominentes cornuum similitudine. Non deest aculeus, sed breuis, & internus: alui potius cuspidem, quàm telum dixeris. Feriunt, & vlciscuntur ὡς σφῆξ καὶ μέλιττα quomodo idem loquitur; sed leui noxa, quasi vrticæ admotæ feruore; pustulæ tamen inde, & psydracia nonnunquam follicant. Promuscis illis bisulca, & fistulosa, ad exugendum: seu veriùs forceps ad capiendos cibos, deferendosq;. Et rorulentis quidem sese onerant succis, quos illa pilorum serie stipatos retinent, ne dilabantur: quippe

In En-  
comio  
Musca.

4. Georg.  
53.

———— Saltus, Sylvasque peragant,  
Purpureos metunt flores.

Sive ut amœnissimi Claudiani huc traham carmina.

2. Rapt.  
Prof.

Prætorum spoliatur honos, hæc lilia fuscis,  
Intexit violis, hanc mollis amaracus ornat,  
Hæc graditur stellata rosis, hæc alba ligustris.

Vulgaris musca Luciano prædicatur, quoniam σύντροφος ἀνθρώποις ὑπάρχουσα, καὶ ὁμοδίατος, καὶ ὁμοτράπεζος, conuictu, cibo,



*cibo, mensaq; utitur hominum. At nostræ vitant familiaritatem, castæque, & idè suauæolentes: nec sordidis, putidisque insident cibis, conuenitq. quod Varro scripsit, Non ut musca liguriunt, quod nemo has videt, ut illas in carne, aut sanguine, aut adipe.*

3. R.  
R. 16.

Paluari sub terram profunditate plus minus lutosas illarum caueas reperire est, oblongas, & rectas, & in acutum infernè desinentes, nullo sinu, aut ambage. Suum cuique supernè foramen, aut ostiolum vnicum; nullo aditu vnus nidamenti in alterum, etsi multa simul adstructa, & contexta iungantur; nullæ ceruminis reliquæ; nihil conditaneum; nullum tandem operis, aut laboris vestigium. Illic tamen foetificent oportet, aut semina saltem relinquunt; quæ primo vere in vermiculos animantur, mox coalitis alis in mulcas auolent. Puto enim, quod penitus intereant adolescente autumno; hîc Pisidis saltem euanescent: siue aliorum migrent, siue formicino ritu per hybernales ferias condantur. Quod autem effusa aliis terrâ in area D. Febronæ obseruatum est ante duos nunc annos, in ijs nidamenti, aut cunabulis nulli foetus muscarum apparebant; sed myrmecia quædam, & succenturiatæ vermiculorum penè informium cohortes, grumis immixtæ, cænoque implicitæ sine certis loculamentis. quanquam & quædam illic rudimenta calularum agnoscebantur per cavitates, & alueos luto impressos: eæque muscillæ aliquantum olebant. nec deerat mistim inspersa materies illa, aut succus subflauo coloris, quem muscæ parentes in alimentum, & lac deuexerant paruularum. Sed hoc experimentum præcipite iam augusto factum: per hæc namq. veris initia nondum comperimus deprædatos florum liquores à muscis in suas caueas adsportari: quasi minus natâ, aut non indigâ nutrimenti familiâ.

Odor tandem ipsarum inter Moschum, & Zibethum, & quidem fragrans, validus, perdurans; seu viuas, seu mortuas naribus exploremus. Sic lintea, vestes, arculas suo halitu afficiunt. loquar Plinij sermone, *Vestibus interponi eas gratissimum*, quod ille protulit de herba Saliunca. Attritis autem solemus manus illinere, suauis illinc spiritu, ac per biduum, & amplius pertinaci. Dicam cum Lucretio Caro, gemmis contra non caro.

21. 7.

— — — quòd fracta magis redolere videntur

4. 497.

*Omnia, quòd contrita, quòd igni conlabefacta.*

21. 7.

sive Plinij verbis, *defracta, & ex attritu olent*. Cœterum hic odor primò iucundior, & pinguior hoc menſe; dein calore ſele intendente acumen, & gravitatem induit. Sed impulſa, & ruente æſtate, remiſſior fit; donec primo frigoris tentamento ignauiffimùs reddatur, tandemque euaneſcat, nec ipſæ muſcæ amplius vitantur, vt diximus. Hoc autem anno (quantùm licuit hætenus obſeruare) obtuſiorem emittunt fragrantiam: ſive aeris frigidi ſculi peruiſa: ſive florum penuria ob inſignem cladem, & pluſquam Cannenſem, quæ malos citreas tantùm non ſtirpitis deleuit. Lacrymabile eſt, vt hyemis inclementia tabidæ, ac proteruæ ſqualeant; ſine frondium crinibus, ſine germinum ſucco, ſine furculorum lacertis; tanquam corpora ſceleta; quibus ſola extent oſſa truncorum arenia, ſolæ ſtipitum, ac ramalium deſertæ, ac miſerandæ horreant reliquæ. Verè enim ſuus cibus eſt flos noſtris animalculis, aut renella, & odorata frondium cacumina: ex cibo odor tum viuus, tum extinctis; quòd halitus ille floræ dapis ingeſtus egeratur, quin etiam in melius calore, & decoctu reſormetur. Non ſunus conditum, non medicari cadaueris antiqua ſanies eſcam illis præbent; quod nonnulli parùm conſultè eò ſibi perſuaſerunt, quoniam è cryptarum, ac cœmeteriorum foraminibus (vt pote magis vulgata ea latibula) muſcas exilire vidiffent. Hinc necatis, & extritis (in ſuam quippe fragrant perniciem) floreum neſcioquid exhalans deprehendimus; præſertim ſi crudius adhuc pabulum intra puſilla inteſtina ſubſideat. Atque hic ſermè capientium, & ſeruantium moſ eſt, intra pyxidiculas, aut ampullas vnà cum floribus pro diario, & opſonatu includere; perforato oſtiolo carceris ad expirationem, & noui ſubinde aeris recurſum. Sed hæc enucleariùs, ac fuſiùs in commentariolo, quem meditamur de hiſdem muſcis, earumque generatione, atque ortu; vbi complura alia in vniuerſum de odorum natura, viribus, uſu, è philologicis, quin etiam phyſiologicis fontibus deducimus. Non deſperamus interim nobis ſymbolam aliquam ab acutiſſimo, cultiſſimoque Laurentio Magalottio,



Iottio, cuius ore Etruscas Musas locutas fuisse gratulor, cum philosophari nuper voluerint. Exercitationem quoque physicam ab eo texi audio de Odoribus: nihil publicum, aut turmale redolebit: ut omnia mihi selecta spondet rarissimi ingenij sublimitas. Interim haud perirent penitus negotiosi Tui otij subsociua, PRINCEPS SAPIENTISSIME, quoties post curas grauiore leuidensibus hisce auocandum animum demiseris. Si quid namque ad cultum pertinent lautioris fortunæ, viro- rumq. Principum deliciosis penetralibus quasitiora odora- menta conueniunt; quis vetabit eorundem ingenia odorarijs meditationibus iucundè affici? Certè Te decet auctoritate, fauore, opibus auream ceu clauem ministrare ad scrinia naturæ referanda: quibus tenuiores homines tum cognitionibus rerum ditescant, tum pietate excitentur ad Deum summum arti- ficem collaudandum. Sed iamdiu studia hæc fouere, atque im- pellere Serenissimæ Tuæ Gentii ingenerata laus est.

Quod autem vnguentaria hæc animalcula muscas appellem, sequor vulgi nomenclationem; potius namque ad vesparum, aut apicularum ordinem me iudice accedunt. Aculeus, alæ, figura, color, cibus, nidificium à muscis non paulò discriminant. Sed veterum quoque usu, doctorumq., & eruditorum ad proba- tione *μύα* Musca appellatur quoduis paruum, ac volans inse- ctum. Multa Muscarum genera me docet sacer Codex Exod. 8. *Ecce ego immittam in te, & in seruos tuos, & in populum tuum, & in domos tuas omne genus muscarum, & implebuntur domus Aegyptiorum muscis diuersi generis.* Fortean inter eas nostræ quoq. odoratæ? Quamquam nobis voluptati sunt, & blandimento: at Aegyptijs in poenam, & flagellum diuinitus immissæ. Nostras quoque respexisse videbitur Ecclesiastes cap. 10. *Musca morientes perdunt suauitatem vnguenti.* eoque alludit indubitanter, ac digitum veluti intendit D. Hieronym. ep. st. 20. ad Marcel- lam: *Musca moritura oleum suauitatis exterminant, ut saniores præferunt Codices inani glossæ expuncto.* Sed Muscæ hîc de apibus meritò sunt exponendæ; ut contra apum nomen mu- scis inditum reperio apud Lamprid. c. 26. ubi de Heliogabbalo: *Claudebat in eiusmodi vasis infinitum muscarum, apes mansuetas*

*eas appellans*. Atqui eo muscarum verbo apes quandoque indicari, atque alia minuta insecta in sacris paginis haud semel monuit V. Cl. Samuel Bochartus Hierozoo, siue absolutissimo, & stupendæ eruditionis opere de Animalibus Sacræ Scripturæ. Placuit tandem lucubrationem hanc nostram addita fabella nonnihil exhilarare; Sed fundus apologi Pautanias lib. 5. siue Eliacor. prior. Narrat enim de Mulcis a Ioue in exilium pulsos per ludos Olympicos, ne conuenis crucem figerent impudentiâ, ac voracitare, ac de Ioue muscarum depulsiore, & abigeo, Deoque ἀπομύσσει, siue Myiagro, aut Myiode, extat etiam apud Plinium 29. 6. & 28. 10. eundem Pausaniam lib. 8. Omnium accuratissimè Salmasius ad Solinum pag. 12. qui tum veteres, tum citiores ad examen vocat. Ego autem fabulor tristis exilij denunciatione percussas muscas Iouem exorasse, sibi ut liceret saltem Pisas Etruscas migrare, & apud populum Elide oriundum, cognatumq. diuersari; thymiana odoratissimum pollicentes, quod ad ripas colligant Arni, mox ad aram Iouis fistant post ludos exactos. Hinc etiam hodie ex longo traduce muscas odoriferas sub Pisano Cœlo durare, quæ antiqui memores instituti in opere odorario defudant, atque elaborant. Mirè profectò consentiunt omnia ad fidem faciendam mythologiæ nostræ. Vtrobique nomen Pisæ, tum in Elide, tum in Etruria. Illic muscarum concursus, & abactor Iupiter, aut alius Deus: hic noua illarum soboles sese prodit: & quidem eopse tempore, quo ludi celebrabantur in Elide ad æstiuum solstitium. Tunc enim quoq. Pisana Mulcæ suo videntur labore defunctæ, quasi Eucharisticum mox reddituræ confecti odori operis, quod Ioui placando vouerant. Hoc solum namq; postremum comminiscimur; cætera testimonijs nituntur non vatum, sed historicorum, Pausaniæ, Plinij, Aeliani, Solini, aliorum. Adiungere itaq. & mittere audeo expressum carmine ludibundæ musæ commentum.

**Q**uà sacer Alphæus Stymphali è vertice ruptus  
 Pisæos populos claro mox, gurgite lambit,  
 Ad virides illic ripas, camposque patentes  
 Quartus ubi Sol nunc brumam, nunc reddidit æstus,

In



*In ludos effusa ruit sudore curuli  
 Septenis ; etiam spatij obitura iuventus.  
 Incensis latè fibris altaria strident ,  
 Mille caduntque Ioui votino sanguine dona .  
 Grex ibi muscarum petulans tunc sistere circum  
 Sacrificos , pecudes , lances , liba , ora precantum ;  
 Ire , redire simul , cætusque agitare voraces .  
 Cum Diuûm Rex ( sacra colunt hunc iurgia cursus )  
 Talia profudit commoto è pectore verba .  
 Muscarum hinc migret populus , nec Olympica tecta  
 Infesto dum festa manent examine turbent .  
 Hac ubi dicta dedit , subito percussa dolore  
 Vix stetit agra cohors , damnisq; cohorrui altis ,  
 Hac , illac mæstè volitans , trepidèque pererrans .  
 Ast uni aligeras inter crescebat in ore  
 Et decor , & senium , & procero in corpore virtus :  
 Guttur seu lato , seu motis exit ab alis ,  
 Dum volat , hinc maior sonitus , grauiorque susurrus .  
 Quo toties depulsa petit , repetitque fugantem .  
 Firmior est thorax , succosior albicat aluus ,  
 Et bifido vertex cirro cristatus iaborret .  
 Densa pilis series dorsum , pectusque , latusque  
 Obtegit , & nodis benè constant crura repanda .  
 Sic animosa volat , bibula sic cuspide sugit  
 Nunc fluidos artus , semesaque viscera tabo ,  
 Marcentes putore cibos , cariemque relictam ,  
 Nunc corium plagis liuens , & pondere duro  
 Attritas costas non aqua mentis aselli ,  
 Qui longas nequicquam aures , caudæque flagellum  
 Quassauit l. ssus morsum depellat ut acrem .  
 Tot donis natam imperio , sceptrique capacem  
 Hanc musca exorant tristi succurrere sorti .  
 Qua exilium miserans , indignaque fata suarum ,  
 Sic pudibunda Iouem lacrymis affatur obortis .  
 Ergo sacris , ò Summe Pater , velut impia turba  
 Pellimur , & nostris profuga decedimus aruis ?*

*Si quid vota valent, si quid suspiria nostra,  
 Et misera voces, exaudi Rector Olympi.  
 Per volucrum dominam, gerulos & fulminis ungues,  
 Quo Cælum quassas ruptum, terramq; , rogamus.  
 Alis nos vehimur quoq; , nos quoque fidimus aethram;  
 Et nos pugnacis frontis mucro dirus obarmat.  
 Maceratas piget ararum sic linguere carnes,  
 Totque dapum in ludis cumulos, mensasque cruentas.  
 Sed postquam migrare iubes, longèque perire,  
 Non patrij Cæli rorem, non dulcia poma  
 Sugere permittis, tandem permitte, quod oro.  
 O liceat saltem gentiles querere terras  
 Quamquam non vno submotas gurgite Ponti,  
 Et quondam Eliaco de sanguine visere cretos  
 Aomidum genus antiquum, Pelopisque nepotes,  
 Arnus ubi diues Tyrrhenis conditur undis.  
 Frugiferos inter campos, & pingua culta  
 Marte ferox Pisais stat domus alta colonis  
 Sucta mari latè discretas vincere gentes,  
 Nomen adhuc retinens nostrum, & cum nomine famam.  
 Excipiat saltem muscas hac una fugatas;  
 Dum rapidi certant axes, dum sacra adolentur:  
 Exilij hac remanent nostri solatia nobis  
 Cognatos populos, Graiam diuertere ad urbem.  
 Spondemus (quid parua potest tibi reddere magnum  
 Musca?) at spondemus tamen haud ignobile munus,  
 Etruscam si quando dabis contingere terram.  
 Ad tepidos flatus, ad mollia sydera Cæli  
 Pullulat ò qualis passim quasi vere pereanni  
 Matutina cohors florum sub lumine primo,  
 Citrea quos profert malus, quos arbor ab aura  
 Nomen habens latis illic tuiissima ramis!  
 Carpere præcipuam hos cura est, prædamq; tenellam:  
 Nunc onerare pedes, nunc dorsum in plere, sinumq;  
 Germinè fragranti, & raptos sorbere liquores;  
 Quos calor ingenio recoquens, atque arte magistra,*



*Dadaleum componit opus, tam suave redundans,  
 Quantum non Syria valles, non rura Sabaa,  
 Non thus, non costum, non casum reddit amomum.  
 Hoc thymiana tuam reduces p nemus ad aram:  
 Quas prohibes, muscæ sacris donaria sistunt.  
 Annuit Omnipotens non torua fronte rogatus,  
 Atque animum multens, pœnam leniuit acerbam.  
 Tunc Regina migrat densis comitata cateruis:  
 Quæ procul gressæ longis secessibus errant  
 Dum teneant Arni ripas, sedemque cupitam.  
 Muscarum hinc proles durat de semine prisco  
 Thuscos Alohea campos benè sedula libans,  
 Quæ venire artifice exha'antia dona reformat,  
 Et noua de florum succis myrothecia condit.*

Sed quando Pisani huius insecti rarum prorsus odorem  
 huc nos traxit, repetamus licet cum Plinio, *Rerum natura* nun- 11. 2.  
 quam magis, quam in minimis tota est. quòd si idem naturæ con- 2. 103.  
 sultus in admiratione posuit, ut Pisanorum aquis calidis ranæ  
 innascerentur, ego inter rariora, & magis insolentia suaues  
 istas, & Arabiam spirantes muscellas libentiùs repono. Viue  
 diu Sospes, Fœlix, Sapiens.

Pisis 10. Kal. Iun. 1655.

Serenis. Tuæ Celsitudinis

Famulus in perpetuum obsequium pronissimus

Valerius Chimentellus.

*Quadam errata sic corrige.*

Pag. 12. lin. 12. Antoninus. 14. 8. Apuleio. In fragmento. 16. 11. loquutus. 21. 24. Cæsareis. 27. 32. deprehenduntur. 43. 26. καθέζουσαι. 49. 19. declarare. 57. 31. ὀλόχρυσαι. 58. 15. tacitum. 59. 27. S. Conulti. 42. 9. ἐκ προέδρας. 61. 21. ciulitauit. 62. 23. τὰν ὑπάτων. 64. 18. χώρα. 65. 2. diarrhæam. 68. 4. & 7. Marcilius. 72. 4. sollisternium, & 16. ἀντίσιχον, & 24. Meurs, & 26. editus, & 30. Hellenismum. 82. 31. Nilus. 88. vlt. Leggio. 92. 26. Vertigo. 96. 21. Tribunitia subfellia. A subtellijis. 117. 16. σκέλυθρα. 132. 12. puerperam, & 18. plicatilem, & 24. capse. 135. 33. qui de diuitum luxu, & 35 καθίζοιεν. 138. vlt. enumerauerit. 141. 25. acutiùs. 144. 22. Chiramaxium. 148. 32. deseruerunt. 153. 11. scabella. 156. 2. subiuncta. 162. 30. Citharistriam. 163. 31. literæ L. 168. 8. memorant. 177. 11. quid si ipsi. 190. lin. 24. post illa verba *Nine* pro *Nene*. Dum hæc autem sub excusoris manu premuntur, contingit me doceri cuiquam alteri in mentem venisse non *Bis illi*, sed *Biselli* legere in Suesiano lapide: quo pacto eum produxit Abb. Vghellius tom. 6. It. Sacra in episcop. Sueff. Felicem lubidinem agnosco, cum alioquin litera E in Biselli voce se furripuerit vetustioribus Smerio, Augustino, Grutero, qui Bis illi legerunt. reliquis contra partibus sanam illi dederunt, Vghellius corruptissimam videtur accepisse. 218. 18. Colosseæ. 230. 17. lætabatur.









97

SPECIAL 93-B  
4004

